

बह्विबाह

रहित हठ्या उचित कि ना

एतद्विषयक विचार

Bara (hamba Bandyopadhyaya
Udyotsan Pan

श्री ईश्वरचन्द्र विद्यासागर प्रणीत ।

कलिकाता ।

संस्कृत यन्त्रे मुद्रित ।

संवत् १९२८ ।

PRINTED BY PĪTĀMBARA VANDYOPĀDHYĀYA AT THE SANSKRIT
PRESS, NO. 62, AMHERST STREET, CALCUTTA 1871.

बह्विबाह

रहित हठ्या उचित कि ना

एतद्विषयक विचार

Bara (hamba hantya) hantya
hantya hantya hantya

श्री ईश्वरचन्द्र विद्यासागर प्रणीत ।

कलिकाता ।

संस्कृत यन्त्रे मुद्रित ।

संवत् १९२८ ।

PRINTED BY PĪTĀMBARA VANDYOPĀDHYĀYA AT THE SANSKRIT
PRESS, NO. 62, AMHERST STREET, CALCUTTA 1871.

বিজ্ঞাপন

এ দেশে বহুবিবাহপ্রথা প্রচলিত থাকাতে, স্ত্রীজাতির
যৎপরোনাস্তি ক্লেশ ও সমাজের বহুবিধ অনিষ্ট হইতেছে।
রাজশাসন ব্যতিরেকে, সেই ক্লেশের ও সেই অনিষ্টের
নিবারণ সম্ভাবনা নাই। এজন্য, দেশস্থ লোকে, সময়ে সময়ে,
এই কুৎসিত প্রথার নিবারণপ্রার্থনায়, রাজদ্বারে আবেদন
করিয়া থাকেন। প্রথমতঃ, ১৬ বৎসর পূর্বে, শ্রীযুত বাবু
কিশোরীচাঁদ মিত্র মহাশয়ের উদ্যোগে, বন্ধুবর্গসমবায়নামক
সভা হইতে ভারতবর্ষীয় ব্যবস্থাপক সমাজে এক আবেদনপত্র
প্রদত্ত হয়। বহুবিবাহ শাস্ত্রসম্মত কার্য্য, তাহা রহিত হইলে
হিন্দুদিগের ধর্ম্মলোপ হইবেক, অতএব এ বিষয়ে গবর্ণমেন্টে
হস্তক্ষেপ করা বিধেয় নহে, এই মর্মে প্রতিকূল পক্ষ হইতে
এক আবেদনপত্র প্রদত্ত হইয়াছিল। ঐ সময়ে, এই
আবেদনপত্রপ্রদান ভিন্ন, এ বিষয়ের অন্য কোনও অনুষ্ঠান
দেখিতে পাওয়া যায় নাই।

২। দুই বৎসর অতীত হইলে, বর্দ্ধমান, নবদ্বীপ, দিনাজপুর
জিলা, দিঘাপতি প্রভৃতি স্থানের রাজারা ও দেশস্থ প্রায়
সকল প্রধান লোকে, বহুবিবাহনিবারণপ্রার্থনায়, ব্যবস্থা

সমাজে আবেদনপত্র প্রদান করেন। এই সময়ে, দেশের লোকে এ বিষয়ে একমত হইয়াছিলেন, বলা যাইতে পারে কারণ, নিবারণপ্রার্থনায় প্রায় সকল স্থান হইতেই আবেদনপত্র আসিয়াছিল, তদ্বিষয়ে প্রতিকূলকথা কোনও পক্ষ হইতে উচ্চারিত হয় নাই। লোকান্তরবাসী সুপ্রসিদ্ধ বারু রমাপ্রসাদ রায় মহাশয়, এই সময়ে, এই কুৎসিত প্রথাঃ নিবারণবিষয়ে যেরূপ যত্নবান্ হইয়াছিলেন, এবং নিরতিশয় উৎসাহসহকারে অশেষপ্রকারে যেরূপ পরিশ্রম করিয়াছিলেন, তাহাতে তাঁহাকে সহস্র সাধুবাদ প্রদান করিতে হয়। ব্যবস্থাপক সমাজ বহুবিবাহনিবারণী ব্যবস্থা বিধিবদ্ধ করিবেন, সে বিষয়ে সম্পূর্ণ আশ্বাস জন্মিয়াছিল। কিন্তু, এই হতভাগ্য দেশের দুর্ভাগ্যক্রমে, সেই সময়ে রাজবিদ্রোহ উপস্থিত হইল। রাজপুরুষেরা বিদ্রোহনিবারণবিষয়ে সম্পূর্ণ ব্যাপৃত হইলেন; বহুবিবাহনিবারণবিষয়ে আর তাঁহাদের মনোযোগ দিবার অবকাশ রহিল না।

৩। এই রূপে এই মহোদ্যোগ বিফল হইয়া যায়। তৎপরে, স্বারণসীনিবাসী অধুনা লোকান্তরবাসী রাজা দেবনারায়ণ, হ মহোদয় বহুবিবাহ নিবারণবিষয়ে অত্যন্ত উৎসাহী ও দয়ালু হইয়াছিলেন। এই সময়ে, উদারচরিত রাজাবাহাদুর, ব্রতবর্ষীয় ব্যবস্থাপক সমাজের সভ্য ছিলেন। তিনি জে সমাজে এ বিষয়ের উত্থাপন করিবেন, স্থির করিয়াছিলেন। তদনুসারে তদ্বিষয়ক উদ্যোগও হইতেছিল। কিন্তু, আক্ষেপের বিষয় এই, তাঁহার ব্যবস্থাপক সমাজে প্রবেশন করিবার সময় অতীত হইয়া গেল; সুতরাং

তথায় তাঁহার অভিপ্রেত বিষয়ের উত্থাপন করিবার সুযোগ
রহিল না ।

৪। পাঁচ বৎসর অতিক্রান্ত হইল, পুনরায় বহুবিবাহ-
নিবারণের উদ্যোগ হয় । ঐ সময়ে, বর্দ্ধমান, নবদ্বীপ
প্রভৃতির রাজা দেশের অন্যান্য ভূম্যধিকারিগণ, তদ্ব্যতিরিক্ত
অনেকানেক প্রধান মনুষ্য, এবং বহুসংখ্যক সাধারণ লোক,
একমতাবলম্বী হইয়া, এ দেশের তৎকালীন লেপ্টেনেন্ট
গবর্নর শ্রীযুত সর সিমিল বীডন মহোদয়ের নিকট আবেদন-
পত্র প্রদান করেন । মহামতি সর সিমিল বীডন, আবেদনপত্র
পাইয়া, এ বিষয়ে বিলক্ষণ অনুরাগ প্রকাশ ও অনুকূল বাক্য
প্রয়োগ করিয়াছিলেন ; এবং স্বাহাতে বহুবিবাহনিবারণী
ব্যবস্থা বিধিবদ্ধ হয়, তদুপযোগী উদ্যোগও দেখিতেছিলেন
কিন্তু, উপরিস্থ কর্তৃপক্ষের অনতিপ্রায় বশতঃ, অথবা কি
হেতু বশতঃ বলিতে পারা যায় না, তিনি এতদ্বিষয়ক উদ্যোগ
হইতে বিরত হইলেন ।

৫। শেষবার আবেদনপত্র প্রদত্ত হইলে, কোন
কোনও পক্ষ হইতে আপত্তি উত্থাপিত হইয়াছিল । সেই সব
আপত্তির মীমাংসাকরা উচিত ও আবশ্যক বোধ হওয়া
এই পুস্তক মুদ্রিত হইতে আরম্ভ হয় । কিন্তু, এ বিষয়
আপাততঃ স্থগিত রহিল, এবং আমিও, ঐ সময়ে অতিশয়
পীড়িত হইয়া, কিছু কালের জন্য শয্যাগত হইলাম ; সুতরাং
তৎকালে পুস্তক মুদ্রিত করিবার তাদৃশ আবশ্যকতাও রহি
না। পর, তাহা সম্পন্ন করিয়া উঠি, আমার তাদৃ

ক্ষমতাও ছিল না । এই দুই কারণ বশতঃ, পুস্তক এত দিন অর্দ্ধমুদ্রিত অবস্থায় কালযাপন করিতেছিল ।

৬ । সম্প্রতি শুনিতেছি, কলিকাতাস্থ সনাতনধর্ম্মরক্ষিণী সভা বহুবিবাহনিবারণবিষয়ে বিলক্ষণ উদ্যোগী হইয়াছেন ; তাঁহাদের নিতান্ত ইচ্ছা, এই অতিজঘন্য, অতিনৃশংস প্রথা রহিত হইয়া যায় । এই প্রথা নিবারিত হইলে, শাস্ত্রের অবমাননা ও ধর্ম্মের ব্যতিক্রম ঘটবেক কি না, এই আশঙ্কার অপনয়নার্থে, সভার অধ্যক্ষ মহাশয়েরা ধর্ম্মশাস্ত্রব্যবসায়ী প্রধান প্রধান পণ্ডিতের মত গ্রহণ করিতেছেন, এবং রাজদ্বারে আবেদন করিবার অপরাপর উদ্যোগ দেখিতেছেন । তাঁহারা, সদভিপ্রায়প্রণোদিত হইয়া, যে অতি মহৎ দেশ-হতকর ব্যাপারে হস্তক্ষেপ করিয়াছেন, হয়ত সে বিষয়ে তাঁহাদের কিছু আনুকূল্য হইতে পারিবেক, এই ভাবিয়া, আমি পুস্তক মুদ্রিত ও প্রচারিত করিলাম ।

৭ । শেষবারের উদ্যোগের সময়, কেহ কেহ কহিয়া-লেন, রাজপুরুষেরা পরামর্শ দিয়া, কোনও ব্যক্তিকে এ য়ে প্ররত্ত করিয়াছেন, তাহাতেই বহুবিবাহনিবারণ-নার আবেদনপত্র প্রদত্ত হইয়াছে । কেহ কেহ কহিয়া-ইলেন, যাহাদের উদ্যোগে আবেদনপত্র প্রদত্ত হইয়াছে ; তাহারা হিন্দুধর্ম্মদ্বেষী, হিন্দুধর্ম্ম লোপ করিবার অভিপ্রায়ে এই উদ্যোগ করিয়াছে । কিন্তু, সনাতনধর্ম্মরক্ষিণী সভার উদ্যোগে তাদৃশ অপবাদপ্রবর্তনের অণুমাত্র সম্ভাবনা নাই । যাহাতে এ দেশে হিন্দুধর্ম্মের রক্ষা হয়, সেই উদ্দেশ্যে

সনাতনধর্মরক্ষিণী সভা সংস্থাপিত হইয়াছে। ঈদৃশ সভার
 অধ্যক্ষেরা, রাজপুরুষদিগের উপদেশের বশবর্তী হইয়া
 হিন্দুধর্ম লোপের জন্য, এই উদ্যোগ করিয়াছেন, নিতান্ত
 বর্জ্য ও নিতান্ত অনভিজ্ঞ না হইলে, কেহ এরূপ কহিতে
 পরিবেন না। তবে, প্রস্তাবিত দেশহিতকর বিষয়মাত্র
 প্রতিপক্ষতা করা যাঁহাদের অভ্যাস ও ব্যবসায়, তাঁহারা
 কোনও মতে ক্ষান্ত থাকিতে পারিবেন না। তাঁহারা, এরূপ
 মনে, উন্নতির ন্যায় বিক্ষিপ্তচিত্ত হইয়া উঠেন; এবং, যাঁহাতে
 প্রস্তাবিত বিষয়ের ব্যাঘাত ঘটে, স্বতঃ পরতঃ সে চেষ্টার
 গতি করেন না। ঈদৃশ ব্যক্তির সামাজিক দোষসংশোধনের
 সম বিপক্ষ। তাঁহাদের অদ্ভুত প্রকৃতি ও অদ্ভুত চরিত্র ;
 জেও কিছু করিবেন না, অন্যকেও কিছু করিতে দিবেন
 না। তাঁহারা চিরজীবী হউন।

৮। এ বিষয়ে যেরূপ ব্যবস্থা বিধিবদ্ধ হওয়া আবশ্যিক,
 তা দেবনারায়ণ সিংহ মহোদয়ের উদ্যোগের সময়, তাঁহার
 পাণ্ডুলেখ্য প্রস্তুত হইয়াছিল। ঐ পাণ্ডুলেখ্য, বিধিবদ্ধ হইয়া,
 এতৎপ্রদেশীয় হিন্দুসমাজের বহুবিবাহবিষয়ক ব্যবস্থারূপে
 প্রবর্তিত হইলে, দেশের ও সমাজের মঙ্গল ভিন্ন, কোনও
 প্রকার অমঙ্গল বা অসুবিধা ঘটিতে পারে, এরূপ বোধ হয়
 না। পাণ্ডুলেখ্য পুস্তকের পরিশিষ্টে মুদ্রিত হইল।

৯। পরিশেষে, সনাতনধর্মরক্ষিণী সভার নিকট প্রার্থনা
 , যখন তাঁহারা এ বিষয়ে হস্তক্ষেপ করিয়াছেন, সবিশেষ
 সতর্কতা চেষ্টা না করিয়া যেন ক্ষান্ত না হয়েন।

তাঁহারা কৃতকার্য হইতে পারিলে, দেশের ও সমাজের ে
 ের পর নাই, হিতসাধন হইবেক, তাহা বলা বাহুল্যমাত্র
 সেরূপ সংস্কার না জন্মিলে, তাঁহারা কদাচ এ বিষয়ে প্রর
 হইতেন না । বহুবিবাহপ্রথা প্রচলিত থাকাতে, সমাজে
 মহীয়সী অনিষ্টপরম্পরা ঘটিতেছে, তদদর্শনে তদীয় অন্তঃকর
 বহুবিবাহবিষয়ে ঘৃণা ও দ্বেষ জন্মিয়াছে ; সেই ঘৃণা প্রযুক্ত
 সেই দ্বেষ বশতঃ, তাঁহারা তন্নিবারণবিষয়ে উদ্যোগ
 হইয়াছেন, তাহার সংশয় নাই ।

শ্রীঈশ্বরচন্দ্র শর্মা

কাশীপুর

১লা আশ্বিন । সংবৎ ১৯২৮ ।

বহুবিবাহ

স্ত্রীজাতি অপেক্ষাকৃত দুর্বল ও সামাজিকনিয়মদোষে পুরুষজাতি নিতান্ত অধীন। এই দুর্বলতা ও অধীনতা নিবন্ধন, তাঁহারা পুরুষজাতির নিকট অবনত ও অপদস্থ হইয়া কালহরণ করিতেছেন। প্রভু পন্ন প্রবল পুরুষজাতি, যদৃচ্ছাপ্রযুক্ত হইয়া, অত্যাচার ও অন্যায় করিয়া থাকেন, তাঁহারা নিতান্ত নিকপায় হইয়া, সেই সমস্ত করিয়া জীবনযাত্রা সমাধান করেন। পৃথিবীর প্রায় সর্ব প্রদে স্ত্রীজাতির ঈদৃশী অবস্থা। কিন্তু, এই হতভাগ্য দেশে, পুরুষজাতি নৃশংসতা, স্বার্থপরতা, অবিমৃশ্যকারিতা প্রভৃতি দোষের আতিশ বশতঃ, স্ত্রীজাতির যে অবস্থা ঘটিয়াছে, তাহা অন্যত্র কুত্রাপি লি হয় না। অত্রত্য পুরুষজাতি, কতিপয় অতিগর্হিত প্রথার নিত বশবর্তী হইয়া, হতভাগা স্ত্রীজাতিকে অশেষবিধ যাতনাপ্রদান ক আসিতেছেন। তন্মধ্যে বহুবিবাহপ্রথা এক্ষণে সর্বাপেক্ষা অধি অনিষ্টকর হইয়া উঠিয়াছে। এই অতিজঘন্য অতিনৃশংস প্রথা প্রচ থাকাতে, স্ত্রীজাতির দুর্বস্থার ইয়ত্তা নাই। এই প্রথার প্র প্রযুক্ত, তাঁহাদিগকে যে সমস্ত ক্লেশ ও যাতনা ভোগ করিতে হই তৎসমুদায় আলোচনা করিয়া দেখিলে, হৃদয় বিদীর্ণ হইয়া যায়। ক এতশূলক অত্যাচার এত অধিক ও এত অসহ্য হইয়া উঠিয়া

বহুবিবাহ ।

মানবের কিঞ্চিৎমাত্র হিতাহিতবোধ ও সদসদ্বিবেকশক্তি আছে, দৃশ্য ব্যক্তিমাতেই এই প্রথার বিষম বিদ্বেষী হইয়া উঠিয়াছেন । হৃদয়ের আন্তরিক ইচ্ছা, এই প্রথা এই দণ্ডে রহিত হইয়া যায় । অধুনা প্রথার যেরূপ অবস্থা ঘটিয়াছে, তাহাতে রাজশাসন ব্যতিরেকে, দেশব্যাপক দোষ নিবারণের উপায়ান্তর নাই । এজন্য, অনেকে হতবুদ্ধ হইয়া, অশেষদোষাম্পদ বহুবিবাহপ্রথা নিবারণের নিষিদ্ধ, জিহ্বা-আবেদন করিয়াছেন । এ বিষয়ে কোনও কোনও পক্ষ হইতে আপত্তি উত্থাপিত হইতেছে ।

প্রথম আপত্তি।

এরূপ কতগুলি লোক আছেন যে বহুবিবাহপ্রথা দোষকীর্তন বা নিবারণকথার উত্থাপন হইলে, তাঁহারা খড়্গাহস্ত হইয়া উঠেন। তাঁহাদের এরূপ সংস্কার আছে, বহুবিবাহকাণ্ড শাস্ত্রানুমত ও ধর্ম্মানুগত ব্যাপার। যাঁহারা এ বিষয়ে বিরাগ বা বিদ্বেষ প্রদর্শন করেন, তাঁহাদের মতে তাদৃশ ব্যক্তি সকল শাস্ত্রদ্রোহী ধর্ম্মদেবী নাস্তিক ও নরাদম বলিয়া পরিগণিত। তাঁহারা সিদ্ধান্ত করিয়া রাখিয়াছেন, বহুবিবাহপ্রথা নিবারিত হইলে, শাস্ত্রের অবমাননা ও ধর্ম্মলোপ ঘটবেক। তাঁহারা শাস্ত্র ও ধর্ম্মের দোহাই দিয়া বিবাদ ও বাদানুবাদ করিয়া থাকেন; কিন্তু, এ বিষয়ে শাস্ত্রেই বা কতদূর পর্য্যন্ত অনুমোদন আছে, এবং পুরুষজাতির উচ্ছৃঙ্খল ব্যবহার দ্বারাই বা কতদূর পর্য্যন্ত অনার্য্য আচরণ ঘটিয়া উঠিয়াছে, তাহা সবিশেষ অবগত নহেন। এ দেশে সকল ধর্ম্মই শাস্ত্রমূলক, শাস্ত্রে যে বিষয়ের বিধি আছে, তাহাই ধর্ম্মানুগত বলিয়া পরিগৃহীত; আর শাস্ত্রে যাহা প্রতিষিদ্ধ হইয়াছে, তাহাই ধর্ম্মবহির্ভূত বলিয়া পরিগণিত হইয়া থাকে। সুতরাং, বিবাহবিষয়ে শাস্ত্রকারদিগের যে সমস্ত বিধি অথবা নিষেধ আছে, তৎসমুদয় পরীক্ষিত হইলেই, বহুবিবাহকাণ্ড শাস্ত্রানুমত ও ধর্ম্মানুগত ব্যাপার কি না, এবং বহুবিবাহপ্রথা নিবারিত হইলে শাস্ত্রের অবমাননা ও ধর্ম্মলোপের শঙ্কা আছে কি না, অবধারিত হইতে পারিবেক।

দক্ষ কহিয়াছেন,

অনাশ্রমী ন তিষ্ঠেতু দিনমেকমপি দ্বিজঃ ।

আশ্রমেণ বিনা তিষ্ঠন্ প্রায়শ্চিত্তীয়তে হি সঃ ॥ (১)

দ্বিজ, অর্থাৎ ব্রাহ্মণ, ক্ষত্রিয়, বৈশ্য, এই তিন বর্ণ আশ্রমবিহীন হইয়া এক দিনও থাকিবেক না ; বিনা আশ্রমে অবস্থিত হইলে পাতকপ্রাপ্ত হয় ।

এই শাস্ত্র অনুসারে, আশ্রমবিহীন হইয়া থাকা দ্বিজের পক্ষে নিষিদ্ধ ও পাতকজনক । দ্বিজপদ উপলক্ষণমাত্র, ব্রাহ্মণ, ক্ষত্রিয়, বৈশ্য, শূদ্র, চারি বর্ণের পক্ষেই এই ব্যবস্থা ।

বামনপুরাণে নির্দিষ্ট আছে,

চত্বার আশ্রমশৈব ব্রাহ্মণস্য প্রকীর্তিতাঃ ।

ব্রহ্মচর্যঞ্চ গার্হস্থ্যং বানপ্রস্থঞ্চ ভিক্ষুকম্ ।

ক্ষত্রিয়স্তাপি কথিতা আশ্রমাস্তর এব হি ।

ব্রহ্মচর্যঞ্চ গার্হস্থ্যমাশ্রমদ্বিতয়ং বিশঃ ।

গার্হস্থ্যমুচিতন্তেকং শূদ্রস্য ক্ষণমাচরেৎ ॥ (২)

ব্রহ্মচর্য, গার্হস্থ্য, বানপ্রস্থ, সন্ন্যাস, ব্রাহ্মণের এই চারি আশ্রম নির্দিষ্ট আছে ; ক্ষত্রিয়ের প্রথম তিন ; বৈশ্যের প্রথম দুই ; শূদ্রের গার্হস্থ্যমাত্র এক আশ্রম ; সে ক্ষণ চিত্তে তাহারই অনুষ্ঠান করিবেক ।

এই ব্যবস্থা অনুসারে, সমুদয়ে ব্রহ্মচর্য, গার্হস্থ্য, বানপ্রস্থ, সন্ন্যাস, এই চারি আশ্রম । কালভেদে ও অধিকারিভেদে মনুষ্যের পক্ষে এই আশ্রমচতুষ্টয়ের অন্যতম অবলম্বন আবশ্যিক ; নতুবা আশ্রমভ্রংশনিবন্ধন পাতকপ্রাপ্ত হইতে হয় । ব্রাহ্মণ চারি আশ্রমেই অধিকারী ; ক্ষত্রিয় ব্রহ্মচর্য, গার্হস্থ্য, বানপ্রস্থ এই তিন আশ্রমে ; বৈশ্য ব্রহ্মচর্য, গার্হস্থ্য

এই দুই আশ্রমে ; শূদ্র একমাত্র গার্হস্থ্য আশ্রমে অধিকারী। উপনয়ন-সংস্কারান্তে, গুরুকূলে অবস্থিতিপূর্ব্বক, বিদ্যাত্যাস ও সদাচারশিক্ষাকে ব্রহ্মচর্য্য বলে ; ব্রহ্মচর্য্যসমাপনান্তে, বিবাহ করিয়া, সংসারযাত্রা-সম্পাদনকে গার্হস্থ্য বলে ; গার্হস্থ্যধর্ম্মপ্রতিপালনান্তে, যোগাত্যাসার্থে বনবাস আশ্রয়কে বানপ্রস্থ বলে ; বানপ্রস্থধর্ম্মসমাধানান্তে, সর্ববিষয়-পরিত্যাগকে সন্ন্যাস বলে ।

মনু কহিয়াছেন,

গুরুণানুমতঃ স্নাত্বা সমাবর্ত্তো যথাবিধি ।

উদ্বহেত দ্বিজো ভার্য্যাং সর্বণাং লক্ষণাবিতাম্ ॥ ৩। ৪।

দ্বিজ, গুরুর অনুজ্ঞানান্তে, যথাবিধানে স্নান ও সমাবর্ত্তন(৩)

করিয়া সজাতীয়া সুলক্ষণা ভার্য্যার পাণিগ্রহণ করিবেক ।

বিবাহের এই প্রথম বিধি । এই বিধি অনুসারে, বিদ্যাত্যাস ও সদাচারশিক্ষার পর, দারপরিগ্রহ করিয়া, মনুষ্য গৃহস্থাশ্রমে প্রবিষ্ট হয় ।

ভার্য্যারৈ পূর্ব্বমারিণ্যৈ দত্ত্বাধীনন্ত্যকর্ম্মণি ।

পুনর্দারক্রিয়াং কুর্য্যাৎ পুনরাধানমেব চ ॥ ৫। ১৬৮। (৪)

পূর্ব্বমৃত্তা স্ত্রীর যথাবিধি অন্ত্যেষ্টিক্রিয়া নির্বাহ করিয়া, পুনরায়

দারপরিগ্রহ ও পুনরায় অগ্ন্যাধান করিবেক ।

বিবাহের এই দ্বিতীয় বিধি । এই বিধি অনুসারে, স্ত্রীবিয়োগ হইলে গৃহস্থ ব্যক্তির পুনরায় দারপরিগ্রহ আবশ্যক ।

মদ্যপাসাধুরতা চ প্রতিকূলা চ যা ভবেৎ ।

ব্যাদিতা বাধিবেত্তব্য হিংস্রার্থস্বী চ সর্বদা ॥ ৯। ৮০। (৫)

(৩) বেদাধ্যয়ন ও ব্রহ্মচর্য্যসমাপনের পর গৃহস্থাশ্রমপ্রবেশের পূর্বে অনুষ্ঠীয়মান ক্রিয়াবিশেষ ।

(৪) মনুসংহিতা ।

(৫) মনুসংহিতা ।

যদি স্ত্রী সুরাপায়িনী, ব্যভিচারিণী, সতত স্বামীর অভিপ্রায়ের
বিপরীতকারিণী, চিররোগিণী, অতিক্রুরস্বভাবা, ও অর্থনাশিনী
হয়, তৎসম্বন্ধে অধিবেদন, অর্থাৎ পুনরায় দারপরিগ্রহ, করিবেক ।

বক্ষ্যাম্যেমেহধিবেদ্যাদে দশমে তু মৃতপ্রজা ।

একাদশে স্ত্রীজননী সদ্যস্তুপ্রিয়বাদিনী ॥ ৯ । ৮১ । (৬)

স্ত্রী বক্ষা হইলে অষ্টম বর্ষে, মৃতপুত্রা হইলে দশম বর্ষে, কণ্ঠামাত্র-
প্রসবিনী হইলে একাদশ বর্ষে, ও অপ্রিয়বাদিনী (৭) হইলে
কালান্তিপাত ব্যতিরেকে, অধিবেদন করিবেক ।

বিবাহের এই তৃতীয় বিধি । এই বিধি অনুসারে, স্ত্রী বক্ষা প্রভৃতি
অবধারিত হইলে তাহার জীবদ্দশায় পুনরায় বিবাহ করা আবশ্যিক ।

সবর্ণাণ্যে দ্বিজাতীনাং প্রশস্তা দারকর্মণি ।

কামতন্তু প্রবৃত্তানামিমাঃ স্যুঃ ক্রমশো বরাঃ ॥ ৩ । ১২ ।

শূদ্রৈব ভার্য্যা শূদ্রস্য সা চ স্বা চ বিশঃ স্মৃতে ।

তে চ স্বা চৈব রাজ্ঞশ্চ তাশ্চ স্বা চাণ্ডালজন্মনঃ ॥ ৩ । ১৩ । (৮)

দ্বিজাতির পক্ষে অণ্ডে সবর্ণাবিবাহই বিহিত । কিন্তু, যাহারা
যদৃচ্ছাক্রমে বিবাহ করিতে প্রবৃত্ত হয়, তাহার। অনুলোমক্রমে
বর্ণান্তরে বিবাহ করিবেক ; অর্থাৎ ব্রাহ্মণের ব্রাহ্মণী, ক্ষত্রিয়,
বৈশ্যা, শূদ্রা ; ক্ষত্রিয়ের ক্ষত্রিয়া, বৈশ্যা, শূদ্রা ; বৈশ্যের বৈশ্যা,
শূদ্রা ; শূদ্রের একমাত্র শূদ্রা ভার্য্যা হইতে পারে ।

বিবাহের এই চতুর্থ বিধি । এই বিধি অনুসারে, সবর্ণাবিবাহই ব্রাহ্মণ,
ক্ষত্রিয়, বৈশ্য এই তিন বর্ণের পক্ষে প্রশস্ত কল্প । কিন্তু, যদি কোনও
উৎকৃষ্ট বর্ণ, যথাবিধি সবর্ণাবিবাহ করিয়া, যদৃচ্ছাক্রমে পুনরায় বিবাহ
করিতে অভিলাষী হয়, তবে সে আপন অপেক্ষা নিকৃষ্ট বর্ণে বিবাহ
করিতে পারে ।

(৬) মনুসংহিতা ।

(৭) যে সতত স্বামীর প্রতি দুষ্টব কটুক্তিপ্রয়োগ করে ।

(৮) মনুসংহিতা ।

যে সমস্ত বিধি প্রদর্শিত হইল, তদনুসারে বিবাহ ত্রিবিধ নিত্য, নৈমিত্তিক, কাম্য । প্রথম বিধি অনুসারে যে বিবাহ করিতে হয়, তাহা নিত্য বিবাহ ; এই বিবাহ না করিলে, মনুষ্য গৃহস্থাশ্রমে অধিকারী হইতে পারে না । দ্বিতীয় বিধির অনুযায়ী বিবাহও নিত্য বিবাহ ; তাহা না করিলে, আশ্রমভ্রংশনিবন্ধন পাতকগ্রস্ত হইতে হয় (১) । তৃতীয় বিধির অনুযায়ী বিবাহ নৈমিত্তিক বিবাহ ; কারণ, তাহা স্ত্রীর বন্ধ্যাত্ব প্রভৃতি নিমিত্ত বশতঃ করিতে হয় । চতুর্থ বিধির অনুযায়ী বিবাহ কাম্য বিবাহ । এই বিবাহ নিত্য ও নৈমিত্তিক বিবাহের স্থায় অবশ্য কর্তব্য নহে, উহা পুরুষের সম্পূর্ণ ইচ্ছাধীন, অর্থাৎ ইচ্ছা হইলে তাদৃশ বিবাহ করিতে পারে, এইমাত্র । কাম্য বিবাহে কেবল ব্রাহ্মণ, ক্ষত্রিয়, বৈশ্য এই বর্ণত্রয়ের অধিকার প্রদর্শিত হওয়াতে, শূদ্রের তাদৃশ বিবাহে অধিকার নাই ।

পুত্রলাভ ও ধর্মকার্যসাধন গৃহস্থাশ্রমের উদ্দেশ্য । দারপরিগ্রহ ব্যতিরেকে এ উভয়ই সম্পন্ন হয় না ; এই নিমিত্ত, প্রথম বিধিতে দারপরিগ্রহ গৃহস্থাশ্রমপ্রবেশের দ্বারস্বরূপ ও গৃহস্থাশ্রমসম্পাদনের অপরিহার্য উপায়স্বরূপ নির্দিষ্ট হইয়াছে । গৃহস্থাশ্রমসম্পাদনকালে, স্ত্রীবিয়োগ ঘটিলে যদি পুনরায় বিবাহ না করে, তবে সেই দারবিরহিত ব্যক্তি আশ্রমভ্রংশনিবন্ধন পাতকগ্রস্ত হয় ; এজন্য, ঐ অবস্থায় গৃহস্থ ব্যক্তির পক্ষে পুনরায় দারপরিগ্রহের অবশ্যকর্তব্যতাবোধনার্থে, শাস্ত্রকারেরা দ্বিতীয় বিধি প্রদান করিয়াছেন । স্ত্রীর বন্ধ্যাত্ব চিররোগিত্ব প্রভৃতি দোষ ঘটিলে, পুত্রলাভ ও ধর্মকার্যসাধনের ব্যাঘাত ঘটে ; এজন্য, শাস্ত্রকারেরা তাদৃশ স্থলে স্ত্রীসত্ত্বে পুনরায় বিবাহ করিবার তৃতীয় বিধি দিয়াছেন । গৃহস্থাশ্রমসম্পাদনার্থ শাস্ত্রোক্তবিধানানুসারে সর্বর্ণপরিণয়ান্তে, যদি কোনও উৎকৃষ্ট বর্ণ যদৃচ্ছাক্রমে বিবাহে প্রবৃত্ত

(১) স্ত্রীবিয়োগরূপ নিমিত্তবশতঃ করিতে হয়, এজন্য এই বিবাহের নৈমিত্তিকত্বও আছে ।

হয়, তাহার পক্ষে অসবর্ণবিবাহে অধিকারবোধনার্থ শাস্ত্রকারেরা চতুর্থ বিধি প্রদর্শন করিয়াছেন । বিবাহবিষয়ে এতদ্ব্যতিরিক্ত আর বিধি দেখিতে পাওয়া যায় না । সুতরাং, স্ত্রী বিজ্ঞমান থাকিতে, নির্দিষ্ট নিমিত্ত ব্যতিরেকে, যদৃচ্ছাক্রমে পুনরায় সবর্ণবিবাহ করা শাস্ত্রকারদিগের অনুমোদিত নহে । ফলতঃ, সবর্ণবিবাহানন্তর যদৃচ্ছাক্রমে বিবাহপ্রবৃত্ত ব্যক্তির পক্ষে অসবর্ণবিবাহের বিধি প্রদর্শিত হওয়াতে, তাদৃশ ব্যক্তির তথাবিধ স্থলে সবর্ণবিবাহ নিষিদ্ধকল্প হইতেছে ।

এরূপ বিধিকে পরিসংখ্যা বলে । পরিসংখ্যাবিধির নিয়ম এই, যে স্থল ধরিয়া বিধি দেওয়া যায়, তদ্ব্যতিরিক্ত স্থলে নিষেধ সিদ্ধ হয় । বিধি ত্রিবিধ অপূর্ববিধি, নিয়মবিধি ও পরিসংখ্যাবিধি । বিধি ব্যতিরেকে যে স্থলে কোনও রূপে প্রবৃত্তি সম্ভবে না, তাহাকে অপূর্ববিধি কহে ; যেমন, “স্বর্গকামো যজ্ঞেত”, স্বর্গকামনায় যাগ করিবেক । এই বিধি না থাকিলে, লোকে স্বর্গলাভবাসনায় কদাচ যাগে প্রবৃত্ত হইত না ; কারণ, যাগ করিলে স্বর্গলাভ হয় ইহা প্রমাণান্তর দ্বারা প্রাপ্ত নহে । যে বিধি দ্বারা কোনও বিষয় নিয়মবদ্ধ করা যায়, তাহাকে নিয়মবিধি বলে ; যেমন, “সমে যজ্ঞেত”, সম দেশে যাগ করিবেক । লোকের পক্ষে যাগ করিবার বিধি আছে ; সেই যাগ কোনও স্থানে অবস্থিত হইয়া করিতে হইবেক ; লোকে ইচ্ছানুসারে সমান অসমান উভয়বিধ স্থানেই যাগ করিতে পারিত ; কিন্তু “সমে যজ্ঞেত”, এই বিধি দ্বারা সমান স্থানে যাগ করিবেক ইহা নিয়মবদ্ধ হইল । যে বিধি দ্বারা বিহিত বিষয়ের অতিরিক্ত স্থলে নিষেধ সিদ্ধ হয়, এবং বিহিত স্থলে বিধি অনুযায়ী কার্য্য করা সম্পূর্ণ ইচ্ছাধীন থাকে, তাহাকে পরিসংখ্যাবিধি বলে ; যেমন, “পঞ্চ পঞ্চনখা ভক্ষ্যাঃ”, পাঁচটি পঞ্চনখ ভক্ষণীয় । লোকে যদৃচ্ছাক্রমে যাবতীয় পঞ্চনখ জন্তু ভক্ষণ করিতে পারিত ; কিন্তু, “পঞ্চ পঞ্চনখা ভক্ষ্যাঃ”, এই বিধি দ্বারা বিহিত শশ প্রভৃতি পঞ্চ ব্যতিরিক্ত কুকুরাদি যাবতীয় পঞ্চনখ জন্তুর ভক্ষণনিষেধ সিদ্ধ হইতেছে ;

অর্থাৎ লোকের পঞ্চনখ জন্তুর মাংসভক্ষণে প্রবৃত্তি হইলে, শশ প্রভৃতি পঞ্চ ব্যতিরিক্ত পঞ্চনখ জন্তুর মাংসভক্ষণ করিতে পারিবেক না ; শশপ্রভৃতি পঞ্চনখ জন্তুর মাংসভক্ষণও লোকের সম্পূর্ণ ইচ্ছাধীন ; ইচ্ছা হয় ভক্ষণ করিবেক, ইচ্ছা না হয় ভক্ষণ করিবেক না । সেইরূপ, যদৃচ্ছাক্রমে অধিক বিবাহে উদ্যত পুরুষ সর্বণা অসর্বণা উভয়বিধ স্ত্রীরই পাণিগ্রহণ করিতে পারিত ; কিন্তু, যদৃচ্ছাক্রমে বিবাহে প্রবৃত্তি হইলে অসর্বণাবিবাহ করিবেক, এই বিধি প্রদর্শিত হওয়াতে, যদৃচ্ছান্বলে অসর্বণাব্যতিরিক্তস্ত্রীবিবাহনিষেধ সিদ্ধ হইতেছে । অসর্বণাবিবাহও লোকের ইচ্ছাধীন, ইচ্ছা হয় তাদৃশ বিবাহ করিবেক, ইচ্ছা না হয় করিবেক না ; কিন্তু যদৃচ্ছাপ্রবৃত্ত হইয়া বিবাহ করিতে হইলে, অসর্বণাব্যতিরিক্ত বিবাহ করিতে পারিবেক না, ইহাই বিবাহবিষয়ক চতুর্থ বিধির উদ্দেশ্য । এই বিবাহবিধিকে অপূর্ববিধি বলা যাইতে পারে না ; কারণ, ঈদৃশ বিবাহ লোকের ইচ্ছাবশতঃ প্রাপ্ত হইতেছে ; যাহা কোনও রূপে প্রাপ্ত নহে, তদ্বিষয়ক বিধিকেই অপূর্ববিধি বলে । এই বিবাহবিধিকে নিয়মবিধি বলা যাইতে পারে না ; কারণ, ইহা দ্বারা অসর্বণাবিবাহ অবশ্যকর্তব্য বলিয়া নিয়মবদ্ধ হইতেছে না । সুতরাং, এই বিবাহবিধিকে অগত্যা পরিসংখ্যাবিধি বলিয়া অঙ্গীকার করিতে হইবেক (১০) ।

বিবাহবিষয়ক বিধিচতুষ্টয়ের স্কুল তাৎপর্য্য এই, প্রথম বিধি অনুসারে গৃহস্থ ব্যক্তির সর্বণাবিবাহ অবশ্য কর্তব্য ; গৃহস্থ অবস্থায় স্ত্রীবিয়োগ হইলে, দ্বিতীয় বিধি অনুসারে সর্বণাবিবাহ অবশ্য কর্তব্য ;

(১০) বিনিয়োগবিধিরপ্যপূর্ববিধিনিয়মবিধিপরিসংখ্যাবিধিভেদাঙ্গিবিধিঃ বিধিঃ বিনা কথমপি যদর্থগোচরপ্রবৃত্তির্নোপপদ্যতে অসাবপূর্ববিধিঃ নিয়ত-প্রবৃত্তিকলকো বিধিনিয়মবিধিঃ স্ববিষয়াদন্যত্র প্রবৃত্তিবিরোধী বিধিঃ পরি-সংখ্যাবিধিঃ তদুক্তঃ বিধিরত্যস্তমপ্রাপ্তৌ নিয়মঃ পাক্ষিকে সতি । তত্র চান্যত্র চ প্রাপ্তৌ পরিসংখ্যেতি গীয়তে ॥ বিধিস্বরূপ ।

স্ত্রী বক্ষ্যা প্রভৃতি স্থির হইলে, তৃতীয় বিধি অনুসারে সর্বণাবিবাহ অবশ্য কর্তব্য ; সর্বণাবিবাহ করিয়া যদৃচ্ছাক্রমে বিবাহপ্রবৃত্ত হইলে, ইচ্ছা হয় চতুর্থ বিধি অনুসারে অসর্বণা বিবাহ করিবেক, অসর্বণাব্যতিরিক্ত বিবাহ করিতে পারিবেক না । কলিযুগে অসর্বণাবিবাহব্যবহার রহিত হইয়াছে, সুতরাং যদৃচ্ছাপ্রবৃত্ত বিবাহের আর স্থল নাই ।

এক্ষণে ইহা বিলক্ষণ প্রতিপন্ন হইতেছে যে ইদানীন্তন যদৃচ্ছাপ্রবৃত্ত বহুবিবাহকাণ্ড কেবল শাস্ত্রকারদিগের অনুমোদিত নয় এরূপ নহে, উহা সম্পূর্ণ নিষিদ্ধ হইতেছে । সুতরাং যাহারা যদৃচ্ছাক্রমে বহু বিবাহ করিতেছেন, তাঁহারা নিষিদ্ধ কর্মের অনুষ্ঠানজন্য পাতকগ্রস্ত হইতেছেন । যাজ্ঞবল্ক্য কহিয়াছেন,

বিহিতস্থাননুষ্ঠানান্নিদ্দিতস্ত চ সেবনাৎ ।

অনিগ্রহাচ্ছেন্দ্రిয়াণাং নরঃ পতনমুচ্ছতি ॥ ৩ । ২১৯ ।

বিহিত বিষয়ের অবহেলন ও নিষিদ্ধ বিষয়ের অনুষ্ঠান করিলে, এবং ইন্দ্রিয়বশীকরণ করিতে না পারিলে, মনুষ্য পাতকগ্রস্ত হয় ।

কোনও কোনও মুনিবচনে এক ব্যক্তির অনেক স্ত্রী বিদ্যমান থাকা নির্দিষ্ট আছে, তদদর্শনে কেহ কেহ কহিয়া থাকেন, যখন শাস্ত্রে এক ব্যক্তির যুগপৎ বহু স্ত্রী বিদ্যমান থাকার স্পষ্ট উল্লেখ দৃষ্টিগোচর হইতেছে, তখন যদৃচ্ছাপ্রবৃত্ত বহু বিবাহ শাস্ত্রকারদিগের অনুমোদিত কার্য্য নহে, ইহা কি রূপে পরিগৃহীত হইতে পারে । তাঁহাদের অভিপ্রেত শাস্ত্র সকল এই,—

১। সর্বণানু বহুভার্য্যানু বিদ্যমানানু জ্যেষ্ঠয়া সহ
ধর্ম্মকার্য্যং কারয়েৎ (১১) ।

সজাতীয়া বহু ভার্য্যা বিদ্যমান থাকিলে, জ্যেষ্ঠার সহিত ধর্ম্ম-
কার্য্যের অনুষ্ঠান করিবেক ।

২। সৰ্বাসামৈকপত্নীনামেকা চেৎ পুত্রিণী ভবেৎ ।

সৰ্বাস্তান্তেন পুত্রেণ গ্রাহ পুত্রবতীৰ্মনুঃ ॥৯।১৮৩।(১২)

মনু কহিয়াছেন, সপত্নীদের মধ্যে যদি কেহ পুত্রবতী হয়, সেই সপত্নীপুত্র দ্বারা তাহার সকলেই পুত্রবতী গণ্য হইবেক ।

৩। ত্রিবিবাহং কৃতং যেন ন করোতি চতুর্থকম্ ।

কুলানি পাতয়েৎ সপ্ত জ্ঞহত্যাভ্রতং চরেৎ ॥ (১৩)

যে ব্যক্তি তিন বিবাহ করিয়া চতুর্থ বিবাহ না করে, সে সাত কুল পাতিত করে, তাহার জ্ঞহত্যা প্রারম্ভিত করা আবশ্যক ।

এই সকল বচনে এরূপ কিছুই নির্দিষ্ট নাই যে তদ্বারা শাস্ত্রোক্ত নিমিত্ত ব্যতিরেকে পুরুষের ইচ্ছাধীন বহু বিবাহ প্রতিপন্ন হইতে পারে । প্রথম বচনে এক ব্যক্তির বহু ভার্য্যা বিদ্যমান থাকার উল্লেখ আছে ; কিন্তু ঐ বহুভার্য্যাবিবাহ অধিবেদনের নির্দিষ্ট নিমিত্ত নিবন্ধন নহে, তাহার কোনও হেতু লক্ষিত হইতেছে না । দ্বিতীয় বচনে যে বহু বিবাহের উল্লেখ আছে, তাহা যে কেবল পূর্ব পূর্ব স্ত্রীর বন্ধ্যাত্ম নিবন্ধন ঘটয়াছিল, তাহা স্পষ্ট প্রতীয়মান হইতেছে ; কারণ, ঐ বচনে পুত্রহীনা সপত্নীদিগের বিষয়ে ব্যবস্থা প্রদত্ত হইয়াছে । তৃতীয় বচনে তিন বিবাহের পর বিবাহান্তরের অবশ্য-কর্তব্যতানির্দেশ আছে । কিন্তু এই বচন বহুবিবাহবিষয়ক নহে । ইহার স্থল এই,—যে ব্যক্তির ক্রমে দুই স্ত্রী গত হইয়াছে, সে পুনরায় বিবাহ করিলে, তাহার তিন বিবাহ হয় ; চতুর্থ বিবাহ না করিলে, তাহার প্রত্যবায় ঘটে । এই প্রত্যবায়ের পরিহারার্থে ইদানীং এক আচার প্রচলিত হইয়াছে । সে আচার এই,—বিবাহার্থী ব্যক্তি, প্রথমতঃ এক কুল গাছকে স্ত্রী কল্পনা করিয়া, উহার সহিত তৃতীয় বিবাহ সম্পন্ন করে ; তৎপরে যে বিবাহ হয়, তাহা চতুর্থবিবাহস্থলে পরিগৃহীত হইয়া

থাকে। এইরূপ তিন বিবাহ ও চারি বিবাহই এই বচনের উদ্দেশ্য। কেহ কেহ এই ব্যবস্থা করেন, যেখানে তিন স্ত্রী বর্তমান আছে, সেই স্থলে এই বচন খাটিবেক (১৪)। যদি এই ব্যবস্থা আদরণীয় হয়, তাহা হইলে বর্তমান তিন স্ত্রীর বিবাহ অধিবেদনের নির্দিষ্ট নিমিত্ত নিবন্ধন, আর চতুর্থ বিবাহ এতদ্বচনোক্তদোষপরিহাররূপ নিমিত্ত নিবন্ধন বলিতে হইবেক। অর্থাৎ, প্রথমতঃ স্ত্রীর বন্ধ্যাত্ব প্রভৃতি নিমিত্ত বশতঃ ক্রমে ক্রমে তিন বিবাহ ঘটিয়াছে; পরে, তিন স্ত্রী বিদ্যমান থাকিলে, এই বচনে যে চতুর্থ বিবাহের অবশ্যকর্তব্যতা নির্দেশ আছে, তদনুসারে পুনরায় বিবাহ করা আবশ্যক হইতেছে। মনুবচনে অধিবেদনের যে সমস্ত নিমিত্ত নির্দিষ্ট আছে, এতদ্বচনোক্তদোষপরিহার তদতিরিক্ত নিমিত্তান্তর বলিয়া পরিগণিত হইবেক।

কেহ কেহ কহিয়া থাকেন, যখন পুরাণে ও ইতিহাসে কোনও কোনও রাজার যুগপৎ বহু স্ত্রী বিদ্যমান থাকার নিদর্শন পাওয়া যাইতেছে, তখন পুরুষের বহু বিবাহ শাস্ত্রানুমত কর্ম্য নহে, ইহা কিরূপে অঙ্গীকৃত হইতে পারে। ইহা যথার্থ বটে, পূর্বকালীন কোনও কোনও রাজার বহু বিবাহের পরিচয় পাওয়া যায়; কিন্তু, সে সকল বিবাহ যদ্দৃচ্ছাপ্রবৃত্ত বিবাহ নহে। রামায়ণে উল্লিখিত আছে, রাজা দশরথের অনেক মহিলা ছিল। কিন্তু তিনি যে যদ্দৃচ্ছাক্রমে সেই সমস্ত বিবাহ করিয়াছিলেন, কোনও ক্রমে এরূপ প্রতীতি জন্মে না। রামায়ণে যেরূপ নির্দিষ্ট আছে, তদনুসারে তিনি বৃদ্ধ বয়স পর্য্যন্ত পুল্ল-মুখ নিরীক্ষণে অধিকারী হয়েন নাই। ইহা নিশ্চিত বোধ হইতেছে, তাঁহার প্রথমপরিণীতা স্ত্রী বন্ধ্যা বলিয়া পরিগণিত হইলে, তিনি দ্বিতীয় বার বিবাহ করেন; এবং সে স্ত্রীও পুল্লপ্রসব না করাতে, তাঁহারও বন্ধ্যাত্ব বোধে, রাজা পুনরায় বিবাহ করিয়াছিলেন। এইরূপে

(১৪) এতদ্বচনং বর্তমানস্ত্রীত্রিকপরিমিতি বদন্তি। উদ্ধাহতত্ব।

ক্রমে ক্রমে তাঁহার অনেক বিবাহ ঘটে । অবশেষে, চরম বয়সে, কৌশল্যা, কেকয়ী, সুমিত্রা, এই তিন মহিষীর গর্ভে তাঁহার চারি সন্তান জন্মে । সুতরাং, রাজা দশরথের বহু বিবাহ পূর্ব পূর্ব স্ত্রীর বক্ষ্যাত্মশক্তি নিবন্ধন ঘটয়াছিল, স্পষ্ট প্রতীয়মান হইতেছে । দশরথ যে কারণে বহু বিবাহ করিয়াছিলেন, অন্যান্য রাজারাও সেই কারণে, অথবা শাস্ত্রোক্ত অন্য কোনও নিমিত্তবশতঃ, একাধিক বিবাহ করেন, তাহার সংশয় নাই । তবে, ইহাও লক্ষিত হইতে পারে, কোনও কোনও রাজা, যদৃচ্ছাপ্রবৃত্ত হইয়া, বহু বিবাহ করিয়াছিলেন । কিন্তু, সেই দৃষ্টান্ত দর্শনে বহুবিবাহকাণ্ড শাস্ত্রানুমত ব্যাপার বলিয়া প্রতিপন্ন হইতে পারে না । রাজার আচার সর্বসাধারণ লোকের পক্ষে আদর্শস্বরূপে পরিগৃহীত হওয়া উচিত নহে । ভারতবর্ষীয় রাজারা স্ব স্ব অধিকারে এক প্রকার সর্বশক্তিমান ছিলেন । প্রজারা ধর্মশাস্ত্রের ব্যবস্থা অতিক্রম করিয়া চলিলে, রাজা দণ্ডবিধানপূর্বক তাহাদিগকে জায়পথে অবস্থাপিত করিতেন । কিন্তু, রাজারা উৎপথপ্রতিপন্ন হইলে, তাঁহাদিগকে ন্যায়পথে প্রবর্তিত করিবার লোক ছিল না । বস্তুতঃ, রাজারা সর্ব বিষয়ে সম্পূর্ণ স্বতন্ত্রেচ্ছ ছিলেন । সুতরাং, যদি কোনও রাজা, উচ্ছৃঙ্খল হইয়া, শাস্ত্রোক্ত নিমিত্ত ব্যতিরেকে, যদৃচ্ছাক্রমে বহু বিবাহ করিয়া থাকেন, সর্বসাধারণ লোকে, সেই দৃষ্টান্তের অনুবর্তী হইয়া, বহু বিবাহ করিলে, তাহা কোনও ক্রমে বৈধ বলিয়া প্রতিপন্ন হইতে পারে না । মনু কহিয়াছেন,—

সোহগ্নির্ভবতি বায়ুশ্চ সোহর্কঃ সোমঃ স ধর্মরাট্ ।

স কুবেরঃ স বরুণঃ স মহেন্দ্রঃ প্রভাবতঃ ॥ ৭ । ৭ ॥

বালোহপি নাবমন্তব্যো মনুষ্য ইতি ভূমিপঃ ।

মহতী দেবতা হ্যেষা নররূপেণ তিষ্ঠতি ॥ ৭ । ৮ ॥

রাজা প্রভাবে সাক্ষাৎ অগ্নি, বায়ু, সূর্য, চন্দ্র, যম, কুবের, বরুণ, ইন্দ্র । রাজা বালক হইলেও, তাঁহাকে সামান্য মনুষ্য

জ্ঞান করা উচিত নহে । তিনি নিঃসন্দেহ মহতী দেবতা, নররূপে
বিরাজ করিতেছেন ।

রাজা প্রাকৃত মনুষ্য নহেন ; শাস্ত্রকারেরা তাঁহাকে মহতী দেবতা
বলিয়া গণ্য করিয়াছেন । অতএব, যেমন দেবতার চরিত্র মনুষ্যের
অনুকরণীয় নহে ; সেইরূপ, রাজার চরিত্রও মনুষ্যের পক্ষে অনুকরণীয়
হইতে পারে না । এই নিমিত্ত, যাহা সর্বসাধারণ লোকের পক্ষে
সর্বথা অবৈধ, তেজীয়ানের পক্ষে তাহা দোষাবহ নয় বলিয়া,
শাস্ত্রকারেরা ব্যবস্থা দিয়াছেন ।

ফলতঃ, যদৃচ্ছাপ্রবৃত্ত বহুবিবাহকাণ্ড যদৃচ্ছাপ্রবৃত্তব্যবহারমূলকমাত্র ।
এই অতিজঘন্য অতিনুশংস ব্যাপার শাস্ত্রানুমত বা ধর্ম্যানুগত ব্যবহার
নহে ; এবং ইহা নিবারিত হইলে, শাস্ত্রের অবমাননা বা ধর্মলোপের
অণুমাত্র সম্ভাবনা নাই ।

দ্বিতীয় আপত্তি ।

কেহ কেহ আপত্তি করিতেছেন, বহুবিবাহপ্রথা নিবারণিত হইলে, কুলীন ব্রাহ্মণদিগের জাতিপাত ও ধর্মলোপ ঘটিবেক । এই আপত্তি স্থায়োপেত হইলে, বহুবিবাহপ্রথার নিবারণচেষ্টা কোনও ক্রমে উচিত কর্ম হইত না । কোলীশ্রুপ্রথার পূর্বাগর পর্যালোচনা করিয়া দেখিলে, এই আপত্তি স্থায়োপেত কি না, ইহা প্রতীয়মান হইতে পারিবেক ; এজন্য, কোলীশ্রুমর্ম্যাদার প্রথম ব্যবস্থা ও বর্তমান অবস্থা সংক্ষেপে উল্লিখিত হইতেছে ।

রাজা আদিশ্বর, পুন্ড্রেশ্বিয়াগের অনুষ্ঠানে কৃতসঙ্কল্প হইয়া, অধিকারস্থ ব্রাহ্মণদিগকে যজ্ঞসম্পাদনার্থে আহ্বান করেন । এ দেশের তৎকালীন ব্রাহ্মণেরা আচারভ্রষ্ট ও বেদবিহিত ক্রিয়ার অনুষ্ঠানে নিতান্ত অনভিজ্ঞ ছিলেন; সুতরাং তাঁহারা আদিশ্বরের অভিপ্রেত যজ্ঞ সম্পাদনে সমর্থ হইলেন না । রাজা, নিকপায় হইয়া, ৯৯৯ শাকে (১) কাণ্ডকুজরাজের নিকট, শাস্ত্রজ্ঞ ও আচারপুত পঞ্চ ব্রাহ্মণ প্রেরণ প্রার্থনায়, দূত প্রেরণ করিলেন । কাণ্ডকুজরাজ, তদনুসারে, পঞ্চ গোত্রের পঞ্চ ব্রাহ্মণ পাঠাইয়া দিলেন ;—

১ শাণ্ডিল্যগোত্র ভট্টনারায়ণ ।

২ কাণ্ডপগোত্র দক্ষ ।

(১) আদিশ্বরো নবনবত্ৰ্যধিকনবশতীশতাব্দে পঞ্চ ব্রাহ্মণানানায়য়ামাস ।

কৃষ্ণচন্দ্রচরিত্র ।

৩ বাৎস্যগোত্র

ছান্দড ।

৪ ভরদ্বাজগোত্র

শ্রীহর্ষ ।

৫ সাবর্ণগোত্র

বেদগর্ভ । (২)

ব্রাহ্মণেরা সম্ভ্রীক সম্ভ্রত্য অশ্বারোহণে গোড়দেশে আগমন করেন । চরণে চর্মপাদুকা, সর্বাঙ্গ মৃচীবিদ্ধ বস্ত্রে আবৃত, এইরূপ বেশে তামূল চর্ষণ করিতে করিতে, রাজবাটীর দ্বারদেশে উপস্থিত হইয়া, তাঁহারা দ্বারবানকে কহিলেন, ত্বরায় রাজার নিকট আমাদের আগমনসংবাদ দাও । দ্বারী, নরপতিগোচরে উপস্থিত হইয়া, তাঁহাদের আগমন-সংবাদ প্রদান করিলে, তিনি প্রথমতঃ অতিশয় আক্লাদিত হইলেন ; পরে, দৌবারিকমুখে তাঁহাদের আচার ও পরিচ্ছদের বিষয় অবগত হইয়া, মনে মনে কহিতে লাগিলেন, এ দেশের ব্রাহ্মণেরা আচারভ্রষ্ট ও ক্রিয়াহীন বলিয়া, আমি দূরদেশ হইতে ব্রাহ্মণ আনাইলাম । কিন্তু, যেরূপ শুনিতেছি, তাহাতে উঁহাদিগকে আচারপূত বা ক্রিয়াকুশল বলিয়া বোধ হইতেছে না । যাহা হউক, আপাততঃ সাক্ষাৎ না করিয়া, উঁহাদের আচার প্রভৃতির বিষয় সবিশেষ অবগত হই, পরে যেরূপ হয় করিব । এই স্থির করিয়া, রাজা দ্বারবানকে কহিলেন, ব্রাহ্মণ ঠাকুরদিগকে বল, আমি কার্য্যান্তরে ব্যাপ্ত আছি, এক্ষণে সাক্ষাৎ করিতে পারিব না ; তাঁহারা বাসস্থানে গিয়া শ্রান্তিদূর করুন ; অবকাশ পাইলেই, সাক্ষাৎ করিতেছি ।

এই কথা শুনিয়া দ্বারবান, ব্রাহ্মণদিগের নিকটে আসিয়া, সমস্ত

(২) ভট্টনারায়ণো দক্ষো বেদগর্ভোহথ ছান্দডঃ ।

অথ শ্রীহর্ষনামা চ কান্যকুজাৎ সমাগতাঃ ॥

শান্তিল্যগোত্রজশ্রেষ্ঠো ভট্টনারায়ণঃ কবিঃ ।

দক্ষোহথ কাশ্যপশ্রেষ্ঠো বাৎস্যশ্রেষ্ঠোহথ ছান্দডঃ ॥

ভরদ্বাজকুলশ্রেষ্ঠঃ শ্রীহর্ষো হর্ষবর্জনঃ ।

বেদগর্ভোহথ সাবর্ণো যথা বেদ ইতি শ্রুতঃ ॥

নিবেদন করিল । রাজা অবিলম্বেই তাঁহাদের সংবর্দ্ধনা করিবেন, এই স্থির করিয়া, ব্রাহ্মণেরা আশীর্বাদ করিবার নিমিত্ত জলগণ্ডুষ হস্তে দণ্ডায়মান ছিলেন ; এক্ষণে, তাঁহার অনাগমনবার্ত্তাশ্রবণে, করস্থিত আশীর্বাদবারি নিকটবর্ত্তী মল্লকাষ্ঠে ক্ষেপণ করিলেন । ব্রাহ্মণদিগের এমনই প্রভাব, আশীর্বাদবারি স্পর্শমাত্র, চিরশুষ্ক মল্লকাষ্ঠ সঞ্জীবিত, পল্লবিত ও পুষ্পফলে সুশোভিত হইয়া উঠিল (৩) । এই অদ্ভুত সংবাদ তৎক্ষণাৎ নরপতিগোচরে নীত হইল । রাজা শুনিয়া চমৎকৃত হইলেন । তাঁহাদের আচার ও পরিচ্ছদের কথা শুনিয়া, প্রথমতঃ তাঁহার মনে অশ্রদ্ধা ও বিরাগ জন্মিয়াছিল ; এক্ষণে বিলক্ষণ শ্রদ্ধা ও অনুরাগ জন্মিল । তখন তিনি, গলবস্ত্র ও কৃতাজ্জলি হইয়া, দ্বারদেশে উপস্থিত হইলেন, এবং দৃঢ়তর ভক্তিবোধ সহকারে সাক্ষাৎ প্রণিপাত করিয়া, ক্রম্যপ্রার্থনা করিলেন (৪) ।

অনন্তর, রাজা নির্দ্ধারিত শুভ দিবসে সেই পঞ্চ ব্রাহ্মণ দ্বারা পুন্ড্রেক্ষিণাগ করাইলেন । যাগপ্রভাবে রাজমহিষী গর্ভবতী ও যথাকালে পুন্ড্রবতী হইলেন । রাজা, যৎপরোনাস্তি প্রীত হইয়া, নিজ রাজ্যে বাস করিবার নিমিত্ত, ব্রাহ্মণদিগকে অত্যন্ত অনুরোধ করিতে লাগিলেন । ব্রাহ্মণেরা, রাজার নির্বন্ধ উল্লঙ্ঘনে অসমর্থ হইয়া, তদীয় প্রস্তাবে সম্মত হইলেন, এবং পঞ্চকোটি, কামকোটি,

(৩) বিক্রমপুরের লোকে বলেন, বল্লালসেনের বাটীর দক্ষিণে যে দিঘী আছে, তাহার উত্তর পাড়ে পাকা ঘাটের উপর ঐ বৃক্ষ অদ্যাপি সঞ্জীব আছে । বৃক্ষ অতি বৃহৎ ; নাম গজারিবৃক্ষ । এত-জাতীয় বৃক্ষ বিক্রমপুরের আর কোথাও নাই । ময়মনসিংহ জিলার মধুপুর পাহাড় ভিন্ন অন্যত্র কুত্রাপি লক্ষিত হয় না । মল্লকাষ্ঠ স্থলে অনেকে গজের আলানন্তর বলিয়া উল্লেখ করিয়া থাকেন ।

(৪) এই উপাখ্যান সচরাচর যেরূপ উল্লিখিত হইয়া থাকে, অবিকল সেইরূপ নির্দিষ্ট হইল ।

হরিকোটী, কক্কাগ্রাম, বটগ্রাম এই রাজদত্ত পঞ্চ গ্রামে (৫) এক এক জন বসতি করিলেন ।

ক্রমে ক্রমে এই পাঁচ জনের বটপঞ্চাশৎ সম্ভান জন্মিল । ভট্ট-নারায়ণের ষোড়শ, দক্ষের ষোড়শ, শ্রীহর্ষের চারি, বেদগর্ভের দ্বাদশ, ছান্দভের আট (৬) । এই প্রত্যেক সম্ভানকে রাজা বাসার্থে এক এক গ্রাম প্রদান করিলেন । সেই সেই গ্রামের নামানুসারে তত্তৎ সম্ভানের সম্ভানপরম্পরা অমুকগ্রামীণ, অর্থাৎ অমুকগাঁই, বলিয়া প্রসিদ্ধ হইলেন । শাণ্ডিল্যগোত্রে ভট্টনারায়ণবংশে বন্দ্য, কুমুম, দীর্ঘাকী, ঘোষলী, বটব্যাল, পারিহা, কুলকুলী, কুশারি, কুলভি, সেয়ক, গড়গড়ি, আকাশ, কেশরী, মাষচটক, বসুয়ারি, করাল, এই ষোল গাঁই (৭) । কাশ্যপগোত্রে দক্ষবংশে চট্ট, অমুলী, তৈলবাণী, পোড়ারি, হড়, গুড়, ভুরিঠাল, পালধি, পাকড়াসী, পুষলী, মূলগ্রামী, কোয়ারী, পলসারী, পীতমুণ্ডী, সিমলায়ী, ভট্ট এই ষোল গাঁই (৮) । ভরদ্বাজগোত্রে শ্রীহর্ষবংশে মুখুটী, ডিঙসাই, সাহরি, রাই এই চারি গাঁই (৯) ।

-
- (৫) পঞ্চকোটীঃ কামকোটীহরিকোটীসুতৈব চ ।
কক্কাগ্রামো বটগ্রামস্তেষাং স্থানানি পঞ্চ চ ॥
- (৬) ভট্টতঃ ষোড়শোদ্ভূতা দক্ষতশ্চাপি ষোড়শ ।
চত্বারঃ শ্রীহর্ষজাতা দ্বাদশ বেদগর্ভতঃ ।
অষ্টাবথ পরিভ্রজয়া উদ্ভূতাশ্ছান্দভান্মুনেঃ ॥
- (৭) বন্দ্যঃ কুমুমো দীর্ঘাকী ঘোষলী বটব্যালকঃ ।
পারী কুলী কুশারিষ্চ কুলভিঃ সেয়কো গড়ঃ ।
আকাশঃ কেশরী মাষো বসুয়ারিঃ করালকঃ ।
ভট্টবংশোদ্ভবা এতে শাণ্ডিল্যে ষোড়শ স্মৃতাঃ ॥
- (৮) চট্টোহমুলী তৈলবাণী পোড়ারিহড়গুড়কৌ ।
ভুরিষ্চ পালধিষ্টৈব পর্কটিঃ পুষলী তথা ।
মূলগ্রামী কোয়ারী চ পলসারী চ পীতকঃ ।
সিমলায়ী তথা ভট্ট ইমে কাশ্যপসংজ্ঞকাঃ ॥
- (৯) আদৌ মুখুটী ডিঙী চ সাহরী রাইকস্তথা ।
ভারদ্বাজ ইমে জাতাঃ শ্রীহর্ষস্য তনুদ্ভবাঃ ॥

সাবর্ণগোত্রে বেদগৰ্ভবংশে গাঙ্গুলি, পুংসিক, নন্দিগ্রামী, ঘণ্টেশ্বরী, কুন্দগ্রামী, সিয়ারি, সার্টেশ্বরী, দায়ী, নায়েরী, পারিহাল, বালিয়া, সিদ্ধল এই বার গাঁই (১০) । বাৎস্যগোত্রে ছান্দডবংশে কাঞ্জিলাল, মহিস্তা, পুতিতুণ্ড, পিপলাই, ঘোষাল, বাপুলি, কাঞ্জারী, সিমলাল এই আট গাঁই (১১) ।

ভট্টনারায়ণ প্রভৃতির আগমনের পূর্বে, এ দেশে সাতশত ঘর ব্রাহ্মণ ছিলেন । তাঁহারা তদবধি হেয় ও অশ্রদ্ধেয় হইয়া রহিলেন, এবং সপ্তশতী নামে প্রসিদ্ধ হইয়া পৃথক সম্প্রদায়রূপে পরিগণিত হইতে লাগিলেন । তাঁহাদের মধ্যে জগাই, ভাগাই, সাগাই, নানসী, আরধ, বালধবি, পিখুরী, মুলুকজুরী প্রভৃতি গাঁই ছিল । সপ্তশতী পঞ্চগোত্রবহিভূত, এজন্ত কাণ্ডকুজাগত পঞ্চ ব্রাহ্মণের সম্মানেরা ইহাদের সহিত আহার ব্যবহার ও আদান প্রদান করিতেন না ; যাঁহারা করিতেন, তাঁহারাও সপ্তশতীর ন্যায় হেয় ও অশ্রদ্ধেয় হইতেন ।

কালক্রমে আদিম্বরের বংশধরসংস হইল । সেনবংশীয় রাজারা গোড়দেশের সিংহাসনে অধিরোধ করিলেন (১২) । এই বংশোদ্ভব অতি প্রসিদ্ধ রাজা বল্লালসেনের অধিকারকালে কোলীচর্য্যাদা ব্যবস্থাপিত হয় । ক্রমে ক্রমে, কাণ্ডকুজাগত ব্রাহ্মণদিগের সম্মান-পরম্পরার মধ্যে বিদ্যালোপ ও আচারভ্রংশ ঘটিয়া আসিতেছিল,

(১০) গাঙ্গুলিঃ পুংসিকো নন্দী ঘণ্টা কুন্দ সিয়ারিকাঃ ।

সার্টো দায়ী তথা নায়েী পারী বালী চ সিদ্ধলঃ ।

বেদগৰ্ভোদ্ভবা এতে সাবর্ণে দ্বাদশ স্মৃতাঃ ॥

(১১) কাঞ্জিবিল্লী মহিস্তা চ পুতিতুণ্ডশ্চ পিপ্পলী ।

ঘোষালো বাপুলিষ্টেশ্ব কাঞ্জারী চ তটেশ্ব চ ।

সিমলালশ্চ বিজ্ঞেয়া ইমে বাৎস্যকসংজ্ঞকাঃ ॥

(১২) আদিম্বরের বংশধরসংস সেনবংশ তাজা ।

বিজয়সেনের ক্ষেত্রজ পুত্র বল্লালসেন রাজা ॥

তন্নিবারণই কোলীশ্রমর্যাদাপ্রদানের মুখ্য উদ্দেশ্য । রাজা বল্লালসেন বিবেচনা করিলেন, আচার, বিনয়, বিদ্যা প্রভৃতি সদাশ্রমের সর্বশেষ পুরস্কার করিলে, ব্রাহ্মণেরা অবশ্যই সেই সকল গুণের রক্ষাবিষয়ে সর্বশেষ যত্ন করিবেন । তদনুসারে, তিনি পরীক্ষা দ্বারা যাঁহাদিগকে নবগুণবিশিষ্ট দেখিলেন, তাঁহাদিগকে কোলীশ্রমর্যাদাপ্রদান করিলেন । কোলীশ্রমপ্রবর্তক নয় গুণ এই,—আচার, বিনয়, বিদ্যা, প্রতিষ্ঠা, তীর্থ-দর্শন, নিষ্ঠা, আত্মত্যাগ, তপস্যা, দান (১৩) । আত্মত্যাগের অর্থ পরিবর্ত ; পরিবর্ত চারিপ্রকার, আদান, প্রদান, কুশত্যাগ ও ঘটকাগ্রে প্রতিজ্ঞা (১৪) । আদান, অর্থাৎ সমান বা উৎকৃষ্ট গৃহ হইতে কন্যাগ্রহণ ; প্রদান, অর্থাৎ সমান অথবা উৎকৃষ্ট গৃহে কন্যাদান ; কুশত্যাগ, অর্থাৎ কন্যার অভাবে কুশময়ী কন্যার দান ; ঘটকাগ্রে প্রতিজ্ঞা, অর্থাৎ উভয় পক্ষে কন্যার অভাব ঘটিলে, ঘটকের সম্মুখে বাক্যমাত্র দ্বারা পরস্পর কন্যাদান । সংকুলে কন্যাদান ও সংকুল হইতে কন্যাগ্রহণ কুলের প্রধান লক্ষণ ; কিন্তু কন্যার অভাব ঘটিলে, আদানপ্রদান সম্পন্ন হয় না ; সুতরাং কন্যাহীন ব্যক্তি সম্পূর্ণ কুল-লক্ষণাক্রান্ত হইতে পারেন না । এই দোষের পরিহারার্থে কুশময়ী কন্যার দান ও ঘটকসমক্ষে বাক্যমাত্র দ্বারা পরস্পর কন্যাদানের ব্যবস্থা হয় ।

পূর্বে উল্লিখিত হইয়াছে, কান্যকুজাগত পঞ্চ ব্রাহ্মণের ঘটপঞ্চাশৎ সম্ভান এক এক গ্রামে বাস করেন ; সেই সেই গ্রামের নামানুসারে, এক এক গাঁই হয় ; তাঁহাদের সম্ভানপরম্পরা সেই সেই গাঁই বলিয়া

(১৩) আচারো বিনয়ো বিদ্যা প্রতিষ্ঠা তীর্থদর্শনম্ ।

নিষ্ঠাত্মত্যাগো দানঃ নবধা কুললক্ষণম্ ॥

এরূপ প্রবাদ আছে, পূর্বে নিষ্ঠা শান্তিস্তপো দানম্ এইরূপ পাঠ ছিল ; পরে, বল্লালকালীন ঘটকেরা শান্তিশব্দস্থলে আত্মত্যাগ নিবেশিত করিয়াছেন ।

(১৪) আদানঞ্চ প্রদানঞ্চ কুশত্যাগস্তথৈব চ ।

প্রতিজ্ঞা ঘটকাগ্রেণ পরিবর্তশ্চতুর্বিধঃ ॥

প্রসিদ্ধ হন । সমুদয়ে ৫৬ গাঁই ; তন্মধ্যে বন্দ্য, চট্ট, মুখুটি, ঘোষাল, পুতিতুঙ, গাঙ্গুলি, কাঞ্জিলাল, কুন্দগ্রামী এই আট গাঁই সর্বতোভাবে নবগুণবিশিষ্ট ছিলেন (১৫), এজন্য কোলীশ্রমর্যাদা প্রাপ্ত হইলেন । এই আট গাঁইর মধ্যে চট্টোপাধ্যায়বংশে বহুরূপ, সূচ, অরবিন্দ, হলায়ুধ, বাঙ্গাল এই পাঁচ ; পুতিতুঙবংশে গোবর্দ্ধনা-চার্য ; ঘোষালবংশে শির ; গাঙ্গোপাধ্যায়বংশে শিশ ; কুন্দগ্রামি-বংশে রোষাকর ; বন্দ্যোপাধ্যায়বংশে জাহ্নন, মহেশ্বর, দেবল, বামন, ইশান, মকরন্দ এই ছয় ; মুখোপাধ্যায়বংশে উৎসাহ, গরুড় এই দুই ; কাঞ্জিলালবংশে কানু, কুতূহল এই দুই ; সমুদয়ে এই উনিশ জন কুলীন হইলেন (১৬) । পালধি, পাকড়ানী, সিমলায়ী, বাপুলি, ভুরিঠাল, কুলকুলী, বটব্যাল, কুশারি, সেয়ক, কুসুম, ঘোষলী, মাঘচটক, বসুয়ারি, করাল, অম্বুলী, তৈলবাটী, মূলগ্রামী, পুষলী, আকাশ, পলসায়ী, কোয়ারী, সাহরি, ভট্টাচার্য, সার্বেশ্বরী, নায়েরী, দায়ী, পারিহাল, সিয়ারী, সিদ্ধল, পুংসিক, নন্দিগ্রামী, কাঞ্জারী, সিমলাল, বালী, এই ৩৪ গাঁই অষ্টগুণবিশিষ্ট ছিলেন, এজন্য

(১৫) বন্দ্যচট্টোহথ মুখুটি ঘোষালশ্চ ততঃ পরঃ ।

পুতিতুঙশ্চ গাঙ্গুলিঃ কাঞ্জিঃ কুন্দেন চার্ষমঃ ॥

(১৬) বহুরূপঃ সূচো নাম্না অরবিন্দো হলায়ুধঃ ।

বাঙ্গালশ্চ সমাখ্যাতাঃ পট্টকতে চট্টবংশজাঃ ॥

পুতির্গোবর্দ্ধনাচার্য্যঃ শিরো ঘোষালমদ্রবঃ ।

গাঙ্গুলীয়ঃ শিশো নাম্না কুন্দো রোষাকরোহপিচ ॥

জাহ্ননাখ্যস্তথা বন্দ্যো মহেশ্বর উদারধীঃ ।

দেবলো বামনশ্চৈব ইশানো মকরন্দকঃ ॥

উৎসাহগরুড়খ্যাতৌ মুখবংশসমুদ্ভবৌ ॥

কানুকুতূহলাবেতৌ কাঞ্জিকুলপ্রতিষ্ঠিতৌ ।

উনবিংশতিসংখ্যাতা মহারাজেন পূজিতাঃ ॥

শ্রোত্রিয়সংজ্ঞাতাজন হইলেন (১৭) । পূর্বোক্ত নয় গুণের মধ্যে ইহারা আয়ত্তিগুণে বিহীন ছিলেন ; অর্থাৎ, বন্দ্য প্রভৃতি আট গাঁই আদানপ্রদানবিষয়ে যেমন সাবধান ছিলেন, পালধি প্রভৃতি চৌত্রিশ গাঁই তদ্বিষয়ে তদ্রূপ সাবধান ছিলেন না ; এজন্য তাঁহারা কোলীন্যমর্যাদা প্রাপ্ত হইলেন না । আর দীর্ঘাঙ্গী, পারিহা, কুলভী, পোড়ারি, রাই, কেশরী, ঘণ্টেশ্বরী, ডিংসাই, পীতমুণ্ডী, মহিস্তা, গুড়, পিপলাই, হড়, গড়গড়ি, এই চোদ্দ গাঁই সদাচার-পরিব্রষ্ট ছিলেন, এজন্য গৌণ কুলীন বলিয়া পরিগণিত হইলেন (১৮) ।

এরূপ প্রবাদ আছে, রাজা বল্লালসেন, কোলীন্যমর্যাদাস্থাপনের দিন স্থির করিয়া, ব্রাহ্মণদিগকে নিত্যক্রিয়াসমাপনাশ্বে রাজসভায় উপস্থিত হইতে আদেশ করেন । তাহাতে কতকগুলি ব্রাহ্মণ এক প্রহরের সময়, কতকগুলি দেড় প্রহরের সময়, আর কতকগুলি আড়াই প্রহরের সময়, উপস্থিত হন । যাঁহারা আড়াই প্রহরের সময় উপস্থিত হন, তাঁহারা কোলীন্যমর্যাদা প্রাপ্ত হইলেন ; যাঁহারা দেড় প্রহরের সময়, তাঁহারা শ্রোত্রিয়, আর যাঁহারা এক প্রহরের সময়, তাঁহারা গৌণ কুলীন, হইলেন । ইহার তাৎপর্য্য এই, প্রকৃত প্রস্তাবে নিত্যক্রিয়া করিতে অধিক সময় লাগে ; সুতরাং যাঁহারা আড়াই

(১৭) পালধিঃ পর্কটিশ্চব সিমলায়ী চ বাপুলিঃ ।

ভুরিঃ কুলী বটব্যালঃ কুশারিঃ সেয়কস্তথা ।

কুসুমো ঘোষলী মাষো বসুয়ারিঃ করালকঃ ।

অশ্বুলী তৈলবাণী চ মূলগ্রামী চ পুষলী ।

আকাশঃ পলসায়ী চ কোয়ারী সাহরিস্তথা ।

ভট্টঃ মাটশ্চ নায়েরী দায়ী পারী সিয়ারিকঃ ।

সিদ্ধলঃ পুংসিকো নন্দী কাঞ্জারী সিমলালকঃ ।

বালী চেতি চতুষ্ক্রিংশদল্লানূপপূজিতাঃ ॥

(১৮) দীর্ঘাঙ্গী পারিঃ কুলভী পোড়ারী রাই কেশরী ।

ঘণ্টা ডিণ্ডী পীতমুণ্ডী মহিস্তা গুড় পিপ্পলী ।

হড়শ্চ গড়গড়িশ্চন ইমে গৌণাঃ প্রকীৰ্ত্তিতাঃ ॥

প্রহরের সময় আসিয়াছিলেন, তাঁহারা প্রকৃত প্রস্তাবে নিত্যক্রিয়া করিয়াছিলেন ; তদ্বারা রাজা তাঁহাদিগকে সদাচারপুত বলিয়া বুলিতে পারিলেন, এজন্য তাঁহাদিগকে প্রধান মর্যাদা প্রদান করিলেন। দেড় প্রহরের সময় আগতেরা আচারাংশে ন্যূন ছিলেন, এজন্য ন্যূন মর্যাদা প্রাপ্ত হইলেন ; আর এক প্রহরের সময় আগতেরা আচারভ্রষ্ট বলিয়া অবধারিত হইলেন, এজন্য রাজা তাঁহাদিগকে, হেয়জ্ঞান করিয়া, অপকৃষ্ট ব্রাহ্মণ বলিয়া পরিগণিত করিলেন ।

এই রূপে কোলীন্যমর্যাদা ব্যবস্থাপিত হইল । নিয়ম হইল, কুলীনেরা কুলীনের সহিত আদানপ্রদান নির্বাহ করিবেন ; শ্রোত্রিয়ের কন্যা গ্রহণ করিতে পারিবেন, কিন্তু শ্রোত্রিয়কে কন্যাদান করিতে পারিবেন না, করিলে কুলভ্রষ্ট ও বংশজভাবাপন্ন হইবেন (১৯) ; আর গোণ কুলীনের কন্যাগ্রহণ করিলে, এক কালে কুলক্ষয় হইবেক ; এই নিষিদ্ধ, গোণ কুলীনেরা অরি, অর্থাৎ কুলের শত্রু, বলিয়া প্রসিদ্ধ ও পরিগণিত হইলেন (২০) ।

কোলীন্যমর্যাদাব্যবস্থাপনের পর, বল্লালসেনের আদেশানুসারে, কতকগুলি ব্রাহ্মণ ঘটক এই উপাধি প্রাপ্ত হইলেন । ঘটকদিগের এই ব্যবসায় নিরূপিত হইল যে, তাঁহারা কুলীনদিগের স্তুতিবাদ ও বংশাবলী কীর্ত্তন করিবেন এবং তাঁহাদের গুণ, দোষ ও কোলীন্য-মর্যাদাসংক্রান্ত নিয়ম বিষয়ে সবিশেষ দৃষ্টি রাখিবেন । (২১)

(১৯) শ্রোত্রিয়ায় স্মৃতাং দত্ত্বা কুলীনো বংশজো ভবেৎ ।

(২০) অরয়ঃ কুলনাশকাঃ ।

যৎকন্যালাভমাত্রৈণ সমূলস্থ্য বিনশ্যতি ॥

(২১) বল্লালবিষয়ে নূনং কুলীনা দেবতাঃ স্বয়ম্ ।

শ্রোত্রিয়া মেরবো জেয়া ঘটকাঃ স্তুতিপাঠকাঃ ॥

অশং বংশং তথা দোষং যে জানন্তি মহাজনাঃ ।

ত এব ঘটকা জেয়া ন নামগ্রহণাং পরম্ ॥

কুলীন, শ্রোত্রিয় ও গোণকুলীন ব্যতিরিক্ত আর একপ্রকার ব্রাহ্মণ আছেন, তাঁহাদের নাম বংশজ । এরূপ নির্দিষ্ট আছে, ব্রাহ্মণদিগকে শ্রেণীবদ্ধ করিবার সময়, বল্লালের মুখ হইতে বংশজশব্দ নির্গত হইয়াছিল এইমাত্র ; বাস্তবিক, তিনি কোনও ব্রাহ্মণদিগকে বংশজ বলিয়া স্বতন্ত্র শ্রেণীতে বিভক্ত করেন নাই ; উত্তর কালে বংশজব্যবস্থা হইয়াছে । যে সকল কুলীনের কন্যা ঘটনাক্রমে শ্রোত্রিয়গৃহে বিবাহিতা হইল, তাঁহারা কুলভ্রষ্ট হইতে লাগিলেন । এই রূপে যাঁহাদের কুলভ্রংশ ঘটিল, তাঁহারা বংশজসংজ্ঞাভাজন ও মর্যাদাবিষয়ে গোণ কুলীনের সমকক্ষ হইলেন ; অর্থাৎ, গোণ কুলীনের কন্যাগ্রহণ করিলে যেমন কুলক্ষয় হইয়া যায়, বংশজকন্যাগ্রহণ করিলেও কুলীনের সেইরূপ কুলক্ষয় ঘটে । এতদনুসারে বংশজ ত্রিবিধ,—প্রথম, শ্রোত্রিয় পাত্রে কন্যাদাতা কুলীন বংশজ ; দ্বিতীয়, গোণ কুলীনের কন্যাগ্রাহী কুলীন বংশজ ; তৃতীয়, বংশজের কন্যাগ্রাহী কুলীন বংশজ । শুল্ক কথা এই, কোনও ক্রমে কুলক্ষয় হইলেই, কুলীন বংশজভাবাপন্ন হইয়া থাকেন (২২) ।

কৌলীন্যমর্যাদা ব্যবস্থাপিত হইলে, এতদেশীয় ব্রাহ্মণেরা পাঁচ

(২২) বল্লালের মুখ হইতে বংশজশব্দ নির্গত হইয়াছিল এইমাত্র, তিনি বংশজব্যবস্থা করেন নাই, ঘটকদিগের এই নির্দেশ সম্যক্ সংলগ্ন বোধ হয় না । ৫৬ গাঁইর মধ্যে, ৩৪ গাঁই শ্রোত্রিয়, ও ১৪ গাঁই গোণ কুলীন, বলিয়া ব্যবস্থাপিত হইয়াছিলেন ; অবশিষ্ট ৮ গাঁইর লোকের মধ্যে কেবল ১১ জন কুলীন হন, এই ১১ জন ব্যতিরিক্ত লোকদিগের বিষয়ে কোনও ব্যবস্থা দেখিতে পাওয়া যায় না । বোধ হইতেছে, বল্লাল এই সকল লোকদিগকে বংশজশ্রেণীবদ্ধ করিয়াছিলেন । বোধ হয়, ইহারাই আদিবংশজ ; তৎপরে, আদানপ্রদানদোষে যে সকল কুলীনের কুলভ্রংশ ঘটিয়াছে, তাঁহারাও বংশজসংজ্ঞাভাজন হইয়াছেন । ইহাও সম্পূর্ণ সম্ভব বোধ হয়, এই আদিবংশজেরা বল্লালের নিকট ঘটক উপাধি প্রাপ্ত হইয়াছিলেন ।

শ্রেণীতে বিভক্ত হইলেন—প্রথম, কুলীন; দ্বিতীয়, শ্রোত্রিয়; তৃতীয়, বংশজ; চতুর্থ, গোণ কুলীন; পঞ্চম, পঞ্চগোত্রবহির্ভূত সম্প্রদায় ।

কালক্রমে, গোণ কুলীনেরা শ্রোত্রিয়শ্রেণীতে নিবেশিত হইলেন, কিন্তু সর্বাংশে শ্রোত্রিয়দিগের সমান হইতে পারিলেন না । প্রকৃত শ্রোত্রিয়েরা শুদ্ধ শ্রোত্রিয়, ও গোণ কুলীনেরা কষ্ট শ্রোত্রিয়, বলিয়া উল্লিখিত হইতে লাগিলেন । গোণকুলীনসংজ্ঞাকালে তাঁহারা যেরূপ হের ও অশ্রদ্ধেয় ছিলেন, কষ্টশ্রোত্রিয়সংজ্ঞাকালেও সেইরূপ রহিলেন ।

কৌলীণ্যমর্যাদাব্যবস্থাপনের পর, ১০ পুরুষ গত হইলে, দেবীবর ঘটকবিশারদ কুলীনদিগকে মেলবন্ধ করেন । যে আচার, বিনয়, বিদ্যা প্রভৃতি গুণ দেখিয়া, বল্লাল ব্রাহ্মণদিগকে কৌলীণ্যমর্যাদাপ্রদান করিয়াছিলেন, ক্রমে ক্রমে তাহার অধিকাংশই লোপাপত্তি পায়; কেবল আয়ুতিগুণমাত্র কুলীনদিগের বড় ও আস্থা থাকে । কিন্তু, দেবীবরের সময়ে, কুলীনেরা এই গুণেও জলাঞ্জলি দিয়াছিলেন । বল্লালদত্ত কুলমর্যাদার আদানপ্রদানের বিশুদ্ধরূপ একমাত্র অবলম্বন ছিল, তাহাও লয়প্রাপ্ত হয় । যে সকল দোষে এককালে কুল নিমূল হয়, কুলীনমাত্রেই সেই সমস্ত দোষে দূষিত হইয়াছিলেন । যে যে কুলীন একবিধ দোষে দূষিত, দেবীবর তাঁহাদিগকে এক সম্প্রদায়ে নিবিষ্ট করেন । সেই সম্প্রদায়ের নাম মেল । মেলশব্দের অর্থ দোষমেলন, অর্থাৎ দোষানুসারে সম্প্রদায়বন্ধন (২৩) । দেবীবর ব্যবস্থা করেন, দোষ যায় কুল তায় (২৪) । বল্লাল গুণ দেখিয়া কুলমর্যাদার ব্যবস্থা করিয়াছিলেন; দেবীবর দোষ দেখিয়া কুলমর্যাদার ব্যবস্থা করিয়াছেন । পৃথক পৃথক দোষ অনুসারে, দেবীবর তৎকালীন কুলীনদিগকে ৩৬

(২৩) দোষান্মেলয়তীতি মেলঃ ।

* (২৪) দোষো যত্র কুলং তত্র ।

মেলে (২৫) বদ্ধ করেন । তন্মধ্যে কুলিয়া ও খড়দহ মেলের প্রাদুর্ভাব অধিক । এই দুই মেলের লোকেরাই প্রধান কুলীন বলিয়া পরিগণিত হইয়া থাকেন ; এবং, এই দুই মেলের লোকেরাই, যার পর না অত্যাচারকারী হইয়া উঠিয়াছেন । যে যে দোষে এই দুই মেল বদ্ধ হ তাহা উল্লিখিত হইতেছে ।

গঙ্গানন্দমুখোপাধ্যায় ও শ্রীপতিবন্দ্যোপাধ্যায় উভয়ে একবি দোষে লিপ্ত ছিলেন ; এজন্য, দেবীঘর এই দুয়ে কুলিয়ামেল বদ্ধ করেন নাধা, ধন্ধ, বাকুইহাটী, মুলুকজুরী এই দোষচতুষ্টয়ে কুলিয়ামেল বদ্ধ হয় । নাধানামকস্থানবাসী বন্দ্যোপাধ্যায়েরা বংশজ ছিলেন ; গঙ্গানন্দের পিতা মনোহর তাঁহাদের বাটীতে বিবাহ করেন । এই বংশজ-কন্যাবিবাহ দ্বারা তাঁহার কুলক্ষয় ও বংশজভাবাপত্তি ঘটে । মনোহরের কুলরক্ষার্থে, ঘটকেরা পরামর্শ করিয়া নাধার বন্দ্যোপাধ্যায়দিগকে শ্রোত্রিয় করিয়া দিলেন । তদবধি নাধার বন্দ্যোপাধ্যায়েরা, বাস্তবিক বংশজ হইয়াও, মাঘচটকনামে শ্রোত্রিয় বলিয়া পরিগণিত হইতে লাগিলেন । বস্তুতঃ, এই বিবাহ দ্বারা মনোহরের কুলক্ষয় ঘটিয়াছিল, কেবল ঘটকদিগের অনুগ্রহে কথঞ্চিৎ কুলরক্ষা হইল । ইহার নাম নাধাদোষ । শ্রীনাথচট্টোপাধ্যায়ের দুই অবিবাহিতা দুহিতা ছিল । হাঁসাইনামক মুসলমান, ধন্ধনামক স্থানে, বলপূর্বক ঐ দুই কন্যার জাতিপাত করে । পরে, এক কন্যা কংসারিতনয় পরমানন্দ পুতিতুণ্ড, আর এক কন্যা গঙ্গাবরবন্দ্যোপাধ্যায় বিবাহ করেন । এই গঙ্গাবরের

(২৫) ১ কুলিয়া, ২ খড়দহ, ৩ সর্কানন্দী, ৪ বলভী, ৫ সুরাই, ৬ আচার্য্যশেখরী, ৭ পণ্ডিতরত্নী, ৮ বাঙ্গাল, ৯ গোপালঘটকী, ১০ ছায়ানরেন্দ্রী, ১১ বিজয়পণ্ডিতী, ১২ চাঁদাই, ১৩ মাধাই, ১৪ বিদ্যাধরী, ১৫ পারিহাল, ১৬ শ্রীরঙ্গভট্টী, ১৭ মালাধরখানী, ১৮ কাকুছী, ১৯ হরিমজুমদারী, ২০ শ্রীবর্জনী, ২১ প্রমোদনী, ২২ দশরথঘটকী, ২৩ শুভরাজখানী, ২৪ নড়িয়া, ২৫ রায়মেল, ২৬ চট্টরাঘবী, ২৭ দেহাটী, ২৮ ছয়ী, ২৯ টেঁতরবঘটকী, ৩০ আচম্বিতা, ৩১ ধরাধরী, ৩২ বালী, ৩৩ রাঘবঘোষলী, ৩৪ শুদ্ধোসর্কানন্দী, ৩৫ সদানন্দ-

সহিত নীলকণ্ঠ গঙ্গোর আদানপ্রদান হয় । নীলকণ্ঠগঙ্গোর সহিত আদানপ্রদান দ্বারা, গঙ্গানন্দও যবনদোষে দূষিত হয়েন । ইহার নাম ধনুদোষ(২৬) । বাকুইহাটিগ্রামে ভোজন করিলে, ব্রাহ্মণের জাতিভ্রংশ ঘটিল । কাঁচনার মুখুটি অর্জুনমিশ্র ঐ গ্রামে ভোজন করিয়াছিলেন । শ্রীপতিবন্দ্যোপাধ্যায় তাঁহার সহিত আদানপ্রদান করেন । এই শ্রীপতিবন্দ্যোপাধ্যায়ের সহিত আদানপ্রদান দ্বারা গঙ্গানন্দও তদোষে দূষিত হয়েন । ইহার নাম বাকুইহাটিদোষ । গঙ্গানন্দভ্রাতৃপুত্র শিবাচার্য্য, মুলুকজুরীকন্যা বিবাহ করিয়া, কুলভ্রষ্ট ও সপ্তশতীভাবাপন্ন হন ; পরে শ্রীপতিবন্দ্যোপাধ্যায়ের কন্যা বিবাহ করেন । ইহার নাম মুলুকজুরীদোষ ।

যোগেশ্বর পণ্ডিত ও মধুচটোপাধ্যায়, উভয়ে একবিধ দোষে লিপ্ত ছিলেন ; এজন্ত এই দুয়ে খড়দহমেল বন্ধ হয় । যোগেশ্বরের পিতা হরিমুখোপাধ্যায় গড়গড়িকন্যা, যোগেশ্বর নিজে পিপলাই কন্যা, বিবাহ করেন । মধুচটোপাধ্যায় ডিংসাই রায় পরমানন্দের কন্যা বিবাহ করেন । যোগেশ্বর এই মধুচটোকে কন্যাদান করিয়াছিলেন ।

বংশজ, গোণ কুলীন ও সপ্তশতী সম্প্রদায়ের কন্যা বিবাহ করিলে, এক কালে কুলক্ষয় ও বংশজভাবাপত্তি ঘটে । কুলিয়ামেলের প্রকৃতি গঙ্গানন্দমুখোপাধ্যায়ের পিতা মনোহর বংশজকন্যা বিবাহ করেন ; গঙ্গানন্দভ্রাতৃপুত্র শিবাচার্য্য মুলুকজুরীকন্যা বিবাহ করেন । খড়দহমেলের প্রকৃতি যোগেশ্বর পণ্ডিতের পিতা হরিমুখোপাধ্যায় গড়গড়িকন্যা, যোগেশ্বর নিজে পিপলাইকন্যা, আর মধুচটোপাধ্যায়

(২৬) অনূঢ়া শ্রীনাথসুতা ধনুঘাটস্থলে গতা ।

হাঁসাইখানদারেণ যবনেন বলাৎকৃত ।

ধনুস্থানগতা কন্যা শ্রীনাথচট্টোজাভজ ।

যবনেন চ সংসৃষ্টা মোঢ়া কংসসুতেন টৈ ।

নাথাইচট্টের কন্যা হাঁসাইখানদারে ।

সেই কন্যা বিভা টকল বন্দ্য গঙ্গাবরে ॥

ডিংসাইকন্যা, বিবাহ করেন । মুলুকজুরী পঞ্চগোত্রবহির্ভূত সপ্তশতী-সম্প্রদায়ের অন্তর্ভুক্ত ; গড়গড়ি, পিপলাই ও ডিংসাই গোণ কুলীন । কুলিয়া ও খড়দহ মেলের লোকেরা কুলীন বলিয়া যে অভিমান করেন, তাহা সম্পূর্ণ ভ্রান্তিমূলক ; কারণ, বংশজ, গোণ কুলীন ও সপ্তশতী কন্যা বিবাহ দ্বারা বহু কাল তাঁহাদের কুলক্ষয় ও বংশজ-ভাবাপত্তি ঘটিয়াছে । অধিকন্তু, যবনদোষস্পর্শবশতঃ, কুলিয়ামেলের লোকদিগের জাতিভ্রংশ হইয়া গিয়াছে । এইরূপ, সকল মেলের লোকেরাই কুবিবাহাদিদোষে কুলভ্রষ্ট ও বংশজভাবাপন্ন হইয়া গিয়াছেন । ফলতঃ, মেলবন্ধনের পূর্বেই, বল্লালপ্রতিষ্ঠিত কুলমর্য্যাদার লোপাপত্তি হইয়াছে । এক্ষণে যাঁহারা কুলীন বলিয়া অভিমান করেন, তাঁহারা বাস্তবিক বহু কালের বংশজ । যাঁহারা বংশজ বলিয়া পরিগণিত হইয়া থাকেন, কোলীন্যপ্রথার নিয়মানুসারে, তাঁহাদের সহিত ইদানীন্তন কুলাভিমানী বংশজদিগের কোনও অংশে কিছুমাত্র বিভিন্নতা নাই (২৭) ।

যে রূপ দর্শিত হইল, তদনুসারে বহু কাল রাঢ়ীয় ব্রাহ্মণদিগের কোলীন্যমর্য্যাদা লয়প্রাপ্ত হইয়াছে । কোলীন্যের নিয়মানুসারে কুলীন বলিয়া গণনীয় হইতে পারেন, ইদানীং ঈদৃশ ব্যক্তিই অপ্রাপ্য ও অপ্রসিদ্ধ । অতএব, যখন কুলীনের একান্ত অসম্ভাব ঘটিয়াছে, তখন, বহুবিবাহপ্রথা নিবারণিত হইলে, কুলীনদিগের জাতিপাত ও ধর্ম্মলোপ ঘটবেক, এই আপত্তি কোনও মতে ন্যায্যোপেত বলিয়া অঙ্গীকৃত হইতে পারে না ।

দেবীঘর যে যে ঘর লইয়া মেল বন্ধ করেন, সেই সেই ঘরে

(২৭) কি কি দোষে কোন কোন মেল বন্ধ হয়, দোষমালাগ্রন্থে তাহার সবিস্তর বিবরণ আছে ; বাহুল্যভয়ে এস্থলে সে সকল উল্লিখিত হইল না । যাঁহারা সবিশেষ জানিতে চাহেন, তাঁহাদের পক্ষে দোষমালাগ্রন্থ দেখা আবশ্যক ।

আদান প্রদান ব্যবস্থাপিত হয় । মেলবন্ধনের পূর্বে, কুলীনদিগের আট ঘরে পরস্পর আদান প্রদান প্রচলিত ছিল । ইহাকে সর্কদারী বিবাহ কহিত । তৎকালে আদান প্রদানের কিছুমাত্র অসুবিধা ছিল না । এক ব্যক্তির অকারণে একাধিক বিবাহ করিবার আবশ্যকতা ঘটিত না, এবং কোনও কুলীনকন্যাকে যাবজ্জীবন অবিবাহিত অবস্থায় কালযাপন করিতে হইত না । এক্ষণে, অল্প ঘরে মেল বন্ধ হওয়াতে, কাণ্পানিকুলরক্ষার্থে, এক পাত্রে অনেক কন্যাদান অপরিহার্য্য হইয়া উঠিল । এই রূপে, দেবীবরের কুলীনদিগের মধ্যে বহু বিবাহের সূত্রপাত হইল ।

অবিবাহিত অবস্থায় কন্যার ঋতুদর্শন শাস্ত্রানুসারে ঘোরতরপাতকজনক । কাশ্যপ কহিয়াছেন,

পিতুর্গেহে চ যা কন্যা রজঃ পশ্যত্যসংস্কৃতা ।

ক্রণহত্যা পিতৃশ্লশ্যাঃ সা কন্যা রমণী স্মৃতা ॥

যন্তু তাং বরয়েৎ কন্যাং ব্রাহ্মণো জ্ঞানদূর্বলঃ ।

অশ্রাদ্ধেয়মপাংক্তেয়ং তং বিদ্যাধ্বমলীপতিম্ ॥ (২৮)

যে কন্যা অবিবাহিত অবস্থায় পিতৃগৃহে রজস্বলা হয়, তাহার পিতা ক্রণহত্যাপাপে লিপ্ত হন । সেই কন্যাকে রমণী বলে । যে জ্ঞানহীন ব্রাহ্মণ সেই কন্যার পাণিগ্রহণ করে, সে অশ্রাদ্ধেয় (২৯), অপাংক্তেয় (৩০) ও রমণীপতি ।

যম কহিয়াছেন,

যাতা চৈব পিতা চৈব জ্যেষ্ঠো ভ্রাতা তথৈব চ ।

ত্রয়ন্তে নরকং যান্তি দৃষ্ট্বা কন্যাং রজস্বলাম্ ॥ ২৩ ॥

(২৮) উদ্ধাহিতত্বমূর্ত্ত ।

(২৯) যাহাকে শ্রাদ্ধে নিমজ্জন করিয়া ভোজন করাইলে শ্রাদ্ধ পণ্ড হয় ।

(৩০) যাহার সহিত এক পংক্তিতে বসিয়া ভোজন করিতে নাই ।

যন্তাং বিবাহয়েৎ কন্যাং ব্রাহ্মণো মদমোহিতঃ ।

অসন্তাষ্যো হপাংক্তেয়ঃ স বিপ্রো বৃষলীপতিঃ ॥২৪॥(৩১)

কন্যাকে অবিবাহিত অবস্থায় রজস্বলা দেখিলে, মাতা, পিতা, জ্যেষ্ঠ ভ্রাতা, এই তিন জন নরকগামী হয়েন। যে ব্রাহ্মণ, অজ্ঞানান্ন হইয়া, সেই কন্যাকে বিবাহ করে, সে অসন্তাষ্য, (৩২) অপাংক্তেয় ও বৃষলীপতি।

পৈঠীনসি কহিয়াছেন,

যাবন্নোদ্ধিদ্ভ্যেতে স্তনৌ তাবদেব দেয়া। অথ ঋতুমতী
ভবতি দাতা প্রতিগ্রহীতা চ নরকমাপ্নোতি পিতৃ-
পিতামহপ্রপিতামহাশ্চ বিষ্ঠায়াং জায়ন্তে। তস্মান্ন-
গ্নিকা দাতব্য। ॥ (৩৩)

স্তনপ্রকাশের পূর্বেই কন্যাদান করিবেক। যদি কন্যা বিবাহের পূর্বে ঋতুমতী হয়, দাতা ও গ্রহীতা উভয়ে নরকগামী হয়, এবং পিতা, পিতামহ, প্রপিতামহ বিষ্ঠায় জন্মগ্রহণ করেন। অতএব ঋতুদর্শনের পূর্বেই কন্যাদান করিবেক।

ব্যাস কহিয়াছেন,

যদি সা দাতৃবৈকল্যাদ্ভজঃ পশ্যেৎ কুমারিকা।

ভ্রূণহতাশ্চ তাবত্যঃ পতিতঃ স্মাত্তদপ্রদঃ ॥ (৩৪)

যে ব্যক্তি দানাদিকারী, যদি তাহার দোষে কুমারী ঋতুদর্শন করে ; তবে, সেই কুমারী অবিবাহিত অবস্থায় যত বার ঋতুমতী হয়, তিনি তত বার ভ্রূণহতাপাপে লিপ্ত, এবং যথাকালে তাহার বিবাহ না দেওয়াতে, পতিত হন।

(৩১) মমসংহিতা।

(৩২) যাহার সহিত সম্ভাষণ করিলে পাতক জন্মে।

(৩৩) ভ্রূণহতবাহনকৃত দায়ভাগধত।

অবিবাহিত অবস্থায় কন্যার ঋতুদর্শন ও ঋতুমতী কন্যার পানিগ্রহণ এক্ষণকার কুলীনদিগের গৃহে সচরাচর ঘটনা । কুলীনেরা, দেবীবরের কপোলকম্পিত প্রথার আত্মবর্তী হইয়া, ঘোরতর পাতকপ্রস্তুত হইতেছেন । শাস্ত্রানুসারে বিবেচনা করিতে গেলে, তাঁহারা বহু কাল পতিত ও ধর্ম্মচ্যুত হইয়াছেন (৩৫) ।

কুলীনমহাশয়েরা যে কুলের অহঙ্কারে মত্ত হইয়া আছেন, তাহা বিধাতার সৃষ্টি নহে । বিধাতার সৃষ্টি হইলে, সে বিষয়ে স্বতন্ত্র বিবেচনা করিতে হইত । এ দেশের ব্রাহ্মণেরা বিদ্যাহীন ও আচারভ্রষ্ট হইতেছিলেন । যাহাতে তাঁহাদের মধ্যে বিদ্যা, সদাচার প্রভৃতি গুণের আদর থাকে, এক রাজা তাহার উপায়স্বরূপ কুলমর্য্যাদা ব্যবস্থা, এবং কুলমর্য্যাদা রক্ষার উপায়স্বরূপ কতকগুলি নিয়ম সংস্থাপন, করেন । সেই রাজপ্রতিষ্ঠিত নিয়ম অনুসারে বিবেচনা করিয়া দেখিলে, কুবিবাহাদি দোষে বহু কাল কুলীনমাত্রেয় কুলক্ষয় হইয়া গিয়াছে ।

(৩৫) যদিও, অবিবাহিত অবস্থায় কন্যার ঋতুদর্শন ও ঋতুমতী কন্যার পানিগ্রহণ শাস্ত্রানুসারে ঘোরতরপাতকজনক ; কিন্তু, কুলাভিমानी মহাপুরুষেরা উহাকে দোষ বলিয়া গ্রাহ্য করেন না । দোষ বোধ করিলে, অকিঞ্চিৎকরকুলাভিমানের বশবর্তী হইয়া চলিতেন না, এবং কন্যাদিগকে অবিবাহিত অবস্থায় রাখিয়া নিজে নরকগামী হইতেন না, এবং পিতা, পিতামহ, প্রপিতামহ এই তিন পুরুষকে পরলোকে বিষ্ঠাকুণ্ডে নিক্ষিপ্ত করিতেন না । হয়ত, তাঁহারা,

কামমামরগাতিষ্ঠেদগৃহে কন্যর্জুমত্যপি ।

নটচবৈনাং প্রযচ্ছতু গুণহীনায় কহিচিৎ ॥ ৯ । ৮৯ ॥

কন্যা ঋতুমতী হইয়া মৃত্যুকাল পর্য্যন্ত বরং গৃহে থাকিবেক,
তথাপি তাহাকে কদাচ নিগুণ পাত্র প্রদান করিবেক না ।

এই মানবীয় ব্যবস্থা অবলম্বন করিয়া চলেন বলিয়া ভাবিয়া থাকেন । মনু নিগুণ পাত্র কন্যাদান অবিধেয় বলিয়া নির্দেশ করিয়াছেন । কিন্তু, ইদানীন্তন কুলাভিমानी মহাশয়েরা সর্বাপেক্ষা নিগুণ ; আচার, বিনয়, বিদ্যা প্রভৃতি গুণে তাঁহারা একবারে বর্জিত হইয়াছেন । সুতরাং, তাঁহাদের অভিমত শাস্ত্র অনুসারে বিবেচনা করিতে গেলে, এক্ষণকার কুলীন পাত্র কন্যাদান করাই সর্বতোভাবে অবিধেয় বলিয়া নিঃসংশয়ে প্রতিপন্ন হইবেক ।

যখন, রাজপ্রতিষ্ঠিত নিয়ম অনুসারে, রাজদত্ত কুলমর্যাদার উচ্ছেদ হইয়াছে, তখন কুলীনমন্ত্ৰ মহাপুরুষদিগের ইদানীন্তন কুলাভিমান নিরবচ্ছিন্ন আশ্রিত্য। অনন্তর, দেবীবর যেক্রমে যে অবস্থায় কুলের ব্যবস্থা করিয়াছেন, তাহাতে কুলীনগণের অহঙ্কার করিবার কোনও হেতু দেখিতে পাওয়া যায় না। কুলীনেরা সুবোধ হইলে, অহঙ্কার না করিয়া, বরং তাদৃশ কুলের পরিচয় দিতে লজ্জিত হইতেন। লজ্জিত হওয়া দূরে থাকুক, সেই কুলের অভিমানে, শাস্ত্রের মন্তকে পদার্পণ করিয়া, স্বয়ং নরকগামী হইতেছেন, এবং পিতা, পিতামহ, প্রপিতামহ, তিন পুরুষকে পরলোকে বিষ্ঠাভূদে বাস করাইতেছেন। ধন্য রে অভিমান ! তোর প্রভাব ও মহিমার ইয়ত্তা নাই। তুই মনুষ্যজাতির অতি বিষম শত্রু। তোর কুহকে পড়িলে, সম্পূর্ণ মতিচ্ছন্ন ঘটে ; হিতাহিতবোধ, ধর্ম্মাধর্ম্মবিবেচনা একবারে অন্তর্হিত হয়।

কৌলীন্যমর্যাদাব্যবস্থাপনের পর, দশ পুরুষ গত হইলে, দেবীবর, কুলীনদিগের মধ্যে নানা বিশৃঙ্খলা উপস্থিত দেখিয়া, মেলবন্ধন দ্বারা নূতন প্রণালী সংস্থাপন করেন। এক্ষণে, মেলবন্ধনের সময় হইতে দশ পুরুষ অতীত হইয়াছে (৩৬) ; এবং কুলীনদিগের মধ্যে নানা বিশৃঙ্খলাও ঘটিয়াছে। সুতরাং, পুনরায় কোনও নূতন প্রণালী সংস্থাপনের সময় উপস্থিত হইয়াছে। প্রথমতঃ, ব্রাহ্মণদিগের মধ্যে বিশৃঙ্খলা উপস্থিত দেখিয়া, বল্লালসেন তন্নিবারণা-

(৩৬) ১ জীহর্ষ, ২ জীগর্ভ, ৩ জীনিবাস, ৪ আরব, ৫ ত্রিবিজ্রম, ৬ কাক, ৭ সাধু, ৮ জলাশয়, ৯ বাণেশ্বর, ১০ গুহ, ১১ মাধব, ১২ কোলাহল। জীহর্ষ প্রথম গৌড়দেশে আগমন করেন।

১ উৎসাহ, ২ আহিত, ৩ উদ্ধব, ৪ শিব, ৫ নৃসিংহ, ৬ গর্ভেশ্বর, ৭ মুরারি, ৮ অনিরুদ্ধ, ৯ লক্ষ্মীধর, ১০ মনোহর। মুখুজীবংশে উৎসাহ প্রথম কুলীন হন।

১ গঙ্গানন্দ, ২ রামাচার্য্য, ৩ রাঘবেন্দ্র, ৪ নীলকণ্ঠ, ৫ বিষ্ণু, ৬ রামদেব, ৭ সীতারাম, ৮ সদাশিব, ৯ গোবাচাঁদ, ১০ ঈশ্বর। গঙ্গানন্দ ফলিয়ামেলের

তিন্ধায়ে কোলীত্মমর্যাদা সংস্থাপন করেন। তৎপরে, কুলীনদিগের মধ্যে
বিশৃঙ্খলা উপস্থিত দেখিয়া, দেবীবর তন্নিবারণাশয়ে মেলবন্ধন করেন।
এক্ধণে, কুলীনদিগের মধ্যে যে অশেষবিধ বিশৃঙ্খলা উপস্থিত
হইয়াছে, কুলাভিমান পরিত্যাগ ভিন্ন তন্নিবারণের আর সড়পায় নাই।
যদি তাঁহারা স্মবোধ, ধর্মভীক ও আত্মমঙ্কলাকাঙ্ক্ষী হন, অকিঞ্চিৎকর
কুলাভিमानে বিসর্জন দিয়া, কুলীননামের কলঙ্ক বিমোচন করুন।
আর, যদি তাঁহারা কুলাভিমান পরিত্যাগ নিতান্ত অসাধ্য বা একান্ত
অবিধেয় বোধ করেন, তবে তাঁহাদের পক্ষে কোনও নূতন ব্যবস্থা
অবলম্বন করা আবশ্যিক। এ অবস্থায়, বোধ হয়, পুনরায় সর্কদ্বারী
বিবাহ প্রচলিত হওয়া ভিন্ন, কুলীনদিগের পরিত্রাণের পথ নাই।
এই পথ অবলম্বন করিলে, কোনও কুলীনের অকারণে একাধিক
বিবাহের আবশ্যকতা থাকিবেক না; কোনও কুলীনকন্তাকে,
যাবজ্জীবন বা দীর্ঘ কাল অবিবাহিত অবস্থায় থাকিয়া, পিতাকে
নরকগামী করিতে হইবেক না; এবং রাজনিয়ম দ্বারা বহুবিবাহপ্রথা
নিবারিত হইলে, কোনও ক্ষতি বা অসুবিধা ঘটবেক না। এ বিষয়ে
কুলীনদিগের ও কুলীনপক্ষপাতী মহাশয়দিগের যত্ন ও মনোযোগ
করা কর্তব্য। অনিষ্টকর, অধর্মকর কুলাভিমানের রক্ষাবিষয়ে, অন্ধ
ও অবোধের ন্যায়, সহায়তা করা অপেক্ষা, যে সকল দোষ বশতঃ
কুলীনদিগের ধর্মলোপ ও যার পর নাই অনিষ্টসংঘটন হইতেছে,
সেই সমস্ত দোষের সংশোধনপক্ষে যত্নবান হইলে, কুলীনপক্ষপাতী
মহাশয়দিগের বুদ্ধি, বিবেচনা ও ধর্মের অনুযায়ী কর্ম করা হইবেক।

ইদানীন্তন কুলাভিমানী মহাপুরুষেরা কুলীন বলিয়া অভিমান
করিতেছেন, এবং দেশস্থ লোকের পূজনীয় হইতেছেন। যদি তদীয়
চরিত্র বিশুদ্ধ ও ধর্মমার্গানুযায়ী হইত, তবে তাহাতে কেহ কোনও
ক্ষতিবোধ বা আপত্তি উত্থাপন করিত না। কিন্তু, তাঁহাদের আচরণ,
যার পর নাই, জঘন্য ও ঘণাম্পদ হইয়া উঠিয়াছে। তাঁহাদের

আচরণবিষয়ে লোকসমাজে শত শত উপখ্যান প্রচলিত আছে; এস্থলে সে সকলের উল্লেখ করা নিম্নয়োজন । ফলকথা এই, দয়া, ধর্মভয়, লোকসজ্জা প্রভৃতি একবারে তাঁহাদের হৃদয় হইতে অন্তর্হিত হইয়া গিয়াছে । কন্যাসম্মানের সুখদুঃখগণনা বা হিতাহিতবিবেচনা তদীয় চিত্তে কদাচ স্থান পায় না । কন্যা যাহাতে করণীয় ঘরে অর্পিত হয়, কেবল তদ্বিষয়ে দৃষ্টি থাকে । অঘরে অর্পিত হইলে কন্যা কুলক্ষয়কারিণী হয় ; এজন্য, কন্যার কি দশা হইবেক, সে দিকে দৃষ্টিপাত না করিয়া, যেন তেন প্রকারেণ, কন্যাকে পাত্রসাৎ করিতে পারিলেই, তাঁহারা চরিতার্থ হয়েন । অবিবাহিত অবস্থায়, কন্যা বাঁচি হইতে বহির্গত হইয়া গেলে, তাঁহাদের কুলক্ষয় ঘটে ; বাঁচিতে থাকিয়া, ব্যভিচারদোষে আক্রান্ত ও জ্ঞানহত্যাপাপে বারংবার লিপ্ত হইলে, কোনও দোষ ও হানি নাই । কথঞ্চিৎ কুলরক্ষা করিয়া, অর্থাৎ বিবাহিতা হইয়া, কন্যা স্বাভাবিকভাবেই অবলম্বন করিলে, তাঁহাদের কিঞ্চিৎ ক্ষোভ, লজ্জা বা ক্ষতিবোধ হয় না । তাহার কারণ এই যে, এ সকল ঘটনায় কুললক্ষ্মী বিচলিতা হয়েন না । যদি কুললক্ষ্মী বিচলিতা না হইলেন, তাহা হইলেই তাঁহাদের সকল দিক রক্ষা হইল । কুললক্ষ্মীরও তাঁহাদের উপর নিরতিশয় স্নেহ ও অপরিমিত দয়া । তিনি, কোনও ক্রমে, সেই স্নেহ ও সেই দয়া পরিত্যাগ করিতে পারেন না । এ স্থলে, কুললক্ষ্মীর স্নেহ ও দয়ার একটি আশ্চর্য্য উদাহরণ প্রদর্শিত হইতেছে ।

অমুক গ্রামে অমুক নামে একটি প্রধান কুলীন ছিলেন । তিনি তিন চারিটি বিবাহ করেন । অমুক গ্রামে যে বিবাহ হয়, তাহাতে তাঁহার দুই কন্যা জন্মে । কন্যারা জন্মাবধি মাতুলালয়ে থাকিয়া প্রতিপালিত হইয়াছিল । মাতুলেরা ভাগিনেয়ীদের প্রতিপালন করিতেছেন ও যথাকালে বিবাহ দিবেন এই স্থির করিয়া, পিতা নিশ্চিন্ত থাকিতেন, কোনও কালে তাহাদের কোনও তত্ত্বাবধান করিতেন না ।

দুর্ভাগ্যক্রমে, মাতুলদের অবস্থা ক্ষুণ্ণ হওয়াতে, তাঁহারা ভাগিনেয়ীদের বিবাহকার্য্য নির্বাহ করিতে পারেন নাই । প্রথম কন্যার বয়ঃক্রম ১৮।১৯ বৎসর, দ্বিতীয়াটির বয়ঃক্রম ১৫।১৬ বৎসর, এই সময়ে, কোনও ব্যক্তি ভুলাইয়া তাহাদিগকে বাণী হইতে বাহির করিয়া লইয়া যায় ।

প্রায় এক পক্ষ অতীত হইলে, তাহাদের পিতা এই দুর্ঘটনার সংবাদ পাইলেন, এবং কিল্কর্তব্যবিমূঢ় হইয়া, এক আত্মীয়ের সহিত পরামর্শ করিবার নিমিত্ত, কলিকাতায় আগমন করিলেন । আত্মীয়ের নিকট এই দুর্ঘটনার বৃত্তান্ত বর্ণন করিয়া, তিনি গলদস্ত্র লোচনে আকুল বচনে কহিতে লাগিলেন, ভাই এত কালের পর আমার কুললক্ষ্মী পরিত্যাগ করিলেন ; আর আমার জীবনধারণ রূখা ; আমি অতি হতভাগ্য, নতুবা কুললক্ষ্মী বাম হইবেন কেন । আত্মীয় কহিলেন, তুমি যে কখনও কন্যাদের কোনও সংবাদ লও নাই, এ তোমার সেই পাপের প্রতিকল । যাহা হউক, কুলীন ঠাকুর, অনেক ভাবিয়া চিন্তিয়া, অবশেষে কন্যা-পহারীর শরণাগত হইলেন এবং প্রার্থনা করিলেন, আপনি দয়া করিয়া তিন মাসের জন্য কন্যা দুটি দেন, আমি তিন মাস পরে তাহাদিগকে আপনকার নিকট পঁছাইয়া দিব । কন্যাপহারী ঝাঁহাদের অনুরোধ রক্ষা করেন, এরূপ অনেক ব্যক্তি, কুলীনঠাকুরের কাতরতা দর্শনে ও আত্মবাক্য শ্রবণে অনুকম্পাপরতন্ত্র হইয়া, অনেক অনুরোধ করিয়া, তিন মাসের জন্য, সেই দুই কন্যাকে পিতৃহস্তে সমর্পণ করাইলেন । তিনি, চরিতার্থ হইয়া, তাহাদের দুই ভগিনীকে আপন বসতিস্থানে লইয়া গেলেন, এবং এক ব্যক্তি, অঘরে বিবাহ দিবার জন্য, চুরী করিয়া লইয়া গিয়াছিল ; অনেক যত্নে, অনেক কোশলে, ইহাদের উদ্ধার করিয়াছি, ইহা প্রচার করিয়া দিলেন । কন্যারা না পলায়ন করিতে পারে, এজন্য, এক রক্ষক নিযুক্ত করিলেন । সে সর্বক্ষণ তাহাদের রক্ষণাবেক্ষণ করিতে লাগিল ।

এইরূপ ব্যবস্থা করিয়া, কুলীনঠাকুর অর্থের সংগ্রহ ও বরের অন্ত্রাণ

করিবার নিমিত্ত নির্গত হইলেন এবং এক ঘাস পরে, ভাদ্রমাসের শেষে, বিবাহোপযোগী অর্থ সংগ্রহপূর্বক এক ষষ্ঠিবর্ষীয় বর সমভিব্যাহারে বাগীতে প্রত্যাগমন করিলেন । বর কন্যাদের চরিত্রবিষয়ে কিঞ্চিৎ জানিতে পারিয়াছিলেন ; এজন্য, নিয়মিত অপেক্ষা অধিক দক্ষিণা না পাইয়া, কুলীনঠাকুরের কুলরক্ষা করিতে সম্মত হইলেন না । পর রাত্রিতেই সম্প্রদানক্রিয়া সম্পন্ন হইয়া গেল । কুলীনঠাকুরের কুলরক্ষা হইল । যাঁহারা বিবাহক্ষেত্রে উপস্থিত ছিলেন, স্বচক্ষে প্রত্যক্ষ করিয়াছেন, কুললক্ষ্মী বিচলিতা হইলেন না, এই আশ্বাসে ব্রাহ্মণের নয়নযুগলে অশ্রুধারা বহিতে লাগিল ।

পর দিন প্রভাত হইবামাত্র, বর স্বস্থানে প্রস্থান করিলেন । কতিপয় দিবস অতীত হইলে, বিবাহিতা কুলবালারাও অন্তর্হিতা হইলেন । তদবধি আর কেহ তাঁহাদের কোনও সংবাদ লয় নাই ; এবং, সংবাদ লইবার আবশ্যকতাও ছিল না । তাঁহারা পিতার কুলরক্ষা করিয়াছেন ; অতঃপর যথেষ্টচারিণী হইলে, পিতার কুলোচ্ছেদের আশঙ্কা নাই । বিশেষতঃ, তিনি কন্যাপহারীর নিকট অঙ্গীকার করিয়াছিলেন, তিন ঘাস পরে কন্যাদিগকে তাঁহার নিকট পঁছাইয়া দিবেন । বিবাহের অব্যবহিত পরেই, প্রতিশ্রুত সময় উত্তীর্ণ হইয়া যায় । সে যাহা হউক, কুলীনঠাকুর কুললক্ষ্মীর স্নেহ ও দয়ায় বঞ্চিত হইলেন না, ইহাই পরম সৌভাগ্যের বিষয় । চঞ্চলা বলিয়া লক্ষ্মীর বিলক্ষণ অপবাদ আছে । কিন্তু কুলীনের কুললক্ষ্মী সে অপবাদের আশ্রয় নহেন ।

অনেকেই এই ঘটনার সবিশেষ বিবরণ অবগত হইয়াছিলেন, কিন্তু, তদুত্তর, কেহ কুলীনঠাকুরের প্রতি অশ্রদ্ধা বা অনাদর প্রদর্শন করেন নাই ।

তৃতীয় আপত্তি।

কেহ কেহ আপত্তি করিতেছেন, বহুবিবাহপ্রথা রহিত হইলে, ভঙ্গকুলীনদিগের সর্বনাশ। এক ব্যক্তি অনেক বিবাহ করিতে না পারিলে, তাঁহাদের কৌলীন্যমর্যাদার সমূলে উচ্ছেদ ঘটবেক। এই আপত্তির বলাবল বিবেচনা করিতে হইলে, ভঙ্গকুলীনের কুল, চরিত্রপ্রভৃতির পরিচয় প্রদান আবশ্যক।

পূর্বে উল্লিখিত হইয়াছে, বংশজকন্যা বিবাহ করিলে, কুলীনের কুলক্ষয় হয়, এজন্য কুলীনেরা বংশজকন্যার পাণিগ্রহণে পরাঙ্মুখ থাকেন। এ দিকে, বংশজদিগের নিতান্ত বাসনা, কুলীনে কন্যাদান করিয়া বংশের গৌরববৃদ্ধি করেন। কিন্তু সে বাসনা অনায়াসে সম্পন্ন হইবার নহে। যাঁহারা বিলক্ষণ সঙ্গতিপন্ন, তাঁদৃশ বংশজেরাই সেই সৌভাগ্যালাভে অধিকারী। যে কুলীনের অনেক সম্ভান থাকে, এবং অর্থলোভ সাতিশয় প্রবল হয়, তিনি, অর্থলাভে চরিতার্থ হইয়া, বংশজকন্যার সহিত পুত্রের বিবাহ দেন। এই বিবাহ দ্বারা কেবল ঐ পুত্রের কুলক্ষয় হয়, তাঁহার নিজের বা অন্যান্য পুত্রের কুলমর্যাদার কোনও ব্যতিক্রম ঘটে না।

এইরূপে, যে সকল কুলীনসম্ভান, বংশজকন্যা বিবাহ করিয়া, কুলভ্রষ্ট হয়েন, তাঁহারা স্বরূতভঙ্গ কুলীন বলিয়া উল্লিখিত হইয়া থাকেন। ঐদৃশ ব্যক্তির অতঃপর বংশজকন্যা বিবাহে আর আপত্তি থাকে না। কুলভঙ্গ করিয়া কুলীনকে কন্যাদান করা বহুব্যয়সাধ্য, এজন্য সকল বংশজের ভাগ্যে সে সৌভাগ্য ঘটিয়া উঠে না। কিন্তু স্বরূতভঙ্গ কুলীনেরা কিঞ্চিৎ পাইলেই তাঁহাদিগকে চরিতার্থ করিতে

প্রস্তুত আছেন । এই সুযোগ দেখিয়া, বংশজেরা, কিকিৎ কিকিৎ দিয়া সম্মুখ করিয়া, স্বরূতভঙ্গকে কন্যাদান করিতে আরম্ভ করেন । বিবাহিতা স্ত্রীর কোনও কার্য লইতে হইবে না, অথচ আপাততঃ কিকিৎ লাভ হইতেছে, এই ভাবিয়া স্বরূতভঙ্গেরাও বংশজদিগকে উদ্ধার করিতে বিমুখ হয়েন না । এইরূপে, কিকিৎ লাভলোভে, বংশজকন্যাবিবাহকরা স্বরূতভঙ্গের প্রকৃত ব্যবসায় হইয়া উঠে ।

এতদ্ভিন্ন, ভঙ্গকুলীনদের মধ্যে এই নিয়ম হইয়াছে, অন্ততঃ স্বনয়ান পর্য্যায়ের ব্যক্তিদিগকে কন্যাদান করিতে হইবেক, অর্থাৎ স্বরূতভঙ্গের কন্যা স্বরূতভঙ্গপাত্রে দান করা আবশ্যিক । তদনুসারে, যে সকল স্বরূতভঙ্গের অবিবাহিতা কন্যা থাকে, তাঁহারাও কিকিৎ কিকিৎ দিয়া সম্মুখ করিয়া, স্বরূতভঙ্গকে কন্যাদান করেন । স্বরূতভঙ্গের পুত্র, পৌত্র প্রভৃতির পক্ষেও স্বরূতভঙ্গ পাত্রে কন্যাদান করা শ্লাঘার বিষয় ; এজন্য তাঁহারাও, সবিশেষ যত্ন করিয়া, স্বরূতভঙ্গ পাত্রে কন্যাদান করিয়া থাকেন ।

স্বরূতভঙ্গ কুলীন এইরূপে ক্রমে ক্রমে অনেক বিবাহ করেন । স্বরূতভঙ্গের পুত্রেরা এ বিষয়ে স্বরূতভঙ্গ অপেক্ষা নিতান্ত নিরুচ্ছ নহেন । তৃতীয় পুরুষ অবধি বিবাহের সংখ্যা ন্যূন হইতে আরম্ভ হয় । পূর্বে, বংশজকন্যা গ্রহণ করিলে, কুলীন এককালে কুলভ্রষ্ট ও বংশজতাবাপন্ন হইয়া হয় ও অশ্রদ্ধেয় হইতেন ; ইদানীং, পাঁচপুরুষ পর্য্যন্ত, কুলীন বলিয়া গণ্য ও মান্য হইয়া থাকেন ।

যে সকল হতভাগা কন্যা স্বরূতভঙ্গ অথবা দুপুরুষিয়া পাত্রে অর্পিতা হয়েন, তাঁহারা যাবজ্জীবন পিত্রালয়ে বাস করেন । বিবাহকর্ত্তা মহাপুরুষেরা, কিকিৎ দক্ষিণা পাইয়া, কন্যাকর্ত্তার কুলরক্ষা অথবা বংশের গৌরববৃদ্ধি করেন, এইমাত্র । সিদ্ধান্ত করা আছে, বিবাহকর্ত্তাকে বিবাহিতা স্ত্রীর তত্ত্বাবধানের, অথবা ভরণপোষণের, ভারবহন করিতে হইবেক না । সুতরাং কুলীনমহিলারা, নামমাত্রে বিবাহিতা

হইয়া, বিধবা কন্যার ন্যায়, যাবজ্জীবন পিত্রালয়ে কালযাপন করেন । স্বামিসহবাসসৌভাগ্য বিধাতা তাঁহাদের অদৃষ্টে লিখেন নাই; এবং তাঁহারাও সে প্রত্যাশা করেন না । কন্যাপক্ষীয়েরা সবিশেষ চেষ্টা পাইলে, কুলীন জামাতা শ্বশুরালয়ে আসিয়া দুই চারি দিন অবস্থিতি করেন ; কিন্তু সেবা ও বিদায়ের ক্রটি হইলে, এ জন্মে আর শ্বশুরালয়ে পদার্পণ করেন না ।

কোনও কারণে কুলীনমহিলার গর্ভসঙ্কার হইলে, তাহার পরিপাকার্থে, কন্যাপক্ষীয়দিগকে ত্রিবিধ উপায় অবলম্বন করিতে হয় । প্রথম, সবিশেষ চেষ্টা ও যত্ন করিয়া, জামাতার আনয়ন । তিনি আসিয়া, দুই এক দিন শ্বশুরালয়ে অবস্থিতি করিয়া, প্রস্থান করেন । ঐ গর্ভ তৎসহযোগসম্ভূত বলিয়া পরিগণিত হয় । দ্বিতীয়, জামাতার আনয়নে কৃতকার্য হইতে না পারিলে, ব্যভিচারসহচরী ঋণহত্যা দেবীর আরাধনা । এ অবস্থায়, এতদ্ব্যতিরিক্ত নিস্তারের আর পথ নাই । তৃতীয় উপায় অতি সহজ, অতি নির্দোষ ও সাতিশয় কোটুকজনক । তাহাতে অর্থব্যয়ও নাই, এবং ঋণহত্যা দেবীর উপাসনাও করিতে হয় না । কন্যার জননী, অথবা বাটীর অপর গৃহিণী, একটি ছেলে কোলে করিয়া, পাড়ায় বেড়াইতে যান, এবং একে একে প্রতিবেশীদিগের বাটীতে গিয়া, দেখ যা, দেখ্ বোন, অথবা দেখ্ বাছা, এইরূপ সম্ভাষণ করিয়া, কথাপ্রসঙ্গে বলিতে আরম্ভ করেন, অনেক দিনের পর কাল রাত্রিতে জামাই আসিয়াছিলেন ; হঠাৎ আসিলেন, রাত্রিকাল, কোথা কি পাব ; ভাল করিয়া খাওয়াতে পারি নাই ; অনেক বলিলাম, এক বেলা থাকিয়া, খাওয়া দাওয়া করিয়া যাও ; তিনি কিছুতেই রহিলেন না ; বলিলেন, আজ কোনও যতে থাকিতে পারিব না ; সন্ধ্যার পরেই অমুক গ্রামের যজুমদারের বাটীতে একটা বিবাহ করিতে হইবেক ; পরে, অমুক দিন, অমুক গ্রামের হালদারদের বাটীতেও বিবাহের কথা আছে, সেখানেও যাইতে

কুলীনভাগিনেয়ী যথাযোগ্য পাত্রে অর্পিতা না হইলে, বংশের গৌরব-
হানি হয়; এজন্য, তাঁহারা, ভঙ্গকুলীনের কুলমর্য্যাদার নিয়মানুসারে,
ভাগিনেয়ীদের বিবাহকার্য্য নির্বাহ করেন। এই সকল কন্যা, স্ব
স্ব জননীর ন্যায় নামমাত্রে বিবাহিতা হইয়া, মাতুলালয়ে কাল-
যাপন করেন।

কুলীনভগিনী ও কুলীনভাগিনেয়ীদের বড় দুর্গতি। তাহাদিগকে,
পিত্রালয়ে অথবা মাতুলালয়ে থাকিয়া, পাচিকা ও পরিচারিকা উভয়ের
কর্ম্ম নির্বাহ করিতে হয়। পিতা যত দিন জীবিত থাকেন,
কুলীনমহিলার তত দিন নিতান্ত দুর্বস্থা ঘটে না। তদীয় দেহাত্যয়ের
পর, ভাতারা সংসারের কর্ত্তা হইলে, তাঁহারা অতিশয় অপদস্থ হন।
প্রথরা ও মুখরা ভাতৃত্য্যারা তাঁহাদের উপর, বার পর নাই, অত্যাচার
করে। প্রাতঃকালে নিদ্রাভঙ্গ, রাত্রিতে নিদ্রাগমন, এ উভয়ের
অন্তর্বর্ত্তী দীর্ঘ কাল, উৎকট পরিশ্রম সহকারে সংসারের সমস্ত কার্য্য
নির্বাহ করিয়াও, তাঁহারা স্মৃশীলা ভাতৃত্য্যাদের নিকট প্রতিষ্ঠালাভ
করিতে পারেন না। তাহারা সর্বদাই তাঁহাদের উপর খড়াহস্ত।
তাঁহাদের অশ্রুপাতের বিশ্রাম নাই বলিলে, বোধ হয়, অতু্যক্তিদোষে
দূষিত হইতে হয় না। অনেক সময়, লাঞ্ছনা সহ্য করিতে না পারিয়া,
প্রতিবেশীদিগের বাটীতে গিয়া, অশ্রুবিসর্জন করিতে করিতে, তাঁহারা
আপন অদৃষ্টের দোষ কীর্ত্তন ও কোলীন্যপ্রথার গুণ কীর্ত্তন করিয়া
থাকেন; এবং পৃথিবীর মধ্যে কোথাও স্থান থাকিলে চলিয়া যাইতাম,
আর ও বাড়ীতে মাথা গলাইতাম না, এইরূপ বলিয়া, বিলাপ ও
পরিতাপ করিয়া, মনের আক্ষেপ মিটান। উত্তরসাধকের সংযোগ
ঘটিলে, অনেকানেক বয়স্থা কুলীনমহিলা ও কুলীনদুহিতা, যন্ত্রণাময়
পিত্রালয় ও মাতুলালয় পরিত্যাগ করিয়া, বারান্দনাবৃত্তি অবলম্বন করেন।

ফলতঃ, কুলীনমহিলা ও কুলীনতনয়াদিগের যন্ত্রণার পরিসীমা নাই।
যাঁহারা কখনও তাঁহাদের অবস্থা বিষয়ে দৃষ্টিপাত করেন, তাঁহারা

বুঝিতে পারেন, ঐ হতভাগা নারীদিগকে কত ক্লেশে কালযাপন করিতে হয় । তাঁহাদের যন্ত্রণার বিষয় চিন্তা করিলে, হৃদয় বিদীর্ণ হইয়া যায়, এবং যে হেতুতে তাঁহাদিগকে ঐ সমস্ত দুঃসহ ক্লেশ ও যন্ত্রণা ভোগ করিতে হইতেছে, তাহা বিবেচনা করিয়া দেখিলে, মনুষ্যজাতির উপর অত্যন্ত অশ্রদ্ধা জন্মে । এক পক্ষের অমূলক অকিঞ্চিৎকর গৌরবলাভলোভ, অপর পক্ষের কিকিৎ অর্থলাভলোভ, সমস্ত অনর্থের মূলকারণ ; এবং এই উভয় পক্ষ ভিন্ন দেশস্থ যাবতীয় লোকের এ বিষয়ে ঔদাস্য্য অবলম্বন উহার সহকারী কারণ । যাঁহাদের দোষে কুলীনকন্যাদের এই দুরবস্থা, যদি তাঁহাদের উপর সকলে অশ্রদ্ধা ও বিদ্বেষ প্রদর্শন করিতেন, তাহা হইলে, ক্রমে এই অসহ্য অত্যাচারের নিবারণ হইতে পারিত । অশ্রদ্ধা ও বিদ্বেষের কথা দূরে থাকুক, অত্যাচারকারীরা দেশস্থ লোকের নিকট, যার পর নাই, মাননীয় ও পূজনীয় । এমন স্থলে, রাজদ্বারে আবেদন ভিন্ন, কুলীনকামিনীদিগের দুরবস্থাবিমোচনের কি উপায় হইতে পারে । পৃথিবীর কোনও প্রদেশে স্ত্রীজাতির ঈর্দৃশী দুরবস্থা দেখিতে পাওয়া যায় না । যদি ধর্ম থাকেন, রাজা বল্লালসেন ও দেবীবর ঘটক-বিশারদ নিঃসন্দেহ নরকগামী হইয়াছেন । ভারতবর্ষের অন্যান্য অংশে, এবং পৃথিবীর অপরাপর প্রদেশেও বহুবিবাহপ্রথা প্রচলিত আছে । কিন্তু, তথায় বিবাহিতা নারীদিগকে, এতদেশীয় কুলীনকামিনীদের মত, দুর্দশায় কালযাপন করিতে হয় না । তাহারা স্বামীর গৃহে বাস করিতে পায়, স্বামীর অবস্থানরূপ গ্রাসাচ্ছাদন পায়, এবং পর্যায়ক্রমে স্বামীর সহবাসসুখলাভও করিয়া থাকে । স্বামিগৃহবাস, স্বামিসহবাস, স্বামিদত্ত গ্রাসাচ্ছাদন কুলীনকন্যাদের স্বপ্নের অগোচর ।

এ দেশের ভদ্রকুলীনদের মত পাষণ্ড ও পাতকী ভূমণ্ডলে নাই ।

তাঁহারা দয়া, ধর্ম, চক্ষুলাজ্ঞা ও লোকলজ্জায় একবারে বর্জিত ।

তাঁহাদের চরিত্র অতি বিচিত্র । চরিত্রবিষয়ে তাঁহাদের উপমা দিবার

স্থল নাই । তাঁহারাই তাঁহাদের একমাত্র উপমাশ্রয় । —কোনও অতি-প্রধান ভঙ্গকুলীনকে কেহ জিজ্ঞাসা করিয়াছিলেন, ঠাকুরদাদা মহাশয় ! আপনি অনেক বিবাহ করিয়াছেন, সকল স্থানে যাওয়া হয় কি । তিনি অস্মানমুখে উত্তর করিলেন, যেখানে ভিজিট(১) পাই, সেই খানে যাই । —গত দুর্ভিক্ষের সময়, এক জন ভঙ্গকুলীন অনেকগুলি বিবাহ করেন । তিনি লোকের নিকট আশ্রয়লাভ করিয়াছিলেন, এই দুর্ভিক্ষে কত লোক অন্নভাবে মারা পড়িয়াছে, কিন্তু আমি কিছুই টের পাই নাই ; বিবাহ করিয়া সমুদ্রে দিনপাত করিয়াছি । —গ্রামে বারোয়ারিপূজার উদ্যোগ হইতেছে । পূজার উদ্যোগীরা, ঐ বিষয়ে টাঁদা দিবার জন্ত, কোনও ভঙ্গকুলীনকে পীড়াপীড়ি করিতে, তিনি, টাঁদার টাকা সংগ্রহের জন্য, একটি বিবাহ করিলেন । —বিবাহিতা স্ত্রী স্বামীর সমস্ত পরিবারের ভরণপোষণের উপযুক্ত অর্থ লইয়া গেলে, কোন ভঙ্গকুলীন, দয়া করিয়া, তাহাকে আপন আবাসে অবস্থিতি করিতে অনুমতি প্রদান করেন ; কিন্তু সেই অর্থ নিঃশেষ হইলেই, তাহাকে বাটী হইতে বহিস্কৃত করিয়া দেন । —পুত্রবধূর স্বত্বদর্শন হইয়াছে । সে যাঁহার কন্যা, তাঁহার নিতান্ত ইচ্ছা, জামাতাকে আনাইয়া, কন্যার পুনর্বিবাহসংস্কার নির্বাহ করেন । পত্র দ্বারা বৈবাহিককে আপন প্রার্থনা জানাইলেন । বৈবাহিক পত্রোত্তরে অধিক টাকার দাওয়া করিলেন । কন্যার পিতা তত টাকা দিতে অনিচ্ছুক বা অসমর্থ হওয়াতে, তিনি পুত্রকে স্বশুরালয়ে যাইতে দিলেন না ; সুতরাং, পুত্রবধূর পুনর্বিবাহসংস্কার এ জন্মের মত স্থগিত রহিল । —বহুকাল স্বামীর মুখ দেখেন নাই ; তথাপি কোনও ভঙ্গকুলীনের ভার্য্যা ভাগ্যক্রমে গর্ভবতী হইয়াছিলেন । ব্যভিচারিণী কন্যাকে গৃহে রাখিলে, জ্ঞাতিবর্গের নিকট অপদস্থ ও সমাজচ্যুত

(১) ডাক্তরেরা চিকিৎসা করিতে গেলে, তাঁহাদিগকে যাহা দিতে হয়, এ দেশের সাধারণ লোকে তাহাকে ভিজিট (Visit) বলে ।

হইতে হয়, এজন্ত, তাহাকে গৃহ হইতে বহিষ্কৃত করা পরামর্শ স্থির হইলে, তাহার হিতৈষী আত্মীয়, এই সর্বনাশ নিবারণের অন্য কোনও উপায় করিতে না পারিয়া, অনেক চেষ্টা করিয়া, তদীয় স্বামীকে আনাইলেন । এই মহাপুরুষ, অর্থলাভে চরিতার্থ হইয়া, সর্বসমক্ষে স্বীকার করিলেন, রত্নমঞ্জরীর গর্ভ আমার সহযোগে সম্ভূত হইয়াছে ।

ভঙ্গকুলীনের চরিত্রবিষয়ে এ স্থলে একটি অপূর্ব উপাখ্যান কীর্তিত হইতেছে । কোনও ব্যক্তি মধ্যাহ্নকালে বাটীর মধ্যে আহার করিতে গেলেন ; দেখিলেন, যেখানে আহারের স্থান হইয়াছে, তথায় দুটি অপরিচিত স্ত্রীলোক বসিয়া আছেন । একটির বয়ঃক্রম প্রায় ৬০ বৎসর, দ্বিতীয়াটির বয়ঃক্রম ১৮ । ১৯ বৎসর । তাঁহাদের পরিচ্ছদ দুরবস্থার একশেষ প্রদর্শন করিতেছে ; তাঁহাদের মুখে বিবাদ ও হতাশতার সম্পূর্ণ লক্ষণ সুস্পষ্ট লক্ষিত হইতেছে । ঐ ব্যক্তি স্বীয় জননীকে জিজ্ঞাসা করিলেন, যা ইঁহারা কে, কি জন্তে এখানে বসিয়া আছেন । তিনি বৃদ্ধার দিকে অঙ্গুলি নির্দেশ করিয়া কহিলেন, ইনি ভট্টরাজের স্ত্রী, এবং অল্পবয়স্কাকে লক্ষ্য করিয়া কহিলেন, ইনি তাঁহার কন্যা । ইঁহারা তোমার কাছে আপনাদের দুঃখের পরিচয় দিবেন বলিয়া বসিয়া আছেন ।

ভট্টরাজ দুপুরুষিয়া ভঙ্গকুলীন ; ৫ । ৬ টি বিবাহ করিয়াছেন । তিনি ঐ ব্যক্তির নিকট মাসিক বৃত্তি পান ; এজন্ত, তাঁহার যথেষ্ট খাতির রাখেন । তাঁহার ভগিনী, ভাগিনেয় ও ভাগিনেয়ীরা তাঁহার বাটীতে থাকে ; তাঁহার কোনও স্ত্রীকে কেহ কখনও তাঁহার বাটীতে অবস্থিতি করিতে দেখেন নাই ।

সেই দুই স্ত্রীলোকের আকার ও পরিচ্ছদ দেখিয়া, ঐ ব্যক্তির অন্তঃকরণে অতিশয় দুঃখ উপস্থিত হইল । তিনি, আহার বন্ধ করিয়া, তাঁহাদের উপাখ্যান শুনিতে বসিলেন । বৃদ্ধা কহিলেন, আমি ভট্টরাজের ভার্য্যা ; এটি তাঁহার কন্যা, আমার গর্ভে জন্মিয়াছে । আমি পিত্রালয়ে থাকিতাম । কিছু দিন হইল, আমার পুত্র কহিলেন, যা আমি

তোমাদের দুজনকে অন্ন বস্ত্র দিতে পারিব না। আমি कहিলাম, বাছা বল কি, আমি তোমার মা, ও তোমার ভগিনী, তুমি অন্ন না দিলে আমরা কোথায় যাইব। তুমি এক জনকে অন্ন দিবে, আর এক জন কোথায় যাইবে; পৃথিবীতে অন্ন দিবার লোক আর কে আছে। এই কথা শুনিয়া পুত্র कहিলেন, তুমি মা, তোমায় অন্ন বস্ত্র যেক্রমে পারি দিব, উহার ভার আমি আর লইতে পারিব না। আমি রাগ করিয়া বলিলাম, তুমি কি উহাকে বেশ্যা হইতে বল। পুত্র कहিলেন, আমি তাহা জানি না, তুমি উহার বন্দোবস্ত কর। এই বিষয় লইয়া, পুত্রের সহিত আমার বিষম মনান্তর ঘটিয়া উঠিল, এবং অবশেষে আমার কন্যাসহিত বাণী হইতে বহির্গত হইতে হইল।

কিছু দিন পূর্বে শুনিয়াছিলাম, আমার এক মাস্তত ভগিনীর বাণীতে একটি পাটিকার প্রয়োজন আছে। আমরা উভয়ে ঐ পাটিকার কর্ম করিব, মনে মনে এই স্থির করিয়া, তথায় উপস্থিত হইলাম। কিন্তু, আমাদের দুর্ভাগ্যক্রমে, ২।৪ দিন পূর্বে, তাঁহার পাটিকা নিযুক্ত করিয়াছিলেন। তখন নিতান্ত হতাশাস হইয়া, কি করি, কোথায় যাই, এই চিন্তা করিতে লাগিলাম। অমুক গ্রামে আমার স্বামীর এক সংসার আছে, তাহার গর্ভজাত সন্তান বিলক্ষণ সঙ্গতিপন্ন, এবং তাঁহার দয়া ধর্মও আছে। ভাবিলাম, যদিও আমি বিমাতা, এ বৈমাত্রেয় ভগিনী; কিন্তু, তাঁহার শরণাগত হইয়া দুঃখ জানাইলে, অবশ্য দয়া করিতে পারেন। এই ভাবিয়া, অবশেষে তাঁহার নিকটে উপস্থিত হইলাম, এবং সবিশেষ সমস্ত कहিয়া, সজলনয়নে তাঁহার হস্তে ধরিয়া বলিলাম, বাবা তুমি দয়া না করিলে, আমাদের আর গতি নাই।

আমার কাতরতা দর্শনে, সপত্নীপুত্র হইয়াও, তিনি যথেষ্ট স্নেহ ও দয়া প্রদর্শন করিলেন, এবং कहিলেন, যত দিন তোমরা বাঁচিবে, তোমাদের ভরণপোষণ করিব। এই আশ্বাসবাক্য শ্রবণে আমি

আহ্লাদে গদগদ হইলাম । আমার চক্ষুতে জলধারা বহিতে লাগিল । তিনি যথোচিত যত্ন করিতে লাগিলেন । কিন্তু, তাঁহার বাটীর স্ত্রীলোকেরা সেরূপ নহেন । এ আপদ আবার কোথা হইতে উপস্থিত হইল এই বলিয়া, তাহারা, যার পর নাই, অনাদর ও অপমান করিতে লাগিল । সপত্নীপুত্র ক্রমে ক্রমে সবিশেষ সমস্ত অবগত হইলেন । কিন্তু তাহাদের অত্যাচার নিবারণ করিতে পারিলেন না । এক দিন, আমি তাঁহার নিকটে গিয়া সমুদয় বলিলাম । তিনি কহিলেন, যা আমি সমস্ত জানিতে পারিয়াছি ; কিন্তু কোনও উপায় দেখিতেছি না । আপনারা কোনও স্থানে গিয়া থাকুন ; মধ্যে মধ্যে, আমার নিকট লোক পাঠাইবেন ; আমি আপনাদিগকে কিছু কিছু দিব ।

এই রূপে নিরাশ্বাস হইয়া, কন্ধ্যা লইয়া, তথা হইতে বহির্গত হইলাম । পৃথিবী অন্ধকারময় বোধ হইতে লাগিল । অবশেষে ভাবিলাম, স্বামী বর্তমান আছেন, তাঁহার নিকটে যাই, এবং দুরবস্থা জানাই, যদি তাঁহার দয়া হয় । এই স্থির করিয়া, পাঁচ সাত দিন হইল, এখানে আসিয়াছিলাম । আজ তিনি স্পষ্ট জবাব দিলেন, আমি তোমাদিগকে এখানে রাখিতে, বা অন্ন বস্ত্র দিতে, পারিব না । অনেকে বলিল, তোমায় জানাইলে কোনও উপায় হইতে পারে, এ জন্য এখানে আসিয়া বসিয়া ছিলাম । ঐ ব্যক্তি শুনিয়া ক্রোধে ও দুঃখে অতিশয় অভিভূত হইলেন, এবং অশ্রুপাত করিতে লাগিলেন । কিয়ৎ ক্ষণ পরে, তিনি, ভট্টরাজের বাটীতে গিয়া, যথোচিত ভৎসনা করিয়া বলিলেন, আপনকার আচরণ দেখিয়া আমি চমৎকৃত হইয়াছি । আপনি কোন্ বিবেচনায় তাহাদিগকে বাটী হইতে বহিষ্কৃত করিয়া দিতেছেন । এক্ষণে, আপনি তাহাদিগকে বাটীতে রাখিবেন কি না, স্পষ্ট বলুন । ঐ ব্যক্তির ভাবভঙ্গী দেখিয়া, বৃত্তিভোগী ভট্টরাজ ভয় পাইলেন, এবং কহিলেন, তুমি বাটীতে যাও, আমি ঘরে বুঝিয়া পরে তোমার নিকটে যাইতেছি ।

অপরাহ্নকালে, ভট্টরাজ ঐ ব্যক্তির নিকটে আসিয়া বলিলেন, তাহাদিগকে বাটীতে রাখা পরামর্শ স্থির ; কিন্তু, তোমায়, মাস মাস, তাহাদের হিসাবে আর কিছু দিতে হইবেক। ঐ ব্যক্তি তৎক্ষণাৎ স্বীকার করিলেন, এবং তিন মাসের দেয় তাঁহার হস্তে দিয়া কহিলেন, এই রূপে তিন তিন মাসের টাকা আগামী দিব ; এতদ্ভিন্ন, তাঁহাদের পরিধেয় বস্ত্রের ভার আমার উপর রহিল। আর কোনও ওজর করিতে না পারিয়া, নিরুপায় হইয়া, ভট্টরাজ, স্ত্রী ও কন্যা লইয়া গৃহ প্রতিগমন করিলেন। তিনি নিজে দুঃশীল লোক নহেন। কিন্তু, তাঁহার ভগিনী দুর্দাস্ত দম্ভা, তাহার ভয়ে ও তাহার পরামর্শে, তিনি স্ত্রী ও কন্যাকে পূর্বোক্ত নির্ঘাত জবাব দিয়াছিলেন। বৃত্তিদাতা ক্রুদ্ধ হইয়াছেন, এবং মাসিক আর কিছু দিবার অঙ্গীকার করিয়াছেন, এই কথা শুনিয়া, ভগিনীও অগত্যা সম্মত হইল। ভট্টরাজ, কখনও কখনও, কোনও স্ত্রীকে আনিয়া নিকটে রাখিবার অভিপ্রায় প্রকাশ করিলে, ভগিনী খড়াহস্ত হইয়া উঠিত। সেই কারণে, তিনি, কখনও, আপন অভিপ্রায় সম্পন্ন করিতে পারেন নাই। ভট্টকুলীনদিগের ভগিনী, ভাগিনেয় ও ভাগিনেয়ীরা পরিবারস্থানে পরিগণিত ; স্ত্রী, পুত্র, কন্যা প্রভৃতির সহিত তাঁহাদের কোনও সংস্রব থাকে না।

যাহা হউক, ঐ ব্যক্তি, পূর্বোক্ত ব্যবস্থা করিয়া দিয়া, স্থানান্তরে গেলেন, এবং যথাকালে অঙ্গীকৃত মাসিক দেয় পাঠাইতে লাগিলেন। কিছু দিন পরে, বাটীতে গিয়া, তিনি সেই দুই হতভাগা নারীর বিষয়ে অনুসন্ধান করিয়া জানিলেন, ভট্টরাজ ও তাঁহার ভগিনী স্থির করিয়াছিলেন, বৃত্তিদাতার অঙ্গীকৃত নূতন মাসিক দেয় পুরাতন মাসিক বৃত্তির অন্তর্গত হইয়াছে, আর তাহা কোনও কারণে রহিত হইবার নহে; তদনুসারে, ভট্টরাজ, ভগিনীর উপদেশের বশবর্তী হইয়া, স্ত্রী ও কন্যাকে বাটী হইতে বহিস্কৃত করিয়া দিয়াছেন। তাঁহারাও,

গত্যন্তরবিহীন হইয়া, কোনও স্থানে গিয়া অবস্থিতি করিতেছেন । কন্যাটি স্ত্রী ও বয়স্হা, বেশ্যাবৃত্তি অবলম্বন করিয়াছে, এবং জননীর সহিত সচ্ছন্দে দিনপাত করিতেছে ।

এই উপাখ্যানে ভঙ্গকুলীনের ষাট্শ আচরণের পরিচয় পাওয়া যাইতেছে, অতি ইতর জাতিতেও তাট্শ আচরণ লক্ষিত হয় না । প্রথমতঃ, এক মহাপুরুষ বৃদ্ধ মাতা ও বয়স্হা ভগিনীকে বাটী হইতে বহিষ্কৃত করিয়া দিলেন । পরে, তাঁহারা স্বামী ও পিতার শরণাগত হইলে, সে মহাপুরুষও তাঁহাদিগকে বাটী হইতে বহিষ্কৃত করিলেন । এক ব্যক্তি, দয়া করিয়া, সেই দুই দুর্ভাগার গ্রাসাচ্ছাদনের ভারবহনে অঙ্গীকৃত হইলেন, তাহাতেও স্ত্রী ও কন্যাকে বাটীতে রাখা পরামর্শসিদ্ধ হইল না । স্বামী ও উপযুক্ত পুল্লসত্ত্বে, কোনও ভদ্রগৃহে, বৃদ্ধা স্ত্রীর কদাচ একরূপ দুর্গতি ঘটে না । পিতাও উপযুক্ত ভ্রাতা বিদ্যমান থাকিতে, কোনও ভদ্রগৃহের কন্যাকে, নিতান্ত অনাথার ন্যায়, অন্নবস্ত্রের নিমিত্ত, বেশ্যাবৃত্তি অবলম্বন করিতে হয় না । ঐ কন্যার স্বামীও বিদ্যমান আছেন । কিন্তু, তাঁহাকে এ বিষয়ে অপরাধী করিতে পারা যায় না । তিনি স্বকৃতভঙ্গ কুলীন । যাহা হউক, আশ্চর্য্যের বিষয় এই, ঈদৃশ দোষে দূষিত হইয়াও, ভট্টরাজ ও তাঁহার উপযুক্ত পুল্ল লোকসমাজে ছেয় বা অশ্রদ্ধেয় হইলেন না ।

ভঙ্গকুলীনের কুল, চরিত্রপ্রভৃতির পরিচয় প্রদত্ত হইল । এক্ষণে, সকলে বিবেচনা করিয়া দেখুন, এক ব্যক্তি অনেক বিবাহ করিতে না পারিলে, ঈদৃশ কুলীনের অপকার বা মানহানি ঘটিবেক, এই অনুরোধে, বহুবিবাহপ্রথা প্রচলিত থাকা উচিত ও আবশ্যিক কি না । প্রথমতঃ, মেলবন্ধনের পূর্বে, তাঁহাদের পুরাতন কুল এককালে নির্মূল হইয়া গিয়াছে ; তৎপরে, বংশজকন্যাপরিণয় দ্বারা, পুনরায়, তদীয় কপোল-কম্পিত নুতন কুলের লোপাপত্তি হইয়াছে । এইরূপে, দুই বার

তাঁহাদের কুলের লোপাপত্তি হইয়াছে । তাঁহাদিগকে কুলীন বলিয়া গণ্য করিবার

এবং তদীয় শশবিষাণমদূশ কুলমর্যাদার আদর করিবার কোনও কারণ বা প্রয়োজন লক্ষিত হইতেছে না। তাঁহাদের অবৈধ, বৃশংস, লজ্জাকর আচরণ দ্বারা সংসারে যেক্রপ গরীয়সী অনিষ্টপরম্পরা ঘটতেছে, তাহাতে তাঁহাদিগকে মনুষ্য বলিয়া গণনা করা উচিত নয়। বোধ হয়, এক উদ্যমে তাঁহাদের সমূলে উচ্ছেদ করিলে, অধর্মগ্রস্ত হইতে হয় না। সে বিবেচনায়, তদীয় অকিঞ্চিৎকর কপোলকল্পিত কুলমর্যাদার হানি অতি সামান্য কথা। যাহা হউক, তাঁহাদের কুলক্ষয় হইয়াছে, সুতরাং তাঁহারা কুলীন নহেন; তাঁহারা কুলীন নহেন, সুতরাং তাঁহাদের কোলীশ্রমর্যাদা নাই; তাঁহাদের কোলীশ্রমর্যাদা নাই, সুতরাং বহুবিবাহপ্রথা নিবারণ দ্বারা কোলীশ্রমর্যাদার উচ্ছেদ-সম্ভাবনাও নাই।

এস্থলে ইহা উল্লেখ করা আবশ্যিক, এক্রপ কতকগুলি ভঙ্গকুলীন আছেন, যে বিবাহব্যবসায়ে তাঁহাদের যৎপরোনাস্তি বিদ্বেষ। তাঁহারা বিবাহব্যবসায়ীদিগকে অতিশয় হেয়জ্ঞান করেন, নিজে প্রাণান্তেও একাধিক বিবাহ করিতে সম্মত নহেন, এবং যাহাতে এই কুৎসিত প্রথা রহিত হইয়া যায়, তদ্বিষয়েও চেষ্টা করিয়া থাকেন। উভয়বিধ ভঙ্গকুলীনের আচরণ পরম্পর এত বিভিন্ন, যে তাঁহাদিগকে এক জাতি বা এক সম্প্রদায়ের লোক বলিয়া, কোনও ক্রমে প্রতীতি জন্মে না। দুর্ভাগ্যক্রমে, উক্তরূপ ভঙ্গকুলীনের সংখ্যা অধিক নয়। যাহা হউক, তাঁহাদের ব্যবহার দ্বারা বিলক্ষণ প্রতিপন্ন হইতেছে, বিবাহব্যবসায় পরিত্যাগ করা ভঙ্গকুলীনের পক্ষে নিতান্ত দুর্লভ বা অসাধ্য ব্যাপার নহে।

সম্পূর্ণ আপত্তি ।

কেহ কেহ আপত্তি করিতেছেন, বহু কাল পূর্বে এ দেশে কুলীন ব্রাহ্মণদিগের অত্যাচার ছিল। তখন অনেকে অনেক বিবাহ করিতেন। এক্ষণে, এ দেশে সে অত্যাচারের প্রায় নিবৃতি হইয়াছে; যাহা কিছু অবশিষ্ট আছে, অল্প দিনের মধ্যেই তাহার সম্পূর্ণ নিবৃতি হইবেক। এমন স্থলে, বহুবিবাহ নিবারণ বিষয়ে রাজশাসন নিতান্ত নিষ্পয়োজন।

এক্ষণে কুলীনদিগের পূর্ববৎ অত্যাচার নাই, এই নির্দেশ সম্পূর্ণ প্রতারণাবাক্য; অথবা, যাঁহারা সেরূপ নির্দেশ করেন, কুলীনদিগের আচার ও ব্যবহার বিষয়ে তাঁহাদের কিছুমাত্র অভিজ্ঞতা নাই। পূর্বে, বিবাহ বিষয়ে কুলীনদিগের যে রূপ অত্যাচার ছিল, এক্ষণেও তাঁহাদের তদ্বিষয়ক অত্যাচার সর্বতোভাবে তদবস্থ আছে, কোনও অংশে তাহার নিবৃতি হইয়াছে, এরূপ বোধ হয় না। এ বিষয়ে বৃথা বিতণ্ডা না করিয়া, বর্তমান কতকগুলি কুলীনের নাম, বয়স, বাসস্থান, ও বিবাহসংখ্যার পরিচয় প্রদত্ত হইতেছে।

ভূগলী জিলা ।

নাম	বিবাহ	বয়স	বাসস্থান
ভোলানাথ বন্দ্যোপাধ্যায়	৮০	৫৫	বসো
ভগবান চট্টোপাধ্যায়	৭২	৬৪	দেশমুখো

নাম	বিবাহ	বয়স	বাসস্থান
পূর্ণচন্দ্র মুখোপাধ্যায়	৬২	৫৫	চিঙ্গশালি
মধুসূদন মুখোপাধ্যায়	৫৬	৪০	ঐ
ভিত্তুরাম গাঙ্গুলি	৫৫	৭০	ঐ
রামময় মুখোপাধ্যায়	৫২	৫০	তাজপুর
বৈষ্ণনাথ মুখোপাধ্যায়	৫০	৬০	ভুঁইপাড়া
শ্যামাচরণ চট্টোপাধ্যায়	৫০	৬০	পাখুড়া
নবকুমার বন্দ্যোপাধ্যায়	৫০	৫২	ক্ষীরপাই
ঈশানচন্দ্র বন্দ্যোপাধ্যায়	৪৪	৫২	আঁকড়িআঁরামপুর
যদুনাথ বন্দ্যোপাধ্যায়	৪১	৪৭	চিঙ্গশালি
শিবচন্দ্র মুখোপাধ্যায়	৪০	৪৫	ভীর্ণা
রামকুমার বন্দ্যোপাধ্যায়	৪০	৫০	কোননগর
শ্যামাচরণ বন্দ্যোপাধ্যায়	৪০	৫০	চুঁচুড়া
ঠাকুরদাস মুখোপাধ্যায়	৪০	৫৫	দণ্ডিপুর
নবকুমার বন্দ্যোপাধ্যায়	৩৬	৪৪	গোরহাটি
রঘুনাথ বন্দ্যোপাধ্যায়	৩০	৪০	খামারগাছী
শশিশেখর মুখোপাধ্যায়	৩০	৬০	ঐ
তারাকরণ মুখোপাধ্যায়	৩০	৩৫	বরিকহাটি
ঈশানচন্দ্র বন্দ্যোপাধ্যায়	২৮	৪০	গুড়প
শ্রীচরণ মুখোপাধ্যায়	২৭	৪০	সান্ধাই
রুক্ষণ বন্দ্যোপাধ্যায়	২৫	৪০	খামারগাছী
ভবনারায়ণ চট্টোপাধ্যায়	২৩	৪০	জাঁইপাড়া
মহেশচন্দ্র বন্দ্যোপাধ্যায়	২২	৩৫	খামারগাছী
গিরিশচন্দ্র বন্দ্যোপাধ্যায়	২২	৩৪	কুচুড়িয়া
প্রসন্নকুমার চট্টোপাধ্যায়	২১	৩৫	কাপসীট
পার্বতীচরণ মুখোপাধ্যায়	২০	৪০	ভৈটে

নাম	বিবাহ	বয়স	বাসস্থান
যদুনাথ মুখোপাধ্যায়	২০	৩৭	মাহেশ
কৃষ্ণপ্রসাদ মুখোপাধ্যায়	২০	৪৫	বসন্তপুর
হরচন্দ্র বন্দ্যোপাধ্যায়	২০	৪০	রঞ্জিতবাগী
রমানাথ চট্টোপাধ্যায়	২০	৫০	গরলগাছা
আনন্দচন্দ্র চট্টোপাধ্যায়	২০	৪৫	ভৈটে
দীননাথ চট্টোপাধ্যায়	১৯	২৮	বসন্তপুর
রামরত্ন মুখোপাধ্যায়	১৭	৪৮	জয়রামপুর
কেন্দারনাথ মুখোপাধ্যায়	১৭	৩২	মাহেশ
দুর্গাচরণ বন্দ্যোপাধ্যায়	১৬	২০	চিক্রশালি
গোপালচন্দ্র মুখোপাধ্যায়	১৬	৩৫	মহেশ্বরপুর
অভয়চরণ বন্দ্যোপাধ্যায়	১৫	৩০	মালিপাড়া
অন্নদাচরণ মুখোপাধ্যায়	১৫	৩৫	গোয়াড়া
শ্যামাচরণ মুখোপাধ্যায়	১৫	৩৫	সোঁতিয়া
জগদচন্দ্র মুখোপাধ্যায়	১৫	৪০	খামারগাছী
অশোরনাথ মুখোপাধ্যায়	১৫	৩৬	ভুঁইপাড়া
হরিশচন্দ্র মুখোপাধ্যায়	১৫	৩২	মোগলপুর
ননীগোপাল বন্দ্যোপাধ্যায়	১৫	২৪	পাতা
যদুনাথ বন্দ্যোপাধ্যায়	১৫	২২	ঐ
দীননাথ বন্দ্যোপাধ্যায়	১৫	২৫	বেলেসিকরে
ভুবনমোহন মুখোপাধ্যায়	১৫	২০	ভৈটে
কালীপ্রসাদ গাঙ্গুলি	১৫	৪৫	পশপুর
সূর্যকান্ত মুখোপাধ্যায়	১৫	৩৫	ভৈটে
রামকুমার মুখোপাধ্যায়	১৪	৩২	কীরপাই
কৈলাসচন্দ্র মুখোপাধ্যায়	১৪	৪৫	মধুখণ্ড
কালীকুমার মুখোপাধ্যায়	১৪	২১	সিরাখালা

নাম	বিবাহ	বয়স	বাসস্থান
মাধবচন্দ্র মুখোপাধ্যায়	১৩	৫০	বৈচী
হরিশচন্দ্র বন্দ্যোপাধ্যায়	১৩	৪০	গরলগাছা
কার্ত্তিকেয় মুখোপাধ্যায়	১২	৩০	দেওড়া
যদুনাথ বন্দ্যোপাধ্যায়	১২	৩০	তাঁতিসাল
মোহিনীমোহন বন্দ্যোপাধ্যায়	১২	৩০	মালিপাড়া
সাতকড়ি বন্দ্যোপাধ্যায়	১২	৪০	ঐ
ব্রজরাম চট্টোপাধ্যায়	১২	২৫	চন্দ্রকোনা
কৈলাসচন্দ্র বন্দ্যোপাধ্যায়	১২	৩২	কৃষ্ণনগর
রামতারক বন্দ্যোপাধ্যায়	১২	২৮	জয়রামপুর
কালিদাস মুখোপাধ্যায়	১২	৪০	ভুঁইপাড়া
বিশ্বম্ভর মুখোপাধ্যায়	১২	৩০	বলাগড়
তিতুরাম মুখোপাধ্যায়	১২	৪০	নতিবপুর
প্রসন্নকুমার গাঙ্গুলি	১২	৩৬	গজা
মনসারাম চট্টোপাধ্যায়	১১	৬৫	ভঙ্গপুর
আশুতোষ বন্দ্যোপাধ্যায়	১১	১৮	তাঁতিসাল
প্যারীমোহন মুখোপাধ্যায়	১১	৩০	গরলগাছা
লক্ষ্মীনারায়ণ চট্টোপাধ্যায়	১০	২৫	বিদ্যাবতীপুর
শিবচন্দ্র মুখোপাধ্যায়	১০	৪৫	ঐ
কালীপ্রসাদ মুখোপাধ্যায়	১০	৩০	ভৈটে
রামকমল মুখোপাধ্যায়	১০	৪০	নিভ্যানন্দপুর
কালীপ্রসাদ বন্দ্যোপাধ্যায়	১০	২৮	বৈচী
দ্বারকানাথ মুখোপাধ্যায়	১০	২৫	ঐ
মতিলাল মুখোপাধ্যায়	১০	৪৫	ঐ
ঈশ্বরচন্দ্র বন্দ্যোপাধ্যায়	১০	৪৫	ধমা
দুর্গারাম বন্দ্যোপাধ্যায়	১০	৫০	শ্যামবাচী

নাম	বিবাহ	বয়স	বাসস্থান
যজ্ঞেশ্বর বন্দ্যোপাধ্যায়	১০	৪৫	আনুড়
প্রসন্নকুমার চট্টোপাধ্যায়	১০	৩৫	বেঙ্গাই
চণ্ডীচরণ বন্দ্যোপাধ্যায়	১০	৩০	বৈতল
প্রতাপচন্দ্র মুখোপাধ্যায়	১০	৪০	বসন্তপুর
কৈলাসচন্দ্র চট্টোপাধ্যায়	১০	৪০	সিরাখালী
রামচাঁদ মুখোপাধ্যায়	৯	৩৬	ষড়পুর
কৈলাসচন্দ্র বন্দ্যোপাধ্যায়	৯	৩০	নপাড়া
সূর্যকান্ত বন্দ্যোপাধ্যায়	৮	৪০	বৈটী
গোপালচন্দ্র মুখোপাধ্যায়	৮	৪৫	ঐ
চুনিলাল বন্দ্যোপাধ্যায়	৮	৩২	ঐ
কালীকুমার বন্দ্যোপাধ্যায়	৮	৪০	মোল্লাই
গণেশচন্দ্র মুখোপাধ্যায়	৮	২০	দেওড়া
দিগম্বর বন্দ্যোপাধ্যায়	৮	৩৫	গুড়প
কালিদাস মুখোপাধ্যায়	৮	৪০	মালিপাড়া
যাদবচন্দ্র গাঙ্গুলি	৮	৩৫	বহরকুলী
মাধবচন্দ্র বন্দ্যোপাধ্যায়	৮	২৫	সিকরে
কেন্দারনাথ মুখোপাধ্যায়	৮	৩২	বরিজহাটী
ঈশ্বরচন্দ্র মুখোপাধ্যায়	৮	৪৫	পাতুল
শ্যামাচরণ মুখোপাধ্যায়	৮	৪৫	জয়রামপুর
হরিশ্চন্দ্র বন্দ্যোপাধ্যায়	৮	৬০	শ্যামবাটী
রামচাঁদ চট্টোপাধ্যায়	৮	৪০	ভঙ্গপুর
ঈশ্বরচন্দ্র চট্টোপাধ্যায়	৭	৩২	ঐ
দিগম্বর মুখোপাধ্যায়	৭	৩৬	রত্নপুর
কুড়ারাম মুখোপাধ্যায়	৭	৩২	নতিবপুর
দুর্গাপ্রসাদ বন্দ্যোপাধ্যায়	৭	৬২	মধুরা

নাম	বিবাহ	বয়স	বাসস্থান
বৈকুণ্ঠনাথ বন্দ্যোপাধ্যায়	৭	৩৪	বসন্তপুর
শ্রীধর বন্দ্যোপাধ্যায়	৭	৩৫	ভুরমুবা
রামসুন্দর মুখোপাধ্যায়	৭	৫০	আঁটপুর
বেণীমাধব গাঙ্গুলি	৭	৫০	চিত্রশালি
শ্যামাচরণ বন্দ্যোপাধ্যায়	৬	৩০	মোগলপুর
নবকুমার মুখোপাধ্যায়	৬	২২	চন্দ্রকোনা
যদুনাথ মুখোপাধ্যায়	৬	৩০	বাখরচক
চন্দ্রনাথ বন্দ্যোপাধ্যায়	৬	৩০	বসন্তপুর
উমাচরণ চট্টোপাধ্যায়	৬	৪০	রঞ্জিতবাটি
উমেশচন্দ্র মুখোপাধ্যায়	৬	২৬	নন্দনপুর
গঙ্গানারায়ণ মুখোপাধ্যায়	৫	৩০	গৌরহাটি
ঈশ্বরচন্দ্র বন্দ্যোপাধ্যায়	৫	৩২	পশাপুর
কালার্টাদ মুখোপাধ্যায়	৫	৫০	মুলতানপুর
মনসারাম চট্টোপাধ্যায়	৫	৪৫	তারকেশ্বর
গঙ্গানারায়ণ বন্দ্যোপাধ্যায়	৫	২২	আমড়াপাট
বিশ্বম্ভর মুখোপাধ্যায়	৫	৪০	বালিগোড়
ঈশ্বরচন্দ্র চট্টোপাধ্যায়	৫	৩৫	তারকেশ্বর
মাধবচন্দ্র মুখোপাধ্যায়	৫	৪০	তালাই
ভোলানাথ চট্টোপাধ্যায়	৫	২৬	টেকরা
হরশঙ্কু বন্দ্যোপাধ্যায়	৫	৪০	মাজু
নীলাম্বর বন্দ্যোপাধ্যায়	৫	৩২	সন্ধিপুৰ
কালিদাস মুখোপাধ্যায়	৫	৩০	বালিডাঙ্গা
ভোলানাথ বন্দ্যোপাধ্যায়	৫	৩৬	গৌরান্দ্রপুর
দ্বারকানাথ বন্দ্যোপাধ্যায়	৫	৩০	কৃষ্ণনগর
সীতারাম মুখোপাধ্যায়	৫	৩৫	চন্দ্রকোনা

নাম	বিবাহ	বয়স	বাসস্থান
রামধন মুখোপাধ্যায়	৫	৪০	চন্দ্রকোনা
নবকুমার মুখোপাধ্যায়	৫	৪৩	বরদা
ধর্মদাস মুখোপাধ্যায়	৫	৩৫	নারীট
স্বর্য়াকুমার মুখোপাধ্যায়	৫	২৬	বরদা
শরচ্চন্দ্র বন্দ্যোপাধ্যায়	৫	১৯	নপাড়া
মহেন্দ্রনাথ মুখোপাধ্যায়	৫	১৮	দণ্ডিপুর

অনুমোদন দ্বারা যত দূর ও যেরূপ জানিতে পারিয়াছি, তদনুসারে কুলীনদিগের বিবাহসংখ্যা প্রভৃতি প্রদর্শিত হইল। সবিশেষ অনুমোদন করিলে, আরও অনেক বহুবিবাহকারীর নাম পাওয়া যাইতে পারে। ৪১৩২ বিবাহ করিয়াছেন এরূপ ব্যক্তি অনেক, এস্থলে তাঁহাদের নাম নির্দেশ করা গেল না। হুগলী জিলাতে বহুবিবাহকারী কুলীনের যত সংখ্যা, বর্দ্ধমান, নবদ্বীপ, বশর, বরিশাল, ঢাকা প্রভৃতি জিলাতে তদপেক্ষা ন্যূন নহে; বরং কোনও কোনও জিলায় তাদৃশ কুলীনের সংখ্যা অধিক। কুলীনদিগের বিবাহের যে সংখ্যা প্রদর্শিত হইল, তাহা ন্যূনাধিক হইবার সম্ভাবনা। যাঁহারা অধিকসংখ্যক বিবাহ করিয়াছেন, তাঁহারা নিজেই স্বকৃত বিবাহের প্রকৃত সংখ্যা অবধারিত বলিতে পারেন না। সুতরাং, অতের তাহা অবধারিত জানিতে পারা সহজ নহে। বিবাহের যে সকল সংখ্যা নির্দিষ্ট হইয়াছে, যদি কোনও স্থলে প্রকৃত সংখ্যা তদপেক্ষা অধিক হয়, তাহাতে কোনও কথা নাই; যদি ন্যূন হয়, তাহা হইলে কুলীনপক্ষপাতী আপত্তিকারী মহাশয়েরা অনায়াসে বলিবেন, আমি ইচ্ছাপূর্বক সংখ্যাবৃদ্ধি করিয়া নির্দেশ করিয়াছি। কিন্তু, আমি সেরূপ করি নাই; অনুমোদন দ্বারা যাহা জানিতে পারিয়াছি, তাহাই নির্দেশ করিয়াছি; জ্ঞানপূর্বক কোনও বৈলক্ষণ্য করি নাই।

প্রসিদ্ধ জনাই গ্রাম কলিকাতার ৫।৬ ক্রোশ মাত্র অন্তরে অবস্থিত । এই গ্রামের যে সকল ব্যক্তি একাধিক বিবাহ করিয়াছেন, তাঁহাদের পরিচয় স্বতন্ত্র প্রদত্ত হইতেছে ।

নাম	বিবাহ	বয়স
মহানন্দ মুখোপাধ্যায়	১০	৩৫
যদুনাথ বন্দ্যোপাধ্যায়	১০	২৯
আনন্দচন্দ্র গাঙ্গুলি	৭	৬৫
দ্বারকানাথ গাঙ্গুলি	৫	৩২
ভোলানাথ মুখোপাধ্যায়	৫	৫০
চন্দ্রকান্ত মুখোপাধ্যায়	৫	৬৪
শ্যামাচরণ বন্দ্যোপাধ্যায়	৪	১৮
দীননাথ চট্টোপাধ্যায়	৪	২৬
ত্রৈলোক্যনাথ মুখোপাধ্যায়	৪	৪৫
ত্রৈলোক্যনাথ মুখোপাধ্যায়	৪	২৭
নীলকণ্ঠ বন্দ্যোপাধ্যায়	৪	৫০
সীতানাথ বন্দ্যোপাধ্যায়	৩	২৯
ত্রিপুরাচরণ মুখোপাধ্যায়	৩	৩৫
কালিদাস গাঙ্গুলি	৩	২৬
দীননাথ গাঙ্গুলি	৩	১৯
কালীপদ বন্দ্যোপাধ্যায়	৩	৪০
ক্ষেত্রমোহন চট্টোপাধ্যায়	৩	৪০
কালীপদ মুখোপাধ্যায়	৩	৫০
মাধবচন্দ্র মুখোপাধ্যায়	৩	৩৫
নবকুমার মুখোপাধ্যায়	৩	৪৩
নীলমণি গাঙ্গুলি	৩	৪৮
কালীকুমার মুখোপাধ্যায়	৩	৫৫

নাম	বিবাহ	বয়স
চন্দ্রনাথ গাঙ্গুলি	৩	৫০
শ্রীনাথ চট্টোপাধ্যায়	৩	৪৩
হারানন্দ মুখোপাধ্যায়	৩	৬০
প্যারীমোহন চট্টোপাধ্যায়	২	৪০
স্বর্য়াকুমার মুখোপাধ্যায়	২	৪০
ভোলানাথ বন্দ্যোপাধ্যায়	২	৫৫
সীতানাথ বন্দ্যোপাধ্যায়	২	৫৫
চন্দ্রকুমার মুখোপাধ্যায়	২	৬০
চন্দ্রকুমার চট্টোপাধ্যায়	২	৫২
রমানাথ বন্দ্যোপাধ্যায়	২	৫২
হরিনাথ মুখোপাধ্যায়	২	৬২
রাজমোহন বন্দ্যোপাধ্যায়	২	৫৭
ভোলানাথ মুখোপাধ্যায়	২	৫০
দীননাথ মুখোপাধ্যায়	২	৫০
বিশ্বম্ভর মুখোপাধ্যায়	২	৫০
রামকুমার বন্দ্যোপাধ্যায়	২	৫০
প্যারীমোহন মুখোপাধ্যায়	২	৩৫
চন্দ্রকুমার বন্দ্যোপাধ্যায়	২	৩২
কালীকুমার গাঙ্গুলি	২	২৫
আশুতোষ গাঙ্গুলি	২	২০
যদুনাথ বন্দ্যোপাধ্যায়	২	৩১
নবীনচন্দ্র বন্দ্যোপাধ্যায়	২	৩৩
কেদারনাথ মুখোপাধ্যায়	২	২৮
গৌরীচরণ মুখোপাধ্যায়	২	২৮
ভগবান্ চন্দ্র মুখোপাধ্যায়	২	৩২

নাম	বিবাহ	বয়স
দ্বারকানাথ গাঙ্গুলি	২	৩০
কালীমোহন বন্দ্যোপাধ্যায়	২	৩২
হরিহর গাঙ্গুলি	২	৩৫
কামাখ্যানাথ মুখোপাধ্যায়	২	২৮
প্যারীমোহন গাঙ্গুলি	২	৩৩
কালিদাস মুখোপাধ্যায়	২	৩৫
চন্দ্রকুমার চট্টোপাধ্যায়	২	২৮
নবীনচন্দ্র মুখোপাধ্যায়	২	২৪
নন্দলাল বন্দ্যোপাধ্যায়	২	২৮
দীননাথ মুখোপাধ্যায়	২	৩০
যদুনাথ গাঙ্গুলি	২	২৭
বিশ্বেশ্বর মুখোপাধ্যায়	২	২৭
গোপালচন্দ্র বন্দ্যোপাধ্যায়	২	২৭
চন্দ্রকুমার গাঙ্গুলি	২	২১
মহেন্দ্রনাথ মুখোপাধ্যায়	২	২১
প্রিয়নাথ বন্দ্যোপাধ্যায়	২	২২
যোগেন্দ্রনাথ বন্দ্যোপাধ্যায়	২	২০

এক্ষণে, সকলে বিবেচনা করিয়া দেখুন, বিবাহবিষয়ে কুলীনদিগের অত্যাচারের নিরুত্তি হইয়াছে কি না। এখন যে রূপ অত্যাচার হইতেছে, পূর্বে ইহা অপেক্ষা অধিক ছিল, এরূপ বোধ হয় না। বরং, পূর্বে অপেক্ষা এক্ষণে অধিক অত্যাচার হইতেছে, ইহাই সম্পূর্ণ সম্ভব। পূর্বে অধিক টাকা না পাইলে, কুলীনেরা কুলভঙ্গে সম্মত ও প্রবৃত্ত হইতেন না। অধিক টাকা দিয়া, কুলভঙ্গ করিয়া, কন্যার বিবাহ দেন, এরূপ ব্যক্তিও অধিক ছিলেন না। এ কারণে, স্বকৃত-ভঙ্গের সংখ্যা তখন অপেক্ষাকৃত অনেক অল্প ছিল। কিন্তু,

অধুনাতন কুলীনেরা, অম্প লাভে সন্তুষ্ট হইয়া, কুলভঙ্গ করিয়া থাকেন । আর, কুলভঙ্গ করিয়া, কন্যার বিবাহ দিবার লোকের সংখ্যাও এক্ষণে অনেক অধিক হইয়াছে । পূর্বে, কোনও গ্রামে কেবল এক ব্যক্তি কুলভঙ্গ করিয়া কন্যার বিবাহ দিতেন । পরে তাঁহার পাঁচ পুত্র হইল । তাঁহারা সকলে কন্যার বিবাহবিষয়ে পিতৃদৃষ্টান্তের অনুবর্তী হইয়া চলিয়াছেন । এক্ষণে, সেই পাঁচ পুত্রের পুত্রদিগকে, কুলভঙ্গ করিয়া, কন্যার বিবাহ দিতে হইতেছে । সুতরাং, যে স্থানে কেবল এক ব্যক্তি কুলভঙ্গ করিয়া কন্যার বিবাহ দিতেন, সেই স্থানে এক্ষণে সেই প্রথা অবলম্বন করিয়া চলিবার লোকের সংখ্যা অনেক অধিক হইয়াছে । মূল্যও অম্প, গ্রাহকের সংখ্যাও অধিক, এজন্ত, কুলভঙ্গ ব্যবসায়ের উত্তরোত্তর শ্রীবৃদ্ধিই হইতেছে । সুতরাং, স্বকৃতভঙ্গের সংখ্যা এখন অনেক অধিক এবং উত্তরোত্তর অধিক বই ন্যূন হওয়া সম্ভব নহে । স্বকৃতভঙ্গেরা অধিক বিবাহ করিতেছেন, এবং স্থানে স্থানে তাঁহাদের যে কন্যার পাল জন্মিতেছে, তাহাদিগকে স্বকৃতভঙ্গ পাত্রে অর্পণ করিতে হইতেছে । এমন স্থলে, বিবাহবিষয়ক অত্যাচারের বৃদ্ধি ব্যতীত হ্রাস কিরূপে সম্ভব হইতে পারে, বুঝিতে পারা যায় না । যাহা হউক, কুলীনদিগের বিবাহ-বিষয়ক অত্যাচারের প্রায় নিবৃতি হইয়াছে, যাহা কিছু অবশিষ্ট আছে, অম্প দিনেই তাহার সম্পূর্ণ নিবৃতি হইবেক, এ কথা সম্পূর্ণ অলীক ।

কলিকাতাবাসী নব্যসম্প্রদায়ের অধিকাংশ লোক পল্লীগ্রামের কোনও সংবাদ রাখেন না ; সুতরাং, তত্রত্য যাবতীয় বিষয়ে তাঁহারা সম্পূর্ণ অনভিজ্ঞ ; কিন্তু, তৎসংক্রান্ত কোনও বিষয়ে অতিপ্রায় প্রকাশের প্রয়োজন হইলে, সম্পূর্ণ অভিজ্ঞেয় হুঁয়ায়, অসঙ্কুচিত চিন্তে তাহা করিয়া থাকেন । তাঁহারা, কলিকাতার ভাবভঙ্গী দেখিয়া, তদনুসারে পল্লীগ্রামের অবস্থা অনুমান করিয়া লয়েন । ঐ সকল

মহোদয়েরা বলেন, এ দেশে বিদ্যার সবিশেষ চর্চা হওয়াতে, বহু-বিবাহাদি কুপ্রথা প্রায় নিবৃতি হইয়াছে।

এ কথা যথার্থ বটে, বহুকাল ইঙ্গরেজী বিদ্যার সবিশেষ অনুশীলন ও ইঙ্গরেজজাতির সহিত ভূয়িষ্ঠ সংসর্গ দ্বারা, কলিকাতায় ও কলিকাতার অব্যবহিত সন্নিহিত স্থানে কুপ্রথা ও কুসংস্কারের অনেক অংশে নিবৃতি হইয়াছে। কিন্তু, তদ্ব্যতিরিক্ত সমস্ত স্থানে ইঙ্গরেজী বিদ্যার তাদৃশ অনুশীলন হইতেছে না; ও ইঙ্গরেজজাতির সহিত তদ্রূপ ভূয়িষ্ঠ সংসর্গ ঘটিতেছে না; সুতরাং তত্তৎ স্থানে কুপ্রথা ও কুসংস্কারের প্রাদুর্ভাব তদবস্থাই রহিয়াছে। ফলতঃ, পল্লীগ্রামের অবস্থা কোনও অংশে কলিকাতার মত হইয়াছে, এরূপ নির্দেশ নিতান্ত অসঙ্গত। কার্য্যকারণভাবব্যবস্থার প্রতি দৃষ্টি করিলে, এরূপ সংস্কার কদাচ উদ্ভূত হইতে পারে না। কলিকাতায় যে কারণে যত কালে যে কার্য্যের উৎপত্তি হইয়াছে, যে সকল স্থানে যাবৎ সেই কারণের তত কাল সংযোগ না ঘটিতেছে, তাবৎ তথায় সেই কার্য্যের উৎপত্তি প্রত্যাশা করা যাইতে পারে না। কলিকাতায় যত কাল ইঙ্গরেজী বিদ্যার যেরূপ অনুশীলন ও ইঙ্গরেজজাতির সহিত যেরূপ ভূয়িষ্ঠ সংসর্গ হইয়াছে; পল্লীগ্রামে যাবৎ সর্ব্বতোভাবে ঐরূপ না ঘটিতেছে, তাবৎ তথায় কলিকাতার অনুরূপ ফললাভ কোনও ক্রমে সম্ভবিত্তে পারে না। যাহা হউক, কলিকাতার ভাবভঙ্গী দেখিয়া, তদনুসারে পল্লীগ্রামের অবস্থা অনুমানকরা নিতান্ত অব্যবস্থা।

ফলকথা এই, কোনও বিষয়ে মত প্রকাশের প্রয়োজন হইলে, তদ্বিষয়ের বিশেষজ্ঞ না হইয়া, তাহা করা পরামর্শসিদ্ধ নহে। সবিশেষ অনুসন্ধান ব্যতিরেকে কেহ কোনও বিষয়ের বিশেষজ্ঞ হইতে পারেন না। বহুবিবাহপ্রথাবিষয়ে সবিশেষ অনুসন্ধান করিলে, ঐ জঘন্য ও নৃশংস প্রথার অনেক নিবৃতি হইয়াছে, উহা আর পূর্ব্বের মত প্রবল নাই, পরপ্রতারণা যাহার উদ্দেশ্য নহে, তাদৃশ ব্যক্তি

কদাচ এরূপ নির্দেশ করিতে পারেন না । দৈর্ঘ্যের পরতন্ত্র, বা বিদ্বৈষ-
 বুদ্ধির অধীন, অথবা কুসংস্কারবিশেষের বশবর্তী হইয়া, প্রস্তাবিত
 বিষয়ের প্রতিপক্ষতা করামাত্র যাহার মুখ্য উদ্দেশ্য, তিনি তদ্বিষয়ের
 বিশেষজ্ঞই হউন, আর অনভিজ্ঞই হউন, যাহা স্বপক্ষসমর্থনের,
 বা পরপক্ষখণ্ডনের, উপযোগী জ্ঞান করিবেন, তাহাই সচ্ছন্দে নির্দেশ
 করিবেন, যাহা নির্দেশ করিতেছেন, তাহা সম্পূর্ণ অবাস্তব হইলেও,
 তাহাকেই তদ্বিষয়ের প্রকৃত অবস্থা বলিয়া কীর্তন করিতে কিঞ্চিৎমাত্র
 সঙ্কুচিত হইবেন না । কোনও ব্যক্তি, সদভিপ্রায়প্রবর্তিত হইয়া,
 কার্য্যবিশেষের অনুষ্ঠান করিলে, উক্তবিধ ব্যক্তির ঐ অনুষ্ঠানকে,
 অসদভিপ্রায়প্রণোদিত বলিয়া, অম্লান মুখে নির্দেশ করেন ; কিন্তু
 আপনারা যে জিগীষার বশ হইয়া, অতথ্যনির্দেশ দ্বারা পরের চক্ষে
 ধূলি প্রক্ষেপ করিতেছেন, তাহা একবারও ভাবিয়া দেখেন না ।

পঞ্চম আপত্তি।

কেহ কেহ আপত্তি করিতেছেন, বহুবিবাহপ্রথা নিবারিত হইলে, কায়স্থজাতির আত্মরসের ব্যাঘাত ঘটিবেক। এই আপত্তি অতি দুর্বল ও অকিঞ্চিৎকর। আত্মরস না হইলে, কায়স্থদিগের জাতিপাত ও ধর্মলোপ হয় না, এবং বিবাহবিষয়েও কোনও অসুবিধা ঘটে না।

কায়স্থজাতি দুই শ্রেণীতে বিভক্ত; প্রথম কুলীন, দ্বিতীয় মৌলিক। ঘোষ, বসু, মিত্র এই তিন ঘর কুলীন কায়স্থ। মৌলিক দ্বিবিধ, সিদ্ধ ও সাধ্য। দে, দত্ত, কর, সিংহ, সেন, দাস, গুহ, পালিত এই আট ঘর সিদ্ধ মৌলিক। আর সোম, কদ্র, পাল, নাগ, ভঞ্জ, বিষ্ণু, ভদ্র, রাহা, কুণ্ড, সুর, চন্দ্র, নন্দী, শীল, নাথ, রক্ষিত, আইচ, প্রভৃতি যে বায়ত্তর ঘর কায়স্থ আছেন, তাঁহারা সাধ্য মৌলিক। সাধ্য মৌলিকেরা মর্যাদাবিষয়ে সিদ্ধ মৌলিক অপেক্ষা নিকৃষ্ট। সিদ্ধ মৌলিকেরা সম্মৌলিক, সাধ্য মৌলিকেরা বায়ত্তরিয়া, বলিয়া সচরাচর উল্লিখিত হইয়া থাকেন।

কায়স্থজাতির বিবাহের সুলব্যবস্থা এই;— কুলীনের জ্যেষ্ঠ পুত্রকে কুলীনকন্যা বিবাহ করিতে হয়; মৌলিককন্যা বিবাহ করিলে, তাঁহার কুলভ্রংশ ঘটে। কিন্তু, প্রথম কুলীনকন্যা বিবাহ করিয়া, মৌলিককন্যা বিবাহ করিলে, কুলের কোনও ব্যাঘাত ঘটে না। কুলীনের অপর পুত্রেরা মৌলিককন্যা বিবাহ করিতে পারেন, এবং সচরাচর তাহাই করিয়া থাকেন। মৌলিকমাত্রের কুলীনপাত্রে কন্যাদান ও কুলীনকন্যা বিবাহ করা আবশ্যিক। মৌলিকে মৌলিকে আদানপ্রদান

হইলে, জাতিপাত ও ধর্মলোপ হয় না ; কিন্তু, তাদৃশ আদানপ্রদান-কারীদিগকে কায়স্থসমাজে কিছু হেয় হইতে হয় । ৬০ । ৭০ বৎসর পূর্বে, মৌলিকে মৌলিকে বিবাহ নিতান্ত বিরল ছিল না, এবং নিতান্ত দোষাবহ বলিয়াও পরিগৃহীত হইত না ।

মৌলিকেরা কুলীনের দ্বিতীয় পুত্র প্রভৃতিকে কন্যাদান করিয়া থাকেন । কিন্তু, কতিপয় মৌলিকপরিবারের সঙ্কল্প এই, কুলীনের জ্যেষ্ঠ পুত্রকে কন্যাদান করিতে হইবেক । কুলীনের জ্যেষ্ঠ পুত্র প্রথমে মৌলিককন্যা বিবাহ করিতে পারেন না । কুলীনকন্যা বিবাহ দ্বারা তাঁহার কুলরক্ষা হইয়াছে, মৌলিক কায়স্থ, অনেক যত্ন ও অর্থব্যয় করিয়া, তাঁহাকে কন্যা দান করেন । কুলীনের জ্যেষ্ঠ পুত্র এইরূপে মৌলিকগৃহে যে দ্বিতীয় সংসার করেন, তাহার নাম আত্মরস ; আর, যে সকল মৌলিকের গৃহে এইরূপ বিবাহ হয়, তাঁহাদিগকে আত্মরসের ঘর বলে ।

মৌলিকেরা, আত্মরস করিয়া, অনেক যত্নে জামাতাকে গৃহে রাখেন । তাহার কারণ এই বোধ হয়, কুলীনের জ্যেষ্ঠ সম্ভ্রান পিতৃমর্যাদা প্রাপ্ত হন । আত্মরসপ্রিয় মৌলিকদিগের উদ্দেশ্য এই, তাঁহাদের দৌহিত্র সেই মর্যাদার ভাজন হইবেন । কিন্তু, যে ব্যক্তির দুই সংসার, তাহার কোন স্ত্রী প্রথম পুত্রবতী হইবেক, তাহার স্থিরতা নাই । পূর্বপরিণীতা কুলীনকন্যার অগ্রে পুত্র জন্মিলে, আত্মরসের উদ্দেশ্য বিফল হইয়া যায় । জামাতাকে পূর্বপরিণীতা কুলীনকন্যার নিকটে যাইতে না দেওয়া, সেই উদ্দেশ্যসাধনের প্রধান উপায় । এজন্য, জামাতাকে সমুচ্চ করিয়া গৃহে রাখা নিতান্ত আবশ্যক হইয়া উঠে । তাদৃশ স্থলে, পূর্বপরিণীতা কুলীনকন্যা স্বামীর মুখ দেখিতে পান না । বস্তুতঃ, তাদৃশী কুলীনকন্যাকে, নামমাত্রে বিবাহিতা হইয়া, বিধবা কন্যার ন্যায়, পিত্রালয়ে কাল যাপন করিতে হয় । কুলীন জামাতাকে বশে রাখা বিলক্ষণ ব্যয়সাধ্য ; এজন্য, যে সকল আত্মরসকারী মৌলিকের অবস্থা

ক্ষুণ্ণ হইয়াছে, তাঁহারা তদ্বিষয়ে কৃতকার্য হইতে পারেন না ; সুতরাং আদ্যরসের মুখ্যফললাভ তাঁহাদের ভাগ্যে ঘটয়া উঠে না । ঈদৃশ স্থলে, কুলীনের জ্যেষ্ঠ পুত্র কুলীনকন্যা ও মৌলিককন্যা উভয়কে লইয়া সংসারযাত্রা নির্বাহ করেন ।

পূর্বে উল্লিখিত হইয়াছে, আদ্যরস না করিলে, মৌলিকের জাতিপাত ও ধর্মলোপ হয় না, এবং বিবাহবিষয়েও কিছুমাত্র অসুবিধা ঘটে না । কুলীনের মধ্যম প্রভৃতি পুত্রকে কন্যাদান করিলেই মৌলিকের সকল দিক রক্ষা হয় । এজন্য, প্রায় সকল মৌলিকেই তাদৃশ পাত্রে কন্যাদান করিয়া থাকেন । আমি কুলীনের জ্যেষ্ঠ পুত্রকে কন্যাদান করিয়াছি, নিরবচ্ছিন্ন এই অভিমানসুখলোভের বশবর্তী হইয়া, কেবল কতিপয় মৌলিকপরিবার আত্মরস করেন । কিন্তু, তুচ্ছ অভিমানসুখের জন্য, পূর্বপরিণীতা নিরপরাধা কুলীনকন্যার সর্বনাশ করিতেছেন, ক্ষণকালের জন্তেও সে বিবেচনা করেন না । যে দেশে আপন কন্যার হিতাহিত বিবেচনার পদ্ধতি নাই, সে দেশে পরের কন্যার হিতাহিত বিবেচনা সুদূরপরাহত ।

যে সকল আত্মরসপ্রিয় পরিবার নিঃস্ব হইয়াছেন, এবং অর্থ ব্যয় করিয়া, প্রকৃতপ্রস্তাবে, আদ্যরস করিতে সমর্থ নহেন ; আত্মরস অশেষপ্রকারে, তাঁহাদের পক্ষে, বিলক্ষণ বিপদের স্বরূপ হইয়া উঠিয়াছে । তাঁহাদের আন্তরিক ইচ্ছা এই, আত্মরসপ্রথা এই দণ্ডে রহিত হইয়া যায় । রাজশাসন দ্বারা এই কুৎসিত প্রথার উচ্ছেদ হইলে, তাঁহারা পরিত্রাণ বোধ করেন ; কিন্তু, স্বয়ং সাহস করিয়া পথপ্রদর্শনে প্রবৃত্ত হইতে পারেন না । যদি তাঁহারা, আত্মরসে বিসর্জন দিয়া, কুলীনের দ্বিতীয় প্রভৃতি পুত্রে কন্যাদান করিতে আরম্ভ করেন, তাঁহাদের জাতিপাত বা ধর্মলোপ হইবেক না । তবে, আদ্যরস করিল না, অথবা করিতে পারিল না, এই বলিয়া, প্রতিবেশীরা, তাঁহাদিগকে লক্ষ্য করিয়া, নিন্দা ও উপহাস করিবেন ।

কেবল এই নিন্দা ও এই উপহাসের ভয়ে, তাঁহারা আদ্যরস হইতে বিরত হইতে পারিতেছেন না । স্পষ্ট কথা বলিতে হইলে, আমাদের দেশের লোক বড় নির্ঝোঁধ, বড় কাপুরুষ ।

রাজশাসন দ্বারা বহুবিবাহপ্রথা নিবারণিত হইলে, আদ্যরসের ব্যাঘাত ঘটিবেক, সন্দেহ নাই । কিন্তু, তদ্বারা কতিপয় মৌলিক-পরিবারের তুচ্ছ অভিমানসুখের ব্যাঘাত ভিন্ন, কায়স্থজাতির কোনও অংশে কোনও অসুবিধা বা অপকার ঘটিবেক, তাহার কোনও সম্ভাবনা লক্ষিত বা অনুমেয় হইতেছে না । আদ্যরস, কায়স্থজাতির পক্ষে, অপরিহার্য ব্যবহার নহে । এই ব্যবহার অনেক অংশে অনিষ্টকর ও অধর্মকর, তাহার সন্দেহ নাই । যখন, এই ব্যবহার রহিত হইলে, কায়স্থজাতির অহিত, অধর্ম, বা অন্যবিধ অসুবিধা ও অপকার ঘটিতেছে না, তখন উহা বহুবিবাহনিবারণের আপত্তিস্বরূপে উত্থাপিত বা পরিগৃহীত হওয়া কোনও মতে উচিত বা ন্যায্যানুগত নহে । আর, যদি রাজনিয়ম দ্বারা, বা অন্যবিধ কারণে, অকারণে একাধিক বিবাহ করিবার প্রথা রহিত হইয়া যায়, তাহা হইলেও আদ্যরসের এককালে উচ্ছেদ হইতেছে না । কুলীনের যে সকল জ্যেষ্ঠ সম্ভানের স্ত্রীবিয়োগ ঘটিবেক, তাঁহারা আদ্যরসের ঘরে দারপরিগ্রহ করিতে পারিবেন । যাহা হউক, এই আদ্যরসের ব্যাঘাত ঘটিবেক, অতএব বহুবিবাহপ্রথা নিবারণিত হওয়া উচিত নহে, ঈদৃশ আপত্তি উত্থাপন করা কেবল আপনাকে উপহাসাস্পদ করা মাত্র ।

ষষ্ঠ আপত্তি।

কেহ কেহ আপত্তি করিতেছেন, এ দেশে বহুবিবাহ প্রথা প্রচলিত থাকাতে, অশেষবিধ অনিষ্ট ঘটিতেছে, সন্দেহ নাই; যাহাতে তাহার নিবারণ হয়, তদ্বিষয়ে সাধ্যানুসারে সকলের যথোচিত চেষ্টা করা ও যত্নবান্ হওয়া নিতান্ত উচিত ও আবশ্যিক। কিন্তু, বহুবিবাহ সামাজিক দোষ : সামাজিক দোষের সংশোধন সমাজের লোকের কার্য্য; সে বিষয়ে গবর্ণমেন্টকে হস্তক্ষেপ করিতে দেওয়া কোনও ক্রমে বিধেয় নহে।

এই আপত্তি শুনিয়া, আমি কিয়ৎক্ষণ হাস্য সংবরণ করিতে পারি নাই। সামাজিক দোষের সংশোধন সমাজের লোকের কার্য্য, এ কথা শুনিতে আপাততঃ অত্যন্ত কৰ্ণসুখকর। যদি এ দেশের লোক সামাজিক দোষসংশোধনে প্রবৃত্ত ও যত্নবান্ হয়, এবং অবশেষে কৃতকার্য্য হইতে পারে, তাহা অপেক্ষা সুখের, আনন্দের, ও সৌভাগ্যের বিষয় আর কিছুই হইতে পারে না। কিন্তু দেশস্থ লোকের প্রবৃত্তি, বুদ্ধিবৃত্তি, বিবেচনাশক্তি প্রভৃতির অশেষ প্রকারে যে পরিচয় পাওয়া গিয়াছে, এবং অদ্যাপি পাওয়া যাইতেছে, তাহাতে তাঁহারা সমাজের দোষ-সংশোধনে যত্ন ও চেষ্টা করিবেন, এবং সেই যত্নে ও সেই চেষ্টায় ইচ্ছাসিদ্ধি হইবেক, সহজে সে প্রত্যাশা করিতে পারা যায় না। ফলতঃ, কেবল আমাদের যত্ন ও চেষ্টায় সমাজের সংশোধনকার্য্য সম্পন্ন হইবেক, এখনও এ দেশের সে দিন, সে সৌভাগ্যদশা উপস্থিত হয় নাই; এবং কত কালে উপস্থিত হইবেক, দেশের বর্তমান অবস্থা

দেখিয়া, তাহা স্থির বলিতে পারা যায় না। বোধ হয়, কখনও সে দিন ও সে সৌভাগ্যদশা উপস্থিত হইবেক না।

যাঁহারা এই আপত্তি করেন, তাঁহারা নব্য সম্প্রদায়ের লোক। নব্য সম্প্রদায়ের মধ্যে যাঁহারা অপেক্ষাকৃত বয়োবৃদ্ধ ও বহুদর্শী হইয়াছেন, তাঁহারা, অর্কাটীনের স্থায়, সহসা এরূপ অসার কথা মুখ হইতে বিনির্গত করেন না। ইহা বথার্থ বটে, তাঁহারাও এক কালে অনেক বিষয়ে অনেক আশ্ফালন করিতেন; সমাজের দোষসংশোধন ও সমাজের শ্রীবৃদ্ধিসাধন তাঁহাদের জীবনের একমাত্র উদ্দেশ্য, এ কথা সর্বক্ষণ তাঁহাদের মুখে স্মৃত্য করিত। কিন্তু, এ সকল পঠদশার ভাব। তাঁহারা পঠদশা সমাপন করিয়া বৈষয়িক ব্যাপারে প্রবৃত্ত হইলেন। ক্রমে ক্রমে, পঠদশার ভাবের তিরোভাব হইতে লাগিল। অবশেষে, সামাজিক দোষের সংশোধন দূরে থাকুক, স্বয়ং সেই সমস্ত দোষে সম্পূর্ণ লিপ্ত হইয়া, সচ্ছন্দ চিত্তে কালযাপন করিতেছেন। এখন তাঁহারা বহুদর্শী হইয়াছেন; সমাজের দোষসংশোধন, সমাজের শ্রীবৃদ্ধিসাধন, এ সকল কথা, ভাবিক্রমেও, আর তাঁহাদের মুখ হইতে বহির্গত হয় না; বরং, ঐ সকল কথা শুনিলে, বা কাহাকেও ঐ সকল বিষয়ে সচেষ্ট হইতে দেখিলে, তাঁহারা হাস্য ও উপহাস করিয়া থাকেন।

এই সম্প্রদায়ের অল্পবয়স্কদিগের এক্ষণে পঠদশার ভাব চলিতেছে। অল্পবয়স্কদের মধ্যে যাঁহারা অল্প বয়সে বিদ্যালয় পরিত্যাগ করেন, তাঁহাদেরই আশ্ফালন বড়। তাঁহাদের ভাবভঙ্গী দেখিয়া, অনায়াসে লোকের এই বিশ্বাস জন্মিতে পারে, তাঁহারা সমাজের দোষসংশোধনে ও শ্রীবৃদ্ধিসম্পাদনে প্রাণসমর্পণ করিয়াছেন। কিন্তু তাঁহারা যে মুখমাত্রসার, অন্তরে সম্পূর্ণ অসার, অনায়াসে সকলে তাহা বুঝিতে পারেন না। তাদৃশ ব্যক্তিরাই উন্নত ও উদ্ধত বাক্যে কহিয়া থাকেন, সমাজের দোষসংশোধন সমাজের লোকের

কার্য্য, সে বিষয়ে গবর্ণমেন্টকে হস্তক্ষেপ করিতে দেওয়া বিধেয় নহে । কিন্তু, সমাজের দোষসংশোধন কিরূপ কার্য্য, এবং কিরূপ সমাজের লোক, অন্ত্যদীয় সাহায্য নিরপেক্ষ হইয়া, সমাজের দোষসংশোধনে সমর্থ, যাঁহাদের সে বোধ ও সে বিবেচনা আছে, তাঁহারা, এ দেশের অবস্থা দেখিয়া, কখনই সাহস করিয়া বলিতে পারেন না, আমরা কোনও কালে, কেবল আত্মযত্নে ও আত্মচেষ্ঠায়, সামাজিক দোষ-সংশোধনে কৃতকার্য্য হইতে পারিব । আমরা অত্যন্ত কাপুরুষ, অত্যন্ত অপদার্থ ; আমাদের হতভাগা সমাজ অতিকুৎসিত দোষপরম্পরায় অত্যন্ত পরিপূর্ণ । এ দিকের চন্দ্র ও দিকে গেলেও, এরূপ লোকের ক্ষমতায় এরূপ সমাজের দোষসংশোধন সম্পন্ন হইবার নহে । উল্লিখিত নব্যপ্রামাণিকেরা কথায় বিলক্ষণ প্রবীণ ; তাঁহাদের যেরূপ বুদ্ধি, যেরূপ বিদ্যা, যেরূপ ক্ষমতা, তদপেক্ষা অনেক অধিক উচ্চ কথা কহিয়া থাকেন । কথা বলা যত সহজ, কার্য্য করা তত সহজ নহে ।

আমাদের সামাজিক দোষসংশোধনে প্রবৃত্তি ও ক্ষমতার বিষয়ে দুটি উদাহরণ প্রদর্শিত হইতেছে ; প্রথম, ব্রাহ্মণজাতির কন্যাবিক্রয় ; দ্বিতীয়, কায়স্থজাতির পুত্রবিক্রয় । ব্রাহ্মণজাতির অধিকাংশ শ্রোত্রিয় ও অনেক বংশজ কন্যাবিক্রয় করেন ; আর, সমুদায় শ্রোত্রিয় ও অধিকাংশ বংশজ কন্যাক্রয় করিয়া বিবাহ করেন । এই ক্রয়বিক্রয় শাস্ত্রানুসারে অতি গর্হিত কর্ম্ম ; এবং প্রকারান্তরে বিবেচনা করিয়া দেখিলে, অতি জঘন্য ব্যবহার । অত্রি কহিয়াছেন,

ক্রয়ক্রীতা চ যা কন্যা পত্নী সা ন বিধীয়তে ।

তস্যাং জাতাঃ সূতাস্তেষাং পিতৃপিণ্ডং ন বিদ্যতে ॥ (১)

ক্রয় করিয়া যে কন্যাকে বিবাহ করে, সে পত্নী নহে ; তাহার গর্ভে যে সকল পুত্র জন্মে, তাহারা পিতার পিণ্ডদানে অধিকারী নয় ।

ক্রয়ক্রীতা তু যা নারী ন সা পত্ন্যভিধীয়তে ।

ন সা দৈবে ন সা পৈত্রে দাসীং তাং কবয়ো বিদ্বঃ ॥ (২)

ক্রয় করিয়া যে নারীকে বিবাহ করে, তাহাকে পত্নী বলে না ;
সে দেবকার্য্যে ও পিতৃকার্য্যে বিবাহকর্তার সহধর্মচারিণী হইতে
পারে না ; পণ্ডিতেরা তাহাকে দাসী বলিয়া গণনা করেন ।

বৈকুণ্ঠবাসী হরিশর্মার প্রতি ব্রহ্মা কহিয়াছেন,

যঃ কন্যাবিক্রয়ং যুটো লোভাচ্চ কুরুতে দ্বিজ ।

স গচ্ছেন্নরকং ঘোরং পুরীষহৃদসংজ্ঞকম্ ॥

বিক্রীতায়াম্শ্চ কন্যায়া যঃ পুত্রো জায়তে দ্বিজ ।

স চাণ্ডাল ইতি জ্ঞেয়ঃ সর্বধর্মবহিষ্কৃতঃ ॥ (৩)

হে দ্বিজ, যে যুট লোভবশতঃ কন্যাবিক্রয় করে, সে পুরীষহৃদ নামক
ঘোর নরকে যায় । হে দ্বিজ, বিক্রীতা কন্যার যে পুত্র জন্মে, সে
চণ্ডাল, তাহার কোনও ধর্মে অধিকার নাই ।

দেখ ! কন্যাক্রয় করিয়া বিবাহকরা শাস্ত্রানুসারে কত দুষ্ট ।
শাস্ত্রকারেরা তাদৃশ স্ত্রীকে পত্নী বলিয়া, ও তাদৃশ স্ত্রীর গর্ভজাত
সন্তানকে পুত্র বলিয়া, অঙ্গীকার করেন না ; তাহাদের মতে তাদৃশ স্ত্রী
দাসী ; তাদৃশ পুত্র সর্বধর্মবহিষ্কৃত চণ্ডাল । সস্ত্রীক হইয়া ধর্মকার্য্যের
অনুষ্ঠান করিতে হয় ; কিন্তু, শাস্ত্রানুসারে তাদৃশ স্ত্রী ধর্মকার্য্যে
স্বামীর সহচারিণী হইতে পারে না । পিণ্ডপ্রত্যাশায় লোকে পুত্র-
প্রার্থনা করে ; কিন্তু, শাস্ত্রানুসারে তাদৃশ পুত্র পিতার পিণ্ডদানে
অধিকারী নহে । আর, যে ব্যক্তি অর্থলোভে কন্যাবিক্রয় করে, সে
চিরকালের জন্য নরকগামী হয় ।

অর্থলোভে কন্যাবিক্রয় ও কন্যাক্রয় করিয়া বিবাহকরা অতি জঘন্য ব্যবহার, ইহা সকলেই স্বীকার করিয়া থাকেন ; যাহারা কন্যা বিক্রয় করেন, এবং যাহারা, কন্যা ক্রয় করিয়া, বিবাহ করেন, তাঁহারাও, সময়ে সময়ে, এই ক্রয়বিক্রয় ব্যবসায়কে অতি গর্হিত বলিয়া কীর্তন করিয়া থাকেন । এই ব্যবহার, যার পর নাই, অধর্মকর ও অনিষ্টকর, তাহাও সকলের বিলক্ষণ হৃদয়ঙ্গম হইয়া আছে । যদি আমাদের সামাজিক দোষসংশোধনে প্রবৃত্তি ও ক্ষমতা থাকিত, তাহা হইলে, এই কুৎসিত কাণ্ড এত দিন এ প্রদেশে প্রচলিত থাকিত না ।

(ব্রাহ্মণজাতির কন্যাবিক্রয় ব্যবসায় অপেক্ষা, কায়স্থজাতির পুত্র-বিক্রয় ব্যবসায় আরও ভয়ানক ব্যাপার । মধ্যবিধ ও হীনাবস্থ কায়স্থজাতির কন্যা হইলেই সর্বনাশ । কন্যার যত বয়োরুদ্ধি হয়, পিতার সর্বশরীরের শোণিত শুষ্ক হইতে থাকে । যার কন্যা, তার সর্বনাশ ; যার পুত্র, তার পোষ্যমাস । বিবাহের সম্বন্ধ উপস্থিত হইলে, পুত্রবান্ ব্যক্তি অলঙ্কার, দানসামগ্রী প্রভৃতি উপলক্ষে পুত্রের এত মূল্য প্রার্থনা করেন, যে মধ্যবিধ ও হীনাবস্থ কায়স্থের পক্ষে কন্যাদায় হইতে উদ্ধার হওয়া দুর্ঘট হয় । এ বিষয়ে বরপক্ষ একরূপ নির্লজ্জ ও নৃশংস ব্যবহার করেন, যে তাঁহাদের উপর অত্যন্ত অশ্রদ্ধা জন্মে । কোতুকের বিষয় এই, কন্যার বিবাহদিবার সময় যাহারা শশব্যস্ত ও বিপদগ্রস্ত হন ; পুত্রের বিবাহদিবার সময়, তাঁহাদেরই আর একপ্রকার ভাবভঙ্গী হয় । এইরূপে, কায়স্থেরা কন্যার বিবাহের সময় মহাবিপদ, ও পুত্রের বিবাহের সময় মহোৎসব, জ্ঞান করেন । পুত্রবিক্রয় ব্যবসায় যে অতি কুৎসিত কর্ম, তাহা কায়স্থমাত্রে স্বীকার করিয়া থাকেন ; কিন্তু আপনাদি পুত্রের বিবাহের সময়, সে বোধও থাকে না, সে বিবেচনাও থাকে না । আশ্চর্যের বিষয় এই, যাহারা নিজে সুশিক্ষিত ও পুত্রকে সুশিক্ষিত করিতেছেন, এ ব্যবসায়ে তাঁহারাও নিতান্ত অস্পষ্ট নির্দয় নহেন । যে বালক বিশ্ববিদ্যালয়ের প্রবেশিকা পরীক্ষায় উত্তীর্ণ হইয়াছে,

তাহার মূল্য অনেক ; যে তদপেক্ষা উচ্চ পরীক্ষায় উত্তীর্ণ হইয়াছে, তাহার মূল্য তদপেক্ষা অনেক অধিক ; যাহারা তদপেক্ষাও অধিকবিদ্য হইয়াছে, তাহাদের সহিত কন্যার বিবাহ প্রস্তাব করা অনেকের পক্ষে অসংসাহসিক ব্যাপার । আর, যদি তদুপরি ইষ্টকনির্মিত বাসস্থান ও ঐসাচ্ছাদনের সমাবেশ থাকে, তাহা হইলে, সর্বনাশের ব্যাপার । বিলক্ষণ সঙ্গতিপন্ন না হইলে, তাদৃশ স্থলে বিবাহের কথা উত্থাপনে অধিকারী হয় না । অধিক আশ্চর্যের বিষয় এই, পল্লীগাম অপেক্ষা কলিকাতায় এই ব্যবসায়ের বিষম প্রাদুর্ভাব । সর্বাপেক্ষা আশ্চর্যের বিষয় এই, ব্রাহ্মণজাতির কন্যার মূল্য ক্রমে অল্প হইয়া আসিতেছে, কায়স্থজাতির পুত্রের মূল্য উত্তরোত্তর অধিক হইয়া উঠিতেছে । যদি বাজার এইরূপ থাকে, অথবা আরও গরম হইয়া উঠে ; তাহা হইলে, মধ্যবিধ ও হীনাবস্থা কায়স্থপরিবারের অনেক কন্যাকে, ব্রাহ্মণজাতীয় কুলীনকন্যার ন্যায়, অবিবাহিত অবস্থায় কালযাপন করিতে হইবেক ।

যে রূপ দেখিতে ও শুনিতে পাওয়া যায়, কায়স্থমাত্রে এ বিষয়ে বিলক্ষণ জ্বালাতন হইয়াছেন । ইহা যে অতি লজ্জাকর ও ঘণাকর ব্যবহার, সে বিষয়ে মতভেদ দেখিতে পাওয়া যায় না । কায়স্থজাতি, একবাক্য হইয়া, যে বিষয়ে ঘণা ও বিদ্বেষ প্রদর্শন করিতেছেন, তাহা অদ্ব্যপি প্রচলিত আছে কেন । যদি এ দেশের লোকের সামাজিক দোষসংশোধনে প্রবৃতি ও ক্ষমতা থাকিত, তাহা হইলে, কায়স্থজাতির পুত্রবিক্রয় ব্যবহার বহু দিন পূর্বে রহিত হইয়া যাইত ।

এ দেশের হিন্দুসমাজ ঈদৃশ দোষপরম্পরায় পরিপূর্ণ । পূর্বোক্ত নব্যপ্রামাণিকদিগকে জিজ্ঞাসা করি, এপর্যন্ত, তাঁহারা তন্মধ্যে কোন কোন দোষের সংশোধনে কত দিন কিরূপ যত্ন ও চেষ্টা করিয়াছেন ; এবং তাঁহাদের যত্নে ও চেষ্টায় কোন কোন দোষের সংশোধন হইয়াছে ; এক্ষণেই বা তাঁহারা কোন কোন দোষের সংশোধনে চেষ্টা ও যত্ন করিতেছেন ।

✓ বহুবিবাহপ্রথা প্রচলিত থাকাতে, অশেষপ্রকারে হিন্দুসমাজের অনিষ্ট ঘটিতেছে। সহস্র সহস্র বিবাহিতা নারী, যার পর নাই, যন্ত্রণাভোগ করিতেছেন। ব্যভিচারদোষের ও জ্ঞানহত্যাপাপের স্রোত প্রবলবেগে প্রবাহিত হইতেছে। দেশের লোকের যত্নে ও চেষ্টায় ইহার প্রতিকার হওয়া কোনও মতে সম্ভাবিত নহে। সম্ভাবনা থাকিলে, তদর্থে রাজদ্বারে আবেদন করিবার কিছুমাত্র প্রয়োজন থাকিত না। এক্ষণে, বহুবিবাহপ্রথা রহিত হওয়া আবশ্যিক, এই বিবেচনায়, রাজদ্বারে আবেদন করা উচিত; অথবা একরূপ বিষয়ে রাজদ্বারে আবেদন করা ভাল নয়, অতএব তাহা প্রচলিত থাকুক, এই বিবেচনায়, কাস্ত্রু থাকা উচিত। ✓ এই জঘন্য ও নৃশংস প্রথা প্রচলিত থাকাতে, সমাজে যে গরীয়সী অনিষ্টপরম্পরা ঘটিতেছে, যাঁহারা তাহা অহরহঃ প্রত্যক্ষ করিতেছেন, এবং তাহা প্রত্যক্ষ করিয়া, যাঁহাদের অন্তঃকরণ দুঃখানলে দগ্ধ হইতেছে, তাঁহাদের বিবেচনায়, যে উপায়ে হউক, এই প্রথা রহিত হইলেই, সমাজের মঙ্গল। বস্তুতঃ, রাজশাসন দ্বারা এই নৃশংস প্রথার উচ্ছেদ হইলে, সমাজের মঙ্গল ভিন্ন অমঙ্গল ঘটিবেক, তাহার কোনও হেতু বা সম্ভাবনা দেখিতে পাওয়া যায় না। আর, যাঁহারা তদর্থে রাজদ্বারে আবেদন করিয়াছেন, তাঁহাদের যে কোনও প্রকারে অন্যায় বা অবিবেচনার কর্ম্য করা হইয়াছে, তর্ক দ্বারা তাহা প্রতিপন্ন করাও নিতান্ত সহজ বোধ হয় না। আমাদের ক্ষমতা গবর্ণমেন্টের হস্তে দেওয়া উচিত নয়, এ কথা বলাবালকতা প্রদর্শন মাত্র। আমাদের ক্ষমতা কোথায়। ক্ষমতা থাকিলে, স্বেচ্ছা বিষয়ে গবর্ণমেন্টের নিকটে যাওয়া কদাচ উচিত ও আবশ্যিক হইত না; আমরা নিজেই সমাজের সংশোধনকার্য্য সম্পন্ন করিতে পারিতাম। ইচ্ছা নাই, চেষ্টা নাই, ক্ষমতা নাই, সুতরাং সমাজের দোষসংশোধন করিতে পারিবেন না; কিন্তু তদর্থে রাজদ্বারে আবেদন করিলে, অপমানবোধ বা সর্বনাশজ্ঞান করিবেন, একরূপ লোকের সংখ্যা, বোধ করি, অধিক নহে; এবং অধিক না হইলেই দেশের ও সমাজের মঙ্গল।

সপ্তম আপত্তি ।

কেহ কেহ আপত্তি করিতেছেন, ভারতবর্ষের সর্বপ্রদেশেই, হিন্দু মুসলমান উভয়বিধ সম্প্রদায়ের লোকের মধ্যে, বহুবিবাহপ্রথা প্রচলিত আছে। তন্মধ্যে, কেবল বাঙ্গালাদেশের হিন্দুসম্প্রদায়ের লোক, ঐ প্রথা রহিত করিবার নিমিত্ত, আবেদন করিয়াছেন। বাঙ্গালাদেশ ভারতবর্ষের এক অংশ মাত্র। এক অংশের এক সম্প্রদায়ের লোকের অনুরোধে, ভারতবর্ষীয় যাবতীয় প্রজাকে অসন্তুষ্ট করা গবর্ণমেন্টের উচিত নহে।

এই আপত্তি কোনও ক্রমে যুক্তিযুক্ত বোধ হইতেছে না। বহুবিবাহ-প্রথা প্রচলিত থাকাতে, বাঙ্গালাদেশে হিন্দুসম্প্রদায়ের মধ্যে যত দোষ ও যত অনিষ্ট ঘটিতেছে ; বোধ হয়, ভারতবর্ষের অন্য অন্য অংশে তত নহে, এবং বাঙ্গালাদেশের মুসলমানসম্প্রদায়ের মধ্যেও, সেরূপ দোষ বা সেরূপ অনিষ্ট শুনিতে পাওয়া যায় না। সে যাহা হউক, যাহারা আবেদন করিয়াছেন, বাঙ্গালাদেশে হিন্দুসম্প্রদায়ের মধ্যে বহুবিবাহনিবন্ধন যে অনিষ্ট সংঘটন হইতেছে, তাহার নিবারণ হয়, এই তাঁহাদের উদ্দেশ্য, এই তাঁহাদের প্রার্থনা। এ দেশের মুসলমানসম্প্রদায়ের লোকে বহু বিবাহ করিয়া থাকেন ; তাঁহারা চিরকাল সেরূপ করুন ; তাহাতে আবেদনকারীদিগের কোনও আপত্তি নাই, এবং তাঁহাদের এরূপ ইচ্ছাও নহে, এবং প্রার্থনাও নহে, যে গবর্ণমেন্ট এই উপলক্ষে তাঁহাদেরও বহুবিবাহের পথ বন্ধ করিয়া দেন ; অথবা, গবর্ণমেন্ট এক উদ্যমে ভারতবর্ষের সর্বসাধারণ লোকের পক্ষে বিবাহবিষয়ে ব্যবস্থা করুন, ইহাও তাঁহাদের অভিপ্রেত নহে। বহু-

বিবাহসূত্রে স্বদেশের যে মহতী দুরবস্থা ঘটিয়াছে, তদর্শনে তাঁহারা দুঃখিত হইয়াছেন, এবং সেই দুরবস্থা বিমোচনের উপায়ান্তর না দেখিয়া, রাজদ্বারে আবেদন করিয়াছেন । স্বদেশের ও স্বসম্প্রদায়ের দুরবস্থা বিমোচন যাত্রা তাঁহাদের উদ্দেশ্য । যদি গবর্ণমেন্ট সদয় হইয়া, তাঁহাদের আবেদন গ্রাহ্য করিয়া, এ দেশের হিন্দুসম্প্রদায়ের বিবাহবিষয়ে কোনও ব্যবস্থা বিধিবদ্ধ করেন, তাহাতে এ প্রদেশের মুসলমানসম্প্রদায়, অথবা ভারতবর্ষের অন্যান্য প্রদেশের হিন্দু মুসলমান উভয় সম্প্রদায়, অসন্তুষ্ট হইবেন কেন । এ দেশের হিন্দুসম্প্রদায় গবর্ণমেন্টের প্রজা । তাঁহাদের সমাজে কোনও বিষয় নিরতিশয় ক্লেশকর হইয়া উঠিয়াছে । তাঁহাদের যত্নে ও ক্ষমতায় সে ক্লেশের নিবারণ হইতে পারে না । অথচ সে ক্লেশের নিবারণ হওয়া নিতান্ত আবশ্যিক । প্রজারা, নিকপায় হইয়া, রাজার আশ্রয়গ্রহণপূর্বক, সহায়তা প্রার্থনা করিয়াছে । এমন স্থলে, প্রজার প্রার্থনা পরিপূরণকরা রাজার অবশ্যকর্তব্য । এক প্রদেশের প্রজাবর্গের প্রার্থনা অনুসারে, তাহাদের হিতার্থে কেবল সেই প্রদেশের জন্ত, কোনও ব্যবস্থা বিধিবদ্ধ করিলে, হয় ত প্রদেশান্তরীয় প্রজারা অসন্তুষ্ট হইবেক, এই আশঙ্কা করিয়া তদ্বিষয়ে বৈমুখ্য অবলম্বন করা রাজধর্ম্য নহে ।

এরূপ প্রবাদ আছে, ভারতবর্ষের ভূতপূর্ব গবর্ণর জেনেরেল মহাত্মা লর্ড বেণ্টিক, অতি নৃশংস সহগমনপ্রথা রহিত করিবার নিমিত্ত, ক্লত-সঙ্কল্প হইয়া, প্রধান প্রধান রাজপুরুষদিগকে পরামর্শ জিজ্ঞাসা করিয়াছিলেন । তাঁহারা সকলেই স্পষ্ট বাক্যে কহিয়াছিলেন, এ বিষয়ে হস্তক্ষেপ করিলে, ভারতবর্ষের এক প্রান্ত হইতে অপর প্রান্ত পর্য্যন্ত, যাবতীয় লোক ষৎপারোনাস্তি অসন্তুষ্ট হইবেক, এবং অবিলম্বে রাজবিদ্ৰোহে অভ্যুত্থান করিবেক । মহামতি মহাসত্ব গবর্ণর জেনেরেল, এই সকল কথা শুনিয়া, ভীত বা হতোৎসাহ না হইয়া কহিলেন, যদি এই প্রথা রহিত করিয়া এক দিন আমাদের রাজ্য থাকে, তাহা হইলেও ইঙ্গরেজজাতির নামের যথার্থ গৌরব ও রাজ্যাধিকারের

সম্পূর্ণ সার্থকতা হইবেক । তিনি, প্রজার দুঃখদর্শনে দয়াদ্রুচিত ও স্বতঃপ্রবৃত্ত হইয়া, এই মহাকার্য্য সম্পন্ন করিয়াছিলেন । এক্ষণেও আমরা সেই ইঙ্গরেজজাতির অধিকারে বাস করিতেছি ; কিন্তু অবস্থার কত পরিবর্তন হইয়াছে । যে ইঙ্গরেজজাতি স্বতঃপ্রবৃত্ত হইয়া, রাজ্য-ভ্রংশভয় অগ্রাহ্য করিয়া, প্রজার দুঃখ বিমোচন করিয়াছেন ; এক্ষণে স্বতঃপ্রবৃত্ত হওয়া দূরে থাকুক, প্রজারা বারংবার প্রার্থনা করিয়াও কৃতকার্য্য হইতে পারে না । হায় !

“তে কেহপি দিবসং গতাঃ” ।

সে এক দিন গিয়াছে ।

যাহা হউক, আবেদনকারীদের অভিযত ব্যবস্থা বিধিবদ্ধ করিলে, গবর্ণমেন্ট এতদেশীয় মুসলমান বা অন্যান্য প্রদেশীয় হিন্দু মুসলমান উভয়বিধ প্রজাবর্গের নিকট অপরাধী হইবেন, অথবা তাহারা অসন্তুষ্ট হইবেক, এই ভয়ে অভিভূত হইয়া প্রার্থিত বিষয়ে বৈমুখ্য অবলম্বন করিবেন, এ কথা কোনও মতে শ্রদ্ধেয় হইতে পারে না । ইঙ্গরেজজাতি তত নির্বোধ, তত অপদার্থ ও তত কাপুরুষ নহেন । ষে রূপে শুনিতে পাই, তাঁহারা রাজ্যভোগের লোভে আকৃষ্ট হইয়া, এ দেশে অধিকার বিস্তার করেন নাই ; সর্ব্বাংশে এ দেশের শ্রীরুদ্ধি-সাধনই তাঁহাদের রাজ্যাধিকারের একমাত্র উদ্দেশ্য ।

এ স্থলে, একটি কুলীনমহিলার আক্ষেপোক্তির উল্লেখ না করিয়া, ক্ষান্ত থাকিতে পারিলাম না । ঐ কুলীনমহিলা ও তাঁহার কনিষ্ঠা ভগিনীর সহিত সাক্ষাৎ হইলে, জ্যেষ্ঠা জিজ্ঞাসা করিলেন, আবার না কি বহুবিবাহনিবারণের চেষ্টা হইতেছে । আমি কহিলাম, কেবল চেষ্টা নয়, যদি তোমাদের কপালের জোর থাকে, আমরা এ বারে কৃতকার্য্য হইতে পারিব । তিনি কহিলেন, যদি আর কোনও জোর না থাকে, তবে তোমরা কৃতকার্য্য হইতে পারিবে না ; কুলীনের মেয়ের নিতান্ত পোড়া কপাল ; সেই পোড়া কপালের জোরে ষত হবে, তা

আমরা বিলক্ষণ জানি । এই বলিয়া, মৌনাবলম্বনপূর্বক, কিয়ৎক্ষণ ক্রোড়স্থিত শিশু কন্যাটির মুখ নিরীক্ষণ করিলেন; অনন্তর, সজলনয়নে আমার দিকে চাহিয়া কহিলেন, বহুবিবাহ নিবারণ হইলে, আমাদের আর কোনও লাভ নাই; আমরা এখনও যে সুখভোগ করিতেছি, তখনও সেই সুখভোগ করিব । তবে যে হতভাগীরা আমাদের গর্ভে জন্মগ্রহণ করে, যদি তাহারা আমাদের মত চিরদুঃখিনী না হয়, তাহা হইলেও আমাদের অনেক দুঃখ নিবারণ হয় । কিঞ্চিৎকাল, এইরূপ আক্ষেপ করিয়া, সেই কুলীনমহিলা কহিলেন, সকলে বলে, এক স্ত্রীলোক আমাদের দেশের রাজা; কিন্তু আমরা সে কথায় বিশ্বাস করি না; স্ত্রীলোকের রাজ্যে স্ত্রীজাতির এত দুরবস্থা হইবে কেন । এই কথা বলিবার সময়, তাঁহার স্নান বদনে বিষাদ ও নৈরাশ্য এরূপ সুস্পষ্ট ব্যক্ত হইতে লাগিল যে আমি দেখিয়া, শোকাভিভূত হইয়া, অশ্রু-বিসর্জন করিতে লাগিলাম ।

হা বিধাতঃ ! তুমি কি কুলীনকন্যাদের কপালে, নিরবচ্ছিন্ন ক্লেশ-ভোগ ভিন্ন, আর কিছুই লিখিতে শিখ নাই । উল্লিখিত আক্ষেপবাক্য আমাদের অধীশ্বরী ককণাময়ী ইংলণ্ডেশ্বরীর কর্ণগোচর হইলে, তিনি সাতিশয় লজ্জিত ও নিরতিশয় দুঃখিত হন, সন্দেহ নাই ।

এই দুই কুলীনমহিলার সংক্ষিপ্ত পরিচয় এই ;—ইঁহারা দুপুরুষিয়া ভঙ্গকুলীনের কন্যা এবং স্বকৃতভঙ্গ কুলীনের বনিতা । জ্যেষ্ঠার বয়ঃক্রম ২১।২২ বৎসর, কনিষ্ঠার বয়ঃক্রম ১৬। ১৭ বৎসর । জ্যেষ্ঠার স্বামীর বয়ঃক্রম ৩০ বৎসর, তিনি এপর্য্যন্ত ১২ টি বিবাহ করিয়াছেন । কনিষ্ঠার স্বামীর বয়ঃক্রম ২৫। ২৬ বৎসর, তিনি এপর্য্যন্ত ৩২ টি অধিক বিবাহ করেন নাই ।

উপসংহার ।

উপস্থিত বহুবিবাহনিবারণচেষ্টা বিষয়ে, আমি যে সকল আপত্তি শুনিতে পাইয়াছি, তাহাদের নিরাকরণে যথাশক্তি যত্ন করিলাম । আমার যত্ন কত দূর সফল হইয়াছে, বলিতে পারি না । যাহারা দয়া করিয়া এই পুস্তক পাঠ করিবেন, তাঁহারা তাহার বিবেচনা করিতে পারিবেন । এ বিষয়ে এতদ্ব্যতিরিক্ত আরও কতিপয় আপত্তি উপস্থিত হইতে পারে ; সে সকলেরও উল্লেখ করা আবশ্যিক ।

প্রথম ;—কতকগুলি লোক বিবাহবিষয়ে যথেষ্টাচারী ; ইচ্ছা হইলেই বিবাহ করিয়া থাকেন । এরূপ ব্যক্তিসকল নিজে সংসারের কর্ত্তা ; সুতরাং, বিবাহ প্রভৃতি সাংসারিক বিষয়ে অন্যদীয় ইচ্ছার বশবর্ত্তী নহেন । ইহারা স্বেচ্ছানুসারে ২।৩।৪।৫ বিবাহ করিয়া থাকেন । ইহারা আপত্তি করিতে পারেন, সাংসারিক বিষয়ে মনুষ্যমাত্রের সম্পূর্ণ কর্ত্তৃত্ব ও স্বেচ্ছানুসারে চলিবার সম্পূর্ণ ক্ষমতা আছে ; প্রতিবেশিবর্গের সে বিষয়ে কথা কহিবার বা প্রতিবন্ধক হইবার অধিকার নাই । যাহাদের একাধিক বিবাহ করিতে ইচ্ছা বা প্রবৃত্তি নাই, তাঁহারা এক বিবাহে সন্তুষ্ট হইয়া সংসারযাত্রা নির্বাহ করুন ; আমরা তাঁহাদিগকে অধিক বিবাহ করিতে অনুরোধ করিব না । আমাদের অধিক বিবাহ করিবার ইচ্ছা আছে, আমরা তাহা করিব ; সে বিষয়ে তাঁহারা দোষদর্শন বা আপত্তি উত্থাপন করিবেন কেন ।

দ্বিতীয় ;—পিতা মাতা পুত্রের বিবাহ দিয়াছেন । বিবাহের পর, কন্যাপক্ষীয়দিগকে, বহুবিধ দ্রব্যসামগ্রী দিয়া, মধ্যে মধ্যে জামাতার

তত্ত্ব করিতে হয় । তত্ত্বের সামগ্রী ইচ্ছানুরূপ না হইলে, জামাতৃপক্ষীয় স্ত্রীলোকেরা অসন্তুষ্ট হইয়া থাকেন । কোনও কোনও স্থলে এই অসন্তোষ এত প্রবল ও দুর্নিবার হইয়া উঠে যে তদুপলক্ষে পুনরায় পুত্রের বিবাহ দেওয়া আবশ্যক হয় ।

তৃতীয় ;—কখনও কখনও অতি সামান্য কারণে বৈবাহিকদিগের পরস্পর বিলক্ষণ অস্বরস ঘটিয়া উঠে । তথাবিধ স্থলেও পিতা মাতা, বৈবাহিককুলের উপর আক্রোশ করিয়া, পুনরায় পুত্রের বিবাহ দিয়া থাকেন ।

চতুর্থ ;—কোনও কারণে, কোনও কোনও স্থলে, পুত্রবধূর উপর শাওড়ীর বিষম বিদ্বেষ জন্মে । সেই বিদ্বেষবুদ্ধির বশবর্তিনী হইয়া, তিনি স্বামীকে সন্মত করিয়া পুনরায় পুত্রের বিবাহ দেন ।

পঞ্চম ;—অধিক অলঙ্কার দানসামগ্রী প্রভৃতি পাওয়া যাইতেছে, এই লোভে আক্রান্ত হইয়া, কোনও কোনও পিতা মাতা কদাকার কন্যার সহিত পুত্রের বিবাহ দেন । সেই স্ত্রীর উপর পুত্রের অনুরাগ জন্মে না । পরিশেষে পুত্রের সন্তোষার্থে পুনরায় তাহার বিবাহ দিতে হয় ।

ষষ্ঠ ;—অন্য কোনও লোভ নাই, কেবল কুটুম্বিতার বড় সুখ হইবেক, এ অনুরোধেও পিতা মাতা, পুত্রের হিতাহিত বিবেচনা না করিয়া, তাহার বিবাহ দিয়া থাকেন । সে স্থলেও অবশেষে পুনরায় পুত্রের বিবাহ দিবার আবশ্যকতা ঘটে ।

যদি রাজশাসন দ্বারা বহুবিবাহপ্রথা রহিত হইয়া যায়, তাহা হইলে, পুত্রের বিবাহবিষয়ে পিতামাতার যে স্বেচ্ছাচার আছে, তাহার উচ্ছেদ হইবেক । সুতরাং তাঁহাদেরও তন্নিবারণবিষয়ে আপত্তি করিবার আবশ্যকতা আছে । কিন্তু এপর্যন্ত, কোনও পক্ষ হইতে তাদৃশ আপত্তি স্পষ্ট বাক্যে উচ্চারিত হয় নাই । সুতরাং, ঐ সকল আপত্তির নিরাকরণে প্ররত হইবার প্রয়োজন নাই ।

বহুবিবাহপ্রথা নিবারণার্থ আবেদনপত্র প্রদানবিষয়ে যাঁহারা প্রধান উদ্যোগী, কোনও কোনও পক্ষ হইতে তাঁহাদের উপর এই অপবাদ প্রবর্তিত হইতেছে যে, তাঁহারা কেবল নাম কিনিবার জন্য দেশের অনিষ্টসাধনে উদ্বৃত্ত হইয়াছেন । এ বিষয়ে বক্তব্য এই যে, বিংশতি সহস্রের অধিক লোক আবেদন পত্রে স্বাক্ষর করিয়াছেন । ইঁহারা সকলে এত নিরোধ ও অপদার্থ নহেন, যে এককালে সদস-
দ্বিবেচনাশূন্য হইয়া, কতিপয় ব্যক্তির নামক্রয়বাসনা পূর্ণ করিবার জন্য, স্ব স্ব নাম স্বাক্ষর করিবেন । নিম্নে কতিপয় স্বাক্ষরকারীর নাম নির্দিষ্ট হইতেছে ;—

বর্দ্ধমানাধিপতি শ্রীযুত মহারাজাধিরাজ মহাতাপচন্দ্র বাহাদুর

নবদ্বীপাধিপতি শ্রীযুত মহারাজ সতীশচন্দ্র রায় বাহাদুর

শ্রীযুত রাজা প্রতাপচন্দ্র সিংহ বাহাদুর (পাইকপাড়া)

শ্রীযুত রাজা সত্যশরণ ঘোষাল বাহাদুর (ভূকৈলাস)

শ্রীযুত বাবু জয়কৃষ্ণ মুখোপাধ্যায় (উত্তরপাড়া)

শ্রীযুত বাবু রাজকুমার রায় চৌধুরী (বারিপুর)

শ্রীযুত রাজা পূর্ণচন্দ্র রায় (সাওড়াপুলী)

শ্রীযুত বাবু সারদাপ্রসাদ রায় (চকদিঘী)

শ্রীযুত বাবু যজ্ঞেশ্বর সিংহ (ভাস্তাড়া)

শ্রীযুত রায় প্রিয়নাথ চৌধুরী (টাকী)

শ্রীযুত বাবু শিবনারায়ণ রায় (জাড়া)

শ্রীযুত বাবু শম্ভুনাথ পাণ্ডিত

শ্রীযুত বাবু দেবেন্দ্রনাথ ঠাকুর

শ্রীযুত বাবু রামগোপাল ঘোষ

শ্রীযুত বাবু হীরালাল শীল

শ্রীযুত বাবু শ্যামচরণ মল্লিক

শ্রীযুত বাবু রাজেন্দ্র মল্লিক

শ্রীযুত বাবু রাজেন্দ্র দত্ত

শ্রীযুত বাবু নৃসিংহ দত্ত

শ্রীযুত বাবু গোবিন্দচন্দ্র সেন

শ্রীযুত বাবু হরিমোহন সেন

শ্রীযুত বাবু মাধবচন্দ্র সেন

শ্রীযুত বাবু রামচন্দ্র ঘোষাল
শ্রীযুত বাবু দৈশ্বর চন্দ্র ঘোষাল
শ্রীযুত বাবু দ্বারকানাথ মল্লিক
শ্রীযুত বাবু কৃষ্ণকিশোর ঘোষ
শ্রীযুত বাবু দ্বারকানাথ মিত্র
শ্রীযুত বাবু দয়ালচাঁদ মিত্র

শ্রীযুত বাবু রাজেন্দ্রলাল মিত্র
শ্রীযুত বাবু প্যারীচাঁদ মিত্র
শ্রীযুত বাবু দুর্গাচরণ লাহা
শ্রীযুত বাবু শিবচন্দ্র দেব
শ্রীযুত বাবু শ্যামাচরণ সরকার
শ্রীযুত বাবু কৃষ্ণদাস পাল

এক্ষণে অনেকে বিবেচনা করিতে পারিবেন, এই সকল ব্যক্তিকে তত নির্বোধ ও অপদার্থ জ্ঞান করা সম্ভব কি না। বহুবিবাহপ্রথা নিবারণ হওয়া উচিত ও আবশ্যিক, এরূপ সংস্কার না জন্মিলে, এবং তদর্থে রাজদ্বারে আবেদন করা পরামর্শসিদ্ধ বোধ না হইলে, ইঁহারা অস্ত্রের অনুরোধে, বা অন্যবিধ কারণ বশতঃ, আবেদনপত্রে নাম স্বাক্ষর করিবার ব্যক্তি নহেন। আর, বহুবিবাহপ্রথা নিবারিত হইলে দেশের অনিষ্টসাধন হইবেক, এ কথাই অর্থগ্ৰহ করিতে পারা যায় না। বহুবিবাহপ্রথা যে, যার পর নাই, অনিষ্টের কারণ হইয়া উঠিয়াছে, তাহা, বোধ হয়, চক্ষু কণ্ঠ হৃদয় বিশিষ্ট কোনও ব্যক্তি অস্বীকার করিতে পারেন না। সেই নিরতিশয় অনিষ্টকর বিষয়ের নিবারণ হইলে, দেশের অনিষ্টসাধন হইবেক, আপত্তিকারী মহাপুরুষদের মত সূক্ষ্মদর্শী না হইলে, তাহা বিবেচনা করিয়া স্থির করা দুঃকর। বাহা হউক, ইহা নির্ভয়ে ও নিঃসংশয়ে নির্দেশ করা যাইতে পারে, যাঁহারা বহুবিবাহ-প্রথা নিবারণের জন্য রাজদ্বারে আবেদন করিয়াছেন, স্ত্রীজাতির দুঃখস্থাবিযোচন ও সমাজের দোষসংশোধন ভিন্ন, তাঁহাদের অন্য কোনও উদ্দেশ্য বা অভিসন্ধি নাই।

পরিশিষ্ট

১

পুস্তকের দ্বিতীয় প্রকরণে কতকগুলি সংস্কৃত শ্লোক প্রমাণরূপে পরিগৃহীত হইয়াছে ; কিন্তু, ঐ সকল শ্লোক কোন গ্রন্থ হইতে উদ্ধৃত হইল, তত্তৎস্থলে তাহার নির্দেশ নাই । শ্লোকসকল, বহুকাল পূর্বে, বিক্রমপুরবাসী প্রসিদ্ধ কুলাচার্য ঈশ্বরচন্দ্র তর্কভূষণ মহাশয়ের নিকট হইতে সংগৃহীত হইয়াছিল ; কিন্তু, তর্কভূষণ মহাশয় যে পুস্তক হইতে উদ্ধৃত করিয়া দেন, অনবধান বশতঃ, ঐ পুস্তকের নাম লিখিয়া রাখা হয় নাই । তর্কভূষণ মহাশয়ের লোকান্তর প্রাপ্তি হইয়াছে ; সুতরাং এ বিষয়ে তদীয় সাহায্যলাভের আর প্রত্যাশা নাই । উল্লিখিত শ্লোক সমূহের অধিকাংশ অত্রত্য কুলাচার্য মহাশয়দিগের কণ্ঠস্থ আছে ; কিন্তু ঐ গ্রন্থ তাঁহাদের নিকটে নাই ; এবং এখানে কোনও স্থানে আছে কি না, তাহারও অনুসন্ধান পাওয়া গেল না । এই নিমিত্ত, নিতান্ত নিরুপায় হইয়া, গ্রন্থের নাম নির্দেশ করিতে পারি নাই ।

২

পুস্তকের চতুর্থ প্রকরণে, বিবাহব্যবসায়ী ভঙ্গকুলীনদিগের ব্রাহ্ম, বয়স, বিবাহসংখ্যার যে পরিচয় প্রদত্ত হইয়াছে,

ভবিষ্যে কিছু বলা আবশ্যক । তাদৃশ ভঙ্গকুলীনদিগের পৈতৃক বাসস্থান নাই ; কতকগুলি পিতার মাতুলালয়ে, কতকগুলি নিজের মাতুলালয়ে, কতকগুলি পুত্রের মাতুলালয়ে অবস্থিতি করিয়া থাকেন ; আর কতকগুলি কখন কোন আলায়ে অবস্থিতি করেন, তাহার স্থিরতা নাই । সুতরাং তাঁহাদের যে বাসস্থান নির্দিষ্ট হইয়াছে, কোনও কোনও স্থলে, তাহার বৈলক্ষণ্য লক্ষিত হইতে পারে । তাঁহাদের বয়ঃক্রম বিষয়ে বক্তব্য এই যে, এই বিষয় পাঁচ বৎসর পূর্বে সংগৃহীত হইয়াছিল ; সুতরাং, এক্ষণে তাঁহাদের পাঁচ বৎসর অধিক বয়স হইয়াছে, এবং হয়ত কেহ কেহ পঞ্চত্ব প্রাপ্ত হইয়াছেন । আর বিবাহসংখ্যা দৃষ্টি করিয়া, কেহ কেহ বলিতে পারেন, অধিকবয়স্কদিগের বিবাহের সংখ্যা যেরূপ অধিক, অল্পবয়স্কদিগের সেরূপ অধিক দৃষ্ট হইতেছে না ; ইহাতে বোধ হইতেছে, এক্ষণে বিবাহব্যবসায়ের অনেক হ্রাস হইয়াছে । এ বিষয়ে বক্তব্য এই যে, তাঁহাদের বিবাহের সংখ্যা অধিক, এক দিনে বা এক বৎসরে, তাঁহারা তত বিবাহ করেন নাই, তাঁহাদের বিবাহের সংখ্যা ক্রমে বৃদ্ধি প্রাপ্ত হইয়াছে, এবং অদ্যাপি বৃদ্ধি প্রাপ্ত হইতেছে । ভঙ্গকুলীনেরা জীবনের অন্তিম ক্ষণ পর্য্যন্ত বিবাহ করিয়া থাকেন । এই পাঁচ বৎসরে, অল্পবয়স্ক দলের মধ্যে অনেকের বিবাহসংখ্যা বৃদ্ধিপ্রাপ্ত হইয়াছে ; এবং, ক্রমে বৃদ্ধিপ্রাপ্ত হইয়া, অধিক বয়সে এক্ষণকার বয়োবৃদ্ধ ব্যক্তিদের সমান হইবেক, সে বিষয়ে কিছুমাত্র সন্দেহ নাই । অতএব, উভয় পক্ষের বিবাহসংখ্যাগত বর্তমান বৈলক্ষণ্যদর্শনে, ভঙ্গকুলীনদিগের বিবাহ-

ব্যবসায় আর পূর্বের মত প্রবল নাই, এরূপ সিদ্ধান্তকরা
কোনও মতে ন্যায়ানুমোদিত হইতে পারে না ।

৩

A BILL TO REGULATE THE PLURALITY OF MARRIAGES BETWEEN HINDUS IN BRITISH INDIA.

~~~~~

**Preamble** Whereas the institution of marriage among Hindus has become subject to great abuses, which are alike repugnant to the principles of Hindu Law and the feelings of the people generally; and whereas the practice of unlimited polygamy has led to the perpetration of revolting crimes; and whereas it is expedient to make Legislative provision for the prevention of those abuses and crimes, alike at variance with sound policy, justice, and morality: It is enacted as follows:—

I. No marriage, contracted by any male person of the Hindu religion, who has a wife alive, shall be valid, unless such person, on his remarriage, shall comply with the provisions of this act relative to remarriages.

II. Every male person of the Hindu religion, who desires to contract a fresh marriage, while he has a wife alive, shall prepare a written application, setting forth the grounds on which he claims to be allowed to remarry, and shall present the same to the Local Committee or Panchayet appointed to receive such applications. Every such Local

Committee or Panchayet shall consist of persons conversant with the laws or usages of Hindus.

III. On receipt of an application under the last preceding section, the Local Committee or Panchayet shall proceed to inquire whether there are sufficient grounds for allowing the claim therein set forth. Every such claim shall be summarily disallowed, unless one of the following grounds be alleged in the application.

1. That the living wife of the applicant has committed adultery.

2. That the living wife of the applicant is a confirmed Lunatic.

3. That the living wife of the applicant is afflicted with incurable Leprosy or some other such incurable and loathsome disease.

4. That the living wife of the applicant has been incapable of bearing male children, for a period of not less than eight years after the consummation of marriage.

5. That the living wife of the applicant is guilty of practices by which a Hindu becomes an outcaste.

6. That the living wife of the applicant is a person with whom, according to the law and usages of the Hindus, he could not lawfully contract a marriage ; and that his marriage with her had been contracted in ignorance of the true state of the case, or in consequence of fraud practised upon him.

IV. If the grounds alleged in an application relate exclusively to matters of private concernment, the Local Committee or Panchayet may require the applicant to testify to the facts on solemn affirmation and may record such testimony as sufficient prima facie evidence of the facts so

testified. Provided, that nothing in this act shall exempt any applicant, in respect to any fact so testified, from liability to prosecution in a charge of giving false evidence.

V. If any of the grounds, stated above, be alleged in the application for permission to remarry, the Local Committee or Panchayet shall proceed to investigate the claim and shall pass an award allowing or disallowing the same.

VI. Every such award of a Local Committee or Panchayet shall be treated as an award of arbitrators and shall be forwarded without delay to the District Court, for registration.

VII. The District Judge, on receipt of any such award, shall issue a notice to every person concerned, allowing a stated period in which to shew cause why the award should not be registered. Provided, that such notice shall not state the grounds upon which the award is based; the party wishing to know them, may apply to the Local Committee or Panchayet for a copy of their award.

VIII. If, within the period allowed, any of the parties concerned appear to shew cause, the District Judge shall appoint a day for hearing the objection, and after such hearing shall pass judgment rejecting or admitting such objection. Provided, that if the objection relate to some point of Hindu Law or usage or to some matter of private concernment, it shall be competent to the District Judge, without passing judgment, to refer the objection to the Local Committee or Panchayet, by whom the award was made, for further investigation and report, and proceed, on receipt of their reply, to pass judgment as aforesaid.

IX. If the objection be admitted, the award shall be of no effect and shall not be registered.

X. If the objection be rejected, or if no objection be made within the period stated, the award shall be duly registered.

XI. When any such award shall be registered in the District Court, any party concerned may, at any time, obtain a copy of the same and may put it in as sufficient *prima facie* evidence that the remarriage, to which it refers, is not invalid.

XII. Any person infringing the provisions of this act shall, on conviction before a competent Court, be punished with imprisonment, with or without hard labor, for a period not exceeding five years, or a fine not exceeding five thousand Rupees, or both.

XIII. Any person or persons, who shall knowingly aid or abet any person in infringing the provisions of this act, shall, on conviction before a competent Court, be punished with imprisonment, with or without hard labor, for a period not exceeding two years, or a fine not exceeding two thousand Rupees, or both.

XIV. On the registration, under this act, of an award of a Local Committee or Panchayet, a fee shall be chargeable at such rate as the Local Government shall from time to time prescribe.

# বহু বিবাহ



রহিত হওয়া উচিত কি না

এতদ্বিষয়ক বিচার।

---

দ্বিতীয় পুস্তক।

শ্রী সৈশ্বরচন্দ্র বিদ্যা সাগর প্রণীত।

---

কলিকাতা

শ্রী পীতাম্বরবন্দ্যোপাধ্যায় দ্বারা

সংস্কৃত যন্ত্রে মুদ্রিত।

সংবৎ ১৯২৯।

# বহুবিবাহ

## দ্বিতীয় পুস্তক

যদুচ্ছাপ্রবৃত্ত বহুবিবাহকাণ্ড যে শাস্ত্রবহির্ভূত ও সাধুবিগর্হিত ব্যবহার, ইহা বহুবিবাহ রহিত হওয়া উচিত কি না এতদ্বিষয়ক বিচারপুস্তকে প্রতিপাদিত হইয়াছে। তদর্শনে কতিপয় ব্যক্তি অতিশয় অসন্তুষ্ট হইয়াছেন, এবং তাদৃশ বিবাহব্যবহার সর্বতোভাবে শাস্ত্রানুমোদিত কর্তব্য কর্ম, ইহা প্রতিপন্ন করিবার নিমিত্ত প্রয়াস পাইয়াছেন। আক্ষেপের বিষয় এই, প্রতিবাদী মহাশয়েরা তত্ত্বনির্ণয়পক্ষে তাদৃশ যত্ববান্ হইবেন নাই, জিগীষা বা পাণ্ডিত্যপ্রদর্শনবাসনার বশবর্তী হইয়া, বিচারকার্য্য নির্বাহ করিয়াছেন। কোনও বিষয় প্রস্তাবিত হইলে, যে কোনও প্রকারে প্রতিবাদ করা আবশ্যক, অনেকেই আত্মোপাস্ত এই বুদ্ধির অধীন হইয়া চলিয়াছেন। ঈদৃশ ব্যক্তিবর্গের তাদৃশ বিচার দ্বারা কীদৃশ ফললাভ হওয়া সম্ভব, তাহা সকলেই অনায়াসে অনুমান করিতে পারেন। আমার দৃঢ় সংস্কার এই, যে সকল মহাশয়েরা প্রকৃত প্রস্তাবে ধর্মশাস্ত্রের ব্যবসায় বা অনুশীলন করিয়াছেন, যদুচ্ছাপ্রবৃত্ত বহুবিবাহকাণ্ড শাস্ত্রানুমোদিত ব্যবহার, ইহা কদাচ তাঁহাদের মুখ বা লেখনী হইতে নির্গত হইতে পারে না।

প্রতিবাদী মহাশয়দিগের সংখ্যা অধিক নহে । সমুদয়ে পাঁচ ব্যক্তি প্রতিবাদে প্রবৃত্ত হইয়াছেন । পুস্তকপ্রচারের পের্ব্বাপর্য্য অনুসারে, তাঁহাদের সংক্ষিপ্ত পরিচয় প্রদত্ত হইতেছে । প্রথম মুর্শিদাবাদ-নিবাসী শ্রীযুত গঙ্গাধর কবিরত্ন । কবিরত্ন মহাশয় ব্যাকরণে ও চিকিৎসাশাস্ত্রে প্রবীণ বলিয়া প্রসিদ্ধ । ধর্ম্মশাস্ত্রের ব্যবসায় তাঁহার জ্ঞাতিধর্ম্ম নহে, এবং তাঁহার পুস্তক পাঠ করিলে স্পষ্ট প্রতীয়মান হয়, তিনি ধর্ম্মশাস্ত্রের বিশিষ্টরূপ অনুশীলন করেন নাই । সুতরাং, ধর্ম্মশাস্ত্রসংক্রান্ত বিচারে প্রবৃত্ত হওয়া কবিরত্নমহাশয়ের পক্ষে এক প্রকার অনধিকারচর্চা হইয়াছে, এরূপ নির্দেশ করিলে, বোধ করি, নিতান্ত অসঙ্গত বলা হয় না । দ্বিতীয় বরিসালনিবাসী শ্রীযুত রাজকুমার ভট্টাচার্য্য । শুনিয়াছি, এই মহাশয় বহুকাল ন্যায়শাস্ত্র অধ্যয়ন করিয়াছেন ; কিন্তু ধর্ম্মশাস্ত্রবিষয়ে জীমূতবাহনপ্রণীত দায়ভাগ ব্যতীত অল্প কোনও গ্রন্থের অনুশীলন করিয়াছেন, সম্ভব বোধ হয় না । তিনি, একমাত্র দায়ভাগ অবলম্বন করিয়া, যদৃচ্ছাপ্রবৃত্ত বহুবিবাহকাণ্ডের শাস্ত্রীয়তাপক্ষ রক্ষা করিতে উদ্যত হইয়াছেন । তৃতীয় শ্রীযুত ক্ষেত্রপাল স্মৃতিরত্ন । স্মৃতিরত্ন মহাশয় অতিশয় ধীরস্বভাব, অত্যাচার-প্রতিবাদী মহাশয়দিগের মত উদ্ধত ও অহমিকাপূর্ণ নহেন । তাঁহার পুস্তকের কোনও স্থলে উদ্ধত্যপ্রদর্শন বা গর্বিতবাক্য প্রয়োগ দেখিতে পাওয়া যায় না । তিনি, শিষ্টাচারের অনুবর্তী হইয়া, শাস্ত্রার্থ সংস্থাপনে যত্ন প্রদর্শন করিয়াছেন । চতুর্থ শ্রীযুত সত্যব্রতসামশ্রমী । সামশ্রমী মহাশয় অল্পবয়স্ক ব্যক্তি, অল্প কাল হইল বারাণসী হইতে এ দেশে আসিয়াছেন । নব্য ন্যায়শাস্ত্র তিন সমুদয় সংস্কৃত শাস্ত্র অধ্যয়ন করিয়াছেন এবং সমুদয়ের অধ্যাপনা করিতে পারেন, এই বলিয়া আত্মপরিচয় প্রদান করিয়া থাকেন । কিন্তু তিনি রীতিমত ধর্ম্মশাস্ত্রের অনুশীলন করিয়াছেন, তদীয় পুস্তকপাঠে কোনও ক্রমে তদ্রূপ প্রতীতি জন্মে না । তাঁহার বয়সে যত দূর শোভা পায়,

তদীয় ঔদ্ধত্য তদপেক্ষা অনেক অধিক । সর্বশেষ ক্রীষুত তারানাথ তর্কবাচস্পতি । তর্কবাচস্পতি মহাশয় কলিকাতাস্থ রাজকীয় সংস্কৃত-বিদ্যালয়ে ব্যাকরণশাস্ত্রের অধ্যাপনা করিয়া থাকেন, কিন্তু সর্বশাস্ত্র-বেত্তা পাণ্ডিত বলিয়া সর্বত্র পরিচিত হইয়াছেন । তিনি যে ধর্মশাস্ত্র-ব্যবসায়ী নহেন, এবং কখনও রীতিমত ধর্মশাস্ত্রের অনুশীলন করেন নাই, তদীয় পুস্তক তদ্বিষয়ে সম্পূর্ণ সাক্ষ্য প্রদান করিতেছে । তিনি যে সকল সিদ্ধান্ত করিয়াছেন, তৎসমুদয়ই অপসিদ্ধান্ত । অনেকেই বলিয়া থাকেন, তর্কবাচস্পতি মহাশয়ের বুদ্ধি আছে, কিন্তু বুদ্ধির স্থিরতা নাই ; নানা শাস্ত্রে দৃষ্টি আছে, কিন্তু কোনও শাস্ত্রে প্রবেশ নাই ; বিতণ্ডা করিবার বিলক্ষণ শক্তি আছে, কিন্তু মীমাংসা করিবার তাদৃশী ক্ষমতা নাই । বলিতে অতিশয় দুঃখ উপস্থিত হইতেছে, তিনি, বহুবিবাহবাদ পুস্তক প্রচার দ্বারা, এই কয়টি কথা অনেক অংশে সপ্রমাণ করিয়া দিয়াছেন ।

বাহা হউক, বহুবিবাহবিষয়ক আন্দোলনসংক্রান্ত তদীয় আচরণের পূর্বাপর পর্য্যালোচনা করিয়া দেখিলে, চমৎকৃত হইতে হয় । ছয় বৎসর পূর্বে যখন, বহুবিবাহপ্রথার নিবারণপ্রার্থনায়, রাজদ্বারে আবেদনপত্র প্রদত্ত হয়, তৎকালে তর্কবাচস্পতি মহাশয় নিবারণপক্ষে বিলক্ষণ উৎসাহী ও অনুরাগী ছিলেন এবং স্বতঃপ্রসূত হইয়া, সাতিশয় আগ্রহসহকারে, আবেদনপত্রে নাম স্বাক্ষর করেন । সেই আবেদনপত্রের মূল মর্ম্ম এই ; “নয় বৎসর অতীত হইল, যদৃচ্ছাপ্রবৃত্ত বহুবিবাহব্যবহারের নিবারণপ্রার্থনায়, পূর্বতন ব্যবস্থাপক সমাজে ৩২ খানি আবেদনপত্র প্রদত্ত হইয়াছিল । এই অতি জঘন্য, অতি নৃশংস ব্যবহার হইতে যে অশেষবিধ অনর্থসংঘটন হইতেছে, তৎসমুদয় ঐ সকল আবেদনপত্রে সবিস্তর উল্লিখিত হইয়াছে ; এজন্য আমরা আর সে সকল বিষয়ের উল্লেখ করিতেছি না । আমাদের মধ্যে অনেকে ঐ সকল আবেদনপত্রে নামস্বাক্ষর করিয়াছেন, এবং ঐ সকল

আবেদনপত্রে যে সকল কথা লিখিত হইয়াছে, তৎসমুদয় আমরা সকলে অঙ্গীকার করিয়া লইতেছি” । নামস্বাক্ষর করিবার সময়, তর্কবাচস্পতি মহাশয়, আবেদনপত্রের অর্থ অবগত হইয়া, এই আপত্তি করিয়াছিলেন, পূর্বতন আবেদনপত্রে কি কি কথা লিখিত আছে, তাহা অবগত না হইলে, আমি স্বাক্ষর করিতে পারিব না ; পরে ঐ আবেদনপত্রের অর্থ অবগত হইয়া, নামস্বাক্ষর করেন । “এ দেশের ধর্মশাস্ত্র অনুসারে, পুরুষ একমাত্র বিবাহে অধিকারী, কিন্তু শাস্ত্রোক্ত নিমিত্ত ঘটিলে, একাধিক বিবাহ করিতে পারেন ; এই শাস্ত্রোক্ত নিয়ম লঙ্ঘন করিয়া, যদৃচ্ছাক্রমে যত ইচ্ছা বিবাহ করা এক্ষণে বিলক্ষণ প্রচলিত হইয়া উঠিয়াছে” । ঐ সকল আবেদনপত্রে এই সকল কথা লিখিত আছে, এবং এই সকল কথা বিশিষ্টরূপে অবগত হইয়া, তর্কবাচস্পতি মহাশয় আবেদনপত্রে নামস্বাক্ষর করেন । এই সময়েই আমি, বহুবিবাহ রহিত হওয়া উচিত কি না এতদ্বিষয়ক বিচারপুস্তকের প্রথম ভাগ রচনা করিয়া, তাঁহাকে গুনাইয়াছিলাম । গুনিয়া তিনি সাতিশয় সম্মুখ হইয়াছিলেন, এবং শাস্ত্রের যথার্থ ব্যাখ্যা হইয়াছে এই বলিয়া, যুক্তকণ্ঠে সাধুবাদ প্রদান করিয়াছিলেন । এক্ষণে সেই তর্কবাচস্পতি মহাশয় বহুবিবাহরক্ষাপক্ষ অবলম্বন করিয়াছেন এবং বহুবিবাহব্যবহারকে শাস্ত্রসম্মত কর্তব্য কর্ম বলিয়া প্রতিপন্ন করিতে উদ্যত হইয়াছেন ।

তদীয় এতাদৃশ চরিতবৈচিত্র্যের মূল এই । আমার পুস্তক প্রচারিত হইবার অব্যবহিত পরেই, শ্রীযুত ক্ষেত্রপালস্মৃতিরত্নপ্রভৃতি কতিপয় ব্যক্তি, বহুবিবাহকাণ্ড শাস্ত্রানুমোদিত ব্যবহার ইহা প্রতিপন্ন করিবার নিমিত্ত, এক ব্যবস্থাপত্র প্রচার করেন । ঐ সময়ে অনেকে কহিয়াছিলেন, তর্কবাচস্পতি মহাশয়ের পরামর্শে ও সহায়তায় ঐ ব্যবস্থাপত্র প্রচারিত হইয়াছে । কিন্তু আমি তাঁহাকে যদৃচ্ছাপ্রবৃত্ত বহুবিবাহব্যবহারের বিষয় বিদ্যেবী বলিয়া জানিতাম, এজন্য তিনি

বহুবিবাহরক্ষাপক্ষ অবলম্বন করিয়াছেন, এ কথায় আমার বিশ্বাস জন্মে নাই ; বরং তাদৃশ নির্দেশদ্বারা অকারণে তাঁহার উপর উৎকট দোষারোপ হইতেছে, এই বিবেচনা করিয়াছিলাম । ঐ আরোপিত দোষের পরিহার বাসনায়, উল্লিখিত ব্যবস্থাপত্রের আলোচনা করিয়া, উপসংহার কালে লিখিয়াছিলাম,—

“অনেকের মুখে শুনিতে পাই, তাঁহারা কলিকাতাস্থ রাজকীয় সংস্কৃতবিদ্যালয়ের ব্যাকরণশাস্ত্রের অধ্যাপক শ্রীযুত তারানাথ তর্ক-বাচস্পতি ডাটাচার্য্য মহাশয়ের পরামর্শে ও সহায়তায় বহুবিবাহ-বিষয়ক শাস্ত্রসম্মত বিচারপত্র প্রচার করিয়াছেন । কিন্তু সহসা এ বিষয়ে বিশ্বাস করিতে প্রবৃত্তি হইতেছে না । তর্কবাচস্পতি মহাশয় এত অসম্মত নহেন, যে এরূপ অসম্মীচীন আচরণে দূষিত হইবেন । পাঁচ বৎসর পূর্বে, যখন বহুবিবাহনিবারণপ্রার্থনায়, রাজদ্বারে আবেদন করা হয়, সে সময়ে তিনি এ বিষয়ে বিলক্ষণ অনুরাগী ছিলেন, এবং স্মৃতঃপ্রবৃত্ত হইয়া, নিরতিশয় আগ্রহ ও উৎসাহ সহকারে আবেদনপত্রে নামস্বাক্ষর করিয়াছেন । এক্ষণে তিনিই আবার বহু-বিবাহরক্ষাপক্ষ অবলম্বন করিয়া, এই লজ্জাকর, ঘৃণাকর, অনর্থকর, অধর্ম্যকর ব্যবহারকে শাস্ত্রসম্মত বলিয়া প্রতিপন্ন করিতে প্রয়াস পাইবেন, ইহা সম্ভব বোধ হয় না” ।

আমার আলোচনাপত্রের এই অংশ পাঠ করিয়া, তর্কবাচস্পতি মহাশয় ক্রোধে অন্ধ হইয়াছেন, এই কথা শুনিতে পাইলাম ; কিন্তু তুষ্ট না হইয়া, কষ্ট হইলেন কেন, কিছুই স্থির করিতে পারিলাম না । অবশেষে, সর্বিশেষ অনুসন্ধানদ্বারা জানিতে পারিলাম, যদ্ব্যপ্রবৃত্ত বহুবিবাহকাণ্ড রহিত হওয়া আবশ্যক বিবেচনা করিয়া, কলিকাতাস্থ ধর্ম্মরক্ষিণী সভা তন্নিবারণবিষয়ে সর্বিশেষ সচেষ্ট ও তদ্বিষয়ে ত্রাণপণ্ডিতবর্গের মত সংগ্রহে প্রবৃত্ত হইলেন, এবং রাজশাসন ব্যতিরেকে এই ক্রমচ্য ব্যবহার রহিত হওয়া সম্ভাবিত নহে,

ইহা স্থির করিয়া, রাজদ্বারে আবেদন করিবার অভিপ্রায় করেন । তর্কবাচস্পতি মহাশয় এ বিষয়ে সম্পূর্ণ প্রতিবাদী হইয়াছিলেন, এবং ধর্ম্মরক্ষিণী সভা অধ্যক্ষের প্ররক্ত হইয়াছেন, আর তাঁহাদের সংশ্রবে থাকা বিধেয় নহে, এই বিবেচনা করিয়া, ক্রোধভরে সভার সম্বন্ধ পরিত্যাগ করিয়াছেন । আমার আলোচনাপত্র প্রচারিত হইলে, ধর্ম্মরক্ষিণী সভার অধ্যক্ষেরা জানিতে পারিলেন, তর্কবাচস্পতি মহাশয়, কিছু দিন পূর্বে, বহুবিবাহনিবারণবিষয়ে সবিশেষ উৎসাহী ও উদ্দেগী ছিলেন এবং বহুবিবাহনিবারণপ্রার্থনায় আবেদনপত্রে নামস্বাক্ষর করিয়াছিলেন । ইতিপূর্বে তিনি নিজের ঘাঘা করিয়াছেন, এক্ষণে তাঁহারা তাহাই করিতে নচেই হইয়াছেন ; কিন্তু এই অপরাধে অধার্ম্মিকবোধে তাঁহাদের সংশ্রব ত্যাগ করা আশ্চর্য্যের বিষয় জ্ঞান করিয়া, তাঁহারা উপহাস করিতে আরম্ভ করিয়াছেন । আমার লিখনদ্বারা পূর্বকথা ব্যক্ত না হইলে, ধর্ম্মরক্ষিণী সভার অধ্যক্ষেরা তর্কবাচস্পতি মহাশয়ের পূর্বতন আচরণ বিষয়ে বিন্দুবিসর্গও জানিতে পারিতেন না, এবং এপর্য্যন্ত তাহা অপ্রকাশ থাকিলে, তাঁহারা তাঁহাকে উপহাস করিবারও পথ পাইতেন না । সুতরাং, আমিই তাঁহাকে অপ্রতিভ করিয়াছি, এবং আমার দোষেই তাঁহাকে উপহাসাস্পদ হইতে হইয়াছে ; এই অপরাধ ধরিয়া, যার পর নাই কুপিত হইয়াছেন, এবং আমার প্রচারিত বহুবিবাহবিষয়িণী ব্যবস্থা খণ্ডন করিয়া, আমায় অপদম্ব করিবার নিমিত্ত, বহুবিবাহবাদপুস্তক প্রচার করিয়াছেন । ধর্ম্মবুদ্ধির অধীন হইয়া, শাস্ত্রার্থ সংস্থাপনে প্ররক্ত হইলে, লোক বেক্লপ আদরণীয় ও শ্রদ্ধাভাজন হইবেন ; রোষবশে বিদ্বৈষবুদ্ধির অধীন হইয়া, শাস্ত্রার্থবিপ্লাবনে প্ররক্ত হইলে, লোককে তদনুরূপ অনাদরণীয় ও অশ্রদ্ধাভাজন হইতে হয় । ফলতঃ, এই অলৌকিক আচরণ দ্বারা, তর্কবাচস্পতি মহাশয় যে রাগদ্বৈষের নিতান্ত বশীভূত ও নিতান্ত অবিমৃশ্যকারী মনুষ্য, ইহারই সম্পূর্ণ পরিচয় প্রদান করা হইয়াছে ।

তর্কবাচস্পতি মহাশয়ের বহুবিবাহবাদ সংস্কৃত ভাষায় সঙ্কলিত হইয়াছে ; এমন্য সংস্কৃতানভিজ্ঞ ব্যক্তিবর্গ তদীয় গ্রন্থপাঠে অধিকারী হইতে পারেন নাই । যদি বাঙ্গালা ভাষায় সঙ্কলিত হইত, তাহা হইলে, তিনি এই গ্রন্থের সঙ্কলন বিষয়ে যে বিদ্যাপ্রকাশ করিয়াছেন, দেশস্থ সমস্ত লোকে তাহার সম্পূর্ণ পরিচয় পাইতে পারিতেন । আমার পুস্তকে বহুবিবাহবাদের যে সকল অংশ উদ্ধৃত হইবেক, তাহার অনুবাদ পাঠ করিয়া, তাঁহারা তদীয় বিদ্যাপ্রকাশের আংশিক পরিচয় পাইতে পারিবেন, সন্দেহ নাই ; কিন্তু তদ্বারা পর্যাপ্ত পরিমাণে পরিভূপ্ত হওয়া সম্ভব নহে । শুনিয়াছিলাম, সর্বসাধারণের হিতার্থে, বহুবিবাহবাদ অবিলম্বে বাঙ্গালা ভাষায় অনুবাদিত ও প্রচারিত হইবেক । দুর্ভাগ্যক্রমে, এপর্যন্ত তাহা না হওয়াতে, বোধ হইতেছে, তাঁহারা তদীয় বহুবিবাহবিচারবিষয়ক বিদ্যা-প্রকাশের সম্পূর্ণ পরিচয় লাভে বঞ্চিত রহিলেন । তিনি গ্রন্থারম্ভে প্রতিজ্ঞা করিয়াছেন, “বাঁহারা ধর্মের তত্ত্বজ্ঞানলাভে অভিলাষী. তাঁহাদের বোধ জন্মাইবার নিমিত্তই আমার যত্ন” (১) । কিন্তু সংস্কৃত ভাষায় গ্রন্থরচনা করাতে, তাঁহার প্রতিজ্ঞা ফলবতী হইবার সম্ভাবনা নাই । এ দেশের অধিকাংশ লোক সংস্কৃতজ্ঞ নহেন, সুতরাং তাদৃশ ব্যক্তিবর্গ, ধর্মের তত্ত্বজ্ঞানলাভে অভিলাষী হইলেও, তদীয় গ্রন্থদ্বারা কোনও উপকার লাভ করিতে পারিবেন না । বিশেষতঃ, তিনি উপসংহারকালে নির্দেশ করিয়াছেন, “যে সকল সংস্কৃতানভিজ্ঞ ব্যক্তি বিদ্যাসাগরের বাক্যে বিশ্বাস করিয়া থাকেন, তাঁহার উদ্ভাবিত পদবী বহুদোষপূর্ণ, তাঁহাদের এই বোধ জন্মাইবার নিমিত্তই যত্ন করিলাম” (২) । অতএব, তদীয় সিদ্ধান্ত অনুসারে, বাঁহারা আমাদের

( ১ ) ধর্মতত্ত্বং বুভুৎসুনাং বোধনাট্যৈব মৎকৃতিঃ ।

( ২ ) তদ্বাক্যে বিশ্বাসবতাং সংস্কৃতপরিচয়শূন্যানাং তদুদ্ভাবিতপদব্যা বহুদোষগ্রস্ততাবোধনাট্যৈব প্রযত্নঃ কৃতঃ ।

প্রচারিত হইয়াছেন, তাঁহাদের জ্ঞানচক্ষুর উন্মীলনের নিমিত্ত, তর্কবাচস্পতি মহাশয়ের গ্রন্থ বাঙ্গালা ভাষায় সঙ্কলিত হওয়াই সর্বতোভাবে উচিত ও আবশ্যিক ছিল। তাহা না করিয়া, সংস্কৃত ভাষায় পুস্তক প্রচারের উদ্দেশ্য কি, বুঝিতে পারা যায় না। এক উদ্দেশ্যে মীমাংসাক্ষমতা ও সংস্কৃতরচনাক্ষমতা এ উভয়ের পরিচয় প্রদান ব্যতীত, গ্রন্থকর্তার অন্য কোনও উদ্দেশ্য আছে কি না, অনুমানবলে তাহার নিরূপণ করা কোনও মতে সম্ভাবিত নহে।

যাহা হউক, যদৃচ্ছাপ্রবৃত্ত বহুবিবাহব্যবহারের শাস্ত্রীয়তা প্রতিপাদনে প্রবৃত্ত হইয়া, সর্বশাস্ত্রবেত্তা তর্কবাচস্পতি মহাশয় অশেষ প্রকারে পাণ্ডিত্য প্রকাশ করিয়াছেন। পাণ্ডিত্য প্রকাশ বিষয়ে অন্যান্য প্রতিবাদী মহাশয়েরা তাঁহার সমকক্ষ নহেন। পুস্তক-প্রকাশের পৌরুষপর্য্য অনুসারে সর্বশেষে পরিগণিত হইলেও, পাণ্ডিত্যপ্রকাশের ন্যূনাধিক্য অনুসারে তিনি সর্বাগ্রগণ্য। এরূপ সর্বাগ্রগণ্য ব্যক্তির সর্বাগ্রে সম্মান হওয়া উচিত ও আবশ্যিক ; এজন্য তাঁহার উত্থাপিত আপত্তি সকল সর্বাগ্রে সমালোচিত হইতেছে।

## তর্কবাচস্পতিপ্রকরণ

প্রথম পরিচ্ছেদ ।

শ্রীযুত তারানাথ তর্কবাচস্পতি সিদ্ধান্ত করিয়াছেন, যে মনুবচন অনুসারে, রতিকামনাম্বলে সর্ববিবাহনিষেধ প্রতিপাদিত হইয়াছে, আমি ঐ বচনের প্রকৃত অর্থের গোপন ও অকিঞ্চিৎকর অভিনব অর্থের উদ্ভাবন পূর্বক লোককে প্রতারণা করিয়াছি। তিনি লিখিয়াছেন,

“অহো বৈদক্ষী প্রজ্ঞাবতো বিদ্যাসাগরস্ত যদকিঞ্চিৎকরাভিনবার্থপ্রকাশনেন বহুবো লোকা ব্যামোহিতা ইতি (১)।”

প্রজ্ঞাবান্ বিদ্যাসাগরের কি চাতুরী ! অকিঞ্চিৎকর অভিনব অর্থের উদ্ভাবনদ্বারা অনেক লোককে বিমোহিত করিয়াছেন ।

এ বিষয়ে আমার বক্তব্য এই যে, এখন পর্য্যন্ত আমার এই দৃঢ় বিশ্বাস আছে, আমি মনুবচনের যে অর্থ লিখিয়াছি, উহাই ঐ বচনের প্রকৃত ও চিরপ্রচলিত অর্থ; লোকবিমোহনার্থ আমি বুদ্ধিবলে অভিনব অর্থের উদ্ভাবন করি নাই। শাস্ত্রীয় বিচারে প্রবৃত্ত হইয়া, অভিপ্রেত সাধনের নিমিত্ত, শাস্ত্রের প্রকৃত অর্থ গোপন করিয়া, ছল বা কৌশল অবলম্বনপূর্বক, লোকসমাজে কপোলকল্পিত অপ্রকৃত অর্থ প্রচার করা নিতান্ত যুগ্মতি, নিতান্ত নীচপ্রকৃতির কর্ম। আমি জ্ঞানপূর্বক কখনও সেরূপ গর্হিত আচরণে দূষিত হই নাই; এবং যত দিন জীবিত

(১) বহুবিবাহবাদ, ৪৬ পৃষ্ঠা।

ধাকিব, জ্ঞানপূর্বক কখনও সেরূপ গর্হিত আচরণে দূষিত হইব না ।  
সে যাহা হউক, তর্কবাচস্পতি মহাশয়ের আরোপিত অপবাদবিমোচ-  
নার্থে, বিবাদাস্পদীভূত মনুস্মৃতির অর্থসমেত প্রদর্শিত হইতেছে ।

সবর্ণাণ্যে দ্বিজাতীনাং প্রশস্তা দারকর্মণি ।

কামতন্তু প্রবৃত্তানামিমাঃ সূ্যঃ ক্রমশো হবরাঃ । ৩।১২ ।

দ্বিজাতীনাং ব্রাহ্মণক্কাভ্রিয়বৈশ্যানাম্ অণ্ডে প্রথমে ধর্মার্থে  
ইতি যাবৎ দারকর্মণি পরিণয়বিধৌ সবর্ণা সজ্জাতীয়া কন্যা  
প্রশস্তা বিহিতা ; তু কিন্তু কামতঃ কামবশাৎ প্রবৃত্তানাং দারা-  
ন্তরপরিগ্রহে উদ্ভূতানাং দ্বিজাতীনাং ইমাঃ বক্ষ্যমাণাঃ অনন্তর-  
বচনোক্তা ইতি যাবৎ অবরাঃ হীনবর্ণাঃ ক্কাভ্রিয়বৈশ্যাশূদ্রাঃ  
ক্রমেণ আনুলোম্যেন সূ্যঃ ভাষ্যাঃ ভবেয়ুঃ ।

দ্বিজাতিদিগের অর্থাৎ ব্রাহ্মণ, ক্কাভ্রিয়, বৈশ্যের প্রথম অর্থাৎ  
ধর্মার্থ বিবাহে সবর্ণা অর্থাৎ বরের সজ্জাতীয়া কন্যা প্রশস্তা অর্থাৎ  
বিহিতা ; কিন্তু যাহারা কামতঃ অর্থাৎ কামবশতঃ বিবাহ করিতে  
প্রবৃত্ত হয়, বক্ষ্যমাণ অবরা অর্থাৎ পরবচনোক্ত হীনবর্ণা ক্কাভ্রিয়া,  
বৈশ্যা ও শূদ্রা অনুলোমক্রমে তাহাদের ভাষ্যা হইবেক ।

প্রথম পুস্তকে এই বচনের অর্থ সংক্ষেপে লিখিত হইয়াছিল ; কিন্তু  
সংক্ষেপনিবন্ধন ফলের কোনও বৈলক্ষণ্য ঘটে নাই, ইহা প্রদর্শন  
করিবার নিমিত্ত, ঐ অর্থ উদ্ধৃত হইতেছে । যথা,

“দ্বিজাতির পক্ষে অণ্ডে সবর্ণা বিবাহই বিহিত । কিন্তু যাহারা  
রতিকামমায় বিবাহ করিতে প্রবৃত্ত হয়, তাহারা অনুলোমক্রমে বর্ণা-  
ভরে বিবাহ করিবেক । ”

সংস্কৃত ও বাঙ্গলা উভয় ভাষায় মনুস্মৃতির অর্থ প্রদর্শিত হইল ।  
এক্ষণে সকলে বিবেচনা করিয়া দেখুন, আমি শাস্ত্রের অর্থ গোপন অথবা  
শাস্ত্রের অর্থ ব্যাখ্যা করিয়াছি কি না । আমার স্থির সংস্কার এই,  
যে সকল শব্দে ঐ বচন সঙ্কলিত হইয়াছে, প্রদর্শিত ব্যাখ্যায় তন্মধ্যে

কোনও শব্দের অর্থ গোপিত বা অবত্থা প্রতিপাদিত হইয়াছে, ইহা কেহই প্রতিপন্ন করিতে পারিবেন না । কলতঃ, এই ব্যাখ্যা যে এই বচনের প্রকৃত ব্যাখ্যা, সংস্কৃতভাষায় ব্যুৎপন্ন অথবা ধর্মশাস্ত্রব্যবসায়ী কোনও ব্যক্তি তাহার অপলাপ বা তদ্বিবয়ে বিতণ্ডা করিতে পারেন, এরূপ বোধ হয় না ।

একগে, আমার লিখিত অর্থ প্রাচীন ও চিরপ্রচলিত অর্থ, অথবা লোকবিমোহনার্থে বুদ্ধিবলে উদ্ভাবিত অভিনব অর্থ, এ বিষয়ে সংশয় নিরসনের নিমিত্ত, বেদব্যাখ্যাতা মাধবাচার্য্যের লিখিত অর্থ উদ্ধৃত হইতেছে ;—

“অগ্নে স্নাতকশ্চ প্রথমবিবাহে দারকর্মণি অগ্নিহোত্রাদৌ ধর্ম্যে সর্বণা বরেণ সমানো বর্ণো ব্রাহ্মণাদির্যশাঃ স। যথা ব্রাহ্মণশ্চ ব্রাহ্মণী ক্ষত্রিয়শ্চ ক্ষত্রিয়া বৈশ্যশ্চ বৈশ্যা প্রশস্তা। ধর্ম্যার্থমাদৌ সর্বণামুদ্রা পশ্চাৎ রিরংসবশেচৎ তদা তেষাম্ অবরাঃ হীনবর্ণাঃ ইমাঃ ক্ষত্রিয়াস্তাঃ ক্রমেণ ভার্ঘ্যাঃ স্যুঃ (২)।”

অগ্নিহোত্রাদি ধর্ম্য সম্পাদনের নিমিত্ত, স্নাতকের প্রথম বিবাহে সর্বণা অর্থাৎ বরের সজাতীয়া কন্যা প্রশস্তা, যেমন ব্রাহ্মণের ব্রাহ্মণী, ক্ষত্রিয়ের ক্ষত্রিয়া, বৈশ্যের বৈশ্যা । দ্বিজাতিরা, ধর্ম্যকার্য্য সম্পাদনের নিমিত্ত, অগ্নে সর্বণাবিবাহ করিয়া, পশ্চাৎ যদি রিরংসু হয় অর্থাৎ রতিকামনা পূর্ণ করিতে চাহে, তবে অবরা অর্থাৎ হীনবর্ণ বক্ষ্যমাণ ক্ষত্রিয়া, বৈশ্যা ও শূদ্রা অনুলোমক্রমে তাহাদের ভার্ঘ্যা হইবেক ।

দেখ, মাধবাচার্য্য যনুবচনের যে অর্থ লিখিয়াছেন, আমার লিখিত অর্থ তাহার ছায়াম্বরূপ । সুতরাং, আমার লিখিত অর্থ লোক-বিমোহনার্থ বুদ্ধিবলে উদ্ভাবিত অভিনব অর্থ বলিয়া উল্লিখিত হইতে পারে না । একগে সকলে বিবেচনা করিয়া দেখুন, “বিদ্যাসাগরের কি চাতুরী ! অকিঞ্চিৎকর অভিনব অর্থের উদ্ভাবন

দ্বারা অনেক লোককে বিমোহিত করিয়াছেন, ” এই নির্দেশ সঙ্গত হইতেছে কি না । সৰ্বশাস্ত্রবেত্তা তর্কবাচস্পতি মহাশয়, ধর্ম-শাস্ত্রব্যবসায়ী হইলে, অগ্নান বদনে এক্রপ উদ্ধৃত, এক্রপ অসঙ্গত নির্দেশ করিতে পারিতেন না । কলতঃ, পরাশরভাষ্যে মাধবাচার্য্য মনুবচনের এবংবিধ ব্যাখ্যা লিখিয়াছেন, ইহা অবগত থাকিলে, তিনি আমার উপর ঈদৃশ দোষারোপ করিতেন, এক্রপ বোধ হয় না । যাহা হউক, আমি প্রকৃত অর্থের গোপন অথবা অকিঞ্চিৎকর অভিনব অর্থের উদ্ভাবন পূর্বক লোককে প্রতারণা করিয়াছি, তিনি এই যে বিষম অপবাদ দিয়াছেন, এক্রপে বোধ করি সেই অপবাদ হইতে অব্যাহতি পাইতে পারিব ।

তর্কবাচস্পতি মহাশয়, অন্তর্দীয় মীমাংসায় দোষারোপ করিয়া, যথার্থ শাস্ত্রার্থ সংস্থাপনে প্রবৃত্ত হইয়াছেন ; কিন্তু, তাদৃশ গুরুতর বিষয়ে হস্তক্ষেপ করিয়া, তদ্বিনির্ণয় নিমিত্ত, যেক্রপ যত্ন ও যেক্রপ পরিশ্রম করা আবশ্যক, তাহা করেন নাই ; সুতরাং অভিপ্রেত সম্পাদনে কৃতকার্য্য হইতে পারেন নাই । আমি, মনুবচন অবলম্বন করিয়া, যদ্দ্ব্যপ্রবৃত্ত বহুবিবাহব্যবহারের অশাস্ত্রীয়তা প্রতিপাদন করিয়াছি ; এজন্য আমার লিখিত অর্থ যথার্থ কি না, তাহার পরীক্ষা করিবার নিমিত্ত মনুসংহিতা দেখা আবশ্যক বোধ হইয়াছে ; তদনুসারে তিনি মনুসংহিতা বহিষ্কৃত করিয়াছেন, এবং পুস্তক উদঘাটিত করিয়া, আপাততঃ মূলে যেক্রপ পাঠ ও টিকায় যেক্রপ অর্থ দেখিয়াছেন, অসম্মিহান চিত্তে, তাহাকেই প্রকৃত পাঠ ও প্রকৃত অর্থ স্থির করিয়া, তদনুসারে মীমাংসা করিয়াছেন ; এই বচন অত্যাশ্রয় গ্রন্থকর্তারা উদ্ধৃত করিয়াছেন কি না, এবং যদি উদ্ধৃত করিয়া থাকেন, তাঁহারা কিরূপ পাঠ ধরিয়াছেন এবং কিরূপ ব্যাখ্যা করিয়াছেন, তাহা অনুসন্ধান করিয়া দেখা আবশ্যক বিবেচনা করেন নাই । প্রথমতঃ, তাঁহার অবলম্বিত মূলের পাঠ সমালোচিত হইতেছে ।

মূল

সবর্ণাণ্যে দ্বিজাতীনাং প্রশস্তা দারকর্মণি ।

কামতন্তু প্রবৃত্তানামিমাঃ স্যুঃ ক্রমশো বরাঃ ॥

তর্কবাচস্পতি মহাশয়, কিঞ্চিৎ পরিশ্রম ও কিঞ্চিৎ বুদ্ধি চালনা করিলেই, অনায়াসে প্রকৃত পাঠ ও প্রকৃত অর্থ নির্ণয় করিতে পারিতেন, এবং তাহা হইলে, অकारणे আমার উপর খড়্গহস্ত ও নিতাস্ত নির্বিবেক হইয়া, বৃথা বিতণ্ডায় প্রবৃত্ত হইতেন না । তিনি যে, রোষে ও অনবধানদোষে সামান্যজ্ঞানশূন্য হইয়া, বিচারকার্য্য নির্বাহ করিয়াছেন, তৎপ্রদর্শনার্থ পদবিশ্লেষসহকৃত মনুবচন উদ্ধৃত হইতেছে ।

সবর্ণাণ্যে দ্বিজাতীনাং প্রশস্তা দারকর্মণি ।

সবর্ণা অণ্যে দ্বিজাতীনাং প্রশস্তা দারকর্মণি ।

কামতন্তু প্রবৃত্তানামিমাঃ স্যুঃ ক্রমশো বরাঃ ॥

কামতঃ তু প্রবৃত্তানাম্ ইমাঃ স্যুঃ ক্রমশঃ অবরাঃ ॥

“ক্রমশঃ অবরাঃ” এই দুই পদে সন্ধি হওয়াতে, পদের অন্তস্থিত ওকারের পরবর্ত্তী অকারের লোপ হইয়া, “ক্রমশো বরাঃ” ইহা সিদ্ধ হইয়াছে । এরূপ সন্ধি স্থলে, পাঠকদিগের বোধসৌকর্য্যার্থে, লুপ্ত অকারের চিহ্ন রাখিবার ব্যবহার আছে । কিন্তু সকল স্থলে সকলকে সে ব্যবহার অবলম্বন করিয়া চলিতে দেখা যায় না । যদি এস্থলে লুপ্ত অকারের চিহ্ন রাখা যায়, তাহা হইলে “ক্রমশো বরাঃ” এইরূপ আকার হয় । লুপ্ত অকারের চিহ্ন পরিত্যক্ত হইলে, “ক্রমশো বরাঃ” এইরূপ আকার হইয়া থাকে । দুর্ভাগ্যক্রমে, মনুসংহিতার মুদ্রিত পুস্তকে লুপ্ত অকারের চিহ্ন না থাকাতে, সর্কশাস্ত্রবেত্তা তর্কবাচস্পতি মহাশয় “অবরাঃ” এই স্থলে “বরাঃ” এই পাঠ স্থির করিয়া, তদনুসারে মনুবচনের অর্থ নির্ণয় করিয়াছেন । সুতরাং, তাঁহার অবলম্বিত অর্থ

বচনের প্রকৃত অর্থ বলিয়া পরিগৃহীত হইতে পারে না। তাঁহার সম্ভাব্যার্থে, এ স্থলে উল্লেখ করা আবশ্যিক, “অবরাঃ” এই পাঠ আমার কপোলকল্পিত অথবা লোকবিমোহনার্থে বুদ্ধিবলে উদ্ভাবিত অভিনব পাঠ নহে। ইতিপূর্বে দর্শিত হইয়াছে, মাধবাচার্য্য পরাশর-ভাষ্যে “অবরাঃ” এই পাঠ ধরিয়া মনুবচনের ব্যাখ্যা করিয়াছেন। পাঠকদিগের সুবিধার জন্য, এ স্থলে তদীয় ব্যাখ্যার ঐ অংশ পুনরায় উদ্ধৃত হইতেছে ;—

“ধর্ম্মার্থমাদৌ সর্বণামুদ্রা পশ্চাৎ রিরংসবশ্চেৎ তদা তেষাম্  
“অবরাঃ” হীনবর্ণাঃ ইমাঃ কলিত্রাদ্যাঃ ক্রমেণ ভার্য্যাঃ স্যুঃ । ”

মিত্রমিশ্রও “অবরাঃ” এই পাঠ ধরিয়া মনুর অভিপ্রায় ব্যাখ্যা করিয়াছেন। যথা,

“অতএব মনুনা

সর্বণাং দ্বিজাতীনাং প্রশস্তা দারকর্ম্মণি ।

কামতস্ত প্রবৃত্তানামিমাঃ স্যুঃ ক্রমশোহবরা ইতি ॥

কামতঃ ইতি “অবরাঃ” ইতি চ বদত। সর্বণাপরিণয়নমেষ  
মুখ্যমিত্যুক্তম্ (৩) । ”

বিশ্বেশ্বরভট্টও এই পাঠ ধরিয়া ব্যাখ্যা করিয়াছেন। যথা,

“অথ দারানুকল্পঃ তত্র মনুঃ

সর্বণাং দ্বিজাতীনাং প্রশস্তা দারকর্ম্মণি ।

কামতস্ত প্রবৃত্তানামিমাঃ স্যুঃ ক্রমশোহবরাঃ ॥

“অবরাঃ” জঘন্তাঃ (৪) । ”

জীমূতবাহন স্বপ্রণীত দায়ভাগগ্রন্থে “অবরাঃ” এই পাঠ ধরিয়াছেন। যথা,

(৩) বীরমিত্রোদয়, ব্যবহারপ্রকাশ, দায়ভাগপ্রকরণ ।

(৪) মদনপারিজাত, বিবাহপ্রকরণ ।

সবর্ণাণ্যে দ্বিজাতীনাং প্রশস্তা দারকর্মণি ।

কামতন্তু প্রবৃত্তানামিমাঃ স্যুঃ ক্রমশো “অবরাঃ” ॥

কলতঃ, “ক্রমশো বরাঃ” এ স্থলে “অবরাঃ” এই পাঠই যে প্রকৃত পাঠ, তদ্বিষয়ে কোনও অংশে সংশয় করা যাইতে পারে না । যাহারা “ক্রমশঃ বরাঃ” এই পাঠ প্রকৃত পাঠ বলিয়া বিতণ্ডা করিতে উদ্বৃত্ত হইবেন, পুস্তকে লুপ্ত অকারের চিহ্ন নাই, ইহাই তাঁহাদের এক মাত্র প্রমাণ । কিন্তু লুপ্ত অকারের চিহ্ন না থাকা সচরাচর ঘটিয়া থাকে ; সুতরাং উহা প্রবল প্রমাণ বলিয়া পরিগৃহীত হইতে পারে না (৫) । এ দিকে, জীমূতবাহনপ্রণীত দায়ভাগে “অবরাঃ” এই পাঠ পূর্বাপর চলিয়া আসিতেছে, তাহার নিঃসন্দেহ প্রমাণ পাওয়া যাইতেছে (৬) ; আর বাহুবাহন্য, মিত্রমিত্র ও বিশ্বেশ্বরভট্ট স্পষ্টাক্ষরে “অবরাঃ” পাঠ ধরিয়া ব্যাখ্যা করিয়াছেন । এমন স্থলে, সকলে বিবেচনা করিয়া দেখুন, “বরাঃ” “অবরাঃ” এ উভয়ের মধ্যে কোন পাঠ প্রকৃত পাঠ বলিয়া পরিগণিত হওয়া উচিত ।

তর্কবাচস্পতি মহাশয়ের অবলম্বিত পাঠ মনুবচনের প্রকৃত পাঠ নহে, তাহা একপ্রকার প্রদর্শিত হইল । এক্ষণে, তাঁহার আশ্রয়ভূত টীকার বলাবল পরীক্ষিত হইতেছে ।

(৫) সংস্কৃতবিদ্যালয়ে পরাশরভাষ্য, বীরমিত্রোদয়, ও মদনপারিজাতের যে পুস্তক আছে, তাহাতে “ক্রমশো বরাঃ” এ স্থলে লুপ্ত অকারের চিহ্ন নাই ; অথচ গ্রন্থকর্তারা “অবরাঃ” এই পাঠ ধরিয়া ব্যাখ্যা করিয়াছেন ।

(৬) দায়ভাগ এপর্যন্ত চারি বার মুদ্রিত হইয়াছে ; সর্বপ্রথম, ১৭৩৫ শকে বাবুরামপণ্ডিত; দ্বিতীয়, ১৭৫০ শকে লক্ষ্মীনারায়ণ ন্যায়ালঙ্কার ; তৃতীয়, ১৭৭২ শকে জীমূত ভরতচন্দ্রশিরোমণি ; চতুর্থ, ১৭৮৫ শকে বাবু প্রসন্নকুমার ঠাকুর মুদ্রিত করেন । এই চারি মুদ্রিত পুস্তকেই “অবরাঃ” এই পাঠ আছে । আর যতগুলি হস্তলিখিত পুস্তক দেখিয়াছি, তৎসমুদয়েই “অবরাঃ” এই পাঠ দৃষ্ট হইতেছে ।

## টীকা

“ব্রাহ্মণকন্ড্রিয়বৈশ্যানাং প্রথমে বিবাহে কর্তব্যে সৰ্বণা শ্রেষ্ঠা  
ভবতি কামতঃ পুনৰ্বিবাহে প্ররতানাম্ এতাঃ বক্ষ্যমাণাঃ  
আনুলোম্যেন শ্রেষ্ঠা ভবেয়ুঃ ।”

ব্রাহ্মণ, কন্ড্রিয়, বৈশ্যের প্রথম বিবাহে সৰ্বণা শ্রেষ্ঠা ; কিন্তু কাম-  
বশতঃ বিবাহপ্রবৃত্তি দিগের পক্ষে বক্ষ্যমাণ কন্যারা আনুলোমক্রমে  
শ্রেষ্ঠা হইবেক ।

যুলে লুপ্ত অকারের অসম্ভাববশতঃ, “অবরাঃ” এই স্থলে “বরাঃ” এই  
পাঠকে প্রকৃত পাঠ স্থির করিয়া, প্রথমতঃ তর্কবাচস্পতি মহাশয়ের  
যে ভ্রম জন্মিয়াছিল, কুল্লুকভট্টের ব্যাখ্যাদর্শনে তাহার সেই ভ্রম  
সর্বতোভাবে দূরীভূত হয় । যে রূপ লক্ষিত হইতেছে, তাহাতে, আমার  
বিবেচনায়, লিপিকরপ্রমাদবশতঃ, কুল্লুকভট্টের টীকায় পাঠের বিলক্ষণ  
ব্যতিক্রম ঘটিয়াছে ; নতুবা, তিনি একরূপ অসংলগ্ন ব্যাখ্যা লিখিবেন,  
সম্ভব বোধ হয় না । “ব্রাহ্মণ, কন্ড্রিয়, বৈশ্যের প্রথম বিবাহে সৰ্বণা  
শ্রেষ্ঠা,” এস্থলে প্রশস্তাশব্দের শ্রেষ্ঠা এই অর্থ লিখিত দৃষ্ট হইতেছে ;  
কিন্তু প্রশস্তাশব্দ শ্রেষ্ঠ এই অর্থের বাচক নহে । শ্রেষ্ঠাশব্দ তারতম্য  
বোধক শব্দ ; প্রশস্ত শব্দ তারতম্য বোধক শব্দ নহে । শ্রেষ্ঠ শব্দে  
সর্বাপেক্ষা উৎকৃষ্ট এই অর্থ বুঝায় ; প্রশস্ত শব্দে উৎকৃষ্ট, উচিত,  
বিহিত, প্রসিদ্ধ, অতিমত ইত্যাদি অর্থ বুঝায় ; সুতরাং শ্রেষ্ঠাশব্দ ও  
প্রশস্তাশব্দ এক পর্যায়ের শব্দ নহে । অতএব প্রশস্তাশব্দের অর্থস্থলে  
শ্রেষ্ঠাশব্দ প্রয়োগ অপপ্রয়োগ । আর, “ব্রাহ্মণ, কন্ড্রিয়, বৈশ্যের  
প্রথম বিবাহে সৰ্বণা শ্রেষ্ঠা”, এ লিখনের অর্থও কোনও মতে সংলগ্ন  
হয় না । বিবাহযোগ্য কন্যা দ্বিবিধা সৰ্বণা ও অসৰ্বণা (৭) । প্রথম

(৭) উৎকৃষ্টা কন্যা দ্বিবিধা সৰ্বণা চ অসৰ্বণা চ ।

বিবাহযোগ্য কন্যা দ্বিবিধা সৰ্বণা ও অসৰ্বণা । পরাশরতাব্য, দ্বিতীয়  
অধ্যায় ।

বিবাহে সৰ্গা শ্ৰেষ্ঠা অৰ্থাৎ সৰ্বাপেক্ষা উৎকৃষ্টা, এ কথা বলিলে, অসৰ্গাও প্ৰথমবিবাহে পৰিগৃহীত হইতে পারে। কিন্তু অগ্ৰে সৰ্গা বিবাহ না করিয়া, অসৰ্গা বিবাহ করা শাস্ত্ৰকারদিগের অভিমত নহে। যথা,

ক্ষত্ৰবিট্শূদ্ৰকন্যাস্তু ন বিবাহা দ্বিজাতিভিঃ ।

বিবাহা ব্রাহ্মণী পশ্চাদ্বিবাহাঃ কচিদেব তু (৮) ॥

দ্বিজাতিরা ক্ষত্ৰিয় বৈশ্য শূদ্ৰকন্যা বিবাহ করিবেক না; তাহারা ব্রাহ্মণী অৰ্থাৎ সৰ্গা বিবাহ করিবেক; পশ্চাৎ অৰ্থাৎ অগ্ৰে সৰ্গাবিবাহ করিয়া, স্থলবিশেষে ক্ষত্ৰিয়াদিকন্যা বিবাহ করিতে পারিবেক।

তবে সৰ্গার অপ্রাপ্তি ঘটিলে, অসৰ্গা বিবাহ করিবেক, এক্ষণে বিধি আছে। যথা,

অলাভে কন্যায়াঃ স্নাতকব্রতং চরেৎ অপিব। ক্ষত্ৰিয়ায়াং পুত্ৰমুৎপাদয়েৎ, বৈশ্যায়াং বা শূদ্ৰায়াঞ্চৈত্যেকে (৯) ।

সজাতীয়া কন্যার অপ্রাপ্তি ঘটিলে, স্নাতকব্রতের অনুষ্ঠান অথবা ক্ষত্ৰিয়া বা বৈশ্যকন্যা বিবাহ করিবেক। কেহ কেহ শূদ্ৰকন্যা-বিবাহেরও অনুমতি দিয়া থাকেন।

এ অনুসারে, প্ৰথম বিবাহে কথঞ্চিৎ অসৰ্গার প্ৰাপ্তিকল্পনা করিলেও, প্ৰথম বিবাহে সৰ্গা শ্ৰেষ্ঠা, এ কথা সংলগ্ন হইতে পারে না। প্ৰশস্ত্য শব্দের উত্তর ইষ্ঠপ্ৰত্যয় হইয়া শ্ৰেষ্ঠশব্দ নিষ্পন্ন হইয়াছে। বহুর মধ্যে একের উৎকর্ষাতিশয় বোধনস্থলেই, ইষ্ঠ প্ৰত্যয় হইয়া থাকে। এস্থলে সৰ্গা ও অসৰ্গা এই দুইমাত্র পক্ষ প্ৰাপ্ত হইতেছে, বহু পক্ষের প্ৰাপ্তি ঘটিতেছে না। সুতরাং প্ৰথম বিবাহে সৰ্গা শ্ৰেষ্ঠা, এ কথা

(৮) বীরমিত্রোদয়ধৃত ব্রহ্মাণ্ডপুরাণ ।

(৯) পরাশরভাষ্য ও বীরমিত্রোদয়ধৃত টীপটীকসিদ্ধান্ত ।

বলিলে, সর্বর্ণা ও অসর্বর্ণা এ দুয়ের মধ্যে সর্বর্ণার উৎকর্ষাতিশয়ের প্রতীতি জন্মে ; বহুর মধ্যে একের উৎকর্ষাতিশয় বোধন সম্ভবে না । কিন্তু বহুর মধ্যে একের উৎকর্ষাতিশয় বোধনশূলভিন্ন শ্রেষ্ঠ শব্দ প্রযুক্ত হইতে পারে না । আর যদিই কথঞ্চিৎ ঐস্থলে শ্রেষ্ঠশব্দের গতি লাগে, কিন্তু “রতিকামনায় বিবাহপ্রবৃত্তিদিগের পক্ষে বক্ষ্যমাণ কন্যারা অনুলোমক্রমে শ্রেষ্ঠা হইবেক,” এ স্থলে শ্রেষ্ঠশব্দের প্রয়োগ নিতান্ত অপপ্রয়োগ ; কারণ, এখানে বহুর বা দুয়ের মধ্যে একের উৎকর্ষাতিশয় বোধনের কোনও সম্ভাবনা লক্ষিত হইতেছে না । পরবচনে ব্রাহ্মণ, ক্ষত্রিয়, বৈশ্য, শূদ্র চারি বর্ণের কন্যার উল্লেখ আছে । সুতরাং, পূর্ববচনে সামান্যাকারে “বক্ষ্যমাণ কন্যারা” এরূপ নির্দেশ করিলে, কামার্থ বিবাহে সর্বর্ণা অসর্বর্ণা উভয়বিধ কন্যাই অভিপ্রেত বলিয়া প্রতীয়মান হইবেক । কামার্থ বিবাহে বক্ষ্যমাণ কন্যা অর্থাৎ সর্বর্ণা ও অসর্বর্ণা শ্রেষ্ঠা অর্থাৎ সর্বাপেক্ষা উৎকৃষ্টা, এরূপ বলিলে, সর্বর্ণা ও অসর্বর্ণা ভিন্ন কামার্থ বিবাহের অপেক্ষাকৃত নিকৃষ্ট শূল অনেক আছে, ইহা অবশ্য বোধ হইবেক । কিন্তু সর্বর্ণা ও অসর্বর্ণা ভিন্ন অন্যবিধ বিবাহযোগ্য কন্যার অসম্ভাববশতঃ, কামার্থ বিবাহের অপেক্ষাকৃত নিকৃষ্ট শূল ঘটিতে পারে না ; এবং তাদৃশ শূল না ঘটিলেও, কামার্থ বিবাহে সর্বর্ণা ও অসর্বর্ণা সর্বাপেক্ষা উৎকৃষ্টা, এরূপ নির্দেশ হইতে পারে না । সুতরাং, বক্ষ্যমাণ কন্যারা অর্থাৎ পরবচনোক্ত সর্বর্ণা ও অসর্বর্ণা অনুলোমক্রমে শ্রেষ্ঠা অর্থাৎ সর্বাপেক্ষা উৎকৃষ্টা, এই ব্যাখ্যা নিতান্ত প্রামাদিক হইয়া উঠে । “ইমাঃ স্ত্রীঃ ক্রমশো বরাঃ” এ স্থলে “বরাঃ” এই পাঠ অবলম্বন করিলে, বক্ষ্যমাণ সর্বর্ণা ও অসর্বর্ণা কন্যারা অনুলোমক্রমে শ্রেষ্ঠা হইবেক, এতদ্বিন্ন অন্য ব্যাখ্যা সম্ভবে না । কিন্তু বেরূপ দর্শিত হইল, তদনুসারে তাদৃশী ব্যাখ্যা কোনও ক্রমে সংলগ্ন হইতে পারে না । আর “অবরাঃ” এই পাঠ অবলম্বন করিলে, বক্ষ্যমাণ হীনবর্ণা কন্যারা অর্থাৎ পরবচনোক্ত

কজিয়া, বৈশ্যা, শূদ্রা অনুলোমক্রমে ভার্য্যা হইবেক, এই ব্যাখ্যা প্রতিপন্ন হয় ; এবং এই ব্যাখ্যা যে সৰ্ব্বাংশে নির্দোষ, তদ্বিষয়ে অণুমাত্র সংশয় হইতে পারে না ।

তর্কবাচস্পতি মহাশয় কুল্লুকভট্টের ব্যাখ্যা দর্শনে, যার পর নাই প্রকুল্লচিত্ত হইয়াছেন, এবং দায়ভাগ, পরাশরভাষ্য, বীরমিত্রোদয়, মদন-পারিজাত প্রভৃতি গ্রন্থে সর্বিশেষ দৃষ্টি না থাকাতে, যন্ত্রুবচনের সর্বসম্মত চিরপ্রচলিত যথার্থ অর্থকে আমার কপোলকম্পিত অলীক, অতিনব, অপ্রামাণিক অর্থ স্থির করিয়া, আক্লান্দে গদগদ হইয়া, ধর্মশাস্ত্রবিষয়ে স্বীয় পারদর্শিতার পরিচয় প্রদান করিয়াছেন ।

কুল্লুকভট্টের উল্লিখিত ব্যাখ্যা অবলম্বন করিয়া, তর্কবাচস্পতি মহাশয় যন্ত্রুবচনের যে ব্যাখ্যা করিয়াছেন, তাহা উদ্ধৃত হইতেছে ;—

“অগ্রে স্মোক্তধর্মরতিপুত্ররূপবিবাহফলত্রয়মধ্যে শ্রেষ্ঠে ধর্ম্মে ইত্যর্থঃ নিমিত্তার্থে সপ্তমী তথাচ ধর্ম্মনিমিত্তে দারকর্ম্মণি দারত্ব-সম্পাদকে সংস্কাররূপে ক্রিয়াকলাপে দ্বিজাतीनां सवर्णा प्रशस्ता मुनिभिर्विहिता तु पुनः कामतः रतिकामतः बहुपुत्रकामतश्च प्रयत्नानां तदुपायसाधनार्थं यद्वयतां दारकर्मणीत्यनुषज्यते इमाः वक्ष्यमाणाः सवर्णादयः क्रमशः वर्णक्रमेण वराः विहितत्वेन श्रेष्ठाः (१०) । ”

দ্বিজাতিদিগের ধর্ম্মার্থ বিবাহে সর্বর্ণা বিহিতা, কিন্তু যাহারা রতিকামনা ও बहुपुत्रकामनावশতঃ বিবাহে যদ্ববান্ হয়, তাহাদের পক্ষে বক্ষ্যমাণ সর্বর্ণাপ্রভৃতি কন্যা বর্ণক্রমে শ্রেষ্ঠা ।

দৈববশাৎ তর্কবাচস্পতি মহাশয়ের লেখনী হইতে বচনের পূর্বোক্তের প্রকৃত ব্যাখ্যা নির্গত হইয়াছে ; যথা, “দ্বিজাতিদিগের ধর্ম্মার্থ বিবাহে

সবর্ণা বিহিতা”। কিন্তু অবশিষ্ট ব্যাখ্যা কুল্লুকভট্টের ব্যাখ্যার ছায়াস্বরূপ ; সুতরাং, কুল্লুকভট্টের ব্যাখ্যার ঐ অংশে যে দোষ দর্শিত হইয়াছে, তদীয় ব্যাখ্যাতে সেই দোষ সর্বতোভাবে বর্তিতেছে। তর্কবাচস্পতি মহাশয়, প্রসিদ্ধ বৈয়াকরণ হইয়া, শ্রেষ্ঠশব্দের প্রকৃত অর্থ অবগত নহেন, ইহা অত্যন্ত আশ্চর্যের বিষয়। তিনি বলিতে পারেন, আমি যেমন দেখিয়াছি, তেমন লিখিয়াছি ; কিন্তু শাস্ত্রার্থসংস্থাপনে প্রবৃত্ত হইয়া, “যথা দৃষ্টং তথা লিখিতম্” এই প্রণালী অবলম্বন করিয়া চলা তৎসদৃশ প্রসিদ্ধ পণ্ডিতের পক্ষে প্রশংসার বিষয় নহে। যাহা হউক, পূর্বে বেক্রপ দর্শিত হইয়াছে তদনুসারে, “ক্রমশো বরাঃ” এ স্থলে “অবরাঃ” এই পাঠ প্রকৃত পাঠ, সে বিষয়ে আর সংশয় করা যাইতে পারে না। “অবরাঃ” এই পাঠ সত্ত্বে, রতিকাশ্রমায় বিবাহ করিতে ইচ্ছা হইলে, সবর্ণা ও অসবর্ণা উভয়বিধ কন্যা বিবাহ করিবেক, এ অর্থ কোনও মতে প্রতিপন্ন হইতে পারে না। অবরশব্দের অর্থ হীন, নিরুচ্চ ; বক্ষ্যমাণ অবরা কন্যা বিবাহ করিবেক, এরূপ বলিলে, আপন অপেক্ষা নিরুচ্চ বর্ণের কন্যা বিবাহ করিবেক, ইহাই প্রতীয়মান হয়। পরবচনে সবর্ণা ও অসবর্ণা উভয়বিধ কন্যার নির্দেশ আছে, যথার্থ বটে। কিন্তু পূর্ববচনে, বক্ষ্যমাণ কন্যা বিবাহ করিবেক, যদি এইরূপ সামান্যাকারে নির্দেশ থাকিত, তাহা হইলে কথঞ্চিৎ সবর্ণা ও অসবর্ণা উভয়বিধ কন্যার বিবাহ অভিপ্রেত বলিয়া প্রতিপন্ন হইতে পারিত। কিন্তু যখন বক্ষ্যমাণ অবরা কন্যা বিবাহ করিবেক এরূপ বিশেষ নির্দেশ আছে, তখন আপন অপেক্ষা নিরুচ্চ বর্ণের কন্যা অর্থাৎ অনুলোমক্রমে অসবর্ণা বিবাহ করিবেক, ইহাই প্রতিপন্ন হয়, এতদ্ভিন্ন অন্য কোনও অর্থ কোনও ক্রমে প্রতিপন্ন হইতে পারে না। অতএব, রতিকাশ্রমায় বিবাহপ্রবৃত্ত ব্যক্তি সবর্ণা ও অসবর্ণা বিবাহ করিবেক, তর্কবাচস্পতি মহাশয়ের এই ব্যাখ্যা সম্পূর্ণ ভ্রান্তিমূলক। তিনি পাঠে ভুল করিয়াছেন, সুতরাং অর্থে ভুল অপরিহার্য।

কিঞ্চ,

শূদ্রেব ভাৰ্য্যা শূদ্রস্ত স। চ স্ব। চ বিশঃ স্মৃতে ।

তে চ স্ব। চৈব রাজ্ঞঃ স্যুস্তাশ্চ স্ব। চাণ্ডালজন্মনঃ ॥৩১৩(১১)

শূদ্রের একমাত্র শূদ্রা ভাৰ্য্যা হইবেক ; বৈশ্যের শূদ্রা ও বৈশ্যা ;  
ক্ষত্রিয়ের শূদ্রা, বৈশ্যা ও ক্ষত্রিয়া ; ব্রাহ্মণের শূদ্রা, বৈশ্যা, ক্ষত্রিয়া  
ও ব্রাহ্মণী ।

স্থিরচিত্ত হইয়া, কিঞ্চিৎ অভিনিবেশ সহকারে, আলোচনা করিয়া  
দেখিলে, সৰ্ব্বশাস্ত্রবেত্তা তর্কবাচস্পতি মহাশয় অনায়াসেই বুঝিতে  
পারিতেন, এই মনুবচন পূর্ববচনোক্ত কামার্থ বিবাহের উপযোগিনী  
কন্যার পরিচায়ক হইতে পারে না। পূর্ববচনের পূর্বার্দ্ধে ব্রাহ্মণ,  
ক্ষত্রিয়, বৈশ্য ত্রিবিধ দ্বিজাতির প্রথম বিবাহের উপযোগিনী  
কন্যার বিষয়ে ব্যবস্থা আছে ; উত্তরার্দ্ধে রতিকামনায় বিবাহপ্রবৃত্ত  
ঐ ত্রিবিধ দ্বিজাতির তাদৃশ বিবাহের উপযোগিনী কন্যার বিষয়ে  
বিধি দেওয়া হইয়াছে। সুতরাং সম্পূর্ণ বচন কেবল ব্রাহ্মণ, ক্ষত্রিয়,  
বৈশ্য ত্রিবিধ দ্বিজাতির বিবাহবিষয়ক হইতেছে। পূর্ববচনের  
উত্তরার্দ্ধে যে বিবাহের বিধি আছে, যদি পরবচনকে ঐ বিবাহের  
উপযোগিনী কন্যার পরিচায়ক বল, তাহা হইলে পরবচনে “শূদ্রের  
একমাত্র শূদ্রা ভাৰ্য্যা হইবেক,” এরূপ নির্দেশ থাকা কিরূপে সম্ভব  
হইতে পারে ; কারণ, যে বচনে কেবল দ্বিজাতির বিবাহের উপ-  
যোগিনী কন্যার নির্বচন হইতেছে, তাহাতে শূদ্রের বিবাহের উল্লেখ  
কোনও মতে সম্ভবিত্তে পারে না। অতএব, পরবচন পূর্ববচনোক্ত  
কামার্থ বিবাহের উপযোগিনী কন্যার পরিচায়ক নহে।

চারি বর্ণের বিবাহসম্বন্ধনিরূপণ এই বচনের উদ্দেশ্য। ব্রাহ্মণ  
ব্রাহ্মণী, ক্ষত্রিয়া, বৈশ্যা ও শূদ্রা ; ক্ষত্রিয় ক্ষত্রিয়া, বৈশ্যা ও  
শূদ্রা ; বৈশ্য বৈশ্যা ও শূদ্রা ; শূদ্র একমাত্র শূদ্রা বিবাহ করিতে

পারে ; ইহাই এই বচনের অর্থ ও তাৎপর্য । ব্রাহ্মণ, ক্ষত্রিয়, বৈশ্য কোন অবস্থায় যথাক্রমে চারি, তিন, দুই বর্গে বিবাহ করিতে পারে, তাহা পূর্বে বচনে ব্যবস্থাপিত হইয়াছে ; অর্থাৎ ব্রাহ্মণ, ধর্মকার্য-সম্পাদনের নিমিত্ত, প্রথমে সর্বণা অর্থাৎ ব্রাহ্মণকন্যা বিবাহ করিবেক ; পরে রতিকামনায় পুনরায় বিবাহ করিতে ইচ্ছা হইলে, অসর্বণা অর্থাৎ ক্ষত্রিয়াদি কন্যা বিবাহ করিতে পারিবেক । ক্ষত্রিয়, ধর্মকার্য সম্পাদনের নিমিত্ত, প্রথমে সর্বণা অর্থাৎ ক্ষত্রিয়কন্যা বিবাহ করিবেক ; পরে রতিকামনায় পুনরায় বিবাহ করিতে ইচ্ছা হইলে, অসর্বণা অর্থাৎ বৈশ্যাদি কন্যা বিবাহ করিতে পারিবেক । বৈশ্য, ধর্মকার্য-সম্পাদনের নিমিত্ত, প্রথমে সর্বণা অর্থাৎ বৈশ্যকন্যা বিবাহ করিবেক ; পরে রতিকামনায় পুনরায় বিবাহ করিতে ইচ্ছা হইলে, অসর্বণা অর্থাৎ শূদ্রকন্যা বিবাহ করিতে পারিবেক । অতএব, ধর্মার্থে সর্বণা-বিবাহ ও কামার্থে অসর্বণা-বিবাহ শাস্ত্রকারদিগের অভিপ্রেত, তাহার কোনও সংশয় নাই ।

এই সিদ্ধান্ত প্রাচীন ও চিরপ্রচলিত সিদ্ধান্ত, কিংবা আমার কপোলকম্পিত অথবা লোকবিমোহনার্থে বুদ্ধিবলে উদ্ভাবিত অভিনব সিদ্ধান্ত, এতদ্বিষয়ক সংশয়নিরসনবাসনায়, পূর্বতন গ্রন্থকর্তাদিগের মীমাংসা উদ্ধৃত হইতেছে ;—

মাধবাচার্য্য কহিয়াছেন,

“লক্ষণাং ক্রিয়মুদ্রহেদিত্যুক্তং তত্রোদ্রহনীয়া কন্যা দ্বিবিধা  
সর্বণা চাসর্বণা চ তরোরাদ্যা প্রশস্তা তদাহ মনুঃ

সর্বণাগ্রে দ্বিজাতীনাং প্রশস্তা দারকর্মণি ।

কামতস্ত প্রবৃত্তানামিমাঃ স্যুঃ ক্রমশোহবরাঃ ॥

অগ্রে স্নাতকস্য প্রথমবিবাহে দারকর্মণি অগ্নিহোত্রাদৌ  
ধর্ম্মে সর্বণা বরেণ সমানো বর্ণো ব্রাহ্মণাদির্ঘস্যাঃ সা যথা ব্রাহ্মণস্য  
ব্রাহ্মণী ক্ষত্রিয়স্য ক্ষত্রিয়া বৈশ্যস্য বৈশ্যা প্রশস্তা ধর্ম্মার্থমাদৌ

সবর্ণায়ুত্বা পশ্চাৎ রিরংসবশেষে তদা তেষাম্ অবরাঃ হীনবর্ণাঃ  
ইমাঃ কক্সিরাদ্যাঃ ক্রমেণ ভার্ঘ্যাঃ স্যুঃ” (১২) ।

সুসঙ্গী কন্যা বিবাহ করিবেক ইহা পূর্বে উক্ত হইয়াছে ;  
বিবাহযোগ্য কন্যা দ্বিবিধঃ সবর্ণা ও অসবর্ণা ; তাহার মধ্যে সবর্ণা  
প্রশস্তা ; যথা মনু কহিয়াছেন, “অগ্নিহোত্রাদি ধর্মসম্পাদনের  
নিমিত্ত, স্বাতকের প্রথম বিবাহে সবর্ণা অর্থাৎ বরের সজাতীয়া কন্যা  
প্রশস্তা, যেমন ব্রাহ্মণের ব্রাহ্মণী, কক্সিয়ার কক্সিয়া, বৈশ্যের  
বৈশ্যা। দ্বিজাতিরা, ধর্মকর্মসম্পাদনের নিমিত্ত, অগ্রে সবর্ণা বিবাহ  
করিয়া, পশ্চাৎ যদি রিরংসু হয়, অর্থাৎ রতিকামনা পূর্ণ করিতে  
চাহে, তবে অবরা অর্থাৎ হীনবর্ণা বক্ষ্যমাণ কক্সিয়া, বৈশ্যা, শূদ্র।  
অনুলোমক্রমে তাহাদের ভার্ঘ্যা হইবেক ।

মিত্রমিশ্র কহিয়াছেন,

“অতএব মনু।

সবর্ণাগ্রে দ্বিজাতীনাং প্রশস্তা দারকর্ম্মণি ।

কামতস্ত প্রবৃত্তানামিমাঃ স্যুঃ ক্রমশোঃ বরা ইতি ॥

কামতঃ ইতি অবরাঃ ইতি চ বদতা সবর্ণাপরিণয়নমেব  
মুখ্যমিত্যুক্তম্ (১৩) । ”

দ্বিজাতিদিগের ধর্মার্থ বিবাহে সবর্ণা বিহিতা ; কিন্তু যাহারা  
কামতঃ অর্থাৎ কামবশতঃ বিবাহ করিতে প্রবৃত্ত হয়, বক্ষ্যমাণ  
অবরা অনুলোমক্রমে তাহাদের ভার্ঘ্যা হইবেক । এ স্থলে মনু  
“কামতঃ” ও “অবরাঃ” এই দুই কথা বলাতে, অর্থাৎ কামনিবন্ধন  
বিবাহস্থলে অসবর্ণা বিবাহের বিধি দেওয়াতে, সবর্ণাপরিণয় মুখ্য  
বিবাহ, ইহাই উক্ত হইয়াছে ।

বিশেষ্বরভট্ট কহিয়াছেন,

“অনুলোমক্রমেণ দ্বিজাতীনাং সবর্ণাপাণিগ্রহণসমনন্তরং  
কক্সিরাদিকণ্ঠাপরিণয়ো বিহিতঃ তত্র চ সবর্ণাবিবাহো মুখ্যঃ  
ইতরশ্চনুকম্পাঃ (১৪) । ”

(১২) পরাশরভাষ্য, দ্বিতীয় অধ্যায় ।

(১৪) মদনপারিজাত ।

(১৩) বীরমিত্রোদয় ।

দ্বিজাতিদিগের সৰ্বণপাণিগ্রহণের পর অনুলোমক্রমে ক্ষত্রি-  
য়াদিকন্যা পরিণয় বিহিত হইয়াছে ; তন্মধ্যে সৰ্বণবিবাহ মুখ্যকল্প,  
অসৰ্বণবিবাহ অনুকল্প ।

এইরূপে, সৰ্বণপরিণয় বিবাহের মুখ্যকল্প, অসৰ্বণপরিণয় বিবাহের  
অনুকল্প, এই ব্যবস্থা করিয়া, অনুকল্পের স্থল দেখাইতেছেন,

“ অথ দারানুকল্পাঃ তত্র মনুঃ

সৰ্বণাণ্যে দ্বিজাভীনাং প্রশস্তা দারকৰ্ম্মণি ।

কামতন্তু প্রবৃত্তানামিমাঃ স্যুঃ ক্রমশোঃ অবরাঃ ॥

অবরাঃ জঘন্তাঃ (১৫) । ”

অতঃপর বিবাহের অনুকল্পপক্ষ কথিত হইতেছে । সে বিষয়ে  
মনু কহিয়াছেন, দ্বিজাতিদিগের ধর্ম্মার্থ বিবাহে সৰ্বণ বিহিতা ;  
কিন্তু যাহারা কামতঃ অর্থাৎ কামবশতঃ বিবাহ করিতে প্রবৃত্ত হয়,  
বক্ষ্যমাণ অবরা অনুলোমক্রমে তাহাদের ভার্য্যা হইবেক । অবরা  
অর্থাৎ হীনবর্ণা ক্ষত্রিয়াদিকন্যা ।

এক্ষণে সকলে বিবেচনা করিয়া দেখুন, ধর্ম্মার্থে সৰ্বণবিবাহ ও  
কামার্থে অসৰ্বণবিবাহ শাস্ত্রকারদিগের অভিপ্রেত, মাধবাচার্য্য,  
মিত্রমিশ্র ও বিশ্বেশ্বরভট্ট এই সিদ্ধান্ত করিয়াছেন কি না । অধুনা  
বোধ করি, সৰ্ব্বশাস্ত্রবেত্তা তর্কবাচস্পতি মহাশয়ও অঙ্গীকার করিতে  
পারেন, এই সিদ্ধান্ত প্রাচীন ও চিরপ্রচলিত সিদ্ধান্ত, আমার  
কপোলকল্পিত অথবা লোকবিমোহনার্থ বুদ্ধিবলে উদ্ভাবিত অভিনব  
সিদ্ধান্ত নহে ।

ধর্ম্মার্থে সৰ্বণবিবাহ আর কামার্থে অসৰ্বণবিবাহ যে সর্বতো-  
ভাবে শাস্ত্রকারদিগের অভিপ্রেত, শাস্ত্রান্তরেও তাহার সম্পূর্ণ ও  
নিঃসন্দিগ্ধ প্রমাণ পাওয়া যাইতেছে । যথা,

সবর্ণা ধর্ম্য বা ভার্য্যা ধর্ম্যপত্নী তু সা স্মৃতা ।

অসবর্ণা চ বা ভার্য্যা কামপত্নী তু সা স্মৃতা (১৬) ॥

যাহার যে সবর্ণা ভার্য্যা, তাহাকে ধর্ম্যপত্নী বলে ; আর, যাহার যে অসবর্ণা ভার্য্যা, তাহাকে কামপত্নী বলে ।

এই শাস্ত্র অনুসারে, ধর্ম্যকার্য্য সম্পাদনের নিমিত্ত বিবাহিতা সবর্ণা স্ত্রী ধর্ম্যপত্নী ; আর, কামোপশমনের নিমিত্ত বিবাহিতা অসবর্ণা স্ত্রী কামপত্নী । অতঃপর, ধর্ম্যার্থে সবর্ণাবিবাহ ও কামার্থে অসবর্ণাবিবাহ শাস্ত্রকারদিগের সম্পূর্ণ অভিমত, এ বিষয়ে আর সংশয় থাকা উচিত নহে ।

একণে অসবর্ণাবিবাহবিধির পরিসংখ্যাত্ত্ব সম্ভব ও সম্ভবত কি না, তাহা সমালোচিত হইতেছে । প্রথম পুস্তকে বিধিত্রয়ের যে সংক্ষিপ্ত পরিচয় প্রদত্ত হইয়াছে, পাঠকগণের সুবিধার জন্য, তাহা উদ্ধৃত হইতেছে ;—

“বিধি ত্রিবিধ অপূর্ববিধি, নিয়মবিধি ও পরিসংখ্যাবিধি । বিধি ব্যতিরেকে যে স্থলে কোনও রূপে প্রবৃত্তি সম্ভবে না, তাহাকে অপূর্ববিধি কহে ; যেমন, “স্বর্গকামো যজ্ঞেত,” স্বর্গকামনায় যাগ করিবেক । এই বিধি না থাকিলে, লোকে স্বর্গলাভবাসনায় কদাচ যাগে প্রবৃত্ত হইত না ; কারণ, যাগ করিলে স্বর্গলাভ হয়, ইহা প্রমাণাস্তুর দ্বারা প্রাপ্ত নহে । যে বিধি দ্বারা কোনও বিষয় নিয়মবদ্ধ করা যায়, তাহাকে নিয়মবিধি বলে ; যেমন, “সমে যজ্ঞেত,” সম দেশে যাগ করিবেক । লোকের পক্ষে যাগ করিবার বিধি আছে ; সেই যাগ কোনও স্থানে অবস্থিত হইয়া করিতে হইবেক ; লোকে ইচ্ছানুসারে সমান অসমান উভয়বিধ স্থানেই যাগ করিতে পারিত ; কিন্তু “সমে যজ্ঞেত,” এই বিধি দ্বারা সমান স্থানে যাগ করিবেক, ইহা নিয়মবদ্ধ হইল । যে বিধিদ্বারা

বিহিত বিধির ব্যতিরিক্ত স্থলে নিষেধ সিদ্ধ হয়, এবং বিহিত স্থলে বিধি অনুযায়ী কার্য করা সম্পূর্ণ ইচ্ছাধীন থাকে, তাহাকে পরিসংখ্যা-বিধি বলে ; যেমন, “পঞ্চ পঞ্চনখা তক্ষ্যাঃ,” পাঁচটি পঞ্চনখ তক্ষণীয় । লোকে যদৃচ্ছাক্রমে যাবতীয় পঞ্চনখ জন্তু তক্ষণ করিতে পারিত ; কিন্তু “পঞ্চ পঞ্চনখা তক্ষ্যাঃ,” এই বিধি দ্বারা বিহিত শশ প্রভৃতি পঞ্চ ব্যতিরিক্ত কুকুরাদি যাবতীয় পঞ্চনখ জন্তুর তক্ষণনিষেধ সিদ্ধ হইতেছে । অর্থাৎ, লোকের পঞ্চনখ জন্তুর মাংসতক্ষণে প্রবৃত্তি হইলে, শশ প্রভৃতি পঞ্চ ব্যতিরিক্ত পঞ্চনখ জন্তুর মাংসতক্ষণ করিতে পারিবেক না ; শশ প্রভৃতি পঞ্চনখ জন্তুর মাংসতক্ষণও লোকের সম্পূর্ণ ইচ্ছাধীন ; ইচ্ছা হয় তক্ষণ করিবেক, ইচ্ছা না হয় তক্ষণ করিবেক না । সেইরূপ, যদৃচ্ছাক্রমে অধিক বিবাহে উদ্বৃত্ত পুরুষ সর্বণা অসর্বণা উভয়বিধ স্ত্রীরই পাণিগ্রহণ করিতে পারিত ; কিন্তু, যদৃচ্ছাক্রমে বিবাহে প্রবৃত্ত হইলে, অসর্বণাবিবাহ করিবেক, এই বিধি প্রদর্শিত হওয়াতে, যদৃচ্ছাশূলে অসর্বণাব্যতিরিক্ত স্ত্রীবিবাহনিষেধ সিদ্ধ হইতেছে । অসর্বণাবিবাহও লোকের ইচ্ছাধীন, ইচ্ছা হয় তাদৃশ বিবাহ করিবেক, ইচ্ছা না হয় করিবেক না ; কিন্তু যদৃচ্ছাপ্রবৃত্ত হইয়া বিবাহ করিতে হইলে, অসর্বণা ব্যতিরিক্ত বিবাহ করিতে পারিবেক না, ইহাই বিবাহবিষয়ক চতুর্থ বিধির উদ্দেশ্য । এই বিবাহবিধিকে অপূর্ববিধি বলা যাইতে পারে না ; কারণ, ঈদৃশ বিবাহ রাগপ্রাপ্ত, অর্থাৎ লোকের ইচ্ছাবশতঃ প্রাপ্ত হইতেছে ; বাহা কোনও রূপে প্রাপ্ত নহে, তদ্বিষয়ক বিধিকেই অপূর্ববিধি বলে । এই বিবাহবিধিকে নিয়মবিধি বলা যাইতে পারে না ; কারণ, ইহা দ্বারা অসর্বণাবিবাহ অবশ্যকর্তব্য বলিয়া নিয়মবদ্ধ হইতেছে না । সুতরাং, এই বিবাহবিধিকে অগত্যা পরিসংখ্যাবিধি বলিয়া অঙ্গীকার করিতে হইবেক (১৭) ।”

(১৭) বিনিয়োগবিধিরপ্যপূর্ববিধিনিয়মবিধিপারিসংখ্যাবিধিভেদাভিবিধঃ

যে কারণে অসবর্ণবিবাহবিধির পরিসংখ্যাত্ত্ব স্বীকার করিতে হয়, তাহা উপরি উদ্ধৃত অংশে বিশদরূপে প্রতিপাদিত হইয়াছে ; এজন্য, এস্থলে এ বিষয়ে আর অধিক বলা নিষ্পয়োজন । এক্ষণে, তর্কবাচস্পতি মহাশয় যে সকল আপত্তি উত্থাপন করিয়াছেন, তাহার সমালোচনা করা আবশ্যিক ।

তাঁহার প্রথম আপত্তি এই ;—

“মানববচনশ্চ যৎ পরিসংখ্যাপরত্বং কল্প্যতে তৎ কশ্চ  
হেতোঃ ? ন তাবৎ তস্য পরিসংখ্যাকল্পকং কিঞ্চিৎ বচনান্তর-  
মন্তি, নাপি যুক্তিঃ, নবা প্রাচীনসন্দর্ভসম্মতিঃ । তথাচ অসতি  
পরিসংখ্যাকল্পকযুক্ত্যাদৌ দোষত্রয়গ্রস্তাং পরিসংখ্যাং স্বীকৃত্য  
মানববচনশ্চ যৎ দোষত্রয়কলঙ্কপক্ষে নিক্ষেপণং কৃতং তৎ কেবলং  
অভীষ্টসিদ্ধিমনীষকম্ । পরিসংখ্যায়াং হি

শ্রুতার্থস্য পরিত্যাগাদশ্রুতার্থস্য কল্পনাং ।

প্রাপ্তস্য বাধাদিত্যেবং পরিসংখ্যা ত্রিদোষিকা ইতি ॥

শ্রুতার্থত্যাগাশ্রুতার্থকল্পনপ্রাপ্তবাধরূপং মীমাংসাশাস্ত্রসিদ্ধং  
দোষত্রয়ং স্বীকার্যং তস্য চ সতি গতান্তরে নৈবাদীকার্যতা (১৮) । ”

মনুবচনে যে বিবাহবিধি আছে, উহার যে পরিসংখ্যাত্ত্ব কল্পিত  
হইতেছে, তাহার হেতু কি । ঐ বিবাহবিধির পরিসংখ্যাত্ত্ব কল্পনার  
প্রমাণস্বরূপ বচনান্তর নাই, যুক্তিও নাই, এবং প্রাচীন গ্রন্থের  
সম্মতিও নাই । এইরূপ প্রমাণবিরহে ত্রিদোষগ্রস্তা পরিসংখ্যা  
স্বীকার করিয়া, মনুবচনকে যে দোষত্রয়রূপ কলঙ্কপক্ষে নিক্ষেপণ  
করিয়াছেন, কেবল স্বীয় অভীষ্টসিদ্ধিচেষ্টাই তাহার মূল ।

বিধিং বিনা কথমপি যদর্থগোচরপ্রবৃত্তির্নোপপদ্যতে অসাবপুর্নবিধিঃ নিয়ত-  
প্রবৃত্তিকলকো বিধিনিয়মবিধিঃ স্ববিষয়াদন্যত্র প্রবৃত্তিবিরোধী বিধিঃ পরি-  
সংখ্যাবিধিঃ তদুক্তং বিধিরত্যন্তমপ্রাপ্তৌ নিয়মঃ পাক্ষিকে সতি । তত্র চানত্র  
চ প্রাপ্তৌ পরিসংখ্যেতি গীয়তে ॥ বিধিস্বরূপ ।

(১৮) বহুবিবাহবাদ, ৩৮ পৃষ্ঠা ।

পরিসংখ্যাতে ঋত অর্থের ত্যাগ, অঋত অর্থের কল্পনা ও প্রাপ্ত বিষয়ের বাধ, মীমাংসাসূত্রসিদ্ধ এই দোষত্রয় স্বীকার করিতে হয় ; এজন্য গত্যস্তুর সত্ত্বে পরিসংখ্যা কোনও মতে স্বীকার করা যায় না ।

মীমাংসকেরা পরিসংখ্যাবিধির যে লক্ষণ নির্দিষ্ট করিয়াছেন, যে বিধি সেই লক্ষণাক্রান্ত হয়, তাহা পরিসংখ্যা বিধি বলিয়া পরিগৃহীত হইয়া থাকে । প্রথম পুস্তকে দর্শিত হইয়াছে, মনুর অসবর্ণবিবাহবিধি পরিসংখ্যাবিধির সম্পূর্ণ লক্ষণাক্রান্ত । কামার্থে অসবর্ণবিবাহ রাগ-প্রাপ্ত বিবাহ । রাগপ্রাপ্ত বিষয়ে বিধি থাকিলে, বিহিত বিষয়ের অতিরিক্ত স্থলে নিষেধ বোধনার্থে, ঐ বিধির পরিসংখ্যাত্ব অঙ্গীকৃত হইয়া থাকে । সুতরাং, রাগপ্রাপ্ত অসবর্ণবিবাহ বিষয়ক বিধির পরিসংখ্যাত্ব অপরিহার্য্য ও অবশ্যস্বীকার্য্য হইতেছে ; তাহা সিদ্ধ করিবার জন্য, অন্তবিধ প্রমাণের অণুমাত্র আবশ্যিকতা নাই । “পঞ্চ পঞ্চনখা তক্ষ্যাঃ” পাঁচটি পঞ্চনখ তক্ষণীয়, এই বাক্যে পঞ্চনখতক্ষণ ঋত হইতেছে ; কিন্তু পঞ্চনখতক্ষণবিধান এই বাক্যের অভিপ্রেত না হওয়াতে, ঋত অর্থের পরিত্যাগ ঘটিতেছে । এই বাক্য দ্বারা শশ-প্রভৃতি পঞ্চ ব্যতিরিক্ত পঞ্চনখের তক্ষণ নিষেধ প্রতিপাদিত হওয়াতে, অঋত অর্থের কল্পনা হইতেছে । আর রাগপ্রাপ্ত শশ প্রভৃতি পঞ্চ ব্যতিরিক্ত পঞ্চনখতক্ষণের বাধ জন্মিতেছে । অর্থাৎ, পঞ্চনখ-তক্ষণরূপ যে অর্থ বিধিবাক্যের অন্তর্গত শব্দ দ্বারা প্রতিপন্ন হয়, তাহা পরিত্যক্ত হইতেছে ; শশ প্রভৃতি পঞ্চ ব্যতিরিক্ত পঞ্চনখতক্ষণ-নিষেধরূপ যে অর্থ বিধিবাক্যের অন্তর্গত শব্দ দ্বারা প্রতিপন্ন হয় না, তাহা কল্পিত হইতেছে ; আর ইচ্ছাবশতঃ, শশ প্রভৃতি পঞ্চ পঞ্চনখের ন্যায়, তদ্ব্যতিরিক্ত পঞ্চনখের তক্ষণরূপ যে বিষয় প্রাপ্ত হইয়াছিল, তাহার বাধ ঘটিতেছে । এই রূপে পরিসংখ্যাবিধিতে দোষত্রয়স্পর্শ অপরিহার্য্য ; এজন্য, গত্যস্তুর সম্ভবিলে, পরিসংখ্যাস্বীকার করা যায় না । প্রথম পুস্তকে প্রতিপাদিত হইয়াছে, গত্যস্তুর না থাকাতাই,

অর্থাৎ অপূর্ববিধি ও নিয়মবিধির স্থল না হওয়াতেই, অসবর্ণা-বিবাহবিধির পরিসংখ্যাত্ত্ব ব্যবস্থাপিত হইয়াছে । ফলতঃ, পরিসংখ্যার প্রকৃত স্থল বলিয়া বোধ হওয়াতেই, আমি এই বিধির পরিসংখ্যাত্ত্ব স্বীকার করিয়াছি ; স্বীয় অভীষ্টসিদ্ধির নিমিত্ত, কষ্টকল্পনা বা কৌশল অবলম্বনপূর্বক পরিসংখ্যাত্ত্ব কল্পনা করিয়া, মনুবচনকে অকারণে দোষত্রয়রূপ কলঙ্কপক্ষে নিষ্কিপ্ত করি নাই ।

তর্কবাচস্পতি মহাশয়ের দ্বিতীয় আপত্তি এই ;—

“কিঞ্চ, বিবাহস্য রাগপ্রাপ্তত্বাদীকারে প্রথমবিবাহস্তাপি রাগপ্রাপ্ততয়া সর্বণাং স্ত্রিয়মুদ্রহেদিত্যাदिমনুবচনস্তাপি পরিসংখ্যা-পরতাপত্তির্কুরৈব । স্বীকৃতঞ্চ বিদ্যাসাগরেণাপ্যস্তু বাক্যশ্চোৎ-পত্তিবিধিত্বম্ অতঃ স্বেক্তিবিরুদ্ধতয়া প্রত্যবস্থানে তস্য বিমৃশ্য-কারিতা কথঙ্কারং তিষ্ঠেৎ । যথাচ বিবাহস্য অলৌকিকসংস্কারা-পাদকত্বেন ন রাগপ্রাপ্তত্বং তথা প্রতিপাদিতং পুরস্তাৎ (১৯) । ”

কিঞ্চ, বিবাহের রাগপ্রাপ্তত্ব অঙ্গীকার করিলে, প্রথম বিবাহেরও রাগপ্রাপ্তত্ব ঘটে ; এবং তাহা হইলে, সর্বর্ণা ভার্য্যার পাণিগ্রহণ করিবেক, ইত্যাদি মনুবচনেরও পরিসংখ্যাপরত্বঘটনা দুর্নিবার হইয়া উঠে । বিদ্যাসাগরও, এই মনুবাক্য অপূর্ববিধির স্থল বলিয়া, অঙ্গীকার করিয়াছেন ; এক্ষণে স্বেক্তিবিরুদ্ধ নির্দেশ করিলে, কিরূপে তাহার বিমৃশ্যকারিতা থাকিতে পারে । বিবাহ অলৌকিক-সংস্কারসম্পাদক, এজন্য তাহার রাগপ্রাপ্তত্ব ঘটিতে পারে না, তাহা পূর্বে প্রতিপাদিত হইয়াছে ।

বিবাহের রাগপ্রাপ্তত্ব স্বীকার করিলে,

গুরুণামুমতঃ স্নাত্বা সমাবর্তো যথাবিধি ।

উদ্বহেত দ্বিজো ভার্য্যাং সর্বর্ণাং লক্ষণান্বিতাম্ ॥ ৩ । ৪ ।

দ্বিজ, গুরুর অনুজ্ঞালাভান্তে, যথাবিধানে স্নান ও সমাবর্তন করিয়া, সজ্জাতীয়া স্ত্রীলক্ষণা কন্যার পাণিগ্রহণ করিবেক ।

এই মনুবচনে প্রথম অর্থাৎ ধর্মার্থ বিবাহের যে বিধি আছে, তাহারও পরিসংখ্যাত্ত্ব অনিবার্য্য হইয়া পড়ে ; এমন স্থলে,

সবর্ণাণ্ডে দ্বিজাতীনাং প্রশস্তা দারকর্মণি ।

কামতন্তু প্রবৃত্তানামিমাঃ স্যুঃ ক্রমশোহবরাঃ ॥৩।১২।

দ্বিজাতিদিগের প্রথম বিবাহে সবর্ণা কন্যা বিহিতা ; কিন্তু যাহারা কামবশতঃ বিবাহে প্রবৃত্ত হয়, তাহারা অনুলোমক্রমে অসবর্ণা বিবাহ করিবেন ।

এই মনুবচনে কামার্থ বিবাহের যে বিধি আছে, তাহার পরিসংখ্যাত্ত্ব-পরিহার সুদূরপরাহত । অতএব বিবাহের রাগপ্রাপ্তত্ব স্বীকার করা পরামর্শসিদ্ধ নহে । তাদৃশ স্বীকারে একবার আবদ্ধ হইলে, আর কোনও মতে অসবর্ণাবিবাহবিধির পরিসংখ্যাত্ত্ব নিবারণ করিতে পারিবেন না ; এই ভয়ে, পূর্বাপরপর্যালোচনাপরিশূন্য হইয়া, তর্কবাচস্পতি মহাশয় বিবাহমাত্রের রাগপ্রাপ্তত্ব অপলাপ করাই শ্রেয়ঃকল্প বিবেচনা করিয়াছেন । কিন্তু আক্ষেপের বিষয় এই, অপলাপে প্রবৃত্ত হইয়া কৃতকার্য্য হইতে পারিবেন, তাহার পথ রাখেন নাই । তিনি কহিতেছেন “বিবাহ অলৌকিক সংস্কারসম্পাদক, এজন্য উহার রাগপ্রাপ্তত্ব ঘটিতে পারে না, তাহা পূর্বে প্রতিপাদিত হইয়াছে” । পূর্বে কিরূপে তাহা প্রতিপাদিত হইয়াছে, তৎপ্রদর্শনার্থ তদীয় পূর্ব লিখন উদ্ধৃত হইতেছে ;—

“কিঞ্চ, অবিপ্লুতব্রহ্মচর্য্যো যমিচ্ছেত্তু তমাবসেৎ । ইতি মিতা-  
ক্ষরাধৃতবাক্যাৎ ব্রহ্মচর্য্যাতিরিক্তাশ্রমমাত্রশ্চৈব রাগপ্রযুক্তত্বাৎ  
গৃহস্থাশ্রমস্তাপি রাগপ্রযুক্ততয়া তদধীনপ্রযুক্তিকবিবাহস্তাপি  
রাগপ্রযুক্তত্বেন কাম্যব্রহ্মচর্য্যবোচিতত্বাৎ ( ) ২০। ”

কিঞ্চ, যথাবিধানে ব্রহ্মচর্য্য নির্বাহ করিয়া, যে আশ্রমে ইচ্ছা হয়,

সেই আশ্রম অবলম্বন করিবেক, মিতাক্ষরামৃত এই বচন অনুসারে, ব্রহ্মচর্য্য ব্যতিরিক্ত আশ্রমমাত্রই রাগপ্রাপ্ত, সূতরাং গৃহস্থাশ্রমও রাগপ্রাপ্ত, গৃহস্থাশ্রমের রাগপ্রাপ্ততাবশতঃ গৃহস্থাশ্রমপ্রবেশমূলক বিবাহও রাগপ্রাপ্ত, সূতরাং উহা কান্য বলিয়াই পরিগণিত হওয়া উচিত।

ইচ্ছাময় তর্কবাচস্পতি মহাশয়, যখন যাহা ইচ্ছা হয়, তাহাই বলেন। তাঁহার পূর্বে লিখন দ্বারা “বিবাহের রাগপ্রাপ্তত্ব” প্রতিপাদিত হইতেছে, অথবা “বিবাহের রাগপ্রাপ্তত্ব ঘটিতে পারে না,” তাহা প্রতিপাদিত হইতেছে, সকলে বিবেচনা করিয়া দেখিবেন। সে যাহা হউক, আমি তদীয় যথেষ্টাচারদর্শনে হতবুদ্ধি হইয়াছি। তিনি পূর্বে দৃঢ় বাক্যে, “বিবাহ রাগপ্রাপ্ত,” ইহা প্রতিপন্ন করিয়া আসিয়াছেন; এক্ষণে অনায়াসে তুল্যরূপে দৃঢ় বাক্যে, “বিবাহ রাগপ্রাপ্ত নহে,” ইহা প্রতিপন্ন করিতে প্রবৃত্ত হইয়াছেন।

বিতণ্ডাপিশাচী স্কন্ধে আরোহণ করিলে, তর্কবাচস্পতি মহাশয়ের দিগ্বিদিক্ জ্ঞান থাকে না। পূর্বে যখন ধর্ম্মার্থ বিবাহের নিত্যত্ব খণ্ডন করা আবশ্যক হইয়াছিল, তখন তিনি বিবাহমাত্রের রাগপ্রাপ্তত্ব প্রতিপাদনের নিমিত্ত প্রয়াস পাইয়াছেন; কারণ, তখন বিবাহমাত্রের রাগপ্রাপ্তত্ব স্বীকার না করিলে, ধর্ম্মার্থ বিবাহের নিত্যত্ব খণ্ডন সম্পন্ন হয় না। এক্ষণে কামার্থ বিবাহবিধির পরিসংখ্যাত্ব খণ্ডন করা আবশ্যক হইয়াছে; সূতরাং, বিবাহমাত্রের রাগপ্রাপ্তত্ব খণ্ডনের নিমিত্ত প্রয়াস পাইতেছেন; কারণ, এখন বিবাহমাত্রের রাগপ্রাপ্তত্ব অস্বীকার না করিলে, কামার্থ বিবাহবিধির পরিসংখ্যাত্ব খণ্ডন সম্পন্ন হয় না। এক্ষণে, সকলে নিরপেক্ষ হইয়া বলুন, এরূপ পরম্পর বিরুদ্ধ লিখন কেহ কখনও এক লেখনীর মুখ হইতে নির্গত হইতে দেখিয়াছেন কিনা। পূর্বে দর্শিত হইয়াছে, তর্কবাচস্পতি মহাশয় ঐন্দ্ৰারস্ত্রে প্রতিজ্ঞা করিয়াছেন, “যাঁহার ধর্ম্মের তত্ত্বজ্ঞানলাভে অভিনাষী,

তাঁহাদের বোধ জন্মাইবার নিমিত্তই আমার বক্তৃতা ” (২১) । অধুনা, ধর্মের তত্ত্বজ্ঞানলাভে অভিলষীরা তর্কবাচস্পতি মহাশয়ের পূর্ব লিখনে আস্থা ও শ্রদ্ধা করিয়া, “বিবাহমাত্রই রাগপ্রাপ্ত,” এই ব্যবস্থা শিরোধার্য্য করিয়া লইবেন, অথবা তদীয় শেষ লিখনে আস্থা ও শ্রদ্ধা করিয়া, “বিবাহমাত্রই রাগপ্রাপ্ত নয়,” এই ব্যবস্থা শিরোধার্য্য করিবেন, ধর্মোপদেষ্টা তর্কবাচস্পতি মহাশয় সে বিষয়ে তাঁহাদের সন্দেহভঞ্জন করিয়া দিবেন । আমায় জিজ্ঞাসা করিলে, আমি তৎক্ষণাৎ অসকুচিত চিন্তে এই উত্তর দিব, উভয় ব্যবস্থাই শিরোধার্য্য করা উচিত ও আবশ্যিক । মনু কহিয়াছেন,

শ্রুতিদ্বৈধন্তু যত্র স্মাত্তত্র ধর্মাবুভৌ স্মৃতৌ । ২ । ১৪ ।

যে স্থলে শ্রুতিদ্বয়ের বিরোধ ঘটে, তথায় উভয়ই ধর্ম বলিয়া ব্যবস্থাপিত ।

উভয়ই বেদবাক্য, স্মৃতরাং উভয়ই সমান মাননীয় । বেদবাক্যের পরম্পর বিরোধস্থলে, বিকল্প ব্যবস্থা অবলম্বন না করিলে, বেদের মানরক্ষা হয় না । সেইরূপ, এই উভয় ব্যবস্থাই এক লেখনী হইতে নির্গত, স্মৃতরাং উভয়ই সমান মাননীয় । বিকল্পব্যবস্থা অবলম্বনপূর্বক, উভয় ব্যবস্থা শিরোধার্য্য করিয়া না লইলে, সর্বশাস্ত্রবেত্তা তর্কবাচস্পতি মহাশয়ের মানরক্ষা হয় না ।

তিনি কহিয়াছেন,

“বিজ্ঞানাগরও, এই মনুবাক্য অপূর্ববিধির স্থল বলিয়া, অঙ্গীকার করিয়াছেন ; এক্ষণে স্মোক্তবিরুদ্ধ নির্দেশ করিলে, কিরূপে তাঁহার বিশ্বশ্রুকারিতা থাকিতে পারে । ”

এস্থলে বক্তব্য এই যে, উল্লিখিত মনুবচনে ধর্মার্থ বিবাহের যে বিধি আছে, পূর্বে আমি ঐ বিধিকে অপূর্ববিধি ও ঐ বিধি অনুযায়ী

বিবাহকে নিত্য বিবাহ বলিয়া অঙ্গীকার করিয়াছি, এবং এক্ষণেও করিতেছি । তখনও ঐ বিধি অনুযায়ী বিবাহকে রাগপ্রাপ্ত বলিয়া প্রতিপন্ন করিবার নিমিত্ত প্রয়াস পাই নাই ; এখনও ঐ বিধি অনুযায়ী বিবাহকে রাগপ্রাপ্ত বলিয়া প্রতিপন্ন করিতে প্রবৃত্ত নহি । আর, যনুর বচনান্তরে কামার্থ বিবাহের যে বিধি আছে, পূর্বে ঐ বিধিকে পরিসংখ্যাবিধি ও ঐ বিধি অনুযায়ী বিবাহকে রাগপ্রাপ্ত বিবাহ বলিয়া অঙ্গীকার করিয়াছি, এবং এক্ষণেও করিতেছি । তখনও, ঐ বিধি অনুযায়ী বিবাহ রাগপ্রাপ্ত নহে, ইহা প্রতিপন্ন করিবার নিমিত্ত প্রয়াস পাই নাই ; এখনও, ঐ বিধি অনুযায়ী বিবাহ রাগপ্রাপ্ত নহে, ইহা প্রতিপন্ন করিতে প্রবৃত্ত নহি । সুতরাং, এ উপলক্ষে আমার বিমূশ্চকারিতা ব্যাঘাতের কোনও আশঙ্কা বা সম্ভাবনা লক্ষিত হইতেছে না । তর্কবাচস্পতি মহাশয়ের অন্তঃকরণে অকস্মাৎ ঈদৃশী আশঙ্কা উপস্থিত হইল কেন, বুঝিতে পারিতেছি না । যাহা হউক, আশ্চর্য্যের অথবা কোতূহলের বিষয় এই, তর্কবাচস্পতি মহাশয় অতীত বিমূশ্চকারিতা রক্ষার নিমিত্ত ব্যস্ত হইয়াছেন ; কিন্তু নিজের বিমূশ্চকারিতারক্ষাপক্ষে অক্ষিপ মাত্র নাই ।

যাহা দর্শিত হইল, তদনুসারে তর্কবাচস্পতি মহাশয় পূর্বে স্বীকার করিয়াছেন, বিবাহমাত্রই রাগপ্রাপ্ত ; সুতরাং, কামার্থ বিবাহেরও রাগপ্রাপ্তত্ব স্বীকার করা হইয়াছে । পরে স্বীকার করিয়াছেন, বিবাহের রাগপ্রাপ্তত্ব স্বীকার করিলে, বিবাহবিধির পরিসংখ্যাত্ব স্বীকার অপরিহার্য্য ; সুতরাং, পূর্বস্বীকৃত রাগপ্রাপ্ত কামার্থ বিবাহবিষয়ক বিধির পরিসংখ্যাত্ব স্বীকার করা হইয়াছে । এক্ষণে সকলে বিবেচনা করিয়া দেখুন, তর্কবাচস্পতি মহাশয়ের নিজের স্বীকার অনুসারে, কামার্থ বিবাহের রাগপ্রাপ্তত্ব ও কামার্থ বিবাহবিধির পরিসংখ্যাত্ব প্রতিপন্ন হইতেছে কি না ।

তর্কবাচস্পতি মহাশয়ের তৃতীয় আপত্তি এই ;—

“কিঞ্চ, মনুনা ইমাশ্চেতি ইদমা পুরোবর্তিনীনামেব দার-  
কর্ণাণি বর্ণক্রমেণ বরত্মুক্তং পুরোবর্তিগৃহ্য চ ব্রাহ্মণস্য সর্বণা ক্ষত্রিয়-  
দয়স্তিঅশ্চ, ক্ষত্রিয়স্য সর্বণা বৈশ্যা শূদ্রা চ, বৈশ্যস্য সর্বণা শূদ্রা চ,  
শূদ্রস্য শূদ্রেবেতি । তস্য চ পরিসংখ্যাত্ত্বকম্পনে ত্রুতাত্ত্ব্য এব  
সর্বণাসর্বণাত্ত্ব্যঃ অতিরিক্তবিবাহনিবেধপরত্বং বাচ্যং ততশ্চ কথ-  
ঙ্কারম্ অসর্বণাতিরিক্তমাত্রং নিষিধ্যোত (২২) ।”

কিঞ্চ, মনু, “ইমাঃ” অর্থাৎ এই সকল কন্যা এই কথা বলিয়া,  
বিবাহ বিষয়ে অনুলোমক্রমে পুরোবর্তিনী অর্থাৎ পরবচনোক্ত কন্যা-  
দিগের শ্রেষ্ঠত্ব কীর্তন করিয়াছেন । পুরোবর্তিনী কন্যাসকল এই,  
ব্রাহ্মণের সর্বণা ও ক্ষত্রিয়াশ্রুতি তিন, ক্ষত্রিয়ের সর্বণা, বৈশ্যা, ও  
শূদ্রা, বৈশ্যের সর্বণা ও শূদ্রা, শূদ্রের একমাত্র শূদ্রা । এই বচনের  
পরিসংখ্যাত্ত্বকম্পনা করিলে, পরবচনে যে সর্বণা ও অসর্বণা কন্যার  
নির্দেশ আছে, তদতিরিক্ত কন্যার বিবাহনিষেধ অভিপ্রেত বলিতে  
হইবেক ; অতএব কেবল অসর্বণাব্যতিরিক্ত কন্যার বিবাহনিষেধ  
কি প্রকারে প্রতিপন্ন হইতে পারে ।

ইতিপূর্বে সবিস্তর দর্শিত হইয়াছে, তর্কবাচস্পতি মহাশয় মনুবচনের  
যে পাঠ ও যে অর্থ স্থির করিয়াছেন, ঐ পাঠ ও ঐ অর্থ বচনের প্রকৃত  
পাঠ ও প্রকৃত অর্থ নহে । ঐ বচনদ্বারা সর্বণা ও অসর্বণা উভয়ের  
বিবাহ বিহিত হয় নাই ; কেবল অসর্বণার বিবাহই বিহিত হইয়াছে ।  
সুতরাং, ঐ বচনোক্ত বিবাহবিধির পরিসংখ্যাত্ত্ব স্বীকার করিলে,  
অসর্বণা ব্যতিরিক্ত কন্যার বিবাহ নিষেধ প্রতিপন্ন হইবার কোনও  
প্রতিবন্ধক ঘটিতে পারে না । সর্বশাস্ত্রবেত্তা তর্কবাচস্পতি মহাশয়,  
সর্বণা ও অসর্বণা উভয়বিধ কন্যার বিবাহ মনুবচনের অভিপ্রেত, এই  
অমূলক সংস্কারের বশবর্তী হইয়াই, এই আপত্তি উত্থাপন করিয়াছেন,  
মনুবচনের প্রকৃত পাঠ ও প্রকৃত অর্থ অবগত থাকিলে, কদাচ ঈদৃশ  
অকিঞ্চিংকর আপত্তি উত্থাপনে প্রবৃত্ত হইতেন না ।

তর্কবাচস্পতি মহাশয়ের চতুর্থ আপত্তি এই ;—

“কিঞ্চ পরিসংখ্যায়ামিতরনিরূপিতরেব বিহিতা বিধিপ্রত্য-  
য়ার্থাশ্রয়ত্বৈব বিহিতত্বাৎ “অশ্বাভিধানীমাদতে” ইত্যাদৌ  
চ অশ্বাতিরিক্তরশনাগ্রহণাভাব ইচ্ছসাধনং তাদৃশগ্রহণাভাবেন  
ইচ্ছা ভাবয়েদিতি বা, “পঞ্চ পঞ্চনখান্ ভঞ্জীত” ইত্যাদৌ চ  
শশাদিপঞ্চকভিন্নপঞ্চনখভোজনং ন ইচ্ছসাধনম্ ইতি তত্র  
তত্র বিধ্যর্থঃ ফলিতঃ তত্র চ অশ্বরশনাগ্রহণে শশাদিভোজনে চ  
তত্ত্ববিধেরৌদাসীন্মমেবেত্যেবং পরিসংখ্যাসরণৌ স্থিতায়াং মানব-  
বচনেহপি সর্বায়া অসর্বায়া বা বিবাহে বিধেরৌদাসীন্মমেব  
বাচ্যং, কেবলং তদতিরিক্তবিবাহাভাব এব বিহিতঃ স্ত্রাৎ তথাচ  
ক্ষত্রিয়াদীনামসর্বাণাং কথং বিবাহসিদ্ধির্ভবেৎ । ততশ্চ ক্ষত্রিয়া-  
দিবিবাহস্তাবিহিতত্বেন তদগর্ভজাতসন্তানস্তানোরসঙ্গাপত্তিঃ ।” (২৩)

কিঞ্চ, পরিসংখ্যাস্থলে বিধিবাক্যোক্ত বিষয়ের অতিরিক্ত বর্জনই  
বিহিত, কারণ বিধিপ্রত্যয়ের অর্থের আশ্রয়ত্বই বিহিত হইয়া  
থাকে ; অশ্বরশনা গ্রহণ করিবেক, ইত্যাদি স্থলে অশ্ব ব্যতিরিক্ত  
রশনাগ্রহণের অভাব ইচ্ছসাধন অথবা তাদৃশগ্রহণের অভাব দ্বারা  
ইচ্ছাচিন্তা করিবেক, এইরূপ ; এবং, পাঁচটি পঞ্চনখ ভঞ্জনীয় ইত্যাদি  
স্থলে শশ প্রভৃতি পঞ্চ ব্যতিরিক্ত পঞ্চনখভোজন ইচ্ছসাধন নহে,  
এইরূপ তত্ত্ব স্থলে বিধির অর্থ প্রতিপন্ন হয় । তাহাতে অশ্বরশনা-  
গ্রহণে ও শশ প্রভৃতি ভোজনে তত্ত্ব বিধির ঔদাসীন্মই থাকে ;  
এইরূপ পরিসংখ্যাপদ্ধতি থাকাতে, মনুবচনেও সর্বা বা অসর্বার  
বিবাহ বিষয়ে বিধির ঔদাসীন্ম বলিতে হইবেক ; কেবল তদ্যতিরিক্ত  
বিবাহের অভাবই বিহিত হইতেছে, স্ত্রতরাং ক্ষত্রিয়াদি অসর্বার  
বিবাহ সিদ্ধি কিরূপে হইতে পারে ; এবং সেই হেতু বশতঃ ক্ষত্রি-  
য়াদি বিবাহ অবিহিত হওয়াতে, তদগর্ভজাত সন্তানের ঔরসঙ্গ  
ব্যাপাত ঘটে ।

তর্কবাচস্পতি মহাশয়ের অভিপ্রায় এই, বিহিত বিষয়ের অতিরিক্ত  
স্থলে নিষেধবোধনই পরিসংখ্যাবিধির উদ্দেশ্য, বিহিত বিষয়ের  
কর্তব্যত্ববোধন ঐ বিধির লক্ষ্য নহে । যদি সেরূপ লক্ষ্য না হইল,

তাহা হইলে বিধিবাক্যোক্ত বিষয় বিহিত হইল না ; যদি বিহিত না হইল, তাহা হইলে উহা কর্তব্য বলিয়া পরিগৃহীত হইতে পারে না । “পঞ্চ পঞ্চনখা ভক্ষ্যাঃ,” পাঁচটি পঞ্চনখ ভক্ষণীয়, এই বিধিবাক্যে যে পঞ্চ পঞ্চনখের উল্লেখ আছে, পরিসংখ্যাবিধিদ্বারা তদতিরিক্ত পঞ্চনখের ভক্ষণনিষেধ প্রতিপাদিত হইতেছে, শশ প্রভৃতি পঞ্চ পঞ্চনখের ভক্ষণবিধান ঐ বিধিবাক্যের উদ্দেশ্য নহে ; সুতরাং, শশ প্রভৃতি পঞ্চ পঞ্চনখের ভক্ষণ বিহিত হইতেছে না । সেইরূপ, মনুবচনে কামার্থ বিবাহের যে বিধি আছে, ঐ বিধির পরিসংখ্যাত্ব স্বীকার করিলে, অসবর্ণব্যতিরিক্তস্ত্রীবিবাহনিষেধ সিদ্ধ হইবেক, অসবর্ণবিবাহবিধান ঐ বচন দ্বারা প্রতিপাদিত হইবেক না ; যদি তাহা না হইল, তাহা হইলে অসবর্ণবিবাহ বিহিত হইল না ; যদি বিহিত না হইল, তাহা হইলে অসবর্ণগর্ভজাত সন্তান অবৈধস্ত্রীসংসর্গ-সম্ভূত হইল ; সুতরাং, ঔরস অর্থাৎ বৈধ সন্তান বলিয়া পরিগৃহীত হইতে পারে না ।

তর্কবাচস্পতি মহাশয় এস্থলে পরিসংখ্যাবিধির ষেক্লপ সূক্ষ্ম তাৎপর্যব্যাখ্যা করিয়াছেন, তাহা অদৃষ্টচর ও অশ্রুতপূর্ব । লোকের ইচ্ছা দ্বারা যাহার প্রাপ্তি ঘটে, তাহাকে রাগপ্রাপ্ত বলে ; তাদৃশ বিষয়ের প্রাপ্তির নিমিত্ত বিধির আবশ্যকতা নাই । যদি বিধি থাকে, তাহা হইলে, বিহিত বিষয়ের অতিরিক্ত স্থলে নিষেধ সিদ্ধ হয় ; অর্থাৎ যদিও তাদৃশ সমস্ত বিষয় ইচ্ছাদ্বারা প্রাপ্ত হইতে পারে ; কিন্তু কতিপয় স্থল ধরিয়া বিধি দেওয়াতে, কেবল ঐ কয় স্থলে ইচ্ছানুসারে চলিবার অধিকার থাকে, তদতিরিক্ত স্থলে নিষেধ বোধিত হয় । পঞ্চনখ ভক্ষণ রাগপ্রাপ্ত ; কারণ, লোকে ইচ্ছা করিলেই তাহা ভক্ষণ করিতে পারে ; সুতরাং, তাহার প্রাপ্তির জন্য বিধির আবশ্যকতা নাই । কিন্তু শশ প্রভৃতি পঞ্চ পঞ্চনখের নির্দেশ করিয়া ভক্ষণের বিধি দেওয়াতে, ঐ পাঁচ স্থলে ইচ্ছানুসারে ভক্ষণের অধিকার থাকিতেছে ; তদতিরিক্ত

পঞ্চনখ ভক্ষণ নিষিদ্ধ হইতেছে ; উহাদের ভক্ষণে আর অধিকার রহিতেছে না । সুতরাং, “পঞ্চ পঞ্চনখা ভক্ষ্যাঃ” এই বিধি দ্বারা শশ প্রভৃতি পঞ্চ মাত্র পঞ্চনখ ভক্ষণীয় বলিয়া ব্যবস্থাপিত হইতেছে, তদ্ব্যতিরিক্ত যাবতীয় পঞ্চনখ অভক্ষ্যপক্ষে নিষ্ফিণ্ড হইতেছে । শশ প্রভৃতি পঞ্চ পঞ্চনখ ভক্ষণ দোষাবহ নহে ; কারণ, লোকের ইচ্ছাবশতঃ তাহাদের ভক্ষণের যে প্রাপ্তি ছিল, শাস্ত্রের বিধি দ্বারা তাহা নিবারিত হইতেছে না ; শশ প্রভৃতি পঞ্চ ব্যতিরিক্ত পঞ্চনখ ভক্ষণ দোষাবহ হইতেছে ; কারণ, যাবতীয় পঞ্চনখভক্ষণ ইচ্ছাবশতঃ প্রাপ্ত হইলেও, শশ প্রভৃতি পাঁচটি ধরিয়া বিধি দেওয়াতে, তদ্ব্যতিরিক্ত সমস্ত পঞ্চনখের ভক্ষণ একবারে নিষিদ্ধ হইয়াছে । সেইরূপ, কাম্যার্থ বিবাহস্থলে, লোকের ইচ্ছাবশতঃ সর্বর্ণা ও অসর্বর্ণা উভয়েরই প্রাপ্তি ঘটিয়াছিল ; কিন্তু, যদৃচ্ছাক্রমে বিবাহপ্রবৃত্ত পুরুষ অসর্বর্ণা বিবাহ করিবেক, এই বিধি দেওয়াতে, অসর্বর্ণা ব্যতিরিক্ত স্থলে নিষেধ সিদ্ধ হইতেছে ; অসর্বর্ণা বিবাহ পূর্ববৎ ইচ্ছাপ্রাপ্ত থাকিতেছে, অর্থাৎ ইচ্ছা হইলে অসর্বর্ণা বিবাহ করিতে পারিবেক ; কারণ, পূর্বেও ইচ্ছাদ্বারা অসর্বর্ণার প্রাপ্তি ছিল, এবং বিধি দ্বারাও অসর্বর্ণার প্রাপ্তি নিবারিত হইতেছে না । পরিসংখ্যাবিধির এইরূপ তাৎপর্যব্যাখ্যা ই সচরাচর পরিগৃহীত হইয়া থাকে । কিন্তু তর্কবাচস্পতি মহাশয়ের তাৎপর্যব্যাখ্যা অনুসারে, শশ প্রভৃতি পঞ্চ পঞ্চনখ ভক্ষণ, ও অসর্বর্ণা বিবাহ, উভয়ই অবিহিত ; সুতরাং উভয়ই দোষাবহ ; শশ প্রভৃতি পঞ্চ পঞ্চনখ ভক্ষণ করিলে প্রত্যবায়গ্রস্ত হইতে হইবেক ; এবং অসর্বর্ণা বিবাহ করিলে, তদাভিজাত সন্তান অবৈধ সন্তান বলিয়া পরিগণিত হইবেক । তিনি এস্থলে পরিসংখ্যাবিধির এরূপ তাৎপর্যব্যাখ্যা করিয়াছেন ; কিন্তু পূর্বে সর্বসম্মত তাৎপর্যব্যাখ্যা অবলম্বন করিয়া আসিয়াছেন । তথায় স্বীকার করিয়াছেন, পরিসংখ্যাবিধি দ্বারা বিহিত বিষয়ের অতিরিক্ত স্থলে নিষেধ সিদ্ধ হয়,

এবং সেই নিষেধ দ্বারা বিহিত স্থলে বিধি অনুযায়ী কৰ্ম করিবার অধিকার অব্যাহত থাকে । যথা;

“রতিসুখস্য রাগপ্রাপ্তৌ তদুপায়স্য স্ত্রীগমনশ্চাপি রাগপ্রাপ্তৌ সত্যং স্বদারনিরতঃ সদেতি মানববচনস্য পরদারান্ ন গচ্ছেদिति পরিসংখ্যাপরতারাঃ সৰ্বৈঃ স্বীকারেণ পরদারগমননিষেধাৎ তদ্বাদাসেন অনিষিক্তস্ত্রীগমনং শাস্ত্রবিহিতস্ত্রীসংস্কারং বিনানুপ-  
পন্নমিত্যানিষিক্ততা প্রয়োজকঃ সংস্কার আক্ষিপ্যতে” (২৪) ।

রতিসুখ ও তাহার উপায়ভূত স্ত্রীগমন রাগপ্রাপ্ত হওয়াতে, “সদা স্বদারপরায়ণ হইবেক,” এই মনুবচন, পরদারগমন করিবেক না, এরূপ পরিসংখ্যার স্থল বলিয়া, সকলে স্বীকার করিয়া থাকেন ; তদনুসারে পরদারগমন নিষেধ বশতঃ পরদারবর্জন পূর্বক অনিষিক্ত স্ত্রীগমন শাস্ত্রবিহিত সংস্কার ব্যতিরেকে সিদ্ধ হইতে পারে না ; এই হেতুতে অনিষিক্ততার প্রয়োজক সংস্কার আক্ষিপ্ত হয় ।

অর্থাৎ রতিকাগ্নায় স্ত্রীসন্তোগ রাগপ্রাপ্ত, অর্থাৎ পুরুষের ইচ্ছাধীন ; রতিসুখলাভের ইচ্ছা হইলে পুরুষ স্ত্রীসন্তোগ করিতে পারে ; স্বস্ত্রী ও পরস্ত্রী উভয় সন্তোগেই রতিসুখলাভ সম্ভব, সুতরাং পুরুষ ইচ্ছানুসারে উভয়বিধ স্ত্রীসন্তোগ করিতে পারিত ; কিন্তু মনু, “সদা স্বদারপরায়ণ হইবেক,” এই বিধি দিয়াছেন । এই বিধি সর্বসম্মত পরিসংখ্যাবিধি ! এই বিধি দ্বারা পরদারবর্জনপূর্বক স্বদারগমন প্রতিপাদিত হইয়াছে ।

এক্ষণে, পরিসংখ্যাবিধি বিষয়ে তর্কবাচস্পতি মহাশয়ের দ্বিবিধ তাৎপর্যব্যাখ্যা উপলব্ধ হইতেছে । তদীয় প্রথম ব্যাখ্যা অনুসারে, বিহিত বিষয়ের অতিরিক্ত স্থলে নিষেধপ্রতিপাদন দ্বারা বিহিত বিষয়ের অনুষ্ঠান প্রতিপাদিত হইয়া থাকে ; সুতরাং বিধিবাক্যোক্ত বিষয় অবিহিত ও অনুষ্ঠানে প্রত্যবায়জনক নহে । দ্বিতীয় ব্যাখ্যা অনুসারে বিহিত বিষয়ের অতিরিক্ত স্থলে নিষেধ প্রতিপাদনই পরিসংখ্যাবিধির উদ্দেশ্য, বিধিবাক্যোক্ত বিষয়ের বিহিতত্বপ্রতিপাদন কোনও

যতে উদ্দেশ্য নহে, সুতরাং তাহা অবিহিত ও অনুষ্ঠানে প্রত্যবায়-জনক । যদি তর্কবাচস্পতি মহাশয়ের দ্বিতীয় ব্যাখ্যা প্রমাণপদবীতে অধিরোহিত হয়, তাহা হইলে, মনুর স্বদারগমনবিষয়ক সর্বসম্মত পরিসংখ্যাবিধি দ্বারা পরদারগমনমাত্র নিষিদ্ধ হইবেক, স্বদারগমনের বিহিতত্ব প্রতিপন্ন হইবেক না ; সুতরাং স্বদারগমন অবিহিত ও স্বদারগর্তসম্মত ঔরস সম্ভানও অবৈধ সম্ভান বলিয়া পরিগৃহীত হইবেক । সর্বশাস্ত্রবেত্তা তর্কবাচস্পতি মহাশয় কোনও কালে ধর্ম-শাস্ত্রের ব্যবসায় বা বিশিষ্টরূপ অনুশীলন করেন নাই ; তাহা করিলে, এত অব্যবস্থিত হইতেন না ; সকল বিষয়েই একপ্রকার ব্যবস্থা স্থির থাকিত, কোনও বিষয়ে এক স্থলে এক প্রকার ব্যবস্থা দিয়া, স্থলান্তরে সেই বিষয়ে অন্যবিধ ব্যবস্থা সংস্থাপন করিতে প্রবৃত্ত হইতেন না । ফলকথা এই, তর্কবাচস্পতি মহাশয় যখন যাহাতে সুবিধা দেখেন, তাহাই বলেন ; যাহা বলিতেছি, তাহা যথার্থ শাস্ত্রার্থ কি না ; অথবা পূর্বে যাহা বলিয়াছি এবং এক্ষণে যাহা বলিতেছি, এ উভয়ের পরস্পর বিরোধ ঘটিতেছে কি না, তাহা অনুধাবন করিয়া দেখেন না ; এবং, তাঁহার তাদৃশ অনুধাবন করিবার ইচ্ছা ও শক্তি আছে, এরূপও বোধ হয় না । বস্তুতঃ, শাস্ত্র বিষয়ে তিনি সম্পূর্ণ স্বেচ্ছাচারী ।

তর্কবাচস্পতি মহাশয়, অসবর্ণবিবাহবিধির পরিসংখ্যাত্ত্ব খণ্ডন করিবার নিমিত্ত, এইরূপ আরও দুই একটি আপত্তি উত্থাপন করিয়াছেন ; অকিঞ্চিংকর ও অনাবশ্যক বিবেচনায়, এ স্থলে আর সে সকলের উল্লেখ ও আলোচনা করা গেল না । যদৃচ্ছাশূলে যত ইচ্ছা সবর্ণবিবাহ প্রতিপন্ন করাই তাঁহার মুখ্য উদ্দেশ্য । সেই উদ্দেশ্য সাধনের নিমিত্তই, তিনি অসবর্ণবিবাহবিধির পরিসংখ্যাত্ত্ব খণ্ডনে প্রাণপণে যত্ন করিয়াছেন । তিনি ভাবিয়াছেন, ঐ বিবাহবিধির পরিসংখ্যাত্ত্ব খণ্ডিত ও অপূর্ববিধিত্ব সংস্থাপিত হইলেই, যদৃচ্ছাক্রমে যত ইচ্ছা সবর্ণবিবাহ নির্বিবাদে সিদ্ধ হইবেক । কিন্তু সে তাঁহার

নিরবচ্ছিন্ন ভাবিত্তি মাত্র । মনুবচনের প্রকৃত পাঠ ও প্রকৃত অর্থ কি, সে বোধ না থাকাতেই, তাঁহার মনে তাদৃশ বিবম কুসংস্কার জন্মিয়া আছে । তিনি মনুবচনোক্ত বিবাহবিধিকে অপূৰ্ণবিধিই বলুন, নিয়ম-বিধিই বলুন, আর পরিসংখ্যাবিধিই বলুন, উহা দ্বারা কামস্থলে অসবর্ণাবিবাহই প্রতিপন্ন হইবেক, যদৃচ্ছাক্রমে যত ইচ্ছা সবর্ণা ও অসবর্ণা বিবাহ কোনও মতে প্রতিপন্ন হইতে পারিবেক না । তর্ক-বাচস্পতি মহাশয় মনে করুন, তিনি এই বিবাহবিধির পরিসংখ্যাত্ত-থওনে ও অপূৰ্ণবিধিভ্রমসংস্থাপনে কৃতকার্য্য হইয়াছেন ; কিন্তু আমি তাহাতে তাঁহার কোনও ইচ্ছাপত্তি দেখিতেছি না । পূর্বে নির্বিবাদে প্রতিপাদিত হইয়াছে,

সবর্ণাণ্যে দ্বিজাতিনাং প্রশস্তা দারকর্ম্মণি ।

কামতন্তু প্রবৃত্তানামিমাঃ স্যুঃ ক্রমশোহবরাঃ । ৩ । ১২ ।

দ্বিজাতিদিগের প্রথম বিবাহে সবর্ণা কন্যা বিহিতা ; কিন্তু যাহারা কামবশতঃ বিবাহে প্রবৃত্ত হয়, তাহারা অনুলোমক্রমে অসবর্ণা বিবাহ করিবেক ।

এই মনুবচন দ্বারা যদৃচ্ছাম্বলে কেবল অসবর্ণাবিবাহ বিহিত হইয়াছে । যদি এই বিবাহবিধিকে অপূৰ্ণবিধি বলিয়া অঙ্গীকার করা যায়, তাহা হইলে, কামবশতঃ বিবাহপ্রবৃত্ত পুরুষ অসবর্ণা কন্যা বিবাহ করিবেক, এইরূপ অসবর্ণাবিবাহের সাক্ষাৎ বিধি পাওয়া যাইবেক ; পরিসংখ্যার দ্বারা, অসবর্ণাব্যতিরিক্ত বিবাহ করিবেক না, এরূপ নিষেধ বোধিত হইবেক না । যদি কামস্থলে সবর্ণা ও অসবর্ণা উভয়বিধস্ত্রীবিবাহ মনুবচনের অভিপ্রেত হইত, তাহা হইলে তর্কবাচস্পতি মহাশয়ের ইচ্ছাসিদ্ধি ঘটতে পারিত ; অর্থাৎ, সবর্ণা ও অসবর্ণা উভয়বিধস্ত্রী-বিবাহের সাক্ষাৎ বিধি পাওয়া যাইত, এবং তাহা হইলেই, যদৃচ্ছাক্রমে যত ইচ্ছা সবর্ণা ও অসবর্ণা বিবাহ অনায়াসে সিদ্ধ হইত । কিন্তু পূর্বে নিঃসংশয়িত রূপে প্রতিপাদিত হইয়াছে, অসবর্ণাবিবাহ বিধানই মনু-

বচনের একমাত্র উদ্দেশ্য ; সুতরাং, অপূর্ববিধি কল্পনা করিয়া, সর্বর্ণা ও অসর্বর্ণা উভয়বিধস্ত্রীবিবাহ সিদ্ধ করিবার পথ বদ্ধ হইয়া আছে । অতএব, অপূর্ববিধি স্বীকার করিলেও, তর্কবাচস্পতি মহাশয়ের কোনও উপকার দর্শিতেছে না ; এবং, যদৃচ্ছাক্রমে বিবাহপ্রবৃত্ত পুরুষ অসর্বর্ণাবিবাহ করিতে পারে, আমার অবলম্বিত এই মীমাংসারও কোনও অংশে হানি ঘটিতেছে না । আর, যদি এই বিবাহবিধিকে নিয়মবিধি বলা যায়, তাহাতেও আমার পক্ষে কোনও হানি, এবং তর্কবাচস্পতি মহাশয়ের পক্ষে কোনও ইষ্টাপত্তি, দৃষ্ট হইতেছে না । নিয়মবিধি অঙ্গীকৃত হইলে, ইহাই প্রতিপন্ন হইবেক, যদৃচ্ছাক্রমে বিবাহপ্রবৃত্ত পুরুষ সর্বর্ণা ও অসর্বর্ণা উভয়বিধ স্ত্রীর পাণিগ্রহণ করিতে পারিত ; কিন্তু যদৃচ্ছাক্রমে বিবাহপ্রবৃত্ত পুরুষ অসর্বর্ণা বিবাহ করিবেক, এই বিধি প্রদর্শিত হওয়াতে, যদৃচ্ছামূলে অসর্বর্ণাবিবাহ নিয়মবদ্ধ হইল ; অর্থাৎ, যদৃচ্ছাক্রমে বিবাহ করিতে ইচ্ছা হইলে, অসর্বর্ণা কন্তারই পাণিগ্রহণ করিবেক ; সুতরাং, যদৃচ্ছামূলে, সর্বর্ণা ও অসর্বর্ণা উভয়বিধস্ত্রীবিবাহের আর পথ থাকিতেছে না । অতএব, পরিসংখ্যা স্বীকার না করিলেও, যদৃচ্ছামূলে অসর্বর্ণাবিবাহ করিতে পারে, এ ব্যবস্থার কোনও অংশে ব্যাঘাত ঘটিতেছে না । সর্বশাস্ত্রবেত্তা তর্কবাচস্পতি মহাশয়, কিঞ্চিৎ বুদ্ধিব্যয় ও কিঞ্চিৎ অভিনিবেশ সহকারে, ক্ষণকাল আলোচনা করিয়া দেখিলে, অনায়াসে বুঝিতে পারিবেন, এ বিষয়ে আমার পক্ষে অপূর্ববিধি, নিয়মবিধি, পরিসংখ্যাবিধি, এ তিন বিধিই সমান ; তবে, পরিসংখ্যার প্রকৃত মূল বলিয়াই পরিসংখ্যাপক্ষ অবলম্বিত হইয়াছিল ; নতুবা, কামার্থে অসর্বর্ণাবিবাহ শাস্ত্রানুমোদিত, ইহা প্রতিপন্ন করিবার নিমিত্ত, এই বিবাহবিধির পরিসংখ্যাত্ত্বস্বীকারের ঐকান্তিকী আবশ্যকতা নাই ।

## তর্কবাচস্পতিপ্রকরণ

### দ্বিতীয় পরিচ্ছেদ ।

প্রথম পুস্তকে নিত্য, নৈমিত্তিক, কাম্য ভেদে বিবাহের ত্রৈবিধ্য ব্যবস্থাপিত হইয়াছে । ঐ ত্রৈবিধ্যব্যবস্থা আমার কপোলকম্পিত, শাস্ত্রানুমোদিতও নহে, যুক্তিমূলকও নহে ; ইহা প্রতিপন্ন করিবার নিমিত্ত, শ্রীযুত ভারানাত্ত তর্কবাচস্পতি অশেষ প্রকারে প্রয়াস পাইয়াছেন । তাঁহার মতে ব্রহ্মচর্য্য, গার্হস্থ্য, বানপ্রস্থ, পরিত্রজ্যা এই চারি আশ্রমের মধ্যে ব্রহ্মচর্য্য আশ্রম নিত্য, অপর তিন আশ্রম কাম্য, নিত্য নহে ; গৃহস্থ্যশ্রম কাম্য, সূতরাং গৃহস্থ্যশ্রমপ্রবেশমূলক বিবাহও কাম্য । তিনি লিখিয়াছেন,

“ অবিপ্লুতব্রহ্মচর্য্যো যমিচ্ছেত্তু তমাবসেদিতি মিতাক্ষরাধৃত-  
বাক্যাৎ ব্রহ্মচর্য্যাতিরিক্তাশ্রমমাত্রশ্চৈব রাগপ্রযুক্তত্বাৎ গৃহস্থ্য-  
শ্রমস্তাপি রাগপ্রযুক্ততয়া তদধীনপ্রযুক্তিকবিবাহস্তাপি রাগ-  
প্রযুক্তত্বেন কাম্যত্বশ্চৈবোচিতত্বাৎ (১) । ”

যথাবিধানে ব্রহ্মচর্য্য নির্বাহ করিয়া, যে আশ্রমে ইচ্ছা হয়, সেই আশ্রম অবলম্বন করিবেক, মিতাক্ষরাধৃত এই বচন অনুসারে ব্রহ্মচর্য্য ব্যতিরিক্ত আশ্রমমাত্রই রাগপ্রাপ্ত, সূতরাং গৃহস্থ্যশ্রমও রাগপ্রাপ্ত ; গৃহস্থ্যশ্রমের রাগপ্রাপ্ততা বশতঃ, গৃহস্থ্যশ্রমপ্রবেশমূলক বিবাহও রাগপ্রাপ্ত, সূতরাং উহা কাম্য বলিয়াই পরিগণিত হওয়া উচিত ।

তর্কবাচস্পতি মহাশয়ের এই সিদ্ধান্ত শাস্ত্রানুযায়ী নহে । মিতাক্ষরা-  
ধৃত একমাত্র বচনের যথাশ্রুত অর্থ অবলম্বন করিয়া, এরূপ অপসিদ্ধান্ত  
প্রচার করা তাদৃশ প্রসিদ্ধ পণ্ডিতের পক্ষে সম্বিবেচনার কর্ম  
হয় নাই । কোনও বিষয়ে শাস্ত্রের যীমাংসায় প্রবৃত্ত হইলে, সে  
বিষয়ে কি কি প্রমাণ আছে, সবিশেষ অনুসন্ধান করিয়া দেখা  
আবশ্যক । আপন অভিপ্রায়ের অনুকূল একমাত্র প্রমাণ অবলম্বন  
করিয়া যীমাংসা করায়, স্বীয় অনভিজ্ঞতা প্রদর্শন ব্যতীত আর কোনও  
ফল দেখিতে পাওয়া যায় না । যাহা হউক, আশ্রম সকল নিত্য কি  
না, তাহার যীমাংসা করিতে হইলে, নিত্য কাহাকে বলে, অথবা  
তাহার নিরূপণ করা আবশ্যক । যে সকল হেতুতে নিত্যত্ব সিদ্ধি হয়,  
প্রসিদ্ধ প্রাচীন প্রামাণিক সংগ্রহকার তৎসমুদয়ের নিরূপণ করিয়া  
গিয়াছেন । যথা,

নিত্যং সদা যাবদায়ুর্ন কদাচিদতিক্রমেৎ ।

ইত্যুক্ত্যতিক্রমে দোষশ্রুতের ত্যাগচোদনাৎ ।

ফলাশ্রুতে বীপ্সয়া চ তন্নিত্যমিতি কীর্তিতম্ ॥

যে বিধিবাক্যে নিত্যশব্দ বা সদাশব্দ থাকে, যাবজ্জীবন করি-  
বেক অথবা কদাচ লঙ্ঘন করিবেক না এরূপ নির্দেশ থাকে, লঙ্ঘনে  
দোষশ্রুতি থাকে, ত্যাগ করিবেক না এরূপ নির্দেশ থাকে, ফল-  
শ্রুতি না থাকে, অথবা বীপ্সা অর্থাৎ এক শব্দের দুইবার প্রয়োগ  
থাকে তাহাকে নিত্য বলে ।

উদাহরণ,—

নিত্যশব্দ ।

১ । নিত্যং স্নাত্বা শুচিঃ কুর্যাদ্বেবর্ষিপিতৃতর্পণম্ ২।১৬৭।(২)।

স্নান করিয়া শুচি হইয়া নিত্য দেবতর্পণ, ঋষিতর্পণ ও পিতৃতর্পণ  
করিবেক ।

(২) মনুসংহিতা ।

সদাশক ।

২ । অপুত্রোণৈব কর্তব্যঃ পুত্রপ্রতিনিধিঃ সদা (৩) ।

অপুত্র ব্যক্তি সদা পুত্রপ্রতিনিধি করিবেক ।

যাবজ্জীবন ।

৩ । যাবজ্জীবনমগ্নিহোত্রং জুহুয়াৎ (৪) ।

যাবজ্জীবন অগ্নিহোত্র যাগ করিবেক ।

কদাচ লঙ্ঘন করিবেক না ।

৪ । একাদশ্যাযুপবসেন্ন কদাচিদতিক্রমেৎ (৫) ।

একাদশীতে উপবাস করিবেক, কদাচ লঙ্ঘন করিবেক না ।

লঙ্ঘনে দোষশ্রুতি ।

৫ । শ্রাবণে বহুলে পক্ষে কৃষ্ণজন্মাষ্টমীব্রতম্ ।

ন করোতি নরো যন্তু স ভবেৎ কুররাক্ষসঃ (৬) ॥

যে নর শ্রাবণ মাসে কৃষ্ণপক্ষে কৃষ্ণজন্মাষ্টমীব্রত না করে, সে কুর  
রাক্ষস হইয়া জন্মগ্রহণ করে ।

ত্যাগ করিবেক না ।

৬ । পরমাপদমাপনো হর্ষে বা সমুপস্থিতে ।

মৃতকে মৃতকে চৈব ন ত্যজেদ্বাদশীব্রতম্ (৭) ॥

উৎকট আপদই ঘটুক, বা আত্মার বিষয়ই উপস্থিত হউক,  
বা জননাশৌচ অথবা মরণাশৌচই ঘটুক, দ্বাদশীব্রত ত্যাগ করি-  
বেক না ।

(৩) অত্রিসংহিতা ।

(৪) একাদশীতত্ত্বধৃত শ্রুতি ।

(৫) কালমাধবধৃত কণ্ববচন ।

(৬) কালমাধবধৃত সনৎকুমারসংহিতা ।

(৭) কালমাধবধৃত বিষ্ণুরহস্য ।

ফলশ্রুতি না থাকা ।

৭ । অথ শ্রাদ্ধমমাবাস্তায়াং পিতৃভ্যো দদ্যাৎ (৮) ।

অমাবাস্যাতে পিতৃগণের শ্রাদ্ধ করিবেক ।

বীপ্সা ।

৮ । অশ্বযুক্কৃষ্ণপক্ষে তু শ্রাদ্ধং কুর্যাদিনে দিনে (৯) ।

আশ্বিন মাসের কৃষ্ণপক্ষে দিন দিন শ্রাদ্ধ করিবেক ।

যে সকল হেতু বশতঃ নিত্যত্বসিদ্ধি হয়, তৎসমুদয় দর্শিত হইল ।  
এক্ষণে, আশ্রমবিষয়ক বিধিবাক্যে নিত্যত্বপ্রতিপাদক হেতু আছে  
কি না, তাহা পরীক্ষা করিবার নিমিত্ত, ঐ সমস্ত বিধিবাক্য উদ্ধৃত হই-  
তেছে । যথা,

১ । বেদানধীত্য বেদো বা বেদং বাপি যথাক্রমম্ ।

অবিপ্লুতব্রহ্মচর্যো গৃহস্থাশ্রমমাবসেৎ ॥ ৩ । ২ । (১০)

যথাক্রমে এক বেদ, দুই বেদ, অথবা সমুদয় বেদ অধ্যয়ন ও  
যথাবিধি ব্রহ্মচর্য্য নির্বাহ করিয়া, গৃহস্থাশ্রম অবলম্বন করিবেক ।

২ । চতুর্থমায়ুষো ভাগমুষিত্বাদ্যং গুরৌ দ্বিজঃ ।

দ্বিতীয়মায়ুষো ভাগং কৃতদারো গৃহে বসেৎ ॥ ৪ । ১ । (১০)

দ্বিজ, জীবনের প্রথম চতুর্থ ভাগ গুরুকূলে বাস করিয়া, দার-  
পরিগ্রহপূর্ব্বক, জীবনের দ্বিতীয় চতুর্থ ভাগ গৃহস্থাশ্রমে অবস্থিতি  
করিবেক ।

৩ । এবং গৃহাশ্রমে স্থিত্বা বিধিবৎ স্নাতকো দ্বিজঃ ।

বনে বসেতু নিয়তো যথাবদ্বিজিতেন্দ্রিয়ঃ ॥ ৬ । ১ । (১০)

স্নাতক দ্বিজ, এইরূপে বিধিপূর্ব্বক গৃহস্থাশ্রমে অবস্থিতি করিয়া,  
সংযত ও জিতেন্দ্রিয় হইয়া, যথাবিধানে বনে বাস করিবেক ।

(৮) শ্রাদ্ধতত্ত্বধৃত গোভিলস্মৃতি ।

(৯) মলমাসতত্ত্বধৃত ব্রহ্মপুরাণ ।

(১০) মনুসংহিতা ।

৪। গৃহস্থস্ত যদা পশ্যেদ্বলীপলিতমাত্মনঃ ।

অপত্যস্শৈব চাপত্যং তদারণ্যং সমাশ্রয়েৎ ॥ ৬।২। (১০)

গৃহস্থ যখন আপন শরীরে বলী ও পলিত এবং অপত্যের অপত্য  
দর্শন করিবেক, তখন অরণ্য আশ্রয় করিবেক ।

৫। বনেষু তু বিহৃত্যৈবং তৃতীয়ং ভাগমায়ুষঃ ।

চতুর্থমায়ুষো ভাগং ত্যক্ত্বা সঙ্গান্ পরিব্রজেৎ ॥ ৬।৩। (১০)

এইরূপে জীবনের তৃতীয় ভাগ বনে অতিবাহিত করিয়া, সর্বসঙ্গ  
পরিত্যাগপূর্বক, জীবনের চতুর্থ ভাগে পরিব্রজ্য আশ্রম অবলম্বন  
করিবেক ।

৬। অধীত্য বিধিবদ্বৈদান্ পুত্রানুৎপাদ্য ধর্ম্যতঃ ।

ইক্ষু চ শক্তিতো যজ্ঞৈর্মনো মোক্ষে নিবেশয়েৎ ॥ ৬।৩। (১০)

বিধিপূর্বক বেদাধ্যয়ন, ধর্ম্যতঃ পুত্রোৎপাদন, এবং যথাশক্তি  
যজ্ঞানুষ্ঠান করিয়া, মোক্ষে মনোনিবেশ করিবেক ।

এই সকল আশ্রমবিষয়ক বিধিবাক্যে ফলশ্রুতি নাই। পূর্বে দর্শিত  
হইয়াছে, বিধিবাক্যে ফলশ্রুতি না থাকিলে, ঐ বিধি নিত্য বিধি  
বলিয়া পরিগৃহীত হইয়া থাকে; সুতরাং এ সমুদয়ই নিত্য বিধি  
হইতেছে; এবং তদনুসারে ব্রহ্মচর্য্য, গার্হস্থ্য, বানপ্রস্থ, পরিব্রজ্য  
চারি আশ্রমই নিত্য বলিয়া প্রতিপন্ন হইতেছে ।

কিঞ্চ,

১। জায়মানো বৈ ব্রাহ্মণস্তিতি ঋণবান্ জায়তে ব্রহ্মচর্য্যেণ  
ঋষিভ্যঃ যজ্ঞেন দেবেভ্যঃ প্রজয়া পিতৃভ্যঃ এষ বা  
অনৃণো যঃ পুত্রী যজ্ঞা ব্রহ্মচর্য্যবান্ (১১) ।

ব্রাহ্মণ, জন্মগ্রহণ করিয়া, ব্রহ্মচর্য্য দ্বারা ঋষিগণের নিকট, যজ্ঞ

দ্বারা দেবগণের নিকট, পুত্র দ্বারা পিতৃগণের নিকট ঋণে বদ্ধ হয় ;  
যে ব্যক্তি পুত্রোৎপাদন, যজ্ঞানুষ্ঠান ও ব্রহ্মচর্য্য নিকাহ করে, সে  
ঐ ত্রিবিধ ঋণে মুক্ত হয় ।

২ । ঋণানি ত্রীণ্যপাকৃত্য মনো মোক্ষে নিবেশয়েৎ ।

অনপাকৃত্য মোক্ষন্তু সেবমানো ব্রজত্যধঃ ॥ ৬।৩৫ । (১২)

ঋণত্রয়ের পরিশোধ করিয়া, মোক্ষে মনোনিবেশ করিবেক ;  
ঋণপরিশোধ না করিয়া মোক্ষপথ অবলম্বন করিলে, অধোগতি  
প্রাপ্ত হয় ।

৩ । ঋণত্রয়াপাকরণমবিধায়াজিতেন্দ্রিয়ঃ ।

রাগদ্বेषাবনির্জিত্য মোক্ষমিচ্ছন্ পতত্যধঃ (১৩) ॥

ঋণত্রয়ের পরিশোধ, ইন্দ্রিয়বশীকরণ, ও রাগদ্বেষ জয় না  
করিয়া, মোক্ষ ইচ্ছা করিলে অধঃপাতে যায় ।

৪ । অনধীত্য দ্বিজো বেদান্নুৎপাদ্য তথাঅজান্ ।

অনিষ্ট্ৰ চৈব যজৈশ্চ মোক্ষমিচ্ছন্ ব্রজত্যধঃ ॥৬।৩৭।(১৪)

বেদাধ্যয়ন, পুত্রোৎপাদন ও যজ্ঞানুষ্ঠান না করিয়া, দ্বিজ মোক্ষ-  
কামনা করিলে অধোগতি প্রাপ্ত হয় ।

৫ । অনুৎপাদ্য সূতান্ দেবানসন্তপ্য পিতৃংস্তথা ।

ভূতাদীংশ্চ কথং মৌঢ্যাৎ স্বর্গতিং গন্তুমিচ্ছসি (১৫) ॥

পুত্রোৎপাদন, দেবকার্য্য, পিতৃকার্য্য, ও ভূতবলি প্রদান না  
করিয়া, মূঢ়তাবশতঃ কি প্রকারে স্বর্গলাভের আকাঙ্ক্ষা করিতেছ ।

(১২) মনুসংহিতা ।

(১৩) চতুর্বর্গচিন্তামণি-পরিশেষখণ্ডে ব্রহ্মবৈবর্তপুরাণ ।

(১৪) মনুসংহিতা ।

(১৫) চতুর্বর্গচিন্তামণি-পরিশেষখণ্ডে মার্কণ্ডেয়পুরাণ ।

৬ । গুরুণামুতঃ স্নাত্বা সদারো বৈ দ্বিজোত্তমঃ ।

অনুৎপাদ্য সূতং নৈব ব্রাহ্মণঃ প্রব্রজেদৃহাৎ (১৬) ॥

ব্রাহ্মণ, গুরুর অনুজ্ঞালাভান্তে, সমাবর্তন ও দারপরিগ্রহপূর্বক  
পুণ্ড্রোৎপাদন না করিয়া, কদাচ গৃহস্থশ্রম ত্যাগ করিবেক না ।

এই সকল শাস্ত্রে ঋণত্রয়ের অপরিশোধনে দোষশ্রুতি দৃষ্ট হইতেছে ।  
ত্রিবিধ ঋণের মধ্যে, ব্রহ্মচর্য্যদ্বারা ঋণিঋণের ও গৃহস্থশ্রমদ্বারা দেবঋণ  
ও পিতৃঋণের পরিশোধ হয় । সুতরাং ব্রহ্মচর্য্যের ন্যায় গৃহস্থশ্রমও  
নিত্য হইতেছে ।

একণে সকলে বিবেচনা করিয়া দেখুন, গৃহস্থশ্রমের নিত্যতা  
অপলাপ করিতে পারা যায় কি না । ইতিপূর্বে যে আর্টটি হেতু  
প্রদর্শিত হইয়াছে, তাহার প্রত্যেকেই নিত্যত্বপ্রতিপাদক ; তন্মধ্যে  
আশ্রমব্যবস্থাসংক্রান্ত বিধিবাক্যে দুই হেতু সম্পূর্ণ লক্ষিত হইতেছে ;  
প্রথম ফলশ্রুতিবিরহ, দ্বিতীয় লজ্জনে দোষশ্রুতি । সুতরাং, গৃহস্থা-  
শ্রমের নিত্যতা বিষয়ে আর কোনও সংশয় থাকিতেছে না ।

এরূপ কতকগুলি শাস্ত্র আছে যে উহারা আপাততঃ গৃহস্থশ্রমের  
নিত্যত্বপ্রতিবন্ধক বলিয়া প্রতীয়মান হয় ; ঐ সমস্ত শাস্ত্র উদ্ধৃত ও  
তদীয় প্রকৃত অর্থ ও তাৎপর্য্য প্রদর্শিত হইতেছে ।

১ । চত্বার আশ্রমা ব্রহ্মচারিগৃহস্থবানপ্রস্থপরিব্রাজকাঃ

তেষাং বেদমধীত্য বেদো বা বেদান্ বা অবিশীর্ণব্রহ্ম-

চর্য্যো যমিচ্ছেত্তু তমাবসেৎ (১৭) ।

ব্রহ্মচর্য্য, গার্হস্থ্য, বানপ্রস্থ ও পরিব্রজ্য এই চারি আশ্রম ;  
তন্মধ্যে এক বেদ, দুই বেদ বা সৰ্ব্ব বেদ অধ্যয়ন ও যথাবিধানে  
ব্রহ্মচর্য্য নির্বাহ করিয়া, যে আশ্রমে ইচ্ছা হয় সেই আশ্রম অবলম্বন  
করিবেক ।

(১৬) চতুৰ্গচ্ছিত্তামণি-পরিশেষখণ্ডে কালিকাপুরাণ ।

(১৭) বশিষ্ঠসংহিতা, সপ্তম অধ্যায় ।

২ । আচার্য্যেণাত্মানুজ্ঞাতশ্চতুর্ণামেকমাশ্রমম্ ।

আ বিমোক্ষাচ্ছরীরস্য সোহনুতিষ্ঠেদযথাবিধি (১৮) ॥

দ্বিজ, আচার্য্যের অনুজ্ঞালাভ করিয়া, যাবজ্জীবন যথাবিধি চারি আশ্রমের এক আশ্রম অবলম্বন করিবেক ।

৩ । গার্হস্থ্যমিচ্ছন্ ভূপাল কুর্যাদারপরিগ্রহম্ ।

ব্রহ্মচর্য্যেণ বা কালং নয়েৎ সঙ্কল্পপূর্ব্বকম্ ।

বৈখানসো বাথ ভবেৎ পরিত্রাডথবেচ্ছয়া (১৯) ॥

হে রাজন্ ! গৃহস্থাশ্রমে ইচ্ছা হইলে দারপরিগ্রহ করিবেক ; অথবা সঙ্কল্প করিয়া ব্রহ্মচর্য্য অবলম্বনপূর্ব্বক কালক্ষেপণ করিবেক ; অথবা ইচ্ছানুসারে বানপ্রস্থ আশ্রম কিংবা পরিব্রজ্যা আশ্রম অবলম্বন করিবেক ।

এই সকল শাস্ত্র দ্বারা আপাততঃ গৃহস্থাশ্রমের নিত্যত্বব্যাপ্ত প্রতিপন্ন হয় । ব্রাহ্মচর্য্য সমাধান করিয়া, যে আশ্রমে ইচ্ছা হয়, সেই আশ্রম অবলম্বন করিবেক, এরূপ বলাতে গৃহস্থাশ্রম প্রভৃতি আশ্রমত্রয় সম্পূর্ণ ইচ্ছাধীন হইতেছে ; ইচ্ছাধীন কর্ম্ম রাগপ্রাপ্ত, স্মৃতিরাত্ তাহার নিত্যত্ব ঘটিতে পারে না ; তাহা কাম্য বলিয়া পরিগৃহীত হওয়া উচিত । এক্ষণে, আশ্রম বিষয়ে দ্বিবিধ শাস্ত্র উপলব্ধ হইতেছে, কতকগুলি গৃহস্থাশ্রমের নিত্যত্বপ্রতিপাদক, কতকগুলি গৃহস্থাশ্রমের নিত্যত্বপ্রতিবন্ধক ; স্মৃতিরাত্ উভয়বিধ শাস্ত্র পরস্পর বিরুদ্ধ বলিয়া, আপাততঃ প্রতীতি জন্মিতে পারে । কিন্তু বাস্তবিক তাহা নহে । শাস্ত্রকারেরা অধিকারিভেদে তাহার মীমাংসা করিয়া রাখিয়াছেন ; অর্থাৎ অধিকারিবিশেষের পক্ষে গৃহস্থাশ্রমের নিত্যত্বপ্রতিপাদন, আর অধিকারিবিশেষের পক্ষে গৃহস্থাশ্রমের নিত্যত্বনিরাকরণ, করিয়া গিয়াছেন । স্মৃতিরাত্, অধিকারিভেদ ব্যবস্থা অবলম্বন করিলেই,

(১৮) চতুর্বর্গচিন্তামণি-পরিশেষখণ্ডধৃত উশনার বচন ।

(১৯) চতুর্বর্গচিন্তামণি-পরিশেষখণ্ডধৃত বামনপুরাণ ।

আপাততঃ বিরুদ্ধবৎ প্রতীয়মান উল্লিখিত উভয়বিধ শাস্ত্রসমূহের সর্বতোভাবে অবিরোধ সম্পাদন হয় । যথা,

ব্রহ্মচারী গৃহস্থঃ বানপ্রস্থো যতিস্তথা ।

ক্রমেনৈবাত্মনাঃ প্রোক্তাঃ কারণাদন্যথা ভবেৎ (২০) ॥

ব্রহ্মচারী, গৃহস্থ, বানপ্রস্থ, যতি যথাক্রমে এই চারি আশ্রম বিহিত হইয়াছে ; কারণ বশতঃ অন্যথা হইতে পারে ।

এই শাস্ত্রে প্রথমতঃ যথাক্রমে চারি আশ্রম বিহিত হইয়াছে, অর্থাৎ প্রথমে ব্রহ্মচর্য্য, তৎপরে গার্হস্থ্য, তৎপরে বানপ্রস্থ, তৎপরে পরিত্রজ্যা অবলম্বন করিবেক ; কিন্তু পারে, বিশিষ্ট কারণ ঘটিলে এই ব্যবস্থার অন্যথাভাব ঘটতে পারিবেক, ইহা নির্দিষ্ট হইয়াছে । সুতরাং, বিশিষ্ট কারণ ঘটনা ব্যতিরেকে, পূর্ব ব্যবস্থার অন্যথাভাব ঘটতে পারিবেক না, তাহাও অর্থাৎ সিদ্ধ হইতেছে । এক্ষণে, সেই বিশিষ্ট কারণ নির্দিষ্ট হইতেছে । যথা,

সর্বেষামেব বৈরাগ্যং জায়তে সর্ববস্তুসু ।

তদৈব সন্ন্যাসেদ্বিদ্বানন্যথা পতিতো ভবেৎ ॥

পুনর্দারক্রিয়াভাবে মৃতভার্য্যঃ পরিত্রজেৎ ।

বনাদ্বা ধূতপাপো বা পরং পন্থানমাশ্রয়েৎ ॥

প্রথমাদাশ্রমাদ্বাপি বিরক্তো ভবসাগরাৎ ।

ব্রাহ্মণো মোক্ষমন্নিচ্ছন্ ত্যক্ত্বা সঙ্গান্ পরিত্রজেৎ (২১) ॥

যখন সাংসারিক সর্ব বিষয়ে বৈরাগ্য জন্মিবেক, বিদ্বান্ ব্যক্তি সেই সময়েই সন্ন্যাস আশ্রয় করিবেক ; অন্যথা, অর্থাৎ তাদৃশ বৈরাগ্য ব্যতিরেকে, সন্ন্যাস অবলম্বন করিলে পতিত হইবেক । গৃহস্থাশ্রমকালে স্ত্রীবিয়োগ ঘটিলে, যদি পুনরায় দারপরিগ্রহ না ঘটে, তাহা হইলে সন্ন্যাস অবলম্বন করিবেক ; অথবা বানপ্রস্থাশ্রম

(২০) চতুর্বর্গচিন্তামণি-পরিশেষখণ্ডত কূর্মপুরাণ ।

(২১) চতুর্বর্গচিন্তামণি-পরিশেষখণ্ডত কূর্মপুরাণ ।

অবলম্বনপূর্বক পাগক্ষয় করিয়া মোক্ষপথ অবলম্বন করিবেক ।  
সাংসারিক বিষয়ে বৈরাগ্য জন্মিলে, মোক্ষার্থী ব্রাহ্মণ সর্বসঙ্গ পরি-  
ত্যাগপূর্বক, প্রথম আশ্রম হইতেই সন্ন্যাস অবলম্বন করিবেক ।

যস্মৈতানি সুগুপ্তানি জিহ্বোপস্থোদরং শিরঃ ।

সন্ন্যাসেদকৃতোদ্বাহো ব্রাহ্মণো ব্রহ্মচর্য্যবান্ (২২) ॥

যাহার জিহ্বা, উপস্থ, উদর ও মস্তক সুরক্ষিত অর্থাৎ বিষয়-  
বাসনায় বিচলিত না হয়, তাদৃশ ব্রাহ্মণ ব্রহ্মচর্য্য সমাধানান্তে, বিবাহ  
না করিয়াই, সন্ন্যাস অবলম্বন করিবেক ।

সংসারমেব নিঃসারং দৃষ্ট্বা সারদিদৃক্ষয়া ।

প্রব্রজেদকৃতোদ্বাহঃ পরং বৈরাগ্যমাশ্রিতঃ ॥

প্রব্রজেদ্ব্রহ্মচর্য্যেণ প্রব্রজেচ্চ গৃহাদপি ।

বনাদ্বা প্রব্রজেদ্বিদ্বানাতুরো বাথ দুঃখিতঃ (২৩) ॥

সংসারকে নিঃসার দেখিয়া, সারদর্শন বাসনায়, বৈরাগ্য অব-  
লম্বনপূর্বক, বিবাহ না করিয়াই, সন্ন্যাস অবলম্বন করিবেক । বিদ্বান্,  
রোগার্ভ অথবা দুঃসহ দুঃখার্ভ ব্যক্তি ব্রহ্মচর্য্যশ্রম হইতে, অথবা  
গৃহস্থশ্রম হইতে, অথবা বানপ্রস্থশ্রম হইতে সন্ন্যাস অবলম্বন  
করিবেক ।

এই সকল শাস্ত্রে স্পষ্ট দৃষ্ট হইতেছে, সাংসারিক সর্ব বিষয়ে বৈরাগ্য  
জন্মিলে, গৃহস্থশ্রমে প্রবেশ না করিয়াও, সন্ন্যাস অবলম্বন করিতে  
পারে ; তাদৃশ কারণ ব্যতিরেকে, গৃহস্থশ্রমে বিমুখ হইয়া, সন্ন্যাস  
আশ্রয় করিলে পতিত হয় । ইহা দ্বারা নিঃসংশয়ে প্রতিপন্ন হইতেছে,  
যে ব্যক্তি সংসারে বিরক্ত হইবেক, সে গৃহস্থশ্রম অবলম্বন না করিয়াই  
সন্ন্যাস অবলম্বন করিতে পারিবেক ; আর যে ব্যক্তি বিরক্ত না হইবেক,  
সে তাহা করিতে পারিবেক না, করিলে পতিত হইবেক । সংসার-

(২২) পরাশরভাষ্যদ্বিত নৃসিংহপুরাণ ।

(২৩) পরাশরভাষ্যদ্বিত অগ্নিপুরাণ ।

বিরক্ত ব্যক্তি ব্রহ্মচর্যের পরেই সন্ন্যাসে অধিকারী, আর সংসারে অবিরক্ত ব্যক্তি তাহাতে অধিকারী নহে । বিরক্ত ব্যক্তির পক্ষে গৃহস্থাশ্রমপ্রবেশের আবশ্যকতা নাই ; অবিরক্ত ব্যক্তির পক্ষে গৃহস্থাশ্রমপ্রবেশের আবশ্যকতা আছে । সুতরাং, গৃহস্থাশ্রমের নিত্যত্বব্যবস্থা অবিরক্তের পক্ষে, গৃহস্থাশ্রমের অনিত্যত্বব্যবস্থা বিরক্তের পক্ষে । জাবালশ্রুতিতে এ বিষয়ের সার মীমাংসা আছে । যথা,

ব্রহ্মচর্যং পরিসমাপ্য গৃহী ভবেৎ গৃহী ভূত্বা বনী  
ভবেৎ বনী ভূত্বা প্রব্রজেৎ যদি বেতরথা ব্রহ্মচর্যা-  
দেব প্রব্রজেৎ গৃহাদ্বা বনাদ্বা যদহরেব বিরজ্যেত  
তদহরেব প্রব্রজেৎ (২৪) ।

ব্রহ্মচর্য্য সমাপন করিয়া গৃহস্থ হইবেক, গৃহস্থ হইয়া বানপ্রস্থ হইবেক, বানপ্রস্থ হইয়া সন্ন্যাসী হইবেক । যদি বৈরাগ্য জন্মে, ব্রহ্মচর্য্যশ্রম, কিংবা গৃহস্থাশ্রম, অথবা বানপ্রস্থাশ্রম হইতে সন্ন্যাস আশ্রয় করিবেক । যে দিন বৈরাগ্য জন্মিবেক, সেই দিনেই সন্ন্যাস আশ্রয় করিবেক ।

এই বেদবাক্যে প্রথমতঃ যথাক্রমে চারি আশ্রমের বিধি, তৎপরে বৈরাগ্য জন্মিলে, যে আশ্রমে থাকুক, সন্ন্যাস অবলম্বনের বিধি এবং বৈরাগ্য জন্মিবামাত্র সংসার পরিত্যাগ করিবার বিধি প্রদত্ত হইয়াছে ।

এক্ষণে, সকলে বিবেচনা করিয়া দেখুন, আশ্রমবিষয়ে বিরক্ত ও অবিরক্ত এই দ্বিবিধ অধিকারিভেদে ব্যবস্থা করা শাস্ত্রকারদিগের অভিপ্রেত ও অনুমোদিত কি না, এবং এরূপ অধিকারিভেদব্যবস্থা অবলম্বন করিলে, আপাততঃ বিকল্পবৎ প্রতীয়মান আশ্রমবিষয়ক দ্বিবিধ শাস্ত্রসমূহের সর্বতোভাবে সামঞ্জস্য হইতেছে কি না । তর্কবাচস্পতি মহাশয়ের সম্ভাবার্থে, এস্থলে ইহাও উল্লেখ করা আবশ্যিক, এই অধিকারিভেদব্যবস্থা আমার কপোলকল্পিত অথবা

লোকবিমোহনার্থে বুদ্ধিবলে উদ্ভাবিত অভিনব সিদ্ধান্ত নহে ।

পরশরভাষ্যে মাধবাচার্য্য এই সিদ্ধান্ত করিয়া গিয়াছেন । যথা,

“যদা জন্মান্তরানুষ্ঠিতস্মৃকৃতপরিপাকবশাৎ বাল্য এব বৈরাগ্য-  
মুপজায়তে তদানীমকৃতোদাহো ব্রহ্মচর্য্যাদেব প্রব্রজেৎ তথাচ  
জাবালশ্রুতিঃ ব্রহ্মচর্য্যং পরিসমাপ্য গৃহী ভবেৎ গৃহী ভূত্বা বনী  
ভবেৎ বনী ভূত্বা প্রব্রজেৎ যদিবেতরথা ব্রহ্মচর্য্যাদেব প্রব্রজেৎ  
গৃহাদ্ভা বনাদ্বেতি পূৰ্ব্বমবিরক্তং বালং প্রতি আশ্রমচতুষ্টয়মাযু-  
র্বিভাগেনোপন্যস্ত বিরক্তমুদ্दिश्य यदिवेति पश्चात्तरोपश्रंसः  
इतरथेति वैराग्ये इत्यर्थः ।

ননু ব্রহ্মচর্য্যাদেব প্রব্রজ্যঙ্গীকারে মনুবচনানি বিক্লেধরন্  
ঋণানি ত্রীণ্যপাকৃত্য মনো মোক্ষে নিবেশয়েৎ ।

অনপাকৃত্য মোক্ষন্তু সেবমানো ব্রজত্যধঃ ॥

অধীত্য বিধিবদেদান্ পুত্রান্নুৎপাদ্য ধর্ম্মতঃ ।

ইচ্ছা চ শক্তিতো যজৈর্মনো মোক্ষে নিবেশয়েৎ ॥

অনধীত্য গুরোর্বদান্নুৎপাদ্য তথাঅজান্ ।

অনিচ্ছা চৈব যজৈশ্চ মোক্ষমিচ্ছন্ ব্রজত্যধ ইতি ॥

ঋণত্রয়ং কৃত্য দর্শিতং জায়মানো বৈ ব্রাহ্মণস্তিষ্ঠিঋণবান্  
জায়তে ব্রহ্মচর্য্যেণ ঋষিভ্যঃ যজ্ঞেন দেবেভ্যঃ প্রজয়া পিতৃভ্যঃ  
এষ বা অনৃণো যঃ পুত্রী যজ্ঞা ব্রহ্মচর্য্যবানিতি । মৈবম্ অবিরক্ত-  
বিষয়ত্বাদেতেষাং বচনানাম্ অতএব বিরক্তস্ত প্রব্রজ্যায়াং কাল-  
বিলম্বং নিষেধতি জাবালশ্রুতিঃ যদহরেব বিরজ্যেত তদহরেব  
প্রব্রজেদিতি”(২৫) ।

যদি জন্মান্তরে অনুষ্ঠিত স্মৃকৃতবলে বাল্য কালেই বৈরাগ্য জন্মে,  
তাহা হইলে বিবাহ না করিয়া, ব্রহ্মচর্য্য আশ্রম হইতেই পরিব্রজ্যা  
করিবেক । জাবালশ্রুতিতে বিহিত হইয়াছে, “ব্রহ্মচর্য্য সমাপন

করিয়া গৃহস্থ হইবেক, গৃহস্থ হইয়া বানপ্রস্থ হইবেক, বানপ্রস্থ হইয়া পরিব্রাজক হইবেক ; যদি টৈরাগ্য জন্মে, ব্রহ্মচর্যাশ্রম, কিংবা গৃহস্থাশ্রম, অথবা বানপ্রস্থাশ্রম হইতে সন্ন্যাস আশ্রয় করিবেক” । প্রথমে অবিরক্ত অজ্ঞের পক্ষে কালভেদে আশ্রমচতুষ্টয়ের বিধি প্রদান করিয়া, বিরক্তের পক্ষে যে কোনও আশ্রম হইতে পরিব্রজ্যাবলম্বনরূপ পক্ষান্তর প্রদর্শিত হইয়াছে ।

যদি বল, ব্রহ্মচর্যের পর পরিব্রজ্যা অবলম্বন অঙ্গীকার করিলে মনুর্বাণ্ড্যের সহিত বিরোধ উপস্থিত হয় । যথা “ঋণত্রয়ের পরিশোধ করিয়া, মোক্ষে মনোনিবেশ করিবেক ; ঋণ পরিশোধ না করিয়া, মোক্ষপথ অবলম্বন করিলে, অধোগতি প্রাপ্ত হয় । বিধিপূর্বক বেদাধ্যয়ন, ধর্ম্যতঃ পুজোৎপাদন এবং যথাশক্তি যজ্ঞানুষ্ঠান করিয়া, মোক্ষে মনোনিবেশ করিবেক । বেদাধ্যয়ন, পুজোৎপাদন ও যজ্ঞানুষ্ঠান না করিয়া, দ্বিজ মোক্ষকামনা করিলে, অধোগতি প্রাপ্ত হয়” । বেদে ঋণত্রয় দর্শিত হইয়াছে ; যথা, “ব্রাহ্মণ জন্মগ্রহণ করিয়া, ব্রহ্মচর্য দ্বারা ঋষিগণের নিকট, যজ্ঞ দ্বারা দেবগণের নিকট, পুত্রদ্বারা পিতৃগণের নিকট ঋণে বদ্ধ হয় ; যে ব্যক্তি পুজোৎপাদন, যজ্ঞানুষ্ঠান ও ব্রহ্মচর্য নির্বাহ করে, সে ঐ ত্রিবিধ ঋণে মুক্ত হয়” । এ আপত্তি হইতে পারে না, কারণ, উল্লিখিত মনুবচনসকল অবিরক্ত ব্যক্তির পক্ষে, সূতরাং বিরোধের সম্ভাবনা নাই ; এজন্য, জীবালঙ্কৃতিতে বিরক্ত ব্যক্তির পরিব্রজ্যা অবলম্বন বিষয়ে কালবিলম্ব নিষিদ্ধ হইয়াছে ; যথা, “যে দিন টৈরাগ্য জন্মিবেক, সেই দিনেই সন্ন্যাস আশ্রয় করিবেক” ।

যে সমস্ত প্রমাণ প্রদর্শিত হইল, কিঞ্চিৎ অভিনিবেশ সহকারে, তৎসমুদয়ের আলোচনাপূর্বক, সকলে বিবেচনা করিয়া দেখুন, মিতাক্ষরাধৃত একমাত্র বচনের যথাশ্রুত অর্থ আশ্রয় করিয়া, শ্রীমান্ তর্কবাচস্পতি মহোদয় গৃহস্থাশ্রম কাম্য, নিত্য নহে, এই যে ব্যবস্থা করিয়াছেন, তাহা শাস্ত্রানুমত ও অ্যানুগত হইতে পারে কি না ।

যে রূপ দর্শিত হইল, তদনুসারে, বোধ করি, গৃহস্থাশ্রমের নিত্যত্ব একপ্রকার সংস্থাপিত হইল ; সূতরাং “গৃহস্থাশ্রমের রাগপ্রাপ্তাবশতঃ গৃহস্থাশ্রমপ্রবেশমূলক বিবাহও রাগপ্রাপ্ত, সূতরাং উহা কাম্য বলিয়াই পরিগণিত হওয়া উচিত,” তর্কবাচস্পতি মহাশয়ের এই

ব্যবস্থা সম্যক্ আদরণীয় হইতে পারে না । এক্ষণে, বিবাহের নিত্যত্ব সম্ভব কি না, তাহার আলোচনা করিবার নিমিত্ত, বিবাহবিষয়ক বিধিবাক্য সকল উদ্ধৃত হইতেছে ।

১ । গুরুণানুমতঃ স্নাত্বা সমাবর্ত্তো যথাবিধি ।

উদ্বাহেত দ্বিজো ভাৰ্য্যাং সৰ্বণাং লক্ষণান্বিতাম্ ॥৩।৪।(২৬)

দ্বিজ, গুরুর অনুজ্ঞালাভান্তে, যথাবিধানে স্নান ও সমাবর্ত্তন করিয়া, সজ্জাতীয়া সুলক্ষণা ভাৰ্য্যার পাণিগ্রহণ করিবেক ।

২ । অবিপ্লুতব্রহ্মচৰ্য্যো লক্ষণ্যাং স্ত্রিয়মুদ্বাহেৎ ॥ ১।৫২। (২৭)

যথাবিধানে ব্রহ্মচর্য্যনির্বাহ করিয়া, সুলক্ষণা কন্যার পাণিগ্রহণ করিবেক ।

৩ । বিদেত বিধিবদ্বাৰ্য্যামসমানাৰ্ষগোত্রজাম্ (২৮) ।

যথাবিধি অসমানগোত্রা, অসমানপ্রবরা কন্যার পাণিগ্রহণ করিবেক ।

৪ । গৃহস্থঃ সদৃশীং ভাৰ্য্যাং বিদেতানন্যপূৰ্ব্বাং  
যবীয়সীম্ (২৯) ।

গৃহস্থ সজ্জাতীয়া, বয়ঃকনিষ্ঠা, অনন্যপূৰ্ব্বা কন্যার পাণিগ্রহণ করিবেক ।

৫ । গৃহস্থো বিনীতক্ৰোধহর্ষো গুরুণানুজ্ঞাতঃ স্নাত্বা অস-  
মানাৰ্ষামপৃষ্ঠমৈথুনাং যবীয়সীং সদৃশীং ভাৰ্য্যাং  
বিদেত (৩০) ।

(২৬) মনুসংহিতা ।

(২৭) যাজ্ঞবল্ক্যসংহিতা ।

(২৮) শাণ্ডিল্যসংহিতা, চতুর্থ অধ্যায় ।

(২৯) গোতমসংহিতা, চতুর্থ অধ্যায় ।

(৩০) বশিষ্ঠসংহিতা, অষ্টম অধ্যায় ।

গৃহস্থ, ক্রোধ ও হর্ষ বশীকৃত করিয়া, গুরুর অনুজ্ঞালাভান্তে সমাবর্তন পূর্বক, অসমানপ্রবরা, অক্ষতযোনি, বয়ঃকনিষ্ঠা, সজ্জাতিয়া কন্যার পাণিগ্রহণ করিবেক ।

৬ । সজ্জাতিমুদ্রহেৎ কন্যাং সুরূপাং লক্ষণান্বিতাম্ । ৪।৩২। (৩১)

সজ্জাতিয়া, সুরূপা, সুলক্ষণা কন্যার পাণিগ্রহণ করিবেক ।

৭ । বুদ্ধিরূপশীললক্ষণসম্পন্নামরোগামুপযচ্ছেত । ১।৫৩। (৩২)

বুদ্ধিমতী, সুরূপা, সুশীলা, সুলক্ষণা, অরোগিণী কন্যার পাণি-  
গ্রহণ করিবেক ।

৮ । কুলজাং সুমুখীং স্বঙ্গীং সুকেশাঞ্চ মনোহরাম্ ।

সুনেত্রাং সুভগাং কন্যাং নিরীক্ষ্য বরয়েদ্বুধঃ (৩৩) ॥

পণ্ডিত ব্যক্তি সংকুলজাতা, সুমুখী, শোভনাস্বঙ্গী, সুকেশা, মনোহরা,  
সুনেত্রা, সুভগা কন্যা দেখিয়া তাহার পাণিগ্রহণ করিবেক ।

৯ । সর্বণাং ভাৰ্য্যামুদ্রহেৎ (৩৪) ।

সর্বণা কন্যার পাণিগ্রহণ করিবেক ।

১০ । বেদানধীত্য বিধিনা সমাবর্তোহপ্লুতব্রতঃ ।

সমানামুদ্রহেৎ পত্নীং যশঃশীলবরোত্তমৈঃ (৩৫) ॥

যথাবিধি বেদাধ্যয়ন ও ব্রহ্মচর্য্যসমাধান পূর্বক সমাবর্তন করিয়া,  
যশ, শীল, বয়স্ ও গুণে অসদৃশী কন্যার পাণিগ্রহণ করিবেক ।

১১ । লব্ধাভ্যনুজ্ঞো গুরুতো দ্বিজো লক্ষণসংযুতাম্ ।

বুদ্ধিশীলগুণোপেতাং কন্যাকামন্যগোব্রজাম্ ।

আত্মনোহবরবর্ষাঞ্চ বিবহেদ্বিধিপূর্বকম্ (৩৬) ॥

(৩১) বৃহৎপরাশরসংহিতা । (৩২) আশ্বলায়নীয় গৃহ্যসূত্র ।

(৩৩) আশ্বলায়নস্মৃতি, বিবাহপ্রকরণ । (৩৪) বুধস্মৃতি ।

(৩৫) চতুবর্গচিন্তামণি-পরিশেষখণ্ডস্থত বৃহস্পতিবচন ।

(৩৬) বিধানপারিজাতস্থত শৌনকবচন ।

দ্বিজ, গুরুর অনুজ্ঞালাভ করিয়া, বিধিপূর্বক সুলক্ষণা, বুদ্ধিমতী, সুশীলা, শুণবতী, অসগোত্রা, বয়ঃকনিষ্ঠা কন্যার পাণিগ্রহণ করিবেক ।

১২ । গুরুং বা সমনুজ্ঞাপ্য প্রদায় গুরুদক্ষিণাম্ ।

সদৃশানাহরেদারান্ মাতাপিতৃমতে স্থিতঃ (৩৭) ॥

গুরুর অনুজ্ঞালাভ ও গুরুদক্ষিণা প্রদান করিয়া, পিতা মাতার মতানুবর্তী হইয়া, মজাভীয়া কন্যার পাণিগ্রহণ করিবেক ।

১৩ । বেদং বেদৌ চ বেদান্ বা ততোহধীত্য যথাবিধি ।

অবিশীর্ণব্রহ্মচর্যো দারান্ কুর্কীত ধর্ম্যতঃ (৩৭) ॥

যথাবিধি এক বেদ, দুই বেদ, বা সর্ব বেদ অধ্যয়ন করিয়া, ব্রহ্মচর্যসমাপনপূর্বক, ধর্ম অনুসারে দারপরিগ্রহ করিবেক ।

১৪ । সমাবর্ত্য সবার্ণন্তু লক্ষণ্যাং স্ত্রিয়মুদ্বহেৎ (৩৮) ।

সমাবর্তন করিয়া, মজাভীয়া, সুলক্ষণা কন্যার পাণিগ্রহণ করিবেক ।

১৫ । অপাকৃত্য ঋণঞ্চাৰ্ষং লক্ষণ্যাং স্ত্রিয়মুদ্বহেৎ (৩৯) ॥

ঋষিঞ্চণের পরিশোধ করিয়া, অর্থাৎ ব্রহ্মচর্য্যনির্সাহপূর্বক, সুলক্ষণা কন্যার পাণিগ্রহণ করিবেক ।

১৬ । বেদানধীত্য যত্নেন পাঠতো জ্ঞানতন্তুথা ।

সমাবর্তনপূর্বন্তু লক্ষণ্যাং স্ত্রিয়মুদ্বহেৎ (৪০) ॥

যত্নপূর্বক বেদের পাঠ ও অর্থগ্রহ করিয়া, সমাবর্তনপূর্বক সুলক্ষণা কন্যার পাণিগ্রহণ করিবেক ।

১৭ । অতঃপরং সমাবর্তঃ কুর্যাদারপরিগ্রহম্ (৪১) ।

অতঃপর সমাবর্তন করিয়া দারপরিগ্রহ করিবেক ।

(৩৭) চতুর্কর্গচিন্তামণি-পরিশেষখণ্ডস্থত । (৪০) বিধানপারিজাতস্থত ।

(৩৮) চতুর্বিংশতিন্মৃতিব্যখ্যাতস্থত ।

(৪১) উদ্বাহতস্থত সংবর্তবচন ।

(৩৯) বিধানপারিজাতস্থত মৎস্যপুরাণ ।

১৮। সপ্তমীং পিতৃপক্ষাচ্চ মাতৃপক্ষাচ্চ পঞ্চমীম্ ।

উদ্বহেত দ্বিজো ভাৰ্য্যাং ন্যায়েন বিধিনা নৃপ (৪২) ॥

দ্বিজ, পিতৃপক্ষে সপ্তমী ও মাতৃপক্ষে পঞ্চমী ত্যাগ করিয়া,  
ন্যায়ানুসারে যথাবিধি দারপরিগ্রহ করিবেক ।

১৯। অসমানাৰ্য্যেয়ীং কন্যাং বরয়েৎ (৪৩) ।

অসমানপ্রবরা কন্যার পাণিগ্রহণ করিবেক ।

২০। স্নাত্বা সমুদ্বহেৎ কন্যাং সৰ্গাং লক্ষণান্বিতাম্ (৪৪) ।

সমাবর্তন করিয়া, সজাতীয়া, সুলক্ষণা কন্যার পাণিগ্রহণ করিবেক ।

২১। দারাধীনাঃ ক্রিয়াঃ সৰ্ব্বা ব্রাহ্মণস্য বিশেষতঃ ।

দারান্ সৰ্ব্বপ্রযত্নেন বিশুদ্ধানুদ্বহেততঃ (৪৫) ॥

গৃহস্থশ্রমসংক্রান্ত যাবতীয় ক্রিয়া স্ত্রী ব্যতিরেকে সম্পন্ন হয় না ;  
বিশেষতঃ ব্রাহ্মণজাতির । অতএব, সৰ্ব্বপ্রযত্নে নির্দোষা কন্যার  
পাণিগ্রহণ করিবেক ।

পূর্বে প্রতিপাদিত হইয়াছে, বিধিবাক্যে ফলশ্রুতি না থাকিলে, ঐ  
বিধি নিত্য বিধি বলিয়া পরিগৃহীত হইয়া থাকে । বিবাহবিষয়ক যে  
সকল বিধিবাক্য প্রদর্শিত হইল, তাহার একটিতেও ফলশ্রুতি নাই ;  
সুতরাং বিবাহবিষয়ক বিধি নিত্য বিধি হইতেছে, এবং সেই নিত্য  
বিধি অনুযায়ী বিবাহের নিত্যত্বও সুতরাং সিদ্ধ হইতেছে ।

২। পত্নীমূলং গৃহং পুংসাম্ (৪৬) ।

পত্নী পুরুষদিগের গৃহস্থশ্রমের মূল ।

(৪২) উদ্ধাহতত্বপূত বিষ্ণুপুরাণ ।

(৪৩) উদ্ধাহতত্বপূত টৈপট্টীনসিবচন ।

(৪৪) রীরমিত্রোদয়পূত ব্যাসবচন ।

(৪৫) মদনপারিজাতপূত কাশ্যপবচন ।

(৪৬) দক্ষসংহিতা, চতুর্থ অধ্যায় ।

২ । ন গৃহেণ গৃহস্থঃ স্যাদ্ভার্যয়া কথ্যতে গৃহী ।

যত্র ভার্য্যা গৃহং তত্র ভার্য্যাহীনং গৃহং বনম্ ॥৪।৭০। (৪৭)

কেবল গৃহবাস দ্বারা গৃহস্থ হয় না; ভার্য্যার সহিত গৃহে বাস করিলে গৃহস্থ হয় । যেখানে ভার্য্যা, সেইখানে গৃহ; ভার্য্যাহীন গৃহ বন ।

এই দুই শাস্ত্র অনুসারে, স্ত্রী গৃহস্থাশ্রমের মূল, স্ত্রী ব্যতিরেকে গৃহস্থাশ্রম হয় না, এবং স্ত্রীবিরহিত ব্যক্তি গৃহস্থ বলিয়া পরিগণিত হইতে পারে না । স্মৃতরাং অকৃতদার বা মৃতদার ব্যক্তি আশ্রমভ্রষ্ট ।

অনাশ্রমী ন তিষ্ঠেতু দিনমেকমপি দ্বিজঃ ।

আশ্রমেণ বিনা তিষ্ঠন্ প্রায়শ্চিত্তীয়তে হি সঃ (৪৮) ।

দ্বিজ, অর্থাৎ ব্রাহ্মণ ক্ষত্রিয় বৈশ্য এই তিন বর্ণ, আশ্রমবিহীন হইয়া এক দিনও থাকিবেক না; বিনা আশ্রমে অবস্থিত হইলে পাতকগ্রস্ত হয় ।

এই শাস্ত্র অনুসারে, গৃহস্থ ব্যক্তির, প্রথম অবস্থায় অথবা মৃতদার অবস্থায়, বিবাহের অকরণে স্পষ্ট দোষশ্রুতি দৃষ্ট হইতেছে ।

অষ্টচত্বারিংশদবৎ বয়ো যাবন্ন পূর্য্যতে ।

পুত্রভার্য্যাবিহীনস্য নাস্তি যজ্ঞাধিকারিতা (৪৯) ॥

যাবৎ আটচল্লিশ বৎসর বয়স পূর্ণ না হয়, পুত্রহীন ও ভার্য্যাহীন ব্যক্তির যজ্ঞে অধিকার নাই ।

এই শাস্ত্রেও, আটচল্লিশ বৎসর বয়স পর্য্যন্ত, স্ত্রীবিরহিত ব্যক্তির পক্ষে বিলক্ষণ দোষশ্রুতি লক্ষিত হইতেছে ।

মেখলাজিনদণ্ডেন ব্রহ্মচারী তু লক্ষ্যতে ।

গৃহস্থো দেবযজ্ঞাদৈর্নখলোন্ম্বা বনাশ্রিতঃ ।

ত্রিদণ্ডেন যতিশ্চৈব লক্ষণানি পৃথক্ পৃথক্ ।

যস্মৈতল্লক্ষণং নাস্তি প্রায়শ্চিত্তী নচাশ্রমী (৫০) ॥

মেখলা, অজিন ও দণ্ড ব্রহ্মচারীর লক্ষণ, দেবযজ্ঞ প্রভৃতি গৃহস্থের লক্ষণ, নখলোম প্রভৃতি বানপ্রস্থের লক্ষণ, ত্রিদণ্ড যতির লক্ষণ ; এক এক আশ্রমের এই সকল পৃথক্ পৃথক্ লক্ষণ ; যাহার এই লক্ষণ নাই, সে ব্যক্তি প্রায়শ্চিত্তী ও আশ্রমভ্রষ্ট ।

এই শাস্ত্রেও বিবাহের অকরণে স্পষ্ট দোষশ্রুতি লক্ষিত হইতেছে । দেবযজ্ঞ প্রভৃতি কৰ্ম গৃহস্থাশ্রমের লক্ষণ ; কিন্তু স্ত্রীর সহযোগ ব্যতিরেকে ঐ সকল কৰ্ম সম্পন্ন হয় না ; সুতরাং স্ত্রীবিবাহিত ব্যক্তি আশ্রমভ্রষ্ট ও প্রত্যবায়প্রাপ্ত হয় ।

এক্ষণে সকলে বিবেচনা করিয়া দেখুন, এই সকল বচনে বিবাহ-বিধিলঙ্ঘনে দোষশ্রুতি লক্ষিত হইতেছে কি না । লঙ্ঘনে দোষশ্রুতিও বিধির নিত্যত্বপ্রতিপাদক ; সুতরাং, লঙ্ঘনে দোষশ্রুতি দ্বারা বিবাহ-বিধির ও তদনুযায়ী বিবাহের নিত্যত্ব সিদ্ধ হইতেছে ।

অপরঞ্চ, শাস্ত্রান্তরেও বিবাহবিধিলঙ্ঘনে স্পষ্ট দোষশ্রুতি দৃষ্ট হইতেছে । যথা,

অদারস্য গতির্নাস্তি সর্বাস্তস্য ফলাঃ ক্রিয়াঃ ।

সুরার্চনং মহাযজ্ঞং হীনভার্য্যো বিবর্জ্যয়েৎ ॥

একচক্রো রথো যদ্বদেকপক্ষে যথা খগঃ ।

অভার্য্যোহপি নরস্তদ্বদযোগ্যঃ সর্বকৰ্ম্মসু ॥

ভার্য্যাহীনে ক্রিয়া নাস্তি ভার্য্যাহীনে কুতঃ সুখম্ ।

ভার্য্যাহীনে গৃহং কস্য তস্মাদ্ভার্য্যাং সমাশ্রয়েৎ ॥

সর্বস্বেনাপি দেবেশি কৰ্ত্তব্যো দারসংগ্রহঃ (৫১) ॥

ভার্য্যাহীন ব্যক্তির গতি নাই ; তাহার সকল ক্রিয়া নিষ্ফল ; তাহার দেবপূজা ও মহাযজ্ঞে অধিকার নাই ; একচক্র রথ ও একপক্ষ পক্ষীর ন্যায়, ভার্য্যাহীন ব্যক্তি সকল কার্যে অযোগ্য ; ভার্য্যাহীনের ক্রিয়ায় অধিকার নাই ; ভার্য্যাহীনের সুখ নাই ; ভার্য্যাহীনের গৃহ নাই ; অতএব ভার্য্যাগ্রহণ করিবেক । হে দেবেশি ! সৰ্ব্বস্বান্ত করিয়াও, দারপরিগ্রহ করিবেক ।

যে সমস্ত শাস্ত্র প্রদর্শিত হইল, তদনুসারে বোধ করি বিবাহের নিত্যত্ব একপ্রকার সংস্থাপিত হইতেছে । এক্ষণে, তর্কবাচস্পতি মহাশয় যেরূপে বিবাহের নিত্যত্ব খণ্ডন করিয়াছেন, তাহার আলোচনা করা আবশ্যিক । তিনি লিখিয়াছেন,

“অথ বিবাহস্য ত্রৈবিধ্যবাস্তুরভেদেষু নিত্যত্বং বহুররীকৃতং তৎ কস্মাৎ হেতোঃ কিং তদ্বিনা বিবাহস্বরূপাসিদ্ধেঃ উত বিবাহ-ফলাসিদ্ধেঃ উত শাস্ত্রপ্রমাণানুসারিত্বাৎ । নাট্যদ্বিতীয়ো নিত্যত্বং বিনাপি বিবাহস্বরূপফলানাং সিদ্ধেঃ নহি নিত্যত্বং বিবাহ-স্বরূপনির্বাহকং কেনাপুররীক্রিয়তে ফলাসিদ্ধিপ্রয়োজকত্বং তু সূদূরপরাহতং নিত্যকর্মণঃ ফলনৈয়ত্যাভাবাৎ । তৃতীয়ঃ পক্ষঃ পরিশিষ্যতে তত্রাপীদমুচ্যতে প্রতিজ্ঞামাত্রেন সাধ্যাসিদ্ধেরনভ্যুপ-গমাৎ হেতুভূতপ্রমাণস্য তত্রানির্দেশাৎ ন তস্য সাধ্যসাধকত্বম্ । অথ অকরণে প্রত্যবায়ানুবন্ধিত্বমেব নিত্যত্বে হেতুরূচ্যতে অকরণে প্রত্যবায়ানুবন্ধিনির্গয়শ্চাপি বলবদাগমসাধ্যত্বাৎ আগমস্য চ তত্রানির্দেশাৎ কথঙ্কারং তাদৃশহেতুনা সাধ্যাসিদ্ধিঃ নিশ্চিত-হেতোরেব সাধ্যাসিদ্ধেঃ প্রয়োজকত্বাৎ প্রত্যুত

যদহরেব বিরজ্যেত তদহরেব প্রব্রজেৎ

ব্রহ্মচর্য্যাদ্বা বনাদ্বা গৃহাদ্বেতি

ক্রত্যা বৈরাগ্যমাত্রতঃ প্রব্রজায়া উক্ত্যা গৃহস্থাশ্রমস্য নিত্যত্ববাধ-নাৎ । অবিপ্লুতব্রহ্মচর্য্যো যমিচ্ছেত্তু তমাবসেদিতি প্রাপ্তবচনেন গৃহস্থাশ্রমাদেঃ ইচ্ছাধীনত্বোক্তেঃ নৈষ্ঠিকব্রহ্মচারিণশ্চ গৃহস্থা-

শ্রমাতাবশ্য সর্বসম্মতহাচ । এবং তন্নিত্যত্বাভাবে তদধীনপ্রতি-  
কশ্য বিবাহশ্য কথং নিত্যত্বং স্যাৎ ।

অনাশ্রমী ন তিষ্ঠেতু দিনমেকমপি দ্বিজঃ ।

আশ্রমেণ বিনা তিষ্ঠন্ প্রায়শ্চিত্তীয়তে হি সঃ ॥

ইতি দক্ষবচনে তু দ্বিজানাশ্রমমাত্রশ্চৈব অকরণে প্রত্যবায়-  
নুবন্ধিত্বকথনেহপি গৃহস্থাশ্রমমাত্রশ্য নিত্যত্বাপ্রাপ্তেঃ । অত্র চ  
দ্বিজপদশ্রোপলক্ষণপরত্বং যদভিহিতং তদপি প্রমাণসাপেক্ষ-  
ত্বাৎ প্রমাণশ্য চানুপাত্যাসাদুপেক্ষ্যমেব (৫২) । ”

বিবাহের ত্রৈবিধ্যের অবান্তরভেদের মধ্যে যে নিত্যত্ব অঙ্গীকৃত  
হইয়াছে, সে কি হেতুতে, কি ব্যতিরেকে বিবাহের স্বরূপ অসিদ্ধ  
হয় এই হেতুতে, কিংবা বিবাহের ফল অসিদ্ধ হয় এই হেতুতে,  
অথবা শাস্ত্রের প্রমাণ অবলম্বন করিয়া, তাহা করা হইয়াছে ।  
উন্মধ্যে প্রথম ও দ্বিতীয় হেতু সম্ভবে না, কারণ বিবাহের নিত্যত্ব  
ব্যতিরেকে বিবাহের স্বরূপ ও ফল সিদ্ধ হইয়া থাকে, নিত্যত্ব  
বিবাহের স্বরূপনির্বাহক ইহা কেহই স্বীকার করেন না ; নিত্যত্ব  
ব্যতিরেকে বিবাহের ফল অসিদ্ধ হয় এ কথা সুদূরপর্যন্ত, নিত্য-  
কর্মের ফলের নৈয়ত্য নাই । তৃতীয় পক্ষ অবশিষ্ট থাকিতেছে, সে  
বিষয়েও বক্তব্য এই, কেবল প্রতিজ্ঞাদ্বারা সাধ্য সিদ্ধ হয়, ইহা  
কেহই স্বীকার করেন না ; সাধ্যসিদ্ধির হেতুভূত প্রমাণের নির্দেশ  
নাই, সুতরাং উহা সাধ্যসাধক হইতে পারে না । যদি বল, অকরণে  
প্রত্যবায়জনকতা নিত্যত্বের হেতু, কিন্তু অকরণে প্রত্যবায়জন-  
কতার নির্ণয়ও বলবৎ শাস্ত্র ব্যতিরেকে হইতে পারে না, কিন্তু তথায়  
শাস্ত্রের নির্দেশ নাই ; অতএব কিরূপে তাদৃশ হেতু দ্বারা সাধ্যসিদ্ধি  
হইতে পারে, নির্ণীত হেতুই সাধ্যসিদ্ধির প্রয়োজক ; প্রভূত,  
“যে দিন বৈরাগ্য জন্মিবেক, সেই দিনেই ব্রহ্মচর্য্য, গার্হস্থ্য, অথবা  
বানপ্রস্থ আশ্রম হইতে পরিব্রজ্যা করিবেক” । এই বেদবাক্যে  
বৈরাগ্য জন্মিবামাত্র প্রব্রজ্যা উক্ত হওয়াতে, গৃহস্থাশ্রমের নিত্যত্ব  
নিরস্ত হইতেছে । “যথাবিধানে ব্রহ্মচর্য্যনির্বাহ করিয়া যে  
আশ্রমে ইচ্ছা হয় সে আশ্রম অবলম্বন করিবেক” । এই পূর্বোক্ত  
বচনে গৃহস্থাশ্রম প্রভৃতি ইচ্ছাধীন এ কথা বলা হইয়াছে ; এবং

নৈতিক বন্ধচারীর গৃহশাস্ত্রম অবলম্বনের আবশ্যিকতা নাই, ইহা সর্বসম্মত। এইরূপে গৃহশাস্ত্রমের নিত্যত্ব নিরস্ত হইবাতে, গৃহশাস্ত্রমপ্রবেশমূলক বিবাহের নিত্যত্ব কি রূপে হইতে পারে। “দ্বিজ আশ্রমবিহীন হইয়া এক দিনও থাকিবেক না, বিনা আশ্রমে অবস্থিত হইলে পাতকগ্রস্ত হয়”। এই দক্ষবচনে দ্বিজাতিদিগের আশ্রমমাত্রের অকরণে প্রত্যবায়জনকতা উক্ত হইলেও, গৃহশাস্ত্রম-মাত্রের নিত্যত্ব সিদ্ধ হইতেছে না। আর, এ স্থলে দ্বিজপদের যে উপলক্ষণপরত্ব ব্যাখ্যাত হইয়াছে, তাহাও প্রমাণসাপেক্ষ, কিন্তু প্রমাণের নির্দেশ নাই; অতএব সে কথা অগ্রাহই করিতে হইবেক।

তর্কবাচস্পতি মহাশয়ের এই লিখনের অন্তর্গত আপত্তি সকল পৃথক্ পৃথক্ উল্লিখিত ও সমালোচিত হইতেছে।

প্রথম আপত্তি ;—

“বিবাহের ত্রৈবিধ্যের অবান্তরভেদের মধ্যে যে নিত্যত্ব অঙ্গীকৃত হইয়াছে, তাহা কি হেতুতে ; কি তদ্ব্যতিরেকে বিবাহের স্বরূপ অসিদ্ধ হয় এই হেতুতে, কিংবা বিবাহের ফল অসিদ্ধ হয় এই হেতুতে, অথবা শাস্ত্রের প্রমাণ অবলম্বন করিয়া, তাহা করা হইয়াছে।”

এই আপত্তি অথবা প্রশ্নের উত্তর এই ; আমি শাস্ত্রের প্রমাণ অবলম্বন করিয়া বিবাহের নিত্যত্ব নির্দেশ করিয়াছি।

দ্বিতীয় আপত্তি ;—

“কেবল প্রতিজ্ঞা দ্বারা সাধ্য সিদ্ধি হয়, ইহা কেহই স্বীকার করেন না ; সাধ্যাসিদ্ধির হেতুভূত প্রমাণের নির্দেশ নাই ; সুতরাং উহা সাধ্যসাধক হইতে পারে না।”

অর্থাৎ, বিবাহ নিত্য এই মাত্র নির্দেশ করিলে, বিবাহের নিত্যত্ব সিদ্ধ হয় না ; তাহা সিদ্ধ করা আবশ্যক হইলে, প্রমাণ প্রদর্শন আবশ্যক। তাঁহার মতে, আমি বিবাহ নিত্য এই মাত্র নির্দেশ করিয়াছি, কোনও প্রমাণ প্রদর্শন করি নাই ; সুতরাং, তাহা

গ্রাহ্য হইতে পারে না। এ বিষয়ে বক্তব্য এই যে, প্রথম পুস্তকে আমি এ বিষয়ের সবিস্তর বিচার ও প্রমাণ প্রদর্শন করি নাই, তাহার কারণ এই যে, ধর্মার্থ বিবাহের নিত্যত্ব সকলেই স্বীকার করিয়া থাকেন, সে বিষয়ে কাহারও বিপ্রতিপত্তি দেখিতে পাওয়া যায় না; সুতরাং, প্রমাণ প্রদর্শন অনাবশ্যক, এই সংস্কার বশতঃ তাহা করি নাই। বস্তুতঃ, আমি সিদ্ধ বিষয়ের নির্দেশ করিয়াছি; সাধ্য নির্দেশ করি নাই। সিদ্ধ বিষয়ের নির্দেশ যেক্রমে করিতে হয়, তাহাই করিয়াছি। যথা,

“যে সমস্ত বিধি প্রদর্শিত হইল, তদনুসারে বিবাহ ত্রিবিধ নিত্য, নৈমিত্তিক, কাম্য। প্রথম বিধি অনুসারে যে বিবাহ করিতে হয়, তাহা নিত্য বিবাহ; এই বিবাহ না করিলে, মনুষ্য গৃহস্থাশ্রমে অধিকারী হইতে পারে না। দ্বিতীয় বিধির অনুযায়ী বিবাহও নিত্য বিবাহ; তাহা না করিলে আশ্রমভ্রংশনিবন্ধন পাতকগ্রস্ত হইতে হয় (৫৩)।”

“পুত্রলাভ ও ধর্মকার্যসাধন গৃহস্থাশ্রমের উদ্দেশ্য। দারপরিগ্রহ ব্যতিরেকে এই উভয়ই সম্পন্ন হয় না; এই নিমিত্ত, প্রথম বিধিতে দারপরিগ্রহ গৃহস্থাশ্রমপ্রবেশের দ্বারস্বরূপ ও গৃহস্থাশ্রমসমাপ্তির অপরিহার্য উপায়স্বরূপ নির্দিষ্ট হইয়াছে। গৃহস্থাশ্রমসম্পাদনকালে স্ত্রীবিয়োগ ঘটিলে, যদি পুনরায় বিবাহ না করে, তবে সেই দারবিরহিত ব্যক্তি আশ্রমভ্রংশনিবন্ধন পাতকগ্রস্ত হয়; এজন্য, ঐ অবস্থায় গৃহস্থ ব্যক্তির পক্ষে পুনরায় দারপরিগ্রহের অবশ্যকর্তব্যতা-বোধনার্থে, শাস্ত্রকারেরা দ্বিতীয় বিধি প্রদান করিয়াছেন (৫৩)।”

ধর্মার্থ বিবাহের নিত্যত্ব সিদ্ধ বিষয় বলিয়া, প্রমাণ প্রদর্শন করি নাই বটে; কিন্তু যাহা নির্দেশ করিয়াছি, তাহাতে তদ্বিষয়ক সমস্ত প্রমাণের সার সংগৃহীত হইয়াছে। তর্কবাচস্পতি মহাশয়, ধর্মশাস্ত্র-

ব্যবসায়ী হইলে, তাহাতেই সমুচ্চ হইতেন, প্রমাণ নির্দেশ নাই, অতএব তাহা অসিদ্ধ ও অগ্রাহ্য, অনায়াসে এরূপ নির্দেশ করিতেন না । যাহা হউক, ধর্ম্মার্থ বিবাহের নিত্যত্ব বিষয়ে ইতিপূর্বে যে সকল প্রমাণ প্রদর্শিত হইয়াছে, তদর্শনে বোধ করি তাহার সংশয় দূর হইতে পারে ।

তৃতীয় আপত্তি ;—

“যদি বল, অকরণে প্রত্যবায়জনকতা নিত্যত্বের হেতু, কিন্তু অকরণে প্রত্যবায়জনকতার নির্ণয়ও বলবৎ শাস্ত্র ব্যতিরেকে হইতে পারে না ; কিন্তু তথায় শাস্ত্রের নির্দেশ নাই ; অতএব কিরূপে তাদৃশ হেতু দ্বারা সাধ্য সিদ্ধি হইতে পারে, নির্ণীত হেতুই সাধ্য-সিদ্ধির প্রয়োজক ।”

অর্থাৎ, যে কর্ম্মের অকরণে প্রত্যবায় জন্মে অর্থাৎ যাহার লজ্জনে দোষশ্রুতি আছে, তাহাকে নিত্য বলে । কিন্তু অকরণে প্রত্যবায়জনকতা বিবাহের নিত্যত্বসাধক প্রমাণ বলিয়া উপস্থাপ্ত হইতে পারে না ; কারণ, বিবাহের অকরণে প্রত্যবায় জন্মে, বিশিষ্ট শাস্ত্র-প্রমাণ ব্যতিরেকে তাহার নির্ণয় হইতে পারে না ; কিন্তু তাদৃশ শাস্ত্রের নির্দেশ নাই । অতএব, অকরণে প্রত্যবায় জন্মে, এই হেতু দর্শাইয়া বিবাহের নিত্যত্ব সাধিত হইতে পারে না ।

এ বিষয়ে বক্তব্য এই যে, এম্বলেও তর্কবাচস্পতি মহাশয় শাস্ত্র-ব্যবসায়ীর মত কথা বলেন নাই । বিবাহের অকরণে গৃহস্থ ব্যক্তির প্রত্যবায় জন্মে, ইহাও সর্ব্বসম্মত সিদ্ধ বিষয় ; এজন্য, অনাবশ্যক বিবেচনায়, প্রথম পুস্তকে তৎপ্রমাণভূত শাস্ত্রের সবিশেষ নির্দেশ করি নাই । তর্কবাচস্পতি মহাশয়ের প্রবোধনার্থে, ইতি পূর্বে তাদৃশ শাস্ত্রও সবিস্তর প্রদর্শিত হইয়াছে । তদর্শনে, বোধ করি, তাহার সম্ভাব্য জন্মিতে পারে ।

চতুর্থ আপত্তি ;—

“ যে দিন বৈরাগ্য জন্মিবেক, সেই দিনেই ব্রহ্মচর্য্য, গার্হস্থ্য অথবা বানপ্রস্থ আশ্রম হইতে পরিব্রজ্যা করিবেক ।

এই বেদবাক্যে বৈরাগ্য জন্মিবামাত্র পরিব্রজ্যা উক্ত হওয়াতে, গৃহস্থাশ্রমের নিত্যত্ব নিরস্ত হইতেছে” ।

এস্থলে বক্তব্য এই যে, তর্কবাচস্পতি মহাশয়, বেদবাক্যের শেষ অংশ আপন অভিপ্রায়ের অনুকূল দেখিয়া, ঐ অংশমাত্র উদ্ধৃত করিয়াছেন । এই বেদবাক্য সমগ্র গৃহস্থাশ্রমের নিত্যত্বপ্রতিপাদনস্থলে প্রদর্শিত হইয়াছে । তথাপি, পাঠকগণের সুবিধার জন্য পুনরায় উদ্ধৃত হইতেছে । বথা,

ব্রহ্মচর্য্যং পরিসমাপ্য গৃহী ভবেৎ গৃহী ভূত্বা বনী  
ভবেৎ বনী ভূত্বা প্রব্রজেৎ যদিবেতরথা ব্রহ্মচর্য্যা-  
দেব প্রব্রজেৎ গৃহাদ্বা বনাদ্বা যদহরেব বিরজ্যেত  
তদহরেব প্রব্রজেৎ ।

ব্রহ্মচর্য্য সমাপন করিয়া গৃহস্থ হইবেক, গৃহস্থ হইয়া বানপ্রস্থ হইবেক, বানপ্রস্থ হইয়া সন্ন্যাসী হইবেক ; যদি বৈরাগ্য জন্মে, ব্রহ্মচর্য্যাশ্রম, গৃহস্থাশ্রম, অথবা বানপ্রস্থাশ্রম হইতে পরিব্রজ্যাশ্রম আশ্রয় করিবেক ; যে দিন বৈরাগ্য জন্মিবেক, সেই দিনেই পরিব্রজ্যা আশ্রয় করিবেক ।

প্রথমতঃ বথাক্রমে চারি আশ্রমের ব্যবস্থা আছে, তৎপরে বৈরাগ্য জন্মিলে সন্ন্যাস গ্রহণের ব্যবস্থা প্রদত্ত হইয়াছে । ইহাতে, গৃহস্থাশ্রমের নিত্যত্ব ব্যাঘাত না হইয়া, নিত্যত্বের সংস্থাপনই হইতেছে, ইহা পূর্বে প্রদর্শিত হইয়াছে, (৫৪) এজন্য এস্থলে আর তাহার উল্লেখ করা গেল না ।

পঞ্চম আপত্তি ;—

“যথাবিধানে ব্রহ্মচর্য্য সমাপন করিয়া, যে আশ্রমে ইচ্ছা হয়, সেই আশ্রম অবলম্বন করিবেক এই পূর্ব্বোক্ত বচনে গৃহস্থাশ্রম প্রভৃতি ইচ্ছাধীন একথা বলা হইয়াছে । ”

এ বচন দ্বারা যে গৃহস্থাশ্রমের নিত্যত্ব ব্যাঘাত হয় না, তাহা পূর্ব্ব সম্যক্ সংস্থাপিত হইয়াছে ।

ষষ্ঠ আপত্তি ;—

“নৈষ্ঠিক ব্রহ্মচারীর গৃহস্থাশ্রম অবলম্বনের আবশ্যকতা নাই ইহা সর্ব্বসম্মত । ”

এ বিষয়ে বক্তব্য এই যে, নৈষ্ঠিক ব্রহ্মচারী গৃহস্থাশ্রম অবলম্বন করেন না, ইহাতেও গৃহস্থাশ্রমের নিত্যত্ব ব্যাঘাত হইতে পারে না । সামান্য বিধি অনুসারে, উপনয়নের পর কিয়ৎ কাল ব্রহ্মচর্য্য করিয়া গৃহস্থাশ্রম, তৎপরে বানপ্রস্থাশ্রম, তৎপরে পরিব্রজ্যাশ্রম অবলম্বন করিতে হয় । কিন্তু বিশেষ বিধি অনুসারে, সে নিয়মের ব্যতিক্রম ঘটিতে পারে । যেমন যথাক্রমে চারি আশ্রম ব্যবস্থাপিত হইলেও, বিশেষ বিধি অনুসারে, বৈরাগ্যস্থলে, এক কালে ব্রহ্মচর্য্যের পর পরিব্রজ্যাশ্রম গ্রহণ করিতে পারে এবং তদ্বারা গৃহস্থাশ্রম প্রভৃতির নিত্যত্ব ব্যাঘাত হয় না ; সেইরূপ, কিয়ৎ কাল ব্রহ্মচর্য্য করিয়া, পরে ক্রমে ক্রমে অবশিষ্ট আশ্রমত্রয়ের অবলম্বন ব্যবস্থাপিত হইলেও, বিশেষ বিধি অনুসারে গৃহস্থাশ্রম প্রভৃতিতে পরাঙ্মুখ হইয়া, যাবজ্জীবন ব্রহ্মচর্য্য অবলম্বন করিলে, গৃহস্থাশ্রম প্রভৃতির নিত্যত্বব্যাঘাত ঘটিতে পারে না । ব্রহ্মচর্য্য বিষয়ে বিশেষ বিধি এই ;

যদি ত্বাত্যন্তিকং বাসং রোচয়েত গুরোঃ কূলে ।

যুক্তঃ পরিচরেদেনমা শরীরবিমোক্ষণাৎ ॥২।২৪৩ ॥ (৫৫)

যদি গুরুকূলে যাবজ্জীবন বাস করিবার অভিলাষ হয়, তাহা হইলে অবহিত হইয়া, দেহত্যাগ পর্য্যন্ত তাহার পরিচর্যা করিবেক ।

কিয়ৎ কাল ব্রহ্মচর্য্য করিয়া গৃহস্থাশ্রমে প্রবেশ করিবার সামান্য বিধি থাকিলেও, ইচ্ছা হইলে, এই বিশেষ বিধি অনুসারে, গৃহস্থাশ্রমে প্রবেশ না করিয়া, যাবজ্জীবন ব্রহ্মচর্য্য করিতে পারে । স্থলবিশেষে বিশেষ বিধি অনুসারে নিত্য কর্ম্মের বাধ হয়, এবং সেই বাধ দ্বারা তত্তৎ কর্ম্মের নিত্যত্ব ব্যাঘাত হয় না, ইহা অদৃষ্টচর ও অশ্রুতপূর্ব্ব নহে ।

যাবজ্জীবন অগ্নিহোত্রং জুহুয়াৎ (৫৬) ।

যাবজ্জীবন অগ্নিহোত্র যাগ করিবেক ।

নিত্যং স্নাত্বা শুচিঃ কুর্য্যাদ্দেবর্ষিপিতৃতর্পণমাংসাদ্ভোজ্যং (৫৭)

স্নান করিয়া, শুচি হইয়া, নিত্য দেবতর্পণ, ঋষিতর্পণ ও পিতৃতর্পণ করিবেক ।

ইত্যাদি শাস্ত্রে যাবজ্জীবন অগ্নিহোত্র, দেবতর্পণ প্রভৃতি কর্ম্মের নিত্য বিধি আছে । কিন্তু,

সন্ন্যস্য সর্বকর্মাণি কর্ম্মদোষানপান্তুদন্ ।

নিরতো বেদমভ্যাস্য পুত্রৈশ্বর্য্যে সুখং বসেৎ ॥৩।৯৫। (৫৭)

সর্ব কর্ম্ম পরিত্যাগ, কর্ম্মজনিত পাপক্ষয় ও বেদশাস্ত্রের অনুশীলন পূর্ব্বক, পুত্রদত্ত গ্রাসাচ্ছাদন দ্বারা জীবনধারণ করিয়া, সংযত মনে সচ্ছন্দে কালযাপন করিবেক ।

যথোক্তান্যপি কর্মাণি পরিহায় দ্বিজোত্তমঃ ।

আত্মজ্ঞানে শমে চ স্যাদ্বেদাভ্যাসে চ যত্নবান্ ॥১২।৯২। (৫৭)

ব্রাহ্মণ, শাস্ত্রোক্ত কর্ম্ম সকল পরিত্যাগ করিয়া, আত্মজ্ঞানে, চিত্তশৈথিল্যে ও বেদাভ্যাসে যত্নবান্ হইবেক ।

ইত্যাদি শাস্ত্রে পরিত্রাজকের পক্ষে বেদোক্ত ও ধর্মশাস্ত্রোক্ত কর্ম পরিত্যাগের বিধি আছে ; তদনুসারে, ঐ সকল কর্ম পরিত্যক্ত হইয়া থাকে । তন্মধ্যে অগ্নিহোত্র, দেবতর্পণ প্রভৃতি নিত্য কর্ম । পরিত্রাজ্য অবস্থায় ঐ সকল নিত্য কর্ম পরিত্যক্ত হয়, কিন্তু ঐ পরিত্যাগজন্য তত্তৎ কর্মের নিত্যত্বব্যাঘাত হয় না । সেইরূপ, নৈষ্ঠিক ব্রহ্মচারী গৃহস্থাশ্রম অবলম্বন করেন না, এই হেতুতে গৃহস্থাশ্রমের নিত্যত্ব-ব্যাঘাত ঘটিতে পারে না ।

সপ্তম আপত্তি ;—

“অনাশ্রমী ন তিষ্ঠেতু দিনমেকমপি দ্বিজঃ ।

আশ্রমেণ বিনা তিষ্ঠন্ প্রায়শ্চিত্তীয়তে হি সঃ ॥

“দ্বিজ আশ্রমবিহীন হইয়া, এক দিনও থাকিবেক না ; বিনা আশ্রমে অবস্থিত হইলে পাতকগ্রস্ত হয় ।” এই দক্ষবচনে দ্বিজাতি-দিগের আশ্রমমাত্রের অকরণে প্রত্যবায়জনকতা উক্ত হইলেও, গৃহস্থাশ্রমের নিত্যত্ব সিদ্ধ হইতেছে না ।”

এই আপত্তি সর্বাংশে তৃতীয় আপত্তির তুল্য । সুতরাং, ইহার আর স্বতন্ত্র সমালোচনা অনাবশ্যক ।

এই সঙ্গে তর্কবাচস্পতি মহাশয় এক প্রাসঙ্গিক আপত্তি উত্থাপন করিয়াছেন ; সে বিষয়েও কিছু বলা আবশ্যক ।

“আর, এ স্থলে দ্বিজপদের যে উপলক্ষণপরত্ব ব্যাখ্যাত হইয়াছে, তাহাও প্রমাণসাপেক্ষ, কিন্তু প্রমাণের নির্দেশ নাই ; অতএব সে কথা অগ্রাহ্যই করিতে হইবেক ।”

নিতান্ত অনবধানবশতই তর্কবাচস্পতি মহাশয় এরূপ কথা বলিয়াছেন । দ্বিজপদের উপলক্ষণপরত্ব যাহা উক্ত হইয়াছে, তাহাও এক প্রকার সিদ্ধ বিষয়, প্রমাণ দ্বারা প্রতিপন্ন করিবার তাদৃশী আবশ্যকতা নাই । সে যাহা হউক, সে বিষয়ে “প্রমাণের নির্দেশ নাই,” এ কথা পরিধানপূর্বক বলা হয় নাই । প্রথম পাত্যকে যাহা লিখিত হইয়াছে,

কিঞ্চিৎ অভিনিবেশ সহকারে তাহার আলোচনা করিয়া দেখিলে, তর্কবাচস্পতি মহাশয় দ্বিজপদের উপলক্ষণপরত্বব্যাক্য্যার সম্পূর্ণ প্রমাণ দেখিতে পাইতেন । যথা,

“দক্ষ কহিয়াছেন,

অনাশ্রমী ন তিষ্ঠেতু দিনমেকমপি দ্বিজঃ ।

আশ্রমেণ বিনা তিষ্ঠন্ প্রায়শ্চিত্তীয়তে হি সঃ ॥

দ্বিজ অর্থাৎ ব্রাহ্মণ, ক্ষত্রিয়, বৈশ্য এই তিন বর্ণ, আশ্রমবিহীন হইয়া এক দিনও থাকিবেক না, বিনা আশ্রমে অবস্থিত হইলে পাতকগ্রস্ত হয় ।

এই শাস্ত্র অনুসারে, আশ্রমবিহীন হইয়া থাকা দ্বিজের পক্ষে নিষিদ্ধ ও পাতকজনক । দ্বিজপদ উপলক্ষণ মাত্র, ব্রাহ্মণ, ক্ষত্রিয়, বৈশ্য, শূদ্র চারি বর্ণের পক্ষেই এই ব্যবস্থা ।

বায়নপুরাণে নির্দিষ্ট আছে,

চত্বার আশ্রমাস্চৈব ব্রাহ্মণস্য প্রকীৰ্ত্তিতাঃ ।

ব্রহ্মচর্য্যঞ্চ গার্হস্থ্যং বানপ্রস্থঞ্চ ভিক্ষুকম্ ॥

ক্ষত্রিয়স্তাপি কথিতা আশ্রমাস্ত্রয় এব হি ।

ব্রহ্মচর্য্যঞ্চ গার্হস্থ্যমাশ্রমদ্বিতয়ং বিশঃ ।

গার্হস্থ্যমুচিতত্ত্বকং শূদ্রস্য ক্ষণমাচরেৎ ॥

ব্রহ্মচর্য্য, গার্হস্থ্য, বানপ্রস্থ, সন্ন্যাস ব্রাহ্মণের এই চারি আশ্রম নির্দিষ্ট আছে ; ক্ষত্রিয়ের প্রথম তিন ; বৈশ্যের প্রথম দুই ; শূদ্রের গার্হস্থ্যমাত্র এক আশ্রম ; সে হইতে তাহারই অনুষ্ঠান করিবেক (৫৮) । ”

বায়নপুরাণ অনুসারে, ব্রাহ্মণ, ক্ষত্রিয়, বৈশ্যের ত্রয়, শূদ্রও আশ্রমে অধিকারী ; তাহার পক্ষে গৃহস্থাশ্রম অবলম্বন করিয়া কালক্ষেপণ

করিবার বিধি আছে । অতএব, শূদ্রের যখন গৃহশ্রমের অধিকার ও তাহা অবলম্বন করিয়া কালক্ষেপণ করিবার বিধি দৃষ্ট হইতেছে, তখন বিহিত আশ্রম অবলম্বন না করা তাহার পক্ষে দোষাবহ, তাহার সন্দেহ নাই । কিন্তু দক্ষবচনে দোষকীর্তনস্থলে দ্বিজশব্দের প্রয়োগ আছে ; দ্বিজশব্দে ব্রাহ্মণ, ক্ষত্রিয়, বৈশ্য এই তিন বর্ণের বোধ হয় ; এজন্য, “দ্বিজপদ উপলক্ষণমাত্র, ব্রাহ্মণ, ক্ষত্রিয়, বৈশ্য, শূদ্র চারি বর্ণের পক্ষেই এই ব্যবস্থা,” ইহা লিখিত হইয়াছিল ; অর্থাৎ, যদিও বচনে দ্বিজশব্দ আছে, কিন্তু যখন চারি বর্ণের পক্ষেই আশ্রম ব্যবস্থা দৃষ্ট হইতেছে, তখন আশ্রম লঙ্ঘনে যে দোষশ্রুতি আছে, তাহা চারি বর্ণের পক্ষেই সমভাবে প্রযুক্ত হওয়া উচিত ; এবং সেই জন্যই বচনস্থিত দ্বিজশব্দ দ্বিজমাত্রের বোধক না হইয়া, আশ্রমাদিকারী চারি বর্ণের বোধক হওয়া আবশ্যিক । তর্কবাচস্পতি মহাশয়ের প্রীত্যর্থেষু এস্থলে ইহাও উল্লেখ করা আবশ্যিক, এই মীমাংসা আমার কপোলকম্পিত অথবা লোকবিমোহনার্থে বুদ্ধিবলে উদ্ভাবিত অভিনব মীমাংসা নহে । স্মার্ত ভট্টাচার্য্য রঘুনন্দন, বহু কাল পূর্বে, এই মীমাংসা করিয়া গিয়াছেন ; যথা,

“দক্ষঃ

অনাশ্রমী ন তিষ্ঠেত্তু দিনমেকমপি দ্বিজঃ ।

আশ্রমেণ বিনা তিষ্ঠন্ প্রায়শ্চিত্তীয়তে ত্বমৌ ॥

জপে হোমে তথা দানে স্বাধ্যায়ে বা রতঃ সদা ।

নামৌ ফলং সমাপ্নোতি কুর্স্বাণোহপ্যাশ্রমচ্যুতঃ ॥

বিষ্ণুপুরাণঞ্চ

ব্রতেষু লোপকো যশ্চ আশ্রমাদ্বিচ্যুতশ্চ যঃ ।

সদংশযাতনামধ্যে পততস্তাবুভাবপি ॥

অত্র আশ্রমাদ্বিচ্যুতশ্চ য ইতি সামান্যেন দোষাভিধানাৎ শূদ্র-

স্বাপি তথাভ্রমিতি পূর্ববচনে দ্বিজ ইতুপলক্ষণম্ । শূদ্রস্য-  
প্যাশ্রমমাহ পরাশরভাষ্যে বামনপুরাণম্

চত্বার আশ্রমশৈব ব্রাহ্মণস্য প্রকীৰ্তিতাঃ ।

ব্রহ্মচর্যঞ্চ গার্হস্থ্যং বানপ্রস্থঞ্চ ভিক্ষুকম্ ।

ক্ষত্রিয়স্যপি কথিতা আশ্রমাস্ত্রয় এব হি ।

ব্রহ্মচর্যঞ্চ গার্হস্থ্যমাশ্রমদ্বিতয়ং বিশঃ ।

গার্হস্থ্যমুচিতন্তু কং শূদ্রস্য ক্ষণমাচরেৎ (৫৯) ॥ ”

দক্ষ কহিয়াছেন, “দ্বিজ অর্থাৎ ব্রাহ্মণ ক্ষত্রিয় বৈশ্য এই তিন বর্ণ আশ্রমবিহীন হইয়া এক দিনও থাকিবেক না ; বিনা আশ্রমে অবস্থিত হইলে পাতকগ্রস্ত হয় । আশ্রমচ্যুত হইয়া জপ, হোম, দান অথবা বেদাধ্যয়ন করিলে ফলভাগী হয় না ।” বিষ্ণুপুরাণে কথিত আছে, “যে ব্যক্তি ব্রতলোপ করে, এবং যে ব্যক্তি আশ্রমচ্যুত হয়, ইহারা উভয়েই সন্দংশঘাতনানামক নরকে পতিত হয় ।” এ স্থলে কোনও বর্ণের উল্লেখ না করিয়া, আশ্রমচ্যুত ব্যক্তির দোষ-কীর্তন করাতে, আশ্রমচ্যুত হইলে শূদ্রও দোষভাগী হইবেক ইহা অভিপ্রেত হওয়াতে, পূর্ববচনে দ্বিজপদ উপলক্ষণ মাত্র । পরাশর-ভাষ্যধৃত বামনপুরাণবচনে শূদ্রেরও আশ্রম নির্দিষ্ট হইয়াছে । যথা, “ব্রহ্মচর্য, গার্হস্থ্য, বানপ্রস্থ, সন্ন্যাস ব্রাহ্মণের এই চারি আশ্রম নির্দিষ্ট আছে ; ক্ষত্রিয়ের প্রথম তিন ; বৈশ্যের প্রথম দুই ; শূদ্রের গার্হস্থ্য মাত্র এক আশ্রম ; সে ক্ষণ চিত্তে তাহারই অনুষ্ঠান করিবেক ।”

তর্কবাচস্পতি মহাশয়, প্রমাণ দেখিতে না পাইয়া, দ্বিজপদের উপ-লক্ষণপরত্বব্যাখ্যা অপ্রমাণ বলিয়া অগ্রাহ্য করিয়াছেন । বচন দেখিয়া তাহার অর্থনির্ণয় ও তাৎপর্যাগ্রহ করিয়া, যীমাংসা করা সকলের পক্ষে সহজ নহে, তাহার সন্দেহ নাই । কিন্তু এতদেশের সর্বত্র প্রচলিত উদ্ধাহতত্ত্বে দৃষ্টি থাকিলে, উল্লিখিত দ্বিজপদের উপলক্ষণপরত্বব্যাখ্যা অপ্রমাণ বলিয়া অগ্রাহ্য করা যায় না । অতএব, সর্বশাস্ত্রবেত্তা

তর্কবাচস্পতি মহাশয় ধর্মশাস্ত্র বিষয়ে কেমন প্রবীণ, তাহা সকলে অনায়াসে অনুমান করিতে পারেন ।

তর্কবাচস্পতি মহাশয় যেরূপে বিবাহের নিত্যত্ব খণ্ডন করিয়াছেন, তাহা একপ্রকার আলোচিত হইল । এফণে, তিনি যেরূপে বিবাহের নৈমিত্তিকত্ব খণ্ডন করিয়াছেন, তাহা আলোচিত হইতেছে ।

তিনি লিখিয়াছেন,

“কিমিদং নৈমিত্তিকত্বং কিং নিমিত্তাধীনত্বং নিমিত্তনিশ্চয়ো-  
ত্তরাব্যবহিতোত্তরকর্তব্যত্বং বা ন তাবদাদ্যঃ কার্য্যমাত্রস্ত কারণ-  
সাধ্যতয়া সর্বসম্যেব নৈমিত্তিকত্বাপত্তেঃ এবঞ্চ তদভিমতনিত্য-  
বিবাহস্তাপি দানাদিপ্রযোজ্যতয়া নিমিত্তাধীনত্বেন নৈমিত্তিকত্বা-  
পত্তিঃ । ন দ্বিতীয়ঃ পত্নীমরণনিশ্চয়াধীনস্য তন্মতে নিত্যস্য দ্বিতীয়-  
বিধানুসারিবিবাহস্তাপি নৈমিত্তিকত্বাপত্তেঃ তস্ত অশৌচাদেরিব  
মরণনিমিত্তনিশ্চয়াধীনত্বাৎ । কিঞ্চ তন্মতে তৃতীয়বিধানুসারি-  
বিবাহস্ত নৈমিত্তিকত্বাপি নৈমিত্তিকত্বানুপপত্তিঃ তস্য শুদ্ধ-  
কালপ্রতীক্ষাধীনতয়া বক্ষ্যমাণাষ্টবর্ষাদিকালপ্রতীক্ষাসম্ভাবেন চ  
নিমিত্তনিশ্চয়াব্যবহিতোত্তরং ক্রিয়মাণত্বাভাবাৎ । অত্চ

নৈমিত্তিকানি কার্য্যানি নিপতন্তি যথা যথা ।

তথা তথৈব কার্য্যানি ন কালস্ত বিধীয়তে ॥

ইত্যুক্তেঃ লুপ্তসংবৎসরমলমাসশুক্রাচ্ছত্বাচ্ছুদ্ধকালেইপি তৃতীয়-  
বিধানুসারিণো নৈমিত্তিকস্ত কর্তব্যতাপত্তিঃ নৈমিত্তিকে জাতে-  
র্ফ্যাদৌ অশৌচাদেঃ শুদ্ধকালস্য চ প্রতীক্ষাভাবস্য সর্বসম্মতত্বাৎ  
তৎপ্রতীক্ষণাভাবাপত্তেহুত্তরত্বাৎ । মন্বাদিভিশ্চ

বক্ষ্যাম্যেহধিবেত্তব্যং দশমে স্ত্রী যুতপ্রজা ।

একাদশে স্ত্রীজননী ইত্যাদিনা ।

অষ্টবর্ষাদিকালপ্রতীক্ষাৎ বদন্তিঃ প্রদর্শিতনৈমিত্তিকত্বং তস্য  
প্রত্যাখ্যাতম্ (৬০) ।”

নৈমিত্তিক কাহাকে বল, কি নিমিত্তাধীন কর্মকে নৈমিত্তিক বলিবে, অথবা নিমিত্তনিশ্চয়ের অব্যবহিত উত্তর কালে যাহা করিতে হয়, তাহাকে নৈমিত্তিক বলিবে। প্রথম পক্ষ সম্ভব নহে, কারণ, কার্য্যমাত্রই কারণসাধ্য, সুতরাং সকল কর্মই নৈমিত্তিক হইয়া পড়ে ; এবং তাঁহার অভিমত নিত্য বিবাহও দানাদিসাধ্য, সুতরাং নিমিত্তাধীন হইতেছে ; এজন্য উহারও নৈমিত্তিকত্ব ঘটিয়া উঠে। দ্বিতীয় পক্ষও সম্ভব নহে ; তন্মতে দ্বিতীয় বিধি অনুযায়ী বিবাহ নিত্য বিবাহ ; এই নিত্য বিবাহও নৈমিত্তিক হইয়া পড়ে ; কারণ, যেমন অশৌচ প্রভৃতি মরণনিশ্চয়জ্ঞানের অধীন, সেইরূপ এই নিত্য বিবাহও পূর্বপত্নীর মরণনিশ্চয়জ্ঞানের অধীন। কিন্তু, তন্মতে তৃতীয় বিধি অনুযায়ী বিবাহ নৈমিত্তিক বিবাহ ; এই নৈমিত্তিক বিবাহেরও নৈমিত্তিকত্ব ঘটিতে পারে না ; বিবাহে শুদ্ধ কাল এবং বক্ষ্যমাণ অষ্টবর্ষাদি কাল প্রতীক্ষার আবশ্যকতাবশতঃ, নিমিত্তনিশ্চয়ের অব্যবহিত উত্তর কালে তাহার অনুষ্ঠান ঘটিতেছে না। অপরক, “নৈমিত্তিক কাম্য যখনই ঘটবেক, তখনই তাহার অনুষ্ঠান করিবেক, তাহাতে কালকাল বিবেচনা নাই।” এই শাস্ত্র অনুসারে লুপ্ত সংবৎসর, মলমাস, শুক্রান্ত প্রভৃতি অশুদ্ধ কালেও তৃতীয় বিধি অনুযায়ী নৈমিত্তিক বিবাহের কর্তব্যতা ঘটিয়া উঠে। জাতেষ্টি প্রভৃতি নৈমিত্তিক কর্মে অশৌচাদির ও শুদ্ধ কালের প্রতীক্ষা করিতে হয় না, ইহা সর্বসম্মত ; তদনুসারে তদভিমত নৈমিত্তিক বিবাহ-স্থলেও অশৌচাদির ও শুদ্ধ কালের প্রতীক্ষা করিবার আবশ্যকতা থাকিতে পারে না। আর, “স্ত্রী বক্ষ্যা হইলে অষ্টম বর্ষে, মৃতপুত্র হইলে দশম বর্ষে, কন্যামাত্রপ্রসবিনী হইলে একাদশ বর্ষে।” ইত্যাদি দ্বারা মনুপ্রভৃতি, অষ্টবর্ষাদি কাল প্রতীক্ষা বলিয়, বিবাহের নৈমিত্তিকত্ব খণ্ডন করিয়াছেন।

তর্কবাচস্পতি মহাশয়, “নিমিত্তাধীন কর্ম নৈমিত্তিক,” এই যে লক্ষণ নির্দেশ করিয়াছেন, আমার বিবেচনায় উহাই নৈমিত্তিকের প্রকৃত লক্ষণ। তত্ত্বকর্ম্মে অধিকারবিধায়ক আগন্তুক হেতু বিশেষকে নিমিত্ত বলে ; নিমিত্তের তন্মীন যে কর্ম্ম, অর্থাৎ নিমিত্ত ব্যতিরেকে যে কর্ম্মে অধিকার জন্মে না, তাহাকে নৈমিত্তিক কহে ; যমন জাতকর্ম্ম, নান্দীশ্রাদ্ধ, গ্রহণশ্রাদ্ধ প্রভৃতি। জাতকর্ম্ম নৈমিত্তিক, কারণ পুত্র-জন্মরূপ নিমিত্ত ব্যতিরেকে জাতকর্ম্মে অধিকার জন্মে না ; নান্দী-

শ্রাদ্ধ নৈমিত্তিক, কারণ পুত্রের সংস্কারাদিরূপ নিমিত্ত ব্যতিরেকে নান্দীশ্রাদ্ধে অধিকার জন্মে না ; গ্রহণশ্রাদ্ধ নৈমিত্তিক, কারণ চন্দ্রসূর্য্যগ্রহণরূপ নিমিত্ত ব্যতিরেকে গ্রহণশ্রাদ্ধে অধিকার জন্মে না । সেইরূপ, স্ত্রী বন্ধ্যা হইলে যে বিবাহ করিবার বিধি আছে, ঐ বিবাহ নৈমিত্তিক, কারণ, স্ত্রীর বন্ধ্যাত্ত্বরূপ নিমিত্ত ব্যতিরেকে তাদৃশ বিবাহে অধিকার জন্মে না ; স্ত্রী ব্যভিচারিণী হইলে, যে বিবাহ করিবার বিধি আছে, ঐ বিবাহ নৈমিত্তিক, কারণ স্ত্রীর ব্যভিচাররূপ নিমিত্ত ব্যতিরেকে তাদৃশ বিবাহে অধিকার জন্মে না ; স্ত্রী চিররোগিণী হইলে যে বিবাহ করিবার বিধি আছে, ঐ বিবাহ নৈমিত্তিক, কারণ স্ত্রীর চিররোগরূপ নিমিত্ত ব্যতিরেকে তাদৃশ বিবাহে অধিকার জন্মে না । এইরূপে, শাস্ত্রকারেরা, নিমিত্ত বিশেষ নির্দেশ করিয়া, পূর্ব্বপরিণীতা স্ত্রীর জীবদশায়, পুনরায় বিবাহ করিবার যে সকল বিধি দিয়াছেন, সেই সমস্ত বিধি অনুযায়ী বিবাহ নৈমিত্তিক বিবাহ ; কারণ ; তত্তৎ নিমিত্ত ব্যতিরেকে, পূর্ব্বপরিণীতা স্ত্রীর জীবদশায়, পুনরায় বিবাহ করিবার অধিকার জন্মে না ।

উল্লিখিত নৈমিত্তিক লক্ষণ নির্দেশ করিয়া, তর্কবাচস্পতি মহাশয় যে আপত্তি দর্শাইয়াছেন, তাহা কার্য্যকারক নহে । যথা,

“প্রথম পক্ষ সম্ভব নহে, কারণ কার্য্যমাত্রই কারণসাধ্য, সুতরাং সকল কার্য্যই নৈমিত্তিক হইয়া পড়ে । এবং তাঁহার অভিमत নিত্য বিবাহও দানাদিসাধ্য, সুতরাং নিমিত্তাধীন হইতেছে ; এজন্য উহারও নৈমিত্তিকত্ব ঘটিয়া উঠে । ”

তর্কবাচস্পতি মহাশয় ধর্ম্মশাস্ত্রোক্ত নিমিত্ত ও নৈমিত্তিক শব্দের প্রকৃত অর্থ অবগত নহেন, এজন্য ঈদৃশ অকিঞ্চিৎকর আপত্তি উত্থাপন করিয়াছেন । সামান্যতঃ, নিমিত্তশব্দ কারণবাচী ও নৈমিত্তিকশব্দ কার্য্যবাচী বটে । যথা,

উদেতি পূর্বং কুমুমং ততঃ ফলং

ঘনোদয়ঃ প্রাক্ তদনন্তরং পয়ঃ ।

নিমিত্তনৈমিত্তিকয়োরয়ং বিধি-

স্তব প্রসাদস্য পুরস্ত সম্পদঃ (৬১) ॥

প্রথম পুষ্প উৎপন্ন হয়, তৎপরে ফল জন্মে ; প্রথম মেঘের উদয় হয়, তৎপরে বৃষ্টি হয় ; নিমিত্ত ও নৈমিত্তিকের এই ব্যবস্থা ; কিন্তু তোমার প্রসাদের অগ্রেই ফললাভ হয় ।

এস্থলে নিমিত্তশব্দ কারণবাচী ও নৈমিত্তিক শব্দ কার্যবাচী । কিন্তু ধর্মশাস্ত্রোক্ত নিমিত্ত ও নৈমিত্তিক শব্দ পারিভাষিক, কারণার্থবাচক ও কার্যার্থবাচক সামান্য নিমিত্ত ও নৈমিত্তিক শব্দ নহে । পুত্রাদির সংস্কারকালে আভ্যুদয়িক শ্রাদ্ধ করিতে হয় ; পুরুষব্যাপার ও শাস্ত্রোক্ত ইতিকর্তব্যতা প্রভৃতি দ্বারা আভ্যুদয়িক শ্রাদ্ধ নিষ্পন্ন হয় ; এজন্য আভ্যুদয়িক শ্রাদ্ধ পুরুষব্যাপার প্রভৃতি কারণসাধ্য হইতেছে । কিন্তু পুরুষব্যাপার প্রভৃতি, আভ্যুদয়িক শ্রাদ্ধের নিষ্পাদক কারণ হইলেও, উহার নিমিত্ত বলিয়া উল্লিখিত হইতে পারে না ; পুত্রাদির সংস্কার উহার নিমিত্ত ; অর্থাৎ পুত্রাদির সংস্কার উপস্থিত না হইলে, তাহাতে অধিকার জন্মে না ; সুতরাং পুত্রাদির সংস্কার আভ্যুদয়িক শ্রাদ্ধরূপ কার্যে অধিকারবিধায়ক হেতুবিশেষ ও নিমিত্তশব্দ-বাচ্য হইতেছে ; এবং এই পুত্রাদির সংস্কাররূপ নিমিত্তের অধীন বলিয়া, অর্থাৎ তাদৃশ নিমিত্ত ব্যতিরেকে তাহাতে অধিকার জন্মে না এজন্য, আভ্যুদয়িক শ্রাদ্ধ নৈমিত্তিক কার্য । অতএব “কার্যমাত্রই কারণসাধ্য, সুতরাং সকল কার্যই নৈমিত্তিক হইয়া পড়ে,” এ কথা প্রণিধানপূর্বক বলা হয় নাই । আর, আমার অভিমত নিত্য বিবাহও দানাদিসাধ্য, সুতরাং উহারও নৈমিত্তিকত্ব ঘটিয়া উঠে, এ কথাও নিতান্ত অকিঞ্চিৎ-কর । দানাদি বিবাহের নিষ্পাদক কারণ বটে, কিন্তু বিবাহের নিমিত্ত

হইতে পারে না ; কারণ, দানাদি বিবাহে অধিকারবিধায়ক হেতু নহে ; সুতরাং, উহারা নিমিত্তশব্দবাচ্য হইতে পারে না । যদি উহারা নিমিত্ত-শব্দবাচ্য না হইল, তবে আমার অভিমত নিত্য বিবাহের নৈমিত্তিকত্ব ঘটনার সম্ভাবনা কি ।

কিন্তু, “নিমিত্তনিশ্চয়ের অব্যবহিত উত্তরকালে যাহা করিতে হয়, তাহাকে নৈমিত্তিক বলে ;” তর্কবাচস্পতি মহাশয় এই যে দ্বিতীয় লক্ষণ নির্দেশ করিয়াছেন, তাহা নৈমিত্তিকের সাধারণ লক্ষণ হইতে পারে না । নৈমিত্তিক দ্বিবিধ নিরবকাশ ও সাবকাশ । যাহাতে অবকাশ থাকে না, অর্থাৎ কালবিলম্ব চলে না, নিমিত্ত ঘটিলেই যাহার অনুষ্ঠান করিতে হয়, তাহাকে নিরবকাশ নৈমিত্তিক বলে ; যেমন গ্রহণশ্রাদ্ধ । নিমিত্তযুক্ত কালে নৈমিত্তিক কার্যের অনুষ্ঠান করিতে হয় ; সুতরাং যত ক্ষণ গ্রহণ থাকে, সেই সময়েই গ্রহণনিমিত্তক শ্রাদ্ধের অনুষ্ঠান করা আবশ্যিক ; গ্রহণ অতীত হইয়া গেলে, আর নিমিত্তযুক্ত কাল পাওয়া যায় না, এজন্য আর সে শ্রাদ্ধ করিবার অধিকার থাকে না ; গ্রহণ অধিক ক্ষণ স্থায়ী নহে ; এজন্য গ্রহণ উপস্থিত হইবামাত্র শ্রাদ্ধের আরম্ভ করিতে হয় ; সুতরাং গ্রহণশ্রাদ্ধে অবকাশ থাকে না ; এজন্য, গ্রহণশ্রাদ্ধ নিরবকাশ নৈমিত্তিক । আর, যাহাতে অবকাশ থাকে, অর্থাৎ বিশিষ্ট কারণবশতঃ কালবিলম্ব চলে, নিমিত্তঘটনার অব্যবহিত পরেই যাহার অনুষ্ঠানের ঐকান্তিকী আবশ্যিকতা নাই, তাহাকে সাবকাশ নৈমিত্তিক বলে ; যেমন, স্ত্রীর বন্ধ্যাত্বনিবন্ধন বিবাহ । স্ত্রীর বন্ধ্যাত্বরূপ নিমিত্তযুক্ত কালে এই বিবাহ করিতে হয় ; কিন্তু স্ত্রীর বন্ধ্যাত্ব, গ্রহণরূপ নিমিত্তের ন্যায়, সহসা অতীত হইয়া যাইবেক, সে আশঙ্কা নাই ; এজন্য, বিশিষ্ট কারণবশতঃ বিলম্ব হইলেও, এ বিষয়ে নিমিত্তযুক্ত কালের অপ্রতুল ঘটে না ; সুতরাং ইহাতে অবকাশ থাকে ; এজন্য, স্ত্রীর বন্ধ্যাত্বনিবন্ধন বিবাহ সাবকাশ নৈমিত্তিক । অতএব, “নিমিত্তনিশ্চয়ের অব্যবহিত উত্তরকালে যাহা

করিতে হয়, তাহাকে নৈমিত্তিক বলে,” ইহা নিরবকাশ নৈমিত্তিকের লক্ষণ ; কারণ, নিরবকাশ নৈমিত্তিকেই কালবিলম্ব চলে না । যথা,

কালেহনন্যগতিং নিত্যং কুর্য্যান্নৈমিত্তিকীং ক্রিয়াম্(৬২)।

যে সকল নিত্য ও নৈমিত্তিক কর্ম অনন্যগতি, অর্থাৎ কালান্তরে তাহাদের অনুষ্ঠান চলে না, নিমিত্তঘটনার অব্যবহিত উত্তরকালেই তাহাদের অনুষ্ঠান করিবেক ।

কুর্য্যাৎ প্রাত্যহিকং কর্ম প্রযত্নেন মলিন্মুচে ।

নৈমিত্তিকঞ্চ কুর্কীত সাবকাশং ন যদ্রবেৎ (৬৩) ॥

প্রত্যহ যে সকল কর্ম করিতে হয়, এবং যে সকল নৈমিত্তিক সাবকাশ নতে ; মলমাসেও যত্নপূর্ব্বক তাহাদের অনুষ্ঠান করিবেক ।

নৈমিত্তিক সাবকাশ ও নিরবকাশ ভেদে দ্বিবিধ, বোধ হয়, তর্কবাচস্পতি মহাশয়ের সে বোধ নাই ; এজন্য, নিরবকাশ নৈমিত্তিকের লক্ষণকে নৈমিত্তিকমাত্রের লক্ষণ স্থির করিয়া রাখিয়াছেন ।

উল্লিখিত লক্ষণ নির্দেশ করিয়া, তর্কবাচস্পতি মহাশয় সর্বপ্রথম এই আপত্তি উত্থাপন করিয়াছেন,

“তন্মতে দ্বিতীয় বিধি অনুযায়ী বিবাহ নিত্য বিবাহ ; এই নিত্য বিবাহও নৈমিত্তিক হইয়া পড়ে ; কারণ, যেমন অশৌচ প্রভৃতি মরণনিশ্চয়জ্ঞানের অধীন, সেইরূপ এই নিত্য বিবাহও পূর্ব-পত্নীর মরণনিশ্চয়জ্ঞানের অধীন ” ।

ইহার তাৎপর্য্য এই, পত্নীর মরণনিশ্চয় ব্যতিরেকে, পুরুষ দ্বিতীয় বিধি অনুযায়ী বিবাহে অধিকারী হয় না ; এজন্য, এই বিবাহে পত্নীমরণের নিমিত্ততা আছে, সুতরাং উহা নৈমিত্তিক হইয়া পড়ে, এবং তাহা হইলেই, আমার অভিমত নিত্যত্বের ব্যাঘাত হইল । এ বিষয়ে বক্তব্য এই যে, প্রথম পুস্তকে

“দ্বিতীয় বিধির অনুযায়ী বিবাহও নিত্য বিবাহ ; তাহা না করিলে  
আশ্রমভ্রংশ নিবন্ধন পাতকশ্রুত হইতে হয় ” (৬৪) ।

এইরূপে প্রথমতঃ এই বিবাহের নিত্যত্ব নির্দেশ করিয়া, পরিশেষে  
এই বিবাহের নৈমিত্তিকত্ব স্বীকার করিয়াছি । বথা,

“স্ত্রীবিয়োগরূপ নিমিত্ত বশতঃ করিতে হয়, এজন্য এই বিবাহের  
নৈমিত্তিকত্বও আছে” (৬৪) ।

কলকথা এই, স্ত্রীবিয়োগনিবন্ধন বিবাহ কেবল নিত্য অথবা কেবল  
নৈমিত্তিক নহে, উহা নিত্যনৈমিত্তিক । লঙ্ঘনে দোষশ্রুতিরূপ হেতু-  
বশতঃ, এই বিবাহের নিত্যত্ব আছে ; আর, স্ত্রীবিয়োগরূপ নিমিত্ত বশতঃ  
করিতে হয়, এজন্য নৈমিত্তিকত্বও আছে । এইরূপ উভয়ধর্মাক্রান্ত  
হওয়াতে, এই বিবাহ নিত্যনৈমিত্তিক বলিয়া পরিগণিত হওয়া  
উচিত । আমি, প্রথমে এই বিবাহকে নিত্য বিবাহ বলিয়া নির্দেশ  
করিয়া, ঠীকার উহার নৈমিত্তিকত্ব স্বীকার করিয়াছি । কিন্তু, যখন উহার  
নিত্যত্ব ও নৈমিত্তিকত্ব উভয়ই আছে, তখন উহাকে কেবল নিত্য  
বলিয়া পরিগণিত না করিয়া, নিত্যনৈমিত্তিক বলিয়া পরিগণিত  
করাই আবশ্যক । এতদনুসারে, বিবাহ নিত্য, নৈমিত্তিক, কাম্য ভেদে  
ত্রিবিধ বলিয়া নির্দিষ্ট না হইয়া, বিবাহ নিত্য, নৈমিত্তিক, নিত্য-  
নৈমিত্তিক, কাম্য ভেদে চতুর্বিধ বলিয়া পরিগণিত হওয়াই উচিত ও  
আবশ্যক । সে যাহা হউক, তর্কবাচস্পতি মহাশয়, উপেক্ষাবশতঃ,  
অথবা অনবধানবশতঃ, আমার লিখনে দৃষ্টিপাত না করিয়াই, এই  
আপত্তি করিয়াছেন, তাহার সন্দেহ নাই ।

তর্কবাচস্পতি মহাশয়ের দ্বিতীয় আপত্তি এই ;—

“কিন্তু তদ্ব্যতীত তৃতীয় বিধি অনুযায়ী বিবাহ নৈমিত্তিক বিবাহ,  
এই নৈমিত্তিক বিবাহেরও নৈমিত্তিকত্ব ঘটিতে পারে না ; কারণ

বিবাহে শুদ্ধ কালের এবং অষ্ট বর্ষাদি কালের প্রতীক্ষার আবশ্য-  
কতা বশতঃ, নিমিত্তনিশ্চয়ের অব্যবহিত উত্তরকালে তাহার  
অনুষ্ঠান ঘটিতেছে না।

পূর্বে দর্শিত হইয়াছে, নৈমিত্তিক দ্বিবিধ সাবকাশ ও নিরবকাশ ।  
সাবকাশ নৈমিত্তিকে কালপ্রতীক্ষা চলে ; নিরবকাশ নৈমিত্তিকে কাল-  
প্রতীক্ষা চলে না। তৃতীয় বিধি অনুযায়ী বিবাহ সাবকাশ নৈমিত্তিক ;  
উহাতে কালপ্রতীক্ষা চলিতে পারে। এজন্য, বন্ধ্যাত্ত প্রভৃতি নিমিত্ত  
নিশ্চয়ের অব্যবহিত উত্তরকালে অনুষ্ঠান না ঘটিলেও, উহার  
নৈমিত্তিকত্বের ব্যাঘাত ঘটিতে পারে না। তর্কবাচস্পতি মহাশয়,  
সাবকাশ নৈমিত্তিকে নিরবকাশ নৈমিত্তিকের লক্ষণ ঘটাইবার চেষ্টা  
করিয়া, নৈমিত্তিক বিবাহের নৈমিত্তিকত্ব খণ্ডনে প্রবৃত্ত হইয়াছেন।

তর্কবাচস্পতি মহাশয়ের তৃতীয় আপত্তি এই ;—

“অপরঞ্চ, “নৈমিত্তিক কাম্য যখনই ঘটবেক, তখনই তাহার  
অনুষ্ঠান করিবেক, তাহাতে কালাকাল বিবেচনা নাই।” এই  
শাস্ত্র অনুসারে, লুপ্তসংবৎসর মলমাস শুক্রান্ত প্রভৃতি কালেও  
তৃতীয় বিধি অনুযায়ী নৈমিত্তিক বিবাহের কর্তব্যতা ঘটিয়া উঠে।  
জাতেষ্টি প্রভৃতি নৈমিত্তিক কর্ম্মে অশৌচাদির ও শুদ্ধ কালের  
প্রতীক্ষা করিতে হয় না, ইহা সর্বসম্মত ; তদনুসারে তদভিমত  
নৈমিত্তিক বিবাহস্থলেও অশৌচাদির ও শুদ্ধ কালের প্রতীক্ষা  
করিবার আবশ্যকতা থাকিতে পারে না।”

তর্কবাচস্পতি মহাশয়ের এ আপত্তিও অকিঞ্চিৎকর ; কারণ উক্তবচন  
নিরবকাশ নৈমিত্তিকবিষয়ক ; নিরবকাশ নৈমিত্তিকেই কালাকাল বিবে-  
চনা নাই। তৃতীয় বিধি অনুযায়ী বিবাহ সাবকাশ নৈমিত্তিক। সাবকাশ  
নৈমিত্তিকে, কালাকাল বিবেচনার সম্পূর্ণ আবশ্যকতা আছে। তর্কবাচ-  
স্পতি মহাশয়, সাবকাশ নৈমিত্তিকে নিরবকাশ নৈমিত্তিকবিষয়িণী  
ব্যবস্থা ঘটাইবার চেষ্টা পাইয়া, অনভিজ্ঞতা প্রদর্শনমাত্র করিয়াছেন।

অপরধ,

“জাতেষ্টি প্রভৃতি নৈমিত্তিক কর্মে অশৌচাদির ও শুদ্ধ কালের প্রতীক্ষা করিতে হয় না, ইহা সৰ্বসম্মত ।”

তর্কবাচস্পতি মহাশয়ের এই ব্যবস্থা সৰ্বাংশে সঙ্গত নহে । জাতেষ্টি মলমাসাদি অশুদ্ধ কালেও অনুষ্ঠিত হইতে পারে ; সুতরাং, তাহাতে শুদ্ধ কালের প্রতীক্ষা করিতে হয় না, তদীয় ব্যবস্থার এ অংশ সৰ্বসম্মত বটে । কিন্তু জাতেষ্টিতে অশৌচান্তের প্রতীক্ষা করিতে হয় না, অর্থাৎ অশৌচকালেও উহার অনুষ্ঠান হইতে পারে ; এ ব্যবস্থা তিনি কোথায় পাইলেন, বলিতে পারি না । পুত্র জন্মিলে জাতেষ্টি ও জাতকর্ম করিবার এবং জাতকর্মের পর বালককে স্তন্যপান করাইবার বিধি আছে । কিন্তু জাতেষ্টি করিতে যত সময় লাগে, তত ক্ষণ স্তন্যপান করিতে না দিলে, বালকের প্রাণবিয়োগ অবধারিত ; এজন্য, অগ্রে স্বল্পকালসাম্য জাতকর্মমাত্র করিয়া, বালককে স্তন্যপান করায় ; পরে, অশৌচান্তে জাতেষ্টি অনুষ্ঠিত হইয়া থাকে । এই ব্যবস্থাই সৰ্বসম্মত বলিয়া অঙ্গীকৃত । তর্কবাচস্পতি মহাশয়, বুদ্ধিবলে, অশ্রুতপূর্ব সৰ্বসম্মত ব্যবস্থা বহিষ্কৃত করিয়াছেন । অশৌচকালেও জাতেষ্টি অনুষ্ঠিত হইতে পারে, ইহা যে সম্পূর্ণ অব্যবস্থা, তদ্বিষয়ে প্রমাণ প্রদর্শনের প্রয়োজন নাই ; তথাপি, তাঁহার প্রীত্যর্থ জাতেষ্টিসংক্রান্ত অধিকরণদ্বয় উদ্ধৃত হইতেছে ;—

“অষ্টাদশম্

জন্মানন্তরমেবেষ্টিজাতকর্মণি বা ক্রুতে ।

নিমিত্তানন্তরং কার্যং নৈমিত্তিকমতোহগ্রিমঃ ॥ ১ ॥

জাতকর্মণি নিবর্তে স্তনপ্রাশনদর্শনাং ।

প্রাগেবেষ্টৌ কুমারস্য বিপত্তেক্লমস্তু সা ॥ ২ ॥

পুত্রজন্মনো বৈশ্বানরেষ্টিনিমিত্তহাং নৈমিত্তিকশ্চ কালবিলম্বা-  
যোগাং জন্মানন্তরমেবেষ্টিরিত্তি চেৎ মৈবং স্তনপ্রাশনং তাবৎ  
জাতকর্মানন্তরং বিহিতং যদি জাতকর্মণঃ প্রাগেব বৈশ্বানরেষ্টি-  
নিরূপ্যত তদা স্তনপ্রাশনশ্চাত্যন্তবিলম্বনাং পুত্রো বিপদোত তথা  
সতি পুত্ৰাদিকমিষ্টিফলং কশ্চ স্যাৎ তস্মান্ন জন্মানন্তরং কিন্তু  
জাতকর্মণ উদ্ধং সেষ্টিঃ” (৬৫) ।

### অষ্টাদশ অধিকরণ

পুত্রজন্মরূপ নিমিত্তবশতঃ, বৈশ্বানর যাগ অর্থাৎ জাতেষ্টি করিতে  
হয় ; নৈমিত্তিকের অনুষ্ঠানে কালবিলম্ব চলে না ; অতএব জন্মের  
পরক্ষণেই জাতেষ্টি করা উচিত, এরূপ বলিও না ; কারণ, জাত-  
কর্মের পর স্তন্যপান করাইবার বিধি আছে ; যদি জাতকর্মের পূর্বে  
জাতেষ্টির ব্যবস্থা কর, তাহা হইলে স্তন্যপানের বিলম্বনিবন্ধন,  
বালকের প্রাণবিয়োগ ঘটে ; বালকের প্রাণবিয়োগ ঘটিলে, যাগের  
ফলভাগী কে হইবেক । অতএব, জন্মের পরক্ষণেই না করিয়া,  
জাতকর্মের পর জাতেষ্টি করা আবশ্যিক ।

### “একোবিংশম্

জাতকর্মানন্তরং স্মাদাশৌচাপগমেহথবা ।

নিমিত্তসন্নিধেরাদ্যঃ কর্ত্ত্বঃ শুদ্ধ্যর্থমুত্তরঃ ॥ ১ ॥

যद्यপি জাতকর্মানন্তরমেব তদনুষ্ঠানে নিমিত্তভূতং জন্ম সন্নি-  
হিতং ভবতি তথাপ্যশৌচনা পিত্রা অনুষ্ঠীয়মানমঙ্গলং বিকলং ভবেৎ  
জাতকর্মণি তু বিপত্তিপরিহারায় তাৎকালিকী শুদ্ধিঃ শাস্ত্রেণৈব  
দর্শিতা মুখ্যসন্নিধেরবশ্যং বাধিতহাং শুদ্ধিলক্ষণাজ্জবৈকলাং বার-  
য়িতুমাশৌচাদূর্দ্ধমিষ্টিং কুর্য্যাৎ” (৬৫) ।

### উনবিংশ অধিকরণ

যদিও, জাতকর্মের পরক্ষণেই জাতেষ্টির অনুষ্ঠান করিলে  
পুত্রজন্মরূপ নিমিত্তসন্নিহিত হয় ; কিন্তু পিতা অশুচি অবস্থায় যাগের

অনুষ্ঠান করিলে, তাহার ফললাভ হইতে পারে না । বালকের প্রাণ-  
বিয়োগরূপ অনিষ্ট নিবারণার্থে, শাস্ত্রকারেরা জাতকর্ম স্থলে পিতার  
তাৎকালিক শুদ্ধি ব্যবস্থা করিয়াছেন । নিমিত্তসম্বিহিত কালে অনুষ্ঠান  
কোনও মতে চলিতে পারে না ; অতএব জাতকর্মের পর না করিয়া,  
কার্য্যসিদ্ধির নিদানভূত শুদ্ধির অনুরোধে, অশৌচান্তে জাতেতির  
অনুষ্ঠান করিবেক ।

শবরস্বামীও, এইরূপ বিচার করিয়া, অশৌচান্তে পূর্ণিমা অথবা  
অমাবস্যাতে জাতেতির অনুষ্ঠান করিবেক, এই সিদ্ধান্ত করিয়াছেন ।  
যথা,

তস্মাদতীতে দশাহে পৌর্ণমাস্যামমাবাস্যায়াম্ বা  
কুর্য্যাৎ (৬৬) ।

অতএব দশাহ অতীত হইলে পূর্ণিমা অথবা অমাবস্যাতে করিবেক ।

তর্কবাচস্পতি মহাশয়ের চতুর্থ আপত্তি এই ;—

“ আর, “ স্ত্রী বন্ধ্যা হইলে অষ্টম বর্ষে, মৃতপুত্র হইলে দশম  
বর্ষে, কন্যামাত্রপ্রসবিনী হইলে একাদশ বর্ষে । ” ইত্যাদি দ্বারা  
যনু প্রভৃতি, অষ্টবর্ষাদি কাল প্রতীক্ষা বলিয়া, বিবাহের  
নৈমিত্তিকত্ব খণ্ডন করিয়াছেন । ”

এই অশ্রুতপূর্ব সিদ্ধান্ত নিতান্ত কৌতুককর । যে বচনে যনু  
নৈমিত্তিক বিবাহের বিধি দিয়াছেন, ঐ বচনে যনু বিবাহের  
নৈমিত্তিকত্ব খণ্ডন করিয়াছেন, ইহা বলা অসম্পা পাত্তিত্যের কর্ম্য নহে ।  
তর্কবাচস্পতি মহাশয়ের অভিপ্রায় এই, নিমিত্তনিশ্চয়ের অব্যবহিত  
পরেই যে কার্য্যের অনুষ্ঠান হয়, তাহাই নৈমিত্তিক । কিন্তু যনু  
বন্ধ্যাত্ত প্রভৃতি নিশ্চয়ের পর অষ্টবর্ষাদি কাল প্রতীক্ষা করিয়া  
বিবাহ করিবার বিধি দিয়াছেন ; সুতরাং, ঐ বিবাহ নিমিত্তনিশ্চয়ের  
অব্যবহিত পরেই অনুষ্ঠিত হইতেছে না ; এজন্ত, উহার নৈমিত্তিকত্ব

ঘটিতে পারে না । এ বিষয়ে বক্তব্য এই যে, যদিই মনু, বন্ধ্যাত্ত প্রভৃতি নিশ্চয়ের পর, বিবাহ বিষয়ে অষ্টবর্ষাদি কালপ্রতীক্ষার বিধি দিয়া থাকেন, তাহা হইলেই বন্ধ্যাত্ত প্রভৃতি নিমিত্ত নিবন্ধন বিবাহের নৈমিত্তিকত্ব নিরস্ত হইবেক কেন । পূর্বে ব্যবস্থাপিত হইয়াছে, ঈদৃশ বিবাহ সাবকাশ নৈমিত্তিক ; বিশিষ্ট কারণবশতঃ সাবকাশ নৈমিত্তিকে কাল প্রতীক্ষা চলে ; সুতরাং নিমিত্তঘটনার অব্যবহিত পরেই উহার অনুষ্ঠানের আবশ্যকতা নাই । যদি ইহা স্থির সিদ্ধান্ত হইত, নৈমিত্তিক কর্ম্মমাত্রে কোনও মতে কাল প্রতীক্ষা চলে না, নিমিত্ত নিশ্চয়ের অব্যবহিত উত্তরকালেই তত্তৎ কর্ম্মের অনুষ্ঠান করিতে হয়, তদ্ব্যতিরেকে, ঐ সকল কর্ম্ম কদাচ নৈমিত্তিক বলিয়া পরিগৃহীত হইতে পারে না ; তাহা হইলেই, ঐ বচনোক্ত বিবাহের নৈমিত্তিকত্ব নিরাকৃত হইতে পারিত ।

কিঞ্চ, তর্কবাচস্পতি মহাশয় ধর্মশাস্ত্রব্যবসায়ী নহেন, সুতরাং ধর্মশাস্ত্রের মর্ম্মগ্রহে অসমর্থ ; সমর্থ হইলে, মনু বন্ধ্যাত্ত প্রভৃতি অবধারণের পর অষ্টবর্ষাদি কাল প্রতীক্ষা করিয়া বিবাহ করিবার বিধি দিয়াছেন, এরূপ অসার ও অসঙ্গত কথা তদীয় লেখনী হইতে নির্গত হইত না । শাস্ত্রকারেরা বিধি দিয়াছেন স্ত্রী বন্ধ্যা, যুতপুত্র বা কন্যামাত্রপ্রসবিনী হইলে, পুরুষ পুনরায় বিবাহ করিবেক । সুতরাং, বন্ধ্যাত্ত প্রভৃতি অবধারিত না হইলে, পুরুষ এই বিধি অনুসারে বিবাহে অধিকারী হইতে পারে না । কিন্তু বন্ধ্যাত্ত প্রভৃতি অবধারণের সহজ উপায় নাই । সচরাচর দেখিতে পাওয়া যায়, কিছুকাল স্ত্রীলোকের সন্তান না হইয়া, অধিক বয়সে সন্তান জন্মিয়াছে ; উপ-র্যুপরি স্ত্রীলোকের কতকগুলি সন্তান মরিয়া, পরে সন্তান জন্মিয়া রক্ষা পাইয়াছে ; ক্রমাগত, স্ত্রীলোকের কতকগুলি কন্যাসন্তান জন্মিয়া, পরে পুত্রসন্তান জন্মিয়াছে । এ অবস্থায়, স্ত্রী বন্ধ্যা, যুতপুত্র বা কন্যামাত্রপ্রসবিনী বলিয়া অবধারণ করা সহজ ব্যাপার নহে । রজো-

নিবৃত্তি না হইলে, স্ত্রীলোকের সম্ভানসম্ভাবনা নিবৃত্ত হয় না । অতএব, যাবৎ রজোনিবৃত্তি না হয়, তাবৎ স্ত্রী বন্ধ্যা, মৃতপুত্রা বা কন্যামাত্র-প্রসবিনী বলিয়া পরিগৃহীত হওয়া অসম্ভব । কিন্তু স্ত্রীর রজোনিবৃত্তি পর্যন্ত অপেক্ষা করিতে গেলে, পুরুষের বয়স অতীত হইয়া যায় ; সে বয়সে দারপরিগ্রহ করিলে, সম্ভানোৎপত্তির সম্ভাবনা থাকা সন্দেহমূল । এইরূপ নিকপায় স্থলে, মনু ব্যবস্থা করিয়াছেন, প্রথম ঋতুদর্শন দিবস হইতে আট বৎসর যে স্ত্রীলোকের সম্ভান না জন্মিবেক, তাহাকে বন্ধ্যা, দশ বৎসর যে স্ত্রীলোকের সম্ভান হইয়া মরিয়া যাইবেক, তাহাকে মৃত-পুত্রা, আর এগার বৎসর যে স্ত্রীলোকের কেবল কন্যাসম্ভান জন্মিবেক, তাহাকে কন্যামাত্রপ্রসবিনী বোধ করিতে হইবেক ; এবং তখন পুরুষের পুত্রকামনায় পুনরায় দারপরিগ্রহ করিবার অধিকার জন্মিবেক । নতুবা, বন্ধ্যাত্ব প্রভৃতি অবধারণের পর আট বৎসর, দশ বৎসর, এগার বৎসর প্রতীক্ষা করিয়া বিবাহ করিবেক, মনুবচনের এরূপ অর্থ নহে । আর, যদি মনুবচনের ঐরূপ অর্থই, তর্কবাচস্পতি মহাশয়ের নিতাস্ত অতিমত হইয়া থাকে, তাহা হইলে, কোন সময়ে ও কি উপায়ে বন্ধ্যাত্ব প্রভৃতি অবধারিত হইবেক, এ বিষয়ের মীমাংসা করিয়া দেওয়া সর্বতোভাবে উচিত ছিল ; কারণ, বন্ধ্যাত্ব প্রভৃতি অবধারিত হইলেই, অবধারণের দিবস হইতে অষ্টবর্ষাদি কালের গণনা আরম্ভ হইতে পারে, তদ্ব্যতিরেকে তাদৃশ কালগণনা কোনও মতে সম্ভবিত্তে পারে না । লোকে ব্যবস্থা অনুসারে চলিতে পারে, এরূপ পথ না করিয়া ব্যবস্থা দেওয়া ব্যবস্থাপকের কর্তব্য নহে ।

তর্কবাচস্পতি মহাশয় স্থলান্তরে নির্দেশ করিয়াছেন,—

“বিদ্যাসাগরেণ নিত্যনৈমিত্তিককাম্যভেদেন বিবাহত্ৰৈবিধ্যং  
যদভিহিতং তৎ কিং মন্বাদিশাস্ত্রোপলব্ধম্ উত স্বপ্নোপলব্ধম্  
অথ স্বশেষমুখীপ্রতিভাসলব্ধং বা তত্র

নিতং নৈমিত্তিকং কাম্যং ত্রিবিধং জ্ঞানমিষ্যতে

ইতি জ্ঞানশ্চ যথা ত্রৈবিধ্যপ্রতিপাদকশাস্ত্রমুপলভ্যতে এবং শাস্ত্রোপলভ্যতাবান্নাভ্যঃ ন চ তথা শাস্ত্রং দৃশ্যতে ন বা তেনাপ্যুপলব্ধম্ । গ্রন্থী ভবতি পণ্ডিত ইত্যুক্তিমনুষ্যত্যা সংস্কৃতপাঠশালাতো গৃহীতশকটভারপুস্তকেনাপি তেন যদি কিঞ্চিৎ প্রমাণমদ্রক্ষ্যত তদা নিরদেক্ষ্যত ন চ নিরদেশি । নাপি তত্র কশ্চিৎ সন্দর্ভশ্চ সম্মতিরস্তি । অতঃ প্রমাণোপন্যাসমন্তরেণ তদ্বচনমাত্রৈ বিশ্বাসভাজঃ সংস্কৃতানভিজ্ঞজনান্ প্রত্যেব তচ্ছোভতে নতু প্রমাণপরতত্ত্বান্ তাত্ত্বিকান্ প্রতি (৭০) । ”

বিদ্যাসাগর নিত্য নৈমিত্তিক কাম্য ভেদে বিবাহের যে ত্রৈবিধ্য ব্যবস্থা করিয়াছেন, তাহা কি মনুপ্রভৃতিপ্রণীত ধর্মশাস্ত্র দেখিয়া করিয়াছেন, না স্বপ্নে পাইয়াছেন, অথবা আপন বুদ্ধিবলে উদ্ভাবিত করিয়াছেন । তন্মধ্যে, “জ্ঞান ত্রিবিধ নিত্য, নৈমিত্তিক, কাম্য” জ্ঞানের যেমন ত্রৈবিধ্যপ্রতিপাদক এই শাস্ত্র দৃষ্ট হইতেছে, সেরূপ শাস্ত্র নাই, সুতরাং ঐ ব্যবস্থা শাস্ত্রানুযায়িনী নহে ; সেরূপ শাস্ত্র দৃষ্ট হইতেছে না, এবং তিনিও পান নাই । “গ্রন্থী ভবতি পণ্ডিতঃ” যাহার অনেক গ্রন্থ আছে সে পণ্ডিতপদবাচ্য, এই উক্তির অনুসরণ করিয়া, তিনি সংস্কৃতপাঠশালা হইতে এক গাড়ী পুস্তক লইয়া গিয়াছেন ; তাহাতেও যদি কিছু প্রমাণ দেখিতে পাইতেন, তাহা হইলে তাহা নির্দেশ করিতেন, কিন্তু নির্দেশ করেন নাই । এ বিষয়ে কোন গ্রন্থেরও সম্মতি দেখিতে পাওয়া যায় না । অতএব প্রমাণ প্রদর্শন ব্যতিরেকে অবলম্বিত ঐ ত্রৈবিধ্যব্যবস্থা তদীয় বাক্যে বিশ্বাসকারী সংস্কৃতানভিজ্ঞ ব্যক্তিদের নিকটেই শোভা পাইবেক, প্রমাণপরতত্ত্ব তাত্ত্বিকদিগের নিকটে নহে ।

এ বিষয়ে বক্তব্য এই যে, আমি মনুপ্রভৃতিপ্রণীত শাস্ত্র অবলম্বন করিয়া, বিবাহের ত্রৈবিধ্য ব্যবস্থা করিয়াছি ; ঐ ব্যবস্থা স্বপ্নে প্রাপ্ত অথবা বুদ্ধিবলে উদ্ভাবিত নহে । তর্কবাচস্পতি মহাশয় যে মীমাংসা করিয়াছেন, তদনুসারে বিবাহমাত্রই কাম্য, সুতরাং বিবাহের কাম্যত্ব

অংশে তাঁহার কোনও আপত্তি নাই ; কেবল, বিবাহের নিত্যত্ব ও নৈমিত্তিকত্ব অংশেই তিনি আপত্তি উত্থাপন করিয়াছেন । ইতিপূর্বে যে সকল শাস্ত্র প্রদর্শিত হইয়াছে, আমার বোধে, তদ্বারা বিবাহের নিত্যত্ব ও নৈমিত্তিকত্ব নিঃসংশয়িতরূপে প্রতিপাদিত হইয়াছে । সুতরাং, বিবাহের নিত্যত্ব ও নৈমিত্তিকত্ব ব্যবস্থা শাস্ত্রানুযায়িনী নহে, তর্কবাচস্পতি মহাশয়ের এই নির্দেশ কোনও মতে সঙ্গত হইতেছে না ।

কিঞ্চ,

“ স্নান ত্রিবিধ, নিত্য নৈমিত্তিক কাম্য । ” স্নানের যেমন ত্রৈবিধ্যপ্রতিপাদক এই শাস্ত্র দৃষ্ট হইতেছে, সেরূপ শাস্ত্র নাই । ”

তর্কবাচস্পতি মহাশয় ধর্মশাস্ত্রব্যবসায়ী হইলে, কখনও এরূপ নির্দেশ করিতে পারিতেন না । কর্মবিশেষ নিত্য, নৈমিত্তিক বা কাম্য ; কোনও কোনও স্থলে বচনে এরূপ নির্দেশ দেখিতে পাওয়া যায় । কিন্তু সকল স্থলে সেরূপ নির্দেশ নাই ; অথচ, সে সকল স্থলে, তত্তৎ কর্ম নিত্য বা নৈমিত্তিক বা কাম্য বলিয়া পরিগণিত হইয়া থাকে । বচনে নিত্যত্ব প্রভৃতির নির্দেশ না থাকিলে, কর্ম সকল নিত্য প্রভৃতি বলিয়া পরিগণিত হইবেক না, এ কথা বলা যাইতে পারে না । সন্ধ্যাবন্দন, নিত্য কর্ম বলিয়া পরিগৃহীত ; কিন্তু বচনে নিত্য বলিয়া নির্দেশ নাই । একোদ্দিষ্ট শ্রাদ্ধ নিত্য ও নৈমিত্তিক বলিয়া পরিগণিত ; কিন্তু বচনে নিত্য ও নৈমিত্তিক বলিয়া নির্দেশ নাই । একাদশীর উপবাস নিত্য ও কাম্য বলিয়া ব্যবস্থাপিত ; কিন্তু বচনে নিত্য ও কাম্য বলিয়া নির্দেশ নাই । যে যে হেতুতে কর্ম সকল নিত্য, নৈমিত্তিক বা কাম্য বলিয়া ব্যবস্থাপিত হইবেক, শাস্ত্রকারেরা তৎসমুদয় বিশিষ্টরূপে দর্শাইয়া গিয়াছেন ; তদনুসারে সর্বত্র নিত্যত্ব প্রভৃতি ব্যবস্থাপিত হইয়া থাকে । স্নান, দান, জাতকর্ম, নান্দীশ্রাদ্ধ প্রভৃতি কতিপয় স্থলে বচনে যে নিত্য, নৈমিত্তিক, কাম্য এরূপ নির্দেশ আছে, তাহা বাহুল্যমাত্র ; তাহা না থাকিলেও, তত্তৎ কর্মের নিত্যত্ব প্রভৃতি

নিরূপণ পূর্বোল্লিখিত সাধারণ নিয়ম দ্বারা হইতে পারিত । বচনে নির্দেশ না থাকিলে, যদি নিত্যত্ব প্রভৃতি ব্যবস্থাপিত হইতে না পারে, তাহা হইলে সন্ধ্যাবন্দন, একোদ্বিষ্ট শ্রাদ্ধ, একাদশীর উপবাস প্রভৃতির নিত্যত্ব প্রভৃতি ব্যবস্থাপিত হইতে পারে না । বচনে নিত্য, নৈমিত্তিক, কাম্য এরূপ নির্দেশ থাকুক বা না থাকুক, বিধিবাক্যে নিত্যশব্দ-প্রয়োগ, লঙ্ঘনে দোষশ্রুতি প্রভৃতি হেতু থাকিলে, সেই বিধি অনুযায়ী কর্ম নিত্য বলিয়া পরিগণিত হইবেক ; বিধিবাক্যে ফলশ্রুতি থাকিলে, সেই বিধি অনুযায়ী কর্ম কাম্য বলিয়া পরিগণিত হইবেক ; বিধিবাক্যে নিমিত্তবশতঃ যে কর্মের অনুষ্ঠান অনুমত হইবেক, তাহা নৈমিত্তিক বলিয়া পরিগণিত হইবেক । অতএব বচনে নিত্য, নৈমিত্তিক, কাম্য ইত্যাদি শব্দে নির্দেশ না থাকিলে, বৈধ কর্মের নিত্যত্ব প্রভৃতি সিদ্ধ হয় না, ইহা নিতান্ত অকিঞ্চিৎকর কথা ।

অপিচ,

“এ বিষয়ে কোনও ঐশ্বেরও সম্মতি দেখিতে পাওয়া যায় না” ।

তর্কবাচস্পতি মহাশয়ের এই নির্দেশ অনভিজ্ঞতার পরিচায়কমাত্র । বিবাহের নিত্যত্ব বিষয়ে অতি প্রসিদ্ধ প্রাচীন ঐশ্বের সম্মতি লক্ষিত হইতেছে । যথা,

“রতিপুত্রধর্মার্থভেন বিবাহস্ত্রিবিধঃ তত্র পুত্রার্থে দ্বিবিধঃ  
নিত্যঃ কাম্যশ্চ তত্র নিত্যে প্রজার্থে সর্বণঃ শ্রোত্রিয়ো বরঃ  
ইত্যনেন সর্বণা মুখ্যা দর্শিতা ” (৭১) ।

বিবাহ ত্রিবিধ রত্যর্থ, পুত্রার্থ ও ধর্মার্থ ; তন্মধ্যে পুত্রার্থ বিবাহ দ্বিবিধ নিত্য ও কাম্য ; তন্মধ্যে নিত্য পুত্রার্থ বিবাহে সর্বণা কন্যা মুখ্যা, ইহা “সর্বণঃ শ্রোত্রিয়ো বরঃ” এই বচন দ্বারা দর্শিত হইয়াছে ।

এস্থলে বিজ্ঞানেশ্বর অসন্দিগ্ধ বাক্যে বিবাহের নিত্যত্ব স্বীকার করিয়া গিয়াছেন । অতএব, তর্কবাচস্পতি মহাশয়কে অগত্যা স্বীকার করিতে

হইতেছে, বিবাহের নিত্যত্বব্যবস্থা বিষয়ে অন্ততঃ মিতাক্ষরানামক গ্রন্থের সম্মতি আছে। কোতুকের বিষয় এই, তিনি মিতাক্ষরার উপরি উদ্ধৃত অংশের

“রতিপুত্রধর্মার্থত্বেন বিবাহস্ত্রিবিধঃ” ।

বিবাহ ত্রিবিধ রত্যর্থ, পুত্রার্থ ও ধর্মার্থ ।

এই প্রথম বাক্যটি বিবাহের কাম্যত্বসংস্থাপনপ্রকরণে প্রমাণস্বরূপ উদ্ধৃত করিয়াছেন (৭২); কিন্তু উহার অব্যবহিতপরবর্তী

“তত্র পুত্রার্থো দ্বিবিধঃ নিত্যঃ কাম্যশ্চ” ।

তন্মধ্যে পুত্রার্থ বিবাহ দ্বিবিধ নিত্য ও কাম্য ।

এই বাক্যে, নিত্য কাম্য ভেদে বিবাহ দ্বিবিধ, এই যে নির্দেশ আছে, অনুগ্রহ করিয়া দিব্য চক্ষে তাহা নিরীক্ষণ করেন নাই ।

বিবাহের নৈমিত্তিকত্ব বিষয়েও প্রসিদ্ধ গ্রন্থের সম্মতি দৃষ্ট হইতেছে। যথা,

“অধিবেদনং ভার্য্যান্তরপরিগ্রহঃ অধিবেদননিমিত্তাণ্যপি স এবাহ সুরাপী ব্যাধিতা ধূর্তা বন্ধ্যার্থঘ্ন্যপ্রিয়ংবদা ।

স্ত্রীপ্রসূচাধিবেত্তব্য। পুরুষদ্বৈষিণী তথৈতি (৭৩) ॥”

পূর্বপরিণীতা স্ত্রীর জীবদ্দশায় পুনরায় দারপরিগ্রহের নাম অধিবেদন। যে সকল নিমিত্তবশতঃ অধিবেদন করিতে পারে, যাজ্ঞ-বল্ক্য তৎসমুদয়ের নির্দেশ করিয়াছেন। যথা, স্ত্রী সুরাপায়িনী, চিররোগিণী, ব্যভিচারিণী, বন্ধ্যা, অর্থনাশিনী, অপ্রিয়বাদিনী, কন্যামাত্রপ্রসবিনী, ও পতিদ্বৈষিণী হইলে, পুনরায় দারপরিগ্রহ করিবেক।

(৭২) এতৎ সৰ্ব্বমভিসন্ধায় বিজ্ঞানেশ্বরেণ মিতাক্ষরায়ামাচারাদ্যায়ে রতিপুত্রধর্মার্থত্বেন বিবাহস্ত্রিবিধ ইত্যুক্তম্ । বহুবিবাহবাদ, ১০ পৃষ্ঠা ।

এই সকল অনুধাবন করিয়া বিজ্ঞানেশ্বর, মিতাক্ষরার আচারাদ্যায়ে, “রতিপুত্রধর্মার্থত্বেন বিবাহস্ত্রিবিধঃ” এই কথা বলিয়াছেন ।

(৭৩) পরাশরভাষ্য, দ্বিতীয় অধ্যায় ।

“অধিবেদনং দ্বিবিধং ধর্মার্থং কামার্থঞ্চ তত্র পুত্রোৎপত্তাদি-  
ধর্মার্থে পূর্বোক্তানি মদ্যপত্নাদীনি নিমিত্তানি কামার্থে তু ন  
তান্য়পেক্ষিতানি (৭৪) । ”

“দ্বিবিধং হুধিবেদনং ধর্মার্থং কামার্থঞ্চ তত্র পুত্রোৎপত্তাদি-  
ধর্মার্থে প্রাপ্তোক্তানি মদ্যপত্নাদীনি নিমিত্তানি কামার্থে তু ন তান্য়-  
পেক্ষিতানি (৭৫) । ”

অধিবেদন দ্বিবিধ ধর্মার্থ ও কামার্থ ; তাহার মধ্যে পুত্রোৎপত্তি  
প্রভৃতি ধর্মার্থ অধিবেদনে পূর্বোক্ত সুরাপানাদিরূপ নিমিত্তঘটনা  
আবশ্যক ; কামার্থ বিবাহে সে সকলের অপেক্ষা করিতে হয় না ।

“এতন্নিমিত্তাভাবে নাধিবেত্তব্যোত্যাহ আপত্ত্বঃ

ধর্মপ্রজ্ঞাসম্পাদে দারে নান্য়ং কুর্কীত (৭৬) । ”

আপত্ত্ব কহিয়াছেন, এই সকল নিমিত্ত না ঘটিলে অধিবেদন  
করিতে পারিবেক না ; যথা, যে স্ত্রীর সহযোগে ধর্মকার্য ও পুত্র-  
লাভ সম্পন্ন হয়, তৎসম্বন্ধে অন্য স্ত্রী বিবাহ করিবেক না ।

এক্ষণে,

- ১। “যে সকল নিমিত্তবশতঃ অধিবেদন করিতে পারে । ”
  - ২। “ধর্মার্থ অধিবেদনে পূর্বোক্ত সুরাপানাদিরূপ নিমিত্ত ঘটনা  
আবশ্যক” ।
  - ৩। “এই সকল নিমিত্ত না ঘটিলে অধিবেদন করিতে পারিবেক না” ।
- ইত্যাদি লিখন দ্বারা, স্ত্রীর বন্ধ্যাত্ব প্রভৃতি নিমিত্তবশতঃ রূত  
বিবাহের নৈমিত্তিকত্ববিষয়ে পরাশরভাষ্য, বীরমিত্রোদয় ও চতুর্বিংশতি-  
স্মৃতিব্যাখ্যা এই সকল গ্রন্থের সম্মতি আছে কি না, তাহা সর্বশাস্ত্র-  
বেত্তা তর্কবাচস্পতি মহোদয় বিবেচনা করিয়া দেখিবেন ।

অপরঞ্চ,

“অতএব প্রমাণপ্রদর্শন ব্যতিরেকে অবলম্বিত ঐ ত্রৈবিধ্যব্যবস্থা  
তদীয় বাক্যে বিশ্বাসকারী সংস্কৃতানভিচ্ছ ব্যক্তিদের নিকটেই  
শোভা পাইবেক, প্রমাণপরতন্ত্র তাত্ত্বিকদিগের নিকটে নহে” ।

এ বিষয়ে বক্তব্য এই যে, ইতিপূর্বে যে রূপ দর্শিত হইয়াছে, তদনুসারে বিবাহের ত্রৈবিধ্যব্যবস্থা প্রমাণপ্রদর্শনপূর্বক অথবা প্রমাণপ্রদর্শন ব্যতিরেকে অবলম্বিত হইয়াছে, তাহা সকলে বিবেচনা করিয়া দেখিবেন । তর্কবাচস্পতি মহাশয় সিদ্ধান্ত করিয়াছেন, আমার অবলম্বিত ব্যবস্থা তান্ত্রিকদিগের নিকটে শোভা পাইবেক না । কিন্তু আমার সামান্য বিবেচনায়, তান্ত্রিকমাত্রেই ঐ ব্যবস্থা অগ্রাহ্য করিবেন, এরূপ বোধ হয় না ; তবে যাঁহারা তাঁহার মত ঘোর তান্ত্রিক, তাঁহাদের নিকটে উহা গ্রাহ্য হইবেক, এরূপ প্রত্যাশা করিতে পারা যায় না ।

বিবাহের নিত্যত্ব ও নৈমিত্তিকত্ব খণ্ডন করিয়া, তর্কবাচস্পতি মহাশয় প্রকরণের উপসংহার করিতেছেন,

“ইখং বিবাহস্ত কেবলনিত্যং কেবলনৈমিত্তিকত্বঞ্চ ত্রৈবিধ্য-  
বিভাজকোপাধিতয়া তেন যৎ প্রমাণমন্তরেণৈব কম্পিতং তৎ  
প্রতিক্ষিপ্তং তচ্চ দ্বিশকটপুস্তকভারাহরণেন উপদেশসহস্রানুসর-  
ণেন বা তেন সমাধেয়ম্ (৭৭) । ”

এইরূপে বিদ্যাসাগর প্রমাণ ব্যতিরেকেই, ত্রৈবিধ্য বিভাজক উপাধি স্বরূপে, যে বিবাহের কেবলনিত্যত্ব ও কেবলনৈমিত্তিকত্ব কম্পনা করিয়াছেন, তাহা খণ্ডিত হইল । এক্ষণে তিনি, দুই গাড়ী পুস্তক আহরণ অথবা সহস্র উপদেশ গ্রহণ করিয়া, তাহার সমাধান করুন ।

তর্কবাচস্পতি মহাশয়, দয়া করিয়া, আমায় যে এই উপদেশ দিয়াছেন, তজ্জন্তু তাঁহাকে ধন্যবাদ দিতেছি । আমি তাঁহার মত সর্বজ্ঞ নহি ; সুতরাং, পুস্তকবিরহিত ও উপদেশনিরপেক্ষ হইয়া, বিচারকার্য্য নির্বাহ করিতে পারি, আমার এরূপ সাহস বা এরূপ অভিমান নাই । বস্তুতঃ, তাঁহার উত্থাপিত আপত্তি সমাধানের নিমিত্ত, আমায় বহু পুস্তক দর্শন ও সংশয়স্থলে উপদেশ গ্রহণ করিতে হইয়াছে । তিনি আত্মীয়তাভাবে ঈদৃশ উপদেশ প্রদান না

করিলেও, আমায় তদনুরূপ কার্য্য করিতে হইত, তাহার সন্দেহ নাই। তর্কবাচস্পতি মহাশয় সবিশেষ অবগত ছিলেন, এজন্য পূর্বে নির্দেশ করিয়াছেন, আমি সংস্কৃতপাঠশালা হইতে এক গাড়ী পুস্তক আহরণ করিয়াছি (৭৮)। কিন্তু, দেখ, তিনি কেমন সরল, কেমন পরহিতৈষী; এক গাড়ী পুস্তক পর্য্যাপ্ত হইবেক না, যেমন বুঝিতে পারিয়াছেন, অমনি দুই গাড়ী পুস্তক আহরণের উপদেশ দিয়াছেন। কিন্তু, দুর্ভাগ্যবশতঃ, আমি যে সকল পুস্তক আহরণ করিয়াছি, আমার আশঙ্কা হইতেছে, তাহা দুই গাড়ী পরিমিত হইবেক না; বোধ হয়, অথবা বোধ হয় কেন, একপ্রকার নিশ্চয়ই, কিছু ন্যূন হইবেক; সুতরাং, সম্পূর্ণভাবে তদীয় তাদৃশ নিকপম উপদেশ পালন করা হয় নাই; এজন্য, আমি অতিশয় চিন্তিত, দুঃখিত, লজ্জিত, কুণ্ঠিত ও শঙ্কিত হইতেছি। দয়াময় তর্কবাচস্পতি মহাশয়, যেরূপ দয়া করিয়া, আমায় ঐ উপদেশ দিয়াছেন, যেন সেইরূপ দয়া করিয়া, আমার এই অপরাধ মার্জনা করেন। আর, এ স্থলে ইহাও-নির্দেশ করা আবশ্যিক, যদিও তদীয় উপদেশের এ অংশে আমার কিঞ্চিৎ ত্রুটি হইয়াছে; কিন্তু অপর অংশে, অর্থাৎ তাঁহার উত্থাপিত আপত্তির সমাধান বিষয়ে, যত্ন ও পরিশ্রমের ত্রুটি করি নাই। সুতরাং, সে বিষয়ে মহানুভাব তর্কবাচস্পতি মহোদয় আমায় নিতান্ত অপরাধী করিতে পারিবেন, এরূপ বোধ হয় না।

---

(৭৮) গ্রন্থী ভবতি পণ্ডিত ইত্যুক্তিমনুষ্যত্ব সংস্কৃতপাঠশালাতো গৃহীত-শকটভারপুস্তকেন। বহুবিবাহবাদ, ১৩ পৃষ্ঠা।

যাহার অনেক গ্রন্থ আছে সে পণ্ডিতপদবাচ্য, এই উক্তির অনুসরণ করিয়া, সংস্কৃতপাঠশালা হইতে এক গাড়ী পুস্তক লইয়া গিয়াছেন।

---

## তর্কবাচস্পতিপ্রকরণ

### তৃতীয় পরিচ্ছেদ ।

শ্রীযুত তারানাথ তর্কবাচস্পতি সিদ্ধান্ত করিয়াছেন,

“ইচ্ছায়া নিরকুশত্ৰাস্ত যাবদিচ্ছং তাবদ্বিবাহশ্চোচিতত্ৱাৎ (১) । ”

ইচ্ছার নিয়ামক নাই, অতএব যত ইচ্ছা বিবাহ করা উচিত ।

এই ব্যবস্থার অথবা উপদেশবাক্যের সৃষ্টিকর্তা তর্কবাচস্পতি মহাশয়কে ধন্যবাদ দিতেছি, এবং আশীর্বাদ করিতেছি, তিনি চিরজীবী হউন এবং এইরূপ সদ্যবস্থা ও সঙ্গুপদেশদান দ্বারা স্বদেশীয়দিগের সদাচারশিক্ষা ও জ্ঞানচক্ষুর উন্মীলন বিষয়ে সহায়তা করিতে থাকুন । তাঁহার মত সূক্ষ্ম বুদ্ধি, অগাধ বিদ্যা ও প্রভূত সাহস ব্যতিরেকে, এরূপ অভূতপূর্ব ব্যবস্থার উদ্ভব কদাচ সম্ভব নহে । তদপেক্ষা ন্যূনবুদ্ধি, ন্যূনবিদ্যা ও ন্যূনসাহস ব্যক্তির, “যত ইচ্ছা বিবাহ করা উচিত,” কদাচ ঈদৃশ ব্যবস্থা দিতে সাহস হয় না ; তাদৃশ ব্যক্তি, অত্যন্ত সাহসী হইলে, “যত ইচ্ছা বিবাহ করিতে পারে,” কথঞ্চিৎ এরূপ ব্যবস্থা দিতে পারেন । যাহা হউক, তিনি যে ব্যবস্থা দিয়াছেন, তাহা কত দূর সঙ্গত, তাহার আলোচনা করা আবশ্যিক ।

দ্বিতীয় পরিচ্ছেদে প্রতিপাদিত হইয়াছে, নিত্য, নৈমিত্তিক, নিত্য-

---

(১) বহুবিবাহবাদ, ৩৭ পৃষ্ঠা ।

নৈমিত্তিক ও কাম্য ভেদে বিবাহ চতুর্বিধ । ব্রহ্মচর্য্যসমাপনান্তে গৃহ-  
গৃহ হইতে স্বেগৃহ প্রত্যাগমন পূর্ব্বক যে বিবাহ করিবার বিধি আছে,  
তাহা নিত্য বিবাহ । যথা,

গুরুণানুমতঃ স্নাত্বা সমাবর্ত্তো যথাবিধি ।

উদ্বাহেত দ্বিজো ভাৰ্য্যাং সৰ্বণাং লক্ষণাবিতাম্ ॥৩৪॥ (২)

দ্বিজ, গুরুর অনুজ্ঞানান্তে, যথাবিধানে স্নান ও সমাবর্ত্তন  
করিয়া, সজ্জাতিয়া সুলক্ষণা ভাৰ্য্যার পানিগ্রহণ করিবেক ।

পূর্ব্বপরিণীতা স্ত্রীর বন্ধ্যাত্ব প্রভৃতি নিমিত্ত বশতঃ, তাহার জীব-  
দশায় পুনরায় যে বিবাহ করিবার বিধি আছে, তাহা নৈমিত্তিক  
বিবাহ । যথা,

সুরাপী ব্যাধিতা ধূর্তা বন্ধ্যার্থপ্রিয়ংবদা ।

স্ত্রীপ্রসূচ্যধিবেত্তব্য পুরুষদ্বৈষিণী তথা ॥ ১ । ৭৩ । (৩)

যদি স্ত্রী সুরাপায়িণী, চিররোগিণী, ব্যভিচারিণী, বন্ধ্যতা, অর্থ-  
নাশিনী, অপ্ৰিয়বাদিনী, কন্যামাত্রপ্রসবিনী ও পতিদ্বৈষিণী হয়,  
তৎসঙ্গে অধিবেদন, অর্থাৎ পুনরায় দারপরিগ্রহ, করিবেক ।

পুত্রলাভ ও ধর্ম্মকার্য্যসাধন গৃহস্থাশ্রমের প্রধান উদ্দেশ্য ; পুত্র-  
লাভ ব্যতিরেকে পিতৃঋণের পরিশোধ হয় না ; যজ্ঞাদি ধর্ম্মকার্য্য  
ব্যতিরেকে দেবঋণের পরিশোধ হয় না । স্ত্রী বন্ধ্যতা, ব্যভিচারিণী,  
সুরাপায়িণী প্রভৃতি হইলে, গৃহস্থাশ্রমের দুই প্রধান উদ্দেশ্য সম্পন্ন  
হয় না ; এজন্য, শাস্ত্রকারেরা পূর্ব্বপরিণীতা স্ত্রীর বন্ধ্যাত্ব প্রভৃতি  
নিমিত্ত ঘটিলে, তাহার জীবদশায় পুনরায় দারপরিগ্রহের বিধি  
দিয়াছেন । গৃহস্থাশ্রম সম্পাদন কালে, যত বার নিমিত্ত ঘটিবেক,  
তত বার বিবাহ করিবার অধিকার ও আবশ্যিকতা আছে । যথা,

অপুত্রঃ সন্ পুনর্দারান্ পরিণীয় ততঃ পুনঃ ।

পরিণীয় সমুৎপাদ্য নোচেদা পুত্রদর্শনাৎ ।

বিরক্তশ্চেদ্বনং গচ্ছেৎ সন্ন্যাসং বা সমাশ্রয়েৎ (৪) ॥

প্রথমপরিণীতা স্ত্রীতে পুত্র না জন্মিলে, পুনরায় বিবাহ করিবেক; তাহাতেও পুত্র না জন্মিলে, পুনরায় বিবাহ করিবেক; এইরূপে, যাবৎ পুত্রলাভ না হয়, তাবৎ বিবাহ করিবেক; আর, এই অবস্থায় যদি বৈরাগ্য জন্মে, বনগমন অথবা সন্ন্যাস অবলম্বন করিবেক ।

শাস্ত্রকারেরা, যাবৎ নিমিত্ত ঘটবেক তাবৎ বিবাহ করিবেক, এইরূপ বিধি প্রদান করিয়া, নিমিত্ত না ঘটিলে পূর্বপরিণীতা স্ত্রীর জীবদ্দশায় পুনরায় বিবাহ করিতে পারিবেক না, এইরূপ নিষেধও প্রদর্শন করিয়াছেন । যথা,

ধর্ম্যপ্রজাসম্পন্নে দারে নান্যাং কুর্কীত । ২।৫।১২। (৫)

যে স্ত্রীর সহযোগে ধর্ম্যকার্য ও পুত্রলাভ সম্পন্ন হয়, তৎসঙ্গে অন্য স্ত্রী বিবাহ করিবেক না ।

এই শাস্ত্র অনুসারে, পুত্রলাভ ও ধর্ম্যকার্য সম্পন্ন হইলে, পূর্বপরিণীতা স্ত্রীর জীবদ্দশায় পুনরায় দারপরিগ্রহে পুরুষের অধিকার নাই । পূর্বপরিণীতা স্ত্রীর মৃত্যু হইলে, গৃহস্থ ব্যক্তির পুনরায় দারপরিগ্রহ আবশ্যিক; এজন্য, শাস্ত্রকারেরা তাদৃশ স্থলে পুনরায় যে বিবাহ করিবার বিধি দিয়াছেন, তাহা নিত্যনৈমিত্তিক বিবাহ । যথা,

ভার্য্যায়ৈ পূর্বমারিণ্যৈ দত্ত্বাশ্বীনন্ত্যকর্ম্মণি ।

পুনর্দারক্রিয়াং কুর্ষ্যৎ পুনরাধানমেব চ ॥ ৫।১৬৮। (৬)

পূর্বমৃত স্ত্রীর যথাবিধি অশ্ব্যজিক্রিয়া নির্বাহ করিয়া, পুনরায় দারপরিগ্রহ ও পুনরায় অগ্ন্যাধান করিবেক ।

(৪) বীরমিত্রোদয় ও বিধানপারিজাতমৃত স্মৃতি । (৬) মনুসংহিতা ।

(৫) আপস্তম্বীয় ধর্ম্মসূত্র ।

এইরূপে শাস্ত্রকারেরা, গৃহশাস্ত্রের প্রধান দুই উদ্দেশ্য সাধনের নিমিত্ত, নিত্য, নৈমিত্তিক, নিত্যনৈমিত্তিক এই ত্রিবিধ বিবাহের বিধি প্রদর্শন করিয়া, রতিকামনায় পূর্বপরিণীতা স্ত্রীর জীবদ্দশায় পুনরায় বিবাহপ্রবৃত্ত ব্যক্তির পক্ষে যে অসবর্ণবিবাহের বিধি প্রদান করিয়াছেন, তাহা কাম্য বিবাহ । যথা,

সবর্ণাণ্ডে দ্বিজাতীনাং প্রশস্তা দারকৰ্ম্মণি ।

কামতন্তু প্রবৃত্তানামিমাঃ সূ্যঃ ক্রমশোহবরাঃ । ৩।১২। (৭)

দ্বিজাতিদিগের প্রথম বিবাহে সবর্ণা কন্যা বিহিতা ; কিন্তু যাহারা কামবশতঃ বিবাহে প্রবৃত্ত হয়, তাহারা অনুলোমক্রমে অসবর্ণা বিবাহ করিবেন ।

রতিকামনায় অসবর্ণবিবাহে প্রবৃত্ত হইলে, পূর্বপরিণীতা সবর্ণা স্ত্রীর সম্মতিগ্রহণ আবশ্যিক । যথা,

একামুৎক্রম্য কামার্থমন্যাং লব্ধুং য ইচ্ছতি ।

সমর্থস্তোষয়িত্বার্থৈঃ পূর্বোঢ়ামপরাং বহেৎ (৮) ॥

যে ব্যক্তি স্ত্রীসঙ্গে কামবশতঃ পুনরায় বিবাহ করিতে ইচ্ছা করে, সে সমর্থ হইলে অর্থ দ্বারা পূর্বপরিণীতা স্ত্রীকে সন্তুষ্ট করিয়া, অন্য স্ত্রী বিবাহ করিবেন ।

শাস্ত্রকারেরা কামুক পুরুষের পক্ষে অসবর্ণবিবাহের বিধি দিয়াছেন বটে; কিন্তু সেই সঙ্গে পূর্ব স্ত্রীর সম্মতিগ্রহণরূপ নিয়ম বিধিবদ্ধ করিয়া, কাম্য বিবাহের পথ একপ্রকার বন্ধ করিয়া রাখিয়াছেন, বলিতে হইবেক ; কারণ, হিতাহিতবোধ ও সদসদ্বিবেচনাশক্তি আছে, এরূপ কোনও স্ত্রীলোক, অর্থলোভে, চির কালের জঘ্ন, অপদস্থ হইতে ও সপত্নীযন্ত্রণারূপ নরকভোগ করিতে সম্মত হইতে পারে, সম্ভব বোধ হয় না ।

বিবাহবিষয়ক বিধি সকল প্রদর্শিত হইল । ইহা দ্বারা স্পষ্ট

(৭) মনুসংহিতা ।

(৮) স্মৃতিচল্লিকা পরাশরভাষ্য মদনপারিজাত প্রভৃতি দ্বিত দেবলবচন ।

প্রতীয়মান হইতেছে, গৃহস্থাশ্রমের উদ্দেশ্য সাধনের নিমিত্ত, গৃহস্থ ব্যক্তির পক্ষে দারপরিগ্রহ নিতান্ত আবশ্যিক । মনু কহিয়াছেন,

অপত্যং ধর্মকার্য্যাণি শুশ্রূষা রতিরুত্তমা ।

দারাধীনস্তথা স্বর্গঃ পিতৃণামানুশচ হ ॥ ৯ । ২৮ । (৯)

পুত্রোৎপাদন, ধর্মকার্য্যের অনুষ্ঠান, শুশ্রূষা, উত্তম রতি এবং পিতৃলোকের ও আপনার স্বর্গলাভ এই সমস্ত স্ত্রীর অধীন ।

প্রথমবিবাহিতা স্ত্রীর দ্বারা এই সকল সম্পন্ন হইলে, তাহার জীবদ্দশায় পুনরায় বিবাহ করা শাস্ত্রকারদিগের অভিমত নহে । এজন্য, আপস্তম্ব তাদৃশ স্থলে স্পষ্ট বাক্যে বিবাহের নিষেধ করিয়া গিয়াছেন । স্ত্রীর বন্ধ্যাত্ব প্রভৃতি দোষবশতঃ পুত্রোৎপাদনের অথবা ধর্মকার্য্যানুষ্ঠানের ব্যাঘাত ঘটিলে, শাস্ত্রকারেরা তাদৃশ স্ত্রীর জীবদ্দশায় পুনরায় দারপরিগ্রহের বিধি দিয়াছেন । পুত্রোৎপাদনের নিমিত্ত, যত বার আবশ্যক, বিবাহ করিবেক; অর্থাৎ প্রথমপরিণীতা স্ত্রী পুত্রবতী না হইলে, তৎসত্ত্বে বিবাহ করিবেক ; এবং দ্বিতীয়পরিণীতা স্ত্রী পুত্রবতী না হইলে, পুনরায় বিবাহ করিবেক ; এইরূপে, যাবৎ পুত্রলাভ না হয়, তাবৎ বিবাহ করিবেক । আর, যদি প্রথমপরিণীতা স্ত্রীর সহযোগে কোনও ব্যক্তির রতিকামনা পূর্ণ না হয়, সে রতিকামনা পূর্ণ করিবার নিমিত্ত, পূর্বপরিণীতা সর্বর্ণা স্ত্রীর সম্মতিগ্রহণপূর্বক, অসবর্ণা বিবাহ করিবেক । অতএব, পূর্বপরিণীতা স্ত্রীর বন্ধ্যাত্ব প্রভৃতি নিমিত্তবশতঃ, অথবা উৎকট রতিকামনাবশতঃ, গৃহস্থ ব্যক্তির বহু বিবাহ সম্ভব ; এই দুই কারণ ব্যতিরেকে, একাধিক বিবাহ শাস্ত্রানুসারে কোনও ক্রমে সম্ভবিত্তে পারে না । উক্তপ্রকারে বহু বিবাহ সম্ভব হওয়াতে, কোনও কোনও ঋষিবাক্যে এক ব্যক্তির বহু বিবাহের উল্লেখ দেখিতে পাওয়া যায় । যথা,

(৯) মনুসংহিতা ।

অগ্নিশিষ্টাদিশুশ্রমাং বহুভার্য্যঃ সৰ্গয়া ।

কারয়েত্তদ্বহুত্বং চেজ্যেষ্ঠয়া গর্হিতা ন চেৎ (১০) ॥

যাহার অনেক ভার্য্যা থাকে, সে ব্যক্তি অগ্নিশুশ্রমা অর্থাৎ অগ্নি-  
হোতাদি যজ্ঞানুষ্ঠান, ও শিষ্টশুশ্রমা অর্থাৎ অতিথি অভ্যাগত প্রভৃতির  
পরিচর্যা সৰ্গয়া স্ত্রী সমভিব্যাহারে সম্পন্ন করিবেক; আর, যদি সৰ্গয়া  
বহু ভার্য্যা থাকে, জ্যেষ্ঠা সমভিব্যাহারে সম্পন্ন করিবেক, যদি সে  
ধর্ম্মকার্য্যে অযোগ্যতা প্রতিপাদক দোষে আক্রান্ত না হয় ।

এই রূপে, যে যে স্থলে বহুভার্য্যাবিবাহের উল্লেখ দৃষ্ট হইবেক, পূর্ব-  
পরিণীতা স্ত্রীর বন্ধ্যাত্ব প্রভৃতি নিমিত্ত অথবা উৎকট রতিকামনা ঐ  
বহুভার্য্যাবিবাহের নিদান বলিয়া বুঝিতে হইবেক । বস্তুতঃ, যখন  
পূর্বপরিণীতা স্ত্রীর বন্ধ্যাত্ব প্রভৃতি নিমিত্ত ঘটিলে, তাহার জীবদ্দশায়  
পুনরায় সৰ্গয়া বিবাহের বিধি দৃষ্ট হইতেছে ; যখন তাদৃশ নিমিত্ত না  
ঘটিলে, সৰ্গয়া বিবাহের স্পষ্ট নিবেদ লক্ষিত হইতেছে ; এবং যখন  
উৎকট রতিকামনার বশবর্তী হইয়া, পূর্বপরিণীতা স্ত্রীর জীবদ্দশায়  
পুনরায় বিবাহ করিতে উদ্যত হইলে, কেবল অসৰ্গয়া বিবাহের বিধি  
প্রদত্ত হইয়াছে, তখন যদৃচ্ছাক্রমে যত ইচ্ছা সৰ্গয়া বিবাহ করা শাস্ত্র-  
কারদিগের অনুমোদিত কার্য্য, ইহা প্রতিপন্ন হওয়া অসম্ভব । অতএব,  
“ইচ্ছার নিয়ামক নাই, যত ইচ্ছা বিবাহ করা উচিত,” তর্ক-  
বাচস্পতি মহাশয়ের এই সিদ্ধান্ত কত দূর শাস্ত্রানুমত বা গ্রাণ্যানুগত,  
তাহা সকলে বিবেচনা করিয়া দেখিবেন । তদীয় সিদ্ধান্ত অনুসারে,  
বিবাহ করা পুরুষের সম্পূর্ণ ইচ্ছাধীন ; অর্থাৎ ইচ্ছা হয় বিবাহ  
করিবেক, ইচ্ছা না হয় বিবাহ করিবেক না ; অথবা যত ইচ্ছা বিবাহ  
করিবেক । কিন্তু, পূর্বে প্রতিপাদিত হইয়াছে, চতুর্বিধ বিবাহের  
মধ্যে নিত্য, নৈমিত্তিক, নিত্যনৈমিত্তিক এই ত্রিবিধ বিবাহ  
পুরুষের ইচ্ছাধীন নহে ; শাস্ত্রকারেরা অবশ্যকর্তব্য বলিয়া তত্তৎ

বিবাহের স্পষ্ট বিধি প্রদান করিয়াছেন ; এই ত্রিবিধ বিবাহ না করিলে, গৃহস্থ ব্যক্তিকে প্রত্যবায়গ্রস্ত হইতে হয় । তবে, রতিকামনা পূর্ণ করিবার নিমিত্ত, পূর্বপরিণীতা স্ত্রীর সম্মতি গ্রহণ পূর্বক, যে অসবর্ণা বিবাহ করিবার বিধি আছে, কেবল ঐ বিবাহ পুরুষের সম্পূর্ণ ইচ্ছাধীন, অর্থাৎ ইচ্ছা হইলে তাদৃশ বিবাহ করিবেক, ইচ্ছা না হইলে তাদৃশ বিবাহ করিবেক না ; তাদৃশ বিবাহ না করিলে, প্রত্যবায়গ্রস্ত হইতে হইবেক না । অতএব, বিবাহমাত্রই পুরুষের ইচ্ছাধীন, ইহা নিতান্ত অকিঞ্চিৎকর কথা । আর, বিবাহবিষয়ে ইচ্ছার নিয়ামক নাই, ইহা অপেক্ষা অসার ও উপহাসকর কথা আর কিছুই হইতে পারে না । পুত্রলাভ ও ধর্মকার্য্য সম্পন্ন হইলে, পূর্বদর্শিত আপস্তম্ববচন দ্বারা পূর্বপরিণীতা স্ত্রীর জীবদ্দশায় পুনরায় সবর্ণা বিবাহ করা একবারে নিষিদ্ধ হইয়াছে ; সুতরাং, সে অবস্থায় ইচ্ছানুসারে পুনরায় বিবাহ করিবার অধিকার নাই । তবে, রতিকামনাম্বলে অসবর্ণাবিবাহ পুরুষের ইচ্ছার অধীন বটে ; কিন্তু সে ইচ্ছারও নিয়ামক নাই এরূপ নহে ; কারণ, পূর্বপরিণীতা স্ত্রী সম্মত না হইলে, কেবল পুরুষের ইচ্ছায় তাদৃশ বিবাহ হইতে পারে না । অতএব বিবাহবিষয়ে পুরুষ সম্পূর্ণ স্বতন্ত্রেচ্ছ। যত ইচ্ছা হইবেক, তত বিবাহ করা উচিত, ইদৃশ অদৃষ্টের অশ্রুতপূর্ব ব্যবস্থা তর্কবাচস্পতি মহাশয় ভিন্ন অন্য পণ্ডিতমহাশয় ব্যক্তির মুখ বা লেখনী হইতে নির্গত হইতে পারে, এরূপ বোধ হয় না । প্রথমতঃ, তর্কবাচস্পতি মহাশয় শাস্ত্রবিষয়ে বহুদর্শী বলিয়া খ্যাতিলাভ করিয়াছেন বটে ; কিন্তু ধর্মশাস্ত্রে তাঁহার তাদৃশ অধিকার নাই ; দ্বিতীয়তঃ, তিনি স্থিরবুদ্ধি লোক নহেন ; তৃতীয়তঃ, ক্রোধে অন্ধ হইয়াছেন, তাহাতে তাঁহার বুদ্ধিরূতি অতিশয় কুলুবিত হইয়া রহিয়াছে । এই সমস্ত কারণে, বিবাহবিষয়ক বিধিবাক্যসমূহের অর্থনির্ণয় ও তাৎপর্যাগ্রহ করিতে না পারিয়া, এবং কোনও কোনও স্থলে, বহু জায়া, বহু ভাৰ্য্যা, অথবা

ভাষ্যাশঙ্কের বহুবচনে প্রয়োগ দেখিয়া, ইচ্ছাধীন বহু সৰ্বণা বিবাহ সম্পূর্ণ শাস্ত্রসিদ্ধ ব্যবহার ও উচিত কৰ্ম বলিয়া ব্যবস্থা প্রচার করিয়াছেন ।

অতঃপর, তর্কবাচস্পতি মহাশয়, বহুপ্রবৃত্ত বহু বিবাহের প্রামাণ্য সংস্থাপনার্থে, যে সকল প্রমাণ প্রদর্শন করিয়াছেন, তৎসমুদয় ক্রমে উল্লিখিত ও আলোচিত হইতেছে ।

“তস্মাদেকো বহুবীৰিন্দতে ইতি শ্রুতিঃ,

তস্মাদেকস্য বহুভ্যা জায়া ভবন্তি নৈকস্মৈ বহবঃ

সহ পত্যঃ ইতি শ্রুতিঃ,

ভাৰ্য্যাঃ কাৰ্য্যাঃ সজাতীয়াঃ সৰ্ব্বেষাং শ্রেয়স্বঃ স্মৃতি

“দায়ভাগধৃতপৈষ্ঠীনসিস্মৃতিশ্চ বিবাহক্রিয়াকৰ্মগতসংখ্যাবিশেষ-  
বহুভ্যং খ্যাপয়ন্তী একস্মানেকবিবাহং প্রতিপাদয়তি (১১) ।”

“অতএব এক ব্যক্তি বহু ভাৰ্য্যা বিবাহ করিতে পারে । ” এই শ্রুতি, “অতএব এক ব্যক্তির বহু ভাৰ্য্যা হইতে পারে, এক স্ত্রীর সহ অর্থাৎ এক সঙ্গে বহু পতি হইতে পারে না । ” এই শ্রুতি, এবং “সজাতীয়া ভাৰ্য্যা সকলের পক্ষে মুখ্য কৰ্ম । ” দায়ভাগধৃত এই পৈষ্ঠীনসিস্মৃতি দ্বারা (১২) বিবাহক্রিয়ার কৰ্মভূত ভাৰ্য্যা প্রভৃতি পদে বহুবচনসম্ভাব বশতঃ, এক ব্যক্তির অনেক বিবাহ প্রতিপন্ন হইতেছে” ।

এ বিষয়ে বক্তব্য এই যে, এক ব্যক্তির অনেক বিবাহ হইতে পারে, ইহা কেহই অস্বীকার করেন না । পূর্বে দর্শিত হইয়াছে, স্ত্রীর বহুবচন প্রভৃতি নিমিত্ত বশতঃ, এক ব্যক্তির বহু সৰ্বণা বিবাহ সম্ভব ;

(১১) বহুবিবাহবাদ, ২০ পৃষ্ঠা ।

(১২) তর্কবাচস্পতি মহাশয়ের উল্লিখিত এই স্মৃতিবাক্য পৈষ্ঠীনসির বচন নহে ; দায়ভাগে শব্দ ও লিখিতের বচন বলিয়া উদ্ধৃত হইয়াছে । তিনি পৈষ্ঠীনসির বচন বলিয়া সর্বত্র নির্দেশ করিয়াছেন ; এজন্য আমাকেও ঐ ভাষ্যমূলক নির্দেশের অনুসরণ করিতে হইল ।

আর, উৎকর্ষ রতিকামনা পূর্ণ করিবার নিমিত্ত, পুরুষ পূর্বপরিণীতা সর্বর্ণা ভার্য্যার জীবদ্দশায়, তদীয় সম্বন্ধে ক্রমে, অসর্বর্ণা ভার্য্যা বিবাহ করিতে পারে ; ইহা দ্বারাও এক ব্যক্তির বহুভার্য্যাবিবাহ সম্ভব । অতএব, তর্কবাচস্পতি মহাশয়ের অবলম্বিত বেদবাক্যদ্বয়ে যে বহু বিবাহের উল্লেখ আছে, তাহা ধর্ম্মশাস্ত্রোক্ত বন্ধ্যাত্ত্বপ্রভৃতি-নিমিত্তনিবন্ধন, অথবা উৎকর্ষরতিকামনামূলক, তাহার কোনও সংশয় নাই । উল্লিখিত বেদবাক্যদ্বয়ে সামান্যাকারে এক ব্যক্তির বহুভার্য্যাপরিগ্রহ সম্ভব, এতদ্বাত্র নির্দেশ আছে ; কিন্তু ধর্ম্মশাস্ত্র-প্রবর্তক ঋষিরা, নিমিত্ত নির্দেশ পূর্বক, এক ব্যক্তির বহুভার্য্যা-পরিগ্রহের বিধিপ্রদান করিয়াছেন । অতএব, বেদবাক্যনির্দিষ্ট বহুভার্য্যাপরিগ্রহ ও ঋষিবাক্যব্যবস্থাপিত বহুভার্য্যাপরিগ্রহ এক-বিষয়ক ; বেদে এক ব্যক্তির বহুভার্য্যাপরিগ্রহের যে উল্লেখ আছে, ধর্ম্মশাস্ত্রে পূর্বপরিণীতা স্ত্রীর বন্ধ্যাত্ত্ব প্রভৃতি নিমিত্ত নির্দেশ পূর্বক, ঐ বহুভার্য্যাপরিগ্রহের স্থল সকল ব্যবস্থাপিত হইয়াছে । বেদবাক্যের এই তাৎপর্য্যব্যাখ্যা কেবল আমার কপোলকল্পিত অথবা লোক-বিমোহনার্থে বুদ্ধিবলে উদ্ভাবিত অভিনব তাৎপর্য্যব্যাখ্যা নহে । পূর্বতন গ্রন্থকর্তারা এই দুই বেদবাক্যের উক্তবিধ তাৎপর্য্যব্যাখ্যা করিয়া গিয়াছেন । যথা,

“অথাধিবেদনম্ । তদুক্তমৈতবেয়ত্রাঙ্গণে

তস্মাদেকস্য বহুভ্যা জায়া ভবন্তি নৈকস্মৈ বহবঃ সহ  
পত্য ইতি ।

সহশব্দসামর্থ্যাৎ ক্রমেণ পত্যন্তরং ভবতীতি গম্যতে অতএব

নষ্টে যুতে প্রব্রজিতে ক্লীবে চ পতিতে পতৌ ।

পঞ্চম্বাপৎসু নারীণাং পতিরন্যো বিধীয়তে ॥

ইতি মনুনা স্ত্রীণামপি পত্যন্তরং স্মর্য্যতে । শ্রুত্যন্তরমপি

তস্মাদেকো বহুবীজীয়া বিন্দত ইতি ।

তন্নিমিত্তান্নাহ যাজ্ঞবল্ক্যঃ

সুরাপী ব্যাধিতা ধূর্তা বন্ধ্যার্থঘ্নাপ্রিয়ংবদা ।

স্ত্রীপ্রশুশ্চাধিবেত্তব্যা পুরুষদ্বৈধিনী তথ্যেতি ॥

মনুরপি

মদ্যপাসত্যবৃত্তা চ প্রতিকূলা চ যা ভবেৎ ।

ব্যাধিতা বাধিবেত্তব্যা হিংস্রার্থিনী চ সর্বদা ॥

এতন্নিমিত্তাভাবে নাধিবেত্তব্যেত্যাহ আপস্তম্বঃ

ধর্মপ্রজাসম্পন্নে দারে নান্যাং কুর্কীত ।

অন্যতরাভাবে কার্য্য প্রাগগ্ন্যাধেয়াদিতি ।

অস্বার্থঃ যদি প্রথমোচ্যে স্ত্রী ধর্মেণ শ্রোতস্মার্ত্তাগ্নিসাধোনে  
প্রজয়া পুত্রপৌত্রাদিনা চ সম্পন্না তদা নাগ্ন্যাং বিবহেৎ অন্যতরা-  
ভাবে অগ্ন্যাধানাং প্রাগ্গোচর্য্যেতি অগ্ন্যাধানাং প্রাগগতি মুখ্য-  
কম্পাভিপ্রায়ং নোত্তরপ্রতিষেধার্থম্ অধিবেদনশ্চ পুনরাধান-  
নিমিত্ততানুপপত্তেঃ । স্মৃত্যন্তরেইপি

অপুত্রঃ সন্ পুনর্দারান্ পরিণীয় ততঃ পুনঃ ।

পরিণীয় সমুৎপাদ্য নোচেদা পুত্রদর্শনাৎ ।

বিরক্তশ্চেদ্বনং গচ্ছেৎ সন্ন্যাসং বা সমাশ্রয়েদিতি ॥

অস্বার্থঃ প্রথমায়ং ভাষ্যায়ামপুত্রঃ সন্ পুনর্দারান্ পরিণীয়  
পুত্রানুৎপাদয়েদিতি শেষঃ তস্মামপি পুত্রানুৎপত্তৌ অথ পুত্রদর্শ-  
নাৎ পরিণয়েদিতি শেষঃ । স্পষ্টমন্ত্রঃ (১৩) ।

অতঃপর অধিবেদনপ্রকরণ আরম্ভ হইতেছে । ঐতবেয় ব্রাহ্মণে  
উক্ত হইয়াছে, “অতএব এক ব্যক্তির বহু ভাৰ্য্যা হইতে পারে, এক  
স্ত্রীর সহ অর্থাৎ এক স্ত্রী বহু পতি হইতে পারে না” । সহ অর্থাৎ

এক সঙ্গে এই কথা বলাতে, ক্রমে অন্য পতি হইতে পারে, ইহা প্রতীয়মান হইতেছে । এই নিমিত্ত, “স্বামী অনুদ্দেশ হইলে, মরিলে, ক্রীৰ স্থির হইলে, সংসার ধর্ম পরিত্যাগ করিলে, অথবা পতিত হইলে, স্ত্রীদিগের পুনর্কীর বিবাহ করা শাস্ত্রবিহিত” । এই বচন দ্বারা মনু স্ত্রীদিগের অন্য পতি বিধান করিয়াছেন । বেদান্তেরও উক্ত হইয়াছে, “অতএব এক ব্যক্তি বহুভার্য্যাবিবাহ করিতে পারে” । যে সকল নিমিত্তবশতঃ অধিবেদন করিতে পারে, যাজ্ঞবল্ক্য তৎসমুদয়ের নির্দেশ করিয়াছেন । যথা, “যদি স্ত্রী সুরাপায়িনী, চিররোগিনী, ব্যভিচারিণী, বক্যা, অর্থনাশিনী, অপ্রিয়বাদিনী, কন্যামাত্রপ্রসবিনী ও পতিদেষিণী হয়, তৎসম্বন্ধে অধিবেদন অর্থাৎ পুনরায় দারপরিগ্রহ করিবেক” । মনুও কহিয়াছেন, “যদি স্ত্রী সুরাপায়িনী, ব্যভিচারিণী, সতত স্বামীর অভিপ্রায়ের বিপরীতকারিণী, চিররোগিনী, অতিক্রুরস্বভাবা, ও অর্থনাশিনী হয়, তৎসম্বন্ধে অধিবেদন অর্থাৎ পুনরায় দারপরিগ্রহ করিবেক” । আপস্তম্ব কহিয়াছেন, এই সকল নিমিত্ত না ঘটিলে, অধিবেদন করিতে পারিবেক না । যথা, “যে স্ত্রীর সহযোগে ধর্মকার্য্য ও পুত্রলাভ সম্পন্ন হয়, তৎসম্বন্ধে অন্য স্ত্রী বিবাহ করিবেক না । ধর্মকার্য্য অথবা পুত্রলাভ সম্পন্ন না হইলে, অগ্ন্যাধানের পূর্বে পুনরায় বিবাহ করিবেক” । “অগ্ন্যাধানের পূর্বে”, এ কথা বলার অভিপ্রায় এই, অগ্ন্যাধানের পূর্বে বিবাহ করা মুখ্য কল্প ; নতুবা অগ্ন্যাধানের পর বিবাহ করিতে পারিবেক না, এরূপ তাৎপর্য্য নহে ; তাহা হইলে অধিবেদন অগ্ন্যাধানের নিমিত্ত বলিয়া পরিগণিত হইতে পারে না । অন্য স্মৃতিতেও উক্ত হইয়াছে, “প্রথমপরিণীতা স্ত্রীতে পুত্র না জন্মিলে, পুনরায় বিবাহ করিবেক ; তাহাতেও পুত্র না জন্মিলে, পুনরায় বিবাহ করিবেক ; এইরূপে, যাবৎ পুত্রলাভ না হয় তাবৎ বিবাহ করিবেক ; আর, এই অবস্থায় যদি বৈরাগ্য জন্মে, বনগমন অথবা সন্ন্যাস অবলম্বন করিবেক” ।

দেখ, মিত্রমিশ্র, অধিবেদনপ্রকরণের আরম্ভ করিয়া, সর্বপ্রথম তর্কবাচস্পতি মহাশয়ের অবলম্বিত বেদবাক্যদ্বয়কে অধিবেদনের প্রমাণস্বরূপ বিবৃতি করিয়াছেন ; তৎপরে যে সকল নিমিত্ত ঘটিলে অধিবেদন করিতে পারে, তৎপ্রদর্শনার্থ যাজ্ঞবল্ক্যবচন ও মনুবচন উদ্ধৃত করিয়াছেন ; পরিশেষে, ঐ সকল নিমিত্ত না ঘটিলে অধিবেদন করিতে পারিবেক না, ইহা আপস্তম্ববচন দ্বারা প্রতিপন্ন করিয়া

গিয়াছেন । এক্ষণে, সকলে বিবেচনা করিয়া দেখুন, উল্লিখিত বেদবাক্য-  
দ্বয়ে যে বহুভার্যাপরিগ্রহের নির্দেশ আছে, মিত্রমিশ্রের মতে ঐ বহু-  
ভার্যাপরিগ্রহ অধিবেদনের নির্দিষ্টনিমিত্তনিবন্ধন হইতেছে কি না ।

“ অথ দ্বিতীয়বিবাহবিধানম্ । তত্র ঋতিঃ

তস্মাদেকো বহ্বীর্জায়া বিন্দত ইতি ।

ঋত্যন্তরমপি

তস্মাদেকস্য বহ্ব্যা জায়া ভবন্তি নৈকস্যে বহবঃ  
সহ পতয় ইতি ।

তদ্বিষয়মাহাপুস্তকঃ

ধর্মপ্রজাসম্পন্নে দারে নান্যাং কুর্বীত ।

অন্যতরাভাবে কার্য্যা প্রাগগ্ন্যাধেয়াদিতি ॥

অর্থঃ যদি প্রাগুচা স্ত্রী ধর্মেণ প্রজয়া চ সম্পন্না তদা নান্যাং  
বিবহেৎ অন্যতরাভাবে অগ্ন্যাধানাং প্রাক্ বোঢ়ব্যেতি ।  
ত্রিভির্ধর্গবান্ জায়ত ইতি ; নাপুত্রস্ত লোকোহস্তি ইতি  
ঋতেঃ ; স্মৃতিশ্চ,

অপুত্রঃ সন্ পুনর্দারান্ পরিণীয় ততঃ পুনঃ ।

পরিণীয় সমুৎপাদ্য নোচেদা পুত্রদর্শনাৎ ।

বিরক্তশ্চেদ্বনং গচ্ছেৎ সন্ন্যাসং বা সমাপ্রায়েৎ ॥

যাজ্ঞবল্ক্যঃ

সুরাপী ব্যাধিতা ধূর্তা বন্ধ্যার্থঘ্ন্যপ্রিয়ংবদা ।

স্ত্রীপ্রসূচাধিবেত্তব্যা পুরুষদ্বৈষিণী তথা (১৪) ॥

অতঃপর দ্বিতীয়বিবাহপ্রকরণ আরম্ভ হইতেছে । এ বিষয়ে  
বেদে উক্ত হইয়াছে, “অতএব এক ব্যক্তি বহু ভার্য্যা বিবাহ করিতে

পারে ” । বেদান্তরেও উক্ত হইয়াছে, “অতএব এক ব্যক্তির বহু ভাৰ্য্যা হইতে পারে ; এক স্ত্রীর সহ অর্থাৎ এক সঙ্গে বহু পতি হইতে পারে না” । এ বিষয়ে আগন্তব্য কহিয়াছেন, “যে স্ত্রীর সহযোগে ধর্মকার্য ও পুত্রলাভ সম্পন্ন হয়, তৎসঙ্গে অন্য স্ত্রী বিবাহ করিবেক না । ধর্মকার্য অথবা পুত্রলাভ সম্পন্ন না হইলে, অগ্ন্যাধানের পূর্বে পুনরায় বিবাহ করিবেক” । “ত্রিবিধ ঋণে ঋণগ্রস্ত হয়”, “অপুত্র ব্যক্তির সঙ্গাতি হয় না ”, এই দুই বেদবাক্য তাহার প্রমাণ । স্মৃতিতেও উক্ত হইয়াছে । “প্রথম পরিণীতা স্ত্রীতে পুত্র না জন্মিলে পুনরায় বিবাহ করিবেক ; তাহাতেও পুত্র না জন্মিলে পুনরায় বিবাহ করিবেক ; এইরূপে, যাবৎ পুত্রলাভ না হয়, তাবৎ বিবাহ করিবেক ; আর এই অবস্থায় যদি বৈরাগ্য জন্মে, বনগমন অথবা সন্ন্যাস অবলম্বন করিবেক” । যাজ্ঞবল্ক্য কহিয়াছেন, “যদি স্ত্রী সুরাপায়িনী, চিররোগিণী, ব্যভিচারিণী, বক্ষ্যা, অর্থনাশিনী, অপ্রিয়বাদিনী, কন্যামাত্রপ্রসবিনী, ও পতিদেষিণী হয়, তৎসঙ্গে অধিবেদন অর্থাৎ পুনরায় দারপরিগ্রহ করিবেক ।

এক্ষণে, সকলে বিবেচনা করিয়া দেখুন, তর্কবাচস্পতি মহাশয়ের অবলম্বিত বেদবাক্যদ্বয়ে যে বহুভাৰ্য্যাপরিগ্রহের নির্দেশ আছে, মিত্র-মিশ্রের স্থায়, অনন্ততটের মতেও ঐ বহুভাৰ্য্যাপরিগ্রহ অধিবেদনের নির্দিষ্টনিমিত্তনিবন্ধন হইতেছে কি না ।

কিঞ্চ,

“তস্মাদেকস্য বহুভাৰ্য্যা জায়া ভবন্তি নৈকস্মৈ বহবঃ  
সহ পতয়ঃ” ।

অতএব এক ব্যক্তির বহু ভাৰ্য্যা হইতে পারে, এক স্ত্রীর সহ অর্থাৎ এক সঙ্গে বহু পতি হইতে পারে না ।

এই বেদাংশ যে উপাখ্যানের উপসংহারস্বরূপ, তাহা সমগ্র উদ্ধৃত হইতেছে ; তদুচ্চে, বোধ করি, তর্কবাচস্পতি মহাশয়ের বিতণ্ডাপ্রবৃত্তি নিবৃত্ত হইতে পারে ।

“ঋক্ চ বা ইদমগ্রে সাম চান্তাম্ । সৈব নাম ঋগাসীৎ  
অমো নাম সাম । সা বা ঋক্ সামোপাবদৎ মিথুনং

সম্ভবাব প্রজাত্যা ইতি । নেত্যত্রবীং সাম জ্যায়ান্  
 বা অতো মম মহিমেতি । তে দ্বৈ ভূত্বোপাবদতাম্ ।  
 তে ন প্রতি চন সমবদত । তাস্মিন্ভ্যো ভূত্বোপাবদন্ ।  
 যৎ তিস্রো ভূত্বোপাবদন্ ততিসৃতিঃ সমভবৎ ।  
 যতিসৃতিঃ সমভবৎ তস্মাত্তিসৃতিঃ স্তবন্তি তিসৃতি-  
 রুদগায়ন্তি । তিসৃতির্হি সাম সম্মিতং ভবতি ।  
 তস্মাদেকস্য বহুভ্যা জায়া ভবন্তি নৈকস্মৈ বহবঃ  
 সহ পতয়ঃ (১৬) । ”

পূর্বে ঋক্ ও সাম পৃথক্ ছিলেন । ঋকের নাম সা, সামের  
 নাম অম । ঋক্ সামের নিকটে গিয়া বলিলেন, আইস, আমরা  
 সম্ভানোৎপাদনের নিমিত্ত উভয়ে সহবাস করি । সাম কহিলেন,  
 না ; তোমার অপেক্ষা আমার মহিমা অধিক । তৎপরে দুই ঋক্  
 প্রার্থনা করিলেন । সাম তাহাতেও সম্মত হইলেন না । অনন্তর  
 তিন ঋক্ প্রার্থনা করিলেন । যেহেতু তিন ঋক্ প্রার্থনা করিলেন,  
 এজন্য সাম তাহাদের সহবাসে সম্মত হইলেন । যেহেতু সাম তিন  
 ঋকের সহিত মিলিত হইলেন, এজন্য সামগেরা তিন ঋক্ দ্বারা  
 যজ্ঞে স্তুতিগান করিয়া থাকেন । এক সাম তিন ঋকের তুল্য ।  
 অতএব এক ব্যক্তির বহু ভার্যা হইতে পারে, এক স্ত্রীর একসঙ্গে  
 বহু পতি হইতে পারে না ।

এই বেদাংশকে প্রকৃত উপাখ্যানের আকারে পরিণত করিয়া, তদীয়  
 তাৎপর্য ব্যাখ্যাত হইতেছে । “সামনাথ বাচস্পতির ঋক্শুন্দরী,  
 ঋক্মোহিনী ও ঋক্বিলাসিনী নামে তিন মহিলা ছিল । একদা,  
 ঋক্শুন্দরী, সামনাথের নিকটে গিয়া, সম্ভানোৎপত্তির নিমিত্ত সহবাস  
 প্রার্থনা করিলেন । তুমি নীচাশয়া অথবা নীচকুলোদ্ভবা, আমি  
 তোমার সহিত সহবাস করিব না, এই বলিয়া সামনাথ অস্বীকার  
 করিলেন । পরে ঋক্শুন্দরী ও ঋক্মোহিনী উভয়ে প্রার্থনা করিলেন ;

(১৬) ঐতরেয় ব্রাহ্মণ, তৃতীয় পঞ্চিকা, দ্বিতীয় অধ্যায়, ত্রয়োবিংশ খণ্ড ।  
 গোপথ ব্রাহ্মণ, উত্তর ভাগ, তৃতীয় অষ্টক, বিংশ খণ্ড ।

সামনাথ তাহাতেও সম্মত হইলেন না। অনন্তর, ঋক্মুন্দরী, ঋকুমোহিনী ও ঋকবিলাসিনী তিন জনে সমবেত হইয়া প্রার্থনা করিলে, সামনাথ তাঁহাদের সহিত সহবাসে সম্মত হইলেন”। এই উপাখ্যান দ্বারা ইহাই প্রতিপন্ন হইতে পারে, সামনাথবাচম্পতির তিন মহিলা ছিল; কোনও কারণে বিরক্ত হইয়া, তিনি তাহাদের সহবাসে পরাঙ্মুখ ছিলেন। অবশেষে, তিন জনের বিনয় ও প্রার্থনার বশীভূত হইয়া, তাহাদের সহিত সহবাস করিতে লাগিলেন। নতুবা, বাচম্পতি মহাশয় একবারে তিন মহিলার পাণিগ্রহণ করিলেন, ইহা এ উপাখ্যানের উদ্দেশ্য হইতে পারে না; কারণ, অবিবাহিতা বালিকারা, অপরিচিত বা পরিচিত পুরুষের নিকটে গিয়া, সম্মানোৎপাদনের নিমিত্ত বিবাহ-প্রার্থনা করিবেক, ইহা কোনও মতে সম্ভব বা সম্ভবত কোষ হয় না। যদি বিবাহিতার সহবাস অভিপ্রেত না বলিয়া, অবিবাহিতার বিবাহ অভিপ্রেত বল, এবং তদ্বারা এক ব্যক্তির একবারে তিন বা তদধিক বিবাহ শাস্ত্রসম্মত বলিয়া প্রতিপন্ন করিতে প্রবৃত্ত হও; তাহা হইলে, এক ব্যক্তি একবারে তিনের ন্যূন বিবাহ করিতে পারে না, এই সিদ্ধান্ত অপরিহার্য হইয়া উঠে; কারণ, বিবাহপক্ষ অভিপ্রেত হইলে,

“যতিশ্চো ভূত্বোপাবদন্ ততিসৃতিঃ সমন্তবৎ”

এ অংশের

যেহেতু তিন জনে প্রার্থনা করিলেন, এজন্য সামনাথ তাঁহাদের পাণিগ্রহণ করিলেন,

এই অর্থ প্রতিপন্ন হইবেক; এবং তদনুসারে, একবারে তিন মহিলা বিবাহপ্রার্থিনী না হইলে, বিবাহ করা বেদবিরুদ্ধ ব্যবহার বলিয়া পরিগণিত হইবেক; কারণ, সামনাথ একাকিনী ঋক্মুন্দরীর, অথবা ঋক্মুন্দরী ও ঋকুমোহিনী উভয়ের, প্রার্থনায় তাঁহাদিগকে বিবাহ করিতে সম্মত হইবেন নাই; পরিশেষে, ঋক্মুন্দরী, ঋকুমোহিনী ও ঋক-

বিলাসিনী তিন জনের প্রার্থনায় তাঁহাদের পাণিগ্রহণ করিয়াছিলেন ।  
কলতঃ, এই বেদবাক্য অবলম্বন করিয়া, পুরুষ যদৃচ্ছাক্রমে ক্রমে ক্রমে  
বা একবারে বহু ভার্য্যা বিবাহ করিতে পারে, এরূপ মীমাংসা করা, আর  
এই বেদবাক্য মনু, যাজ্ঞবল্ক্য, আপস্তম্ব প্রভৃতি ধর্মশাস্ত্রপ্রবর্তক  
ঋষিগণের দৃষ্টিপথে পতিত হয় নাই, অথবা তাঁহারা এই বেদবাক্যের  
অর্থবোধ ও তাৎপর্য্যগ্রহ করিতে পারেন নাই, এজন্য নিমিত্তনির্দেশ-  
পূর্ব্বক পূর্ব্বপরিণীতা স্ত্রীর জীবদ্দশায় পুনরায় বিবাহের বিধিপ্রদর্শন  
ও নিমিত্ত না ঘটিলে বিবাহের নিষেধ প্রদর্শন করিয়াছেন, এরূপ  
অনুমান করা নিরবচ্ছিন্ন অনতিজ্ঞতা প্রদর্শনমাত্র ।

তর্কবাচস্পতি মহাশয়ের অবলম্বিত বেদবাক্যরূপ প্রমাণের অর্থ ও  
তাৎপর্য্য প্রদর্শিত হইল । এক্ষণে, তাঁহার অবলম্বিত স্মৃতিবাক্যের  
অর্থ ও তাৎপর্য্য প্রদর্শিত হইতেছে ।

“ভার্য্যাঃ সজাতীয়াঃ সর্বেষাং শ্রেয়স্যঃ স্যুঃ” ।

সজাতীয়া ভার্য্যা সকলের পক্ষে মুখ্য কল্প ।

এই পৈঠীনসিবচনে ভার্য্যা এই পদে বহুবচন আছে ; ঐ বহুবচনবলে,  
তর্কবাচস্পতি মহাশয় যদৃচ্ছাপ্রবৃত্ত বহুভার্য্যা বিবাহ শাস্ত্রানুমত  
ব্যবহার বলিয়া, প্রতিপন্ন করিতে প্রবৃত্ত হইয়াছেন । কিন্তু, কিঞ্চিৎ  
স্থিরচিত্ত হইয়া অনুধাবন করিয়া দেখিলে, তিনি অনায়াসেই বুঝিতে  
পারিতেন, পৈঠীনসি এক ব্যক্তির বহুভার্য্যা বিধান অভিপ্রায়ে  
ভার্য্যাশব্দে বহুবচন প্রয়োগ করেন নাই । বস্তুতঃ, ঐ বহুবচনপ্রয়োগ  
এক ব্যক্তির বহুভার্য্যা বিবাহের পোষক নহে । “ভার্য্যাঃ” এস্থলে  
ভার্য্যাশব্দে যেরূপ বহুবচনের প্রয়োগ আছে, “সর্বেষাম্” এস্থলে  
সর্বেশব্দেও সেইরূপ বহুবচনের প্রয়োগ আছে । “সর্বেষাম্”,  
সকলের, অর্থাৎ ব্রাহ্মণ, ক্ষত্রিয়, বৈশ্য এই তিন বর্ণের সজাতীয়া  
ভার্য্যা মুখ্য কল্প । ব্রাহ্মণ, ক্ষত্রিয়, বৈশ্য এই তিন বর্ণের ভার্য্যা

সর্বশব্দে যেরূপ বহুবচন আছে, সেইরূপ তিন বর্ণের স্ত্রী বুনাইবার অভিপ্রায়ে, ভার্য্যাশব্দেও বহুবচন প্রযুক্ত হইয়াছে ।

উদ্বহেত দ্বিজো ভার্য্যাং সৰ্বণাং লক্ষণান্বিতাম্ । ৩ । ৪ ।

দ্বিজ অর্থাৎ ব্রাহ্মণ, ক্ষত্রিয়, বৈশ্য সুলক্ষণা সৰ্বণা ভার্য্যা বিবাহ করিবেক ।

এই মনুবচনে দ্বিজ ও ভার্য্যা শব্দে একবচন থাকাতে, যেরূপ অর্থের প্রতীতি হইতেছে ;

“উদ্বহেরন্ দ্বিজা ভার্য্যাঃ সৰ্বণা লক্ষণান্বিতাঃ ।”

প্রদর্শিত প্রকারে, মনুবচনে দ্বিজ ও ভার্য্যা শব্দে বহুবচন থাকিলেও, অবিকল সেইরূপ অর্থের প্রতীতি হইত, তাহার কোনও সংশয় নাই । সমান ন্যায়ে,

ভার্য্যাঃ সজাতীয়াঃ সৰ্বেষাং শ্রেয়শ্চ স্যুঃ ।

সজাতীয়া ভার্য্যা সকলের পক্ষে মুখ্য কল্প ।

এই পৈঠীনসিবচনে ভার্য্যা ও সর্ব শব্দে বহুবচন থাকাতে, যেরূপ অর্থের প্রতীতি হইতেছে ;

ভার্য্যা সজাতীয়া সৰ্বশ্চ শ্রেয়সী স্যাৎ ।

প্রদর্শিত প্রকারে, পৈঠীনসিবচনে ভার্য্যা ও সর্ব শব্দে একবচন থাকিলেও, অবিকল সেইরূপ অর্থের প্রতীতি হইত, তাহারও কোনও সংশয় নাই । সংস্কৃত ভাষায় যাঁহাদের বিশিষ্টরূপ বোধ ও অধিকার আছে, তাদৃশ ব্যক্তিমাত্রেই এইরূপ বুঝিয়া থাকেন । তর্কবাচস্পতি মহাশয়, মহাপণ্ডিত বলিয়া, নবীন পন্থা অবলম্বন করিয়াছেন । মহাপণ্ডিত মহোদয়ের প্রবোধার্থে, এ স্থলে ইহাও উল্লেখ করা আবশ্যিক, এই যীমাংসা আমার কপোলকল্পিত অথবা লোকবিমোহনার্থে

বুদ্ধিবলে উদ্ভাবিত অভিনব যীমাংসা নহে । পূর্বতন প্রসিদ্ধ  
ঐন্দুকর্তারাও ঐদৃশ স্থলে এইরূপ ব্যাখ্যাই করিয়া গিয়াছেন । যথা,

“তথাচ যমঃ

ভার্য্যাঃ সজাত্যাঃ সর্বেষাং ধর্ম্যঃ প্রথমকল্পিক ইতি ।

অয়মর্থঃ সমাবৃত্ত্য ত্রৈবর্ণিকস্য প্রথমবিবাহে সর্বৈব  
প্রশস্তা” (১৭) ।

যম কহিয়াছেন, “সজাতীয়া ভার্য্যা সকলের পক্ষে মুখ্য কল্প” ।  
ইহার অর্থ এই, সমাবৃত্ত অর্থাৎ ব্রহ্মচর্য্যসমাধানান্তে গৃহস্থাশ্রম-  
প্রবেশোন্মুখ ত্রৈবর্ণিকের অর্থাৎ ব্রাহ্মণ, ক্ষত্রিয়, বৈশ্যের প্রথম  
বিবাহে সর্বগাই প্রশস্তা ।

দেখ, এই যমবচনে, পৈষ্ঠীনসিবচনের ন্যায়, “ভার্য্যাঃ” “সর্বেষাম্” এই  
স্থলে ভার্য্যাশব্দে ও সর্বশব্দে বহুবচন আছে ; কিন্তু মিত্রমিশ্র  
“সর্বৈব” “ত্রৈবর্ণিকস্য” এই একবচনাস্তপদপ্রয়োগপূর্বক ঐ দুই  
বহুবচনাস্ত পদের ব্যাখ্যা লিখিয়াছেন । ভার্য্যাপদের বহুবচন যদি  
বহুভার্য্যাবিবাহের বোধক হইত, তাহা হইলে তিনি “সজাত্যাঃ  
ভার্য্যাঃ” ইহার পরিবর্তে “সর্বৈব”, এবং “সর্বেষাম্” ইহার পরিবর্তে  
“ত্রৈবর্ণিকস্য”, এরূপ একবচনাস্তপদপ্রয়োগ করিতেন না ; কিন্তু  
তাদৃশ পদপ্রয়োগ করিয়া, ঐদৃশ স্থলে একবচন ও বহুবচনের অর্থগত  
ও তাৎপর্য্যগত কোনও বৈলক্ষণ্য নাই ; তদ্বিরে সম্পূর্ণ সাক্ষ্যপ্রদান  
করিয়াছেন । দায়ভাগধৃত পৈষ্ঠীনসিবচন ও বীরমিত্রোদয়ধৃত যমবচন  
সর্বাংশে তুল্য ; যথা,

পৈষ্ঠীনসিবচন

ভার্য্যাঃ সজাতীয়াঃ সর্বেষাং শ্রেয়স্যঃ সূ্যঃ ।

যমবচন

ভার্য্যাঃ সজাত্যাঃ সর্বেষাং ধর্ম্যঃ প্রথমকল্পিকঃ ।

যদি বীরমিত্রোদয়ে পৈঠীনসিবচন উদ্ধৃত হইত, তাহা হইলে মিত্রমিশ্র ঐ বচনের যমবচনের তুল্যরূপ ব্যাখ্যা করিতেন, তাহার কোনও সংশয় নাই । কলকথা এই, একরূপ স্থলে একবচন ও বহুবচনের অর্থগত কোনও বৈলক্ষণ্য নাই, উভয়ই এক অর্থ প্রতিপন্ন করিয়া থাকে ।

সবর্ণাণ্ডে দ্বিজাতীনাং প্রশস্তা দারকর্মণি । ৩। ১২ ।

দ্বিজাতিদিগের প্রথম বিবাহে সবর্ণা বিহিতা ।

এই মনুবচন, যমবচন ও পৈঠীনসিবচনের তুল্যার্থক ; কিন্তু, ঐ দুই ঋষিবাক্যে ভাষ্যাশব্দে যেমন বহুবচন আছে, মনুবাক্যে সবর্ণাশব্দে সেরূপ বহুবচন না থাকিয়া একবচন আছে ; অথচ তিন ঋষিবাক্যে এক অর্থই প্রতীয়মান হইতেছে । ইহা দ্বারাও নিঃসংশয়ে প্রতিপন্ন হইতেছে, ঐদৃশ স্থলে একবচন ও বহুবচনের অর্থগত কোনও বৈলক্ষণ্য নাই । আর, ইহাও দেখিতে পাওয়া যায়, পূর্ববর্তী ঋষিবাক্যে যে শব্দ বহুবচনে প্রযুক্ত হইয়াছে, তৎপরবর্তী ঋষিবাক্যে সেই শব্দেই একবচন প্রযুক্ত হইয়াছে, অথচ উভয় স্থলেই এক অর্থ প্রতিপন্ন হইতেছে, বিভক্তির বচনভেদনিবন্ধন অর্থগত কোনও বৈলক্ষণ্য ঘটিতেছে না । যথা

যদি স্বাশ্চাবরাশ্চৈব বিদ্বেরন্ যোষিতো দ্বিজাঃ ।

তাসাং বর্ণক্রমেণৈব জৈষ্ঠ্যং পূজা চ বৈশ্ব চ ॥৯।৮৫।(১৮)

যদি দ্বিজেরা স্বা অর্থাৎ সজাতি স্ত্রী এবং অবরা অর্থাৎ অন্যজাতি স্ত্রী বিবাহ করে, তাহা হইলে বর্ণক্রমে সেই সকল স্ত্রীর জ্যেষ্ঠতা, সম্মান ও বাসগৃহ হইবেক ।

“ভর্তুঃ শরীরশুশ্রূষাং ধর্মকার্যঞ্চ নৈত্যকম্ ।

স্বা চৈব কুর্যাৎ সর্বেষাং নান্যজাতিঃ কথঞ্চন ॥৯।৮৬।(১৮)

স্বামীর শরীরপরিচর্যা ও নিত্য ধর্মকার্য্য দ্বিজাতিদিগের স্বা অর্থাৎ সজাতি স্ত্রীই করিবেক, অন্যজাতি কদাচ করিবেক না ।

দেখ, পূর্বনির্দিষ্ট মনুবাক্যে “স্বাঃ” “অবরাঃ” এই দুই পদে বহুবচন আছে, আর তৎপরবর্তী মনুবাক্যে “স্বা” “অন্যজাতিঃ” এই দুই পদে একবচন আছে; অথচ উভয়ত্রই এক অর্থ প্রতিপন্ন হইতেছে। কলতঃ, কোনও বিষয়ে যে সকল স্পষ্ট বিধি ও স্পষ্ট নিষেধ আছে, তাহাতে দৃষ্টিপাত না করিয়া, কেবল বিভক্তির একবচন, দ্বিবচন, বহুবচন অবলম্বনপূর্বক ধর্মশাস্ত্রের মীমাংসা করা নিরবচ্ছিন্ন ব্যাকরণব্যবসায়ের পরিচয় প্রদান মাত্র।

এ বিষয়ে তর্কবাচস্পতি মহাশয় যে যুক্তি প্রদর্শন করিয়াছেন, তাহাও উদ্ধৃত ও আলোচিত হইতেছে;

“ন চ প্রত্যেকবর্ণাভিপ্রায়েণ বহুবচনমুপাত্তমিতি শঙ্ক্যম্  
প্রত্যেকবর্ণাভিপ্রায়কত্রে সর্বর্ণাণ্যে দ্বিজাতীনাং প্রশস্তা  
দায়কর্ষণীতি মানববচন ইব ভাৰ্য্যা কার্য্যেত্যেকবচননির্দেশেনৈব  
তথার্থাবগতো বহুবচননির্দেশবৈয়র্থ্যাপত্তেঃ” (১৯)।

পৈতীনসিবাক্যস্থিত ভাৰ্য্যাশব্দে প্রত্যেক বর্ণের অভিপ্রায়ে বহুবচন প্রযুক্ত হইয়াছে, এ আশঙ্কা করিও না; যদি প্রত্যেক বর্ণের অভিপ্রায়ে হইত, তাহা হইলে “দ্বিজাতিদিগের প্রথম বিবাহে সর্বর্ণা বিহিতা” এই মনুবাক্যে সর্বর্ণাশব্দে যেমন একবচন আছে, পৈতীনসিবাক্যস্থিত ভাৰ্য্যাশব্দেও সেইরূপ একবচন থাকিলেই তাহা অর্থের প্রতীতি সিদ্ধ হইতে পারিত; সুতরাং বহুবচন নির্দেশ ব্যর্থ হইয়া পড়ে।

তর্কবাচস্পতি মহাশয়ের উল্লিখিত মনুবাক্য ও পৈতীনসিবাক্য সর্বাংশে তুল্য, উভয়ের অর্থগত ও উদ্দেশ্যগত কোনও বৈলক্ষণ্য নাই। যথা,

মনুবচন

সর্বর্ণাণ্যে দ্বিজাতীনাং প্রশস্তা দায়কর্ষণি।

দ্বিজাতিদিগের প্রথম বিবাহে সর্বর্ণা বিহিতা।

পৈঠীনসিবচন

ভার্য্যাঃ সজাতীয়াঃ সর্বেষাং শ্রেয়শ্চঃ স্যুঃ ।

বিজাতিদিগের সজাতীয়া ভার্য্যা বিবাহ মুখ্য কল্প ।

তবে, উভয় ঋষিবাক্যের এইমাত্র বৈলক্ষণ্য লক্ষিত হইতেছে, মনুবাক্যে সর্বর্ণাশদে একবচন আছে ; পৈঠীনসিবাক্যে সজাতীয়া ভার্য্যা এই দুই শব্দে বহুবচন আছে । পৈঠীনসিবাক্যস্থিত ভার্য্যা-শব্দে যে বহুবচন আছে, তর্কবাচস্পতি মহাশয় ঐ বহুবচনবলে সিদ্ধান্ত করিতেছেন, পুরুষ একবারে বহু ভার্য্যা বিবাহ করিতে পারে ; তাঁহার মতে, ঐ বহুবচন প্রত্যেক বর্ণের অভিপ্রায়ে ব্যবহৃত হয় নাই, অর্থাৎ ব্রাহ্মণ, ক্ষত্রিয়, বৈশ্য তিন বর্ণের ভার্য্যা বুঝাইবার নিমিত্ত বহুবচন প্রযুক্ত হইয়াছে, এরূপ নহে । মনুবাক্যে সর্বর্ণাশদে একবচন আছে, অর্থাৎ সর্বর্ণাশব্দ দ্বারা ব্রাহ্মণ, ক্ষত্রিয়, বৈশ্য তিন বর্ণের ভার্য্যা বুঝাইতেছে ; তিন বর্ণের ভার্য্যা বুঝাইবার অভিপ্রায় হইলে, পৈঠীনসিবাক্যেও ভার্য্যাশব্দে একবচন থাকিলেই তাহা নিষ্পন্ন হইতে পারে ; সুতরাং, বহুবচন প্রয়োগ নিতান্ত ব্যর্থ হইয়া পড়ে । অতএব, বহুবচনপ্রয়োগের বৈয়র্থ্যপরিহারার্থে, একবারে বহুভার্য্যা-বিবাহই পৈঠীনসির অভিপ্রেত বলিয়া ব্যাখ্যা করিতে হইবেক ।

এ বিষয়ে বক্তব্য এই যে, পৈঠীনসিবাক্যস্থিত ভার্য্যাশব্দ বহুবচনান্তে দেখিয়া, যদি বহুভার্য্যাবিবাহ পৈঠীনসির অভিপ্রেত বলিয়া ব্যবস্থা করিতে হয় ; তাহা হইলে, সমান স্থানে, মনুবাক্যস্থিত সর্বর্ণাশব্দ একবচনান্তে দেখিয়া, একভার্য্যাবিবাহ মনুর অভিপ্রেত বলিয়া ব্যবস্থা করিতে হইবেক ; এবং তাহা হইলে, মনুবচনের ও পৈঠীনসিবচনের বিরোধ উপস্থিত হইল ; মনু যে স্থলে একভার্য্যাবিবাহের বিধি দিতেছেন, পৈঠীনসি অবিকল সেই স্থলে বহুভার্য্যাবিবাহের বিধি দিতেছেন । এক্ষণে, তর্কবাচস্পতি মহাশয়কে জিজ্ঞাসা করি,

কি প্রণালী অবলম্বন করিয়া, এই বিরোধের সমাধা করা যাইবেক ; মনুবিকল্প স্মৃতি গ্রাহ্য নহে, এই পথ অবলম্বন করিয়া পৈঠীনসিস্মৃতি অগ্রাহ্য করা যাইবেক ; কিংবা মনু অপেক্ষা পৈঠীনসির প্রাধান্য স্বীকার করিয়া, মনুস্মৃতি অগ্রাহ্য করা যাইবেক ; অথবা মনু ও পৈঠীনসি উভয়ই তুল্য, তুল্যবল শাস্ত্রদ্বয়ের বিরোধস্থলে বিকল্প পক্ষ অবলম্বিত হইয়া থাকে ; এই পথ অবলম্বন করিয়া, বিকল্পব্যবস্থার অনুসরণ করা হইবেক ; অথবা অন্যান্য মুনিবাক্যের সহিত একবাক্যতা-সম্পাদন করিয়া, ব্যবস্থা করা যাইবেক । বিবাহবিষয়ক শাস্ত্রসমূহের অবিরোধ সম্পাদিত হইলে যে ব্যবস্থা স্থিরীকৃত হয়, তাহা এই পরিচ্ছেদের প্রথম ভাগে প্রদর্শিত হইয়াছে ; এস্থলে আর তাহার উল্লেখ করিবার প্রয়োজন নাই ।

তর্কবাচস্পতি মহাশয় ষড়্ছাপ্রবৃত্ত বহুবিবাহের যে প্রমাণান্তর প্রদর্শন করিয়াছেন, তাহা উদ্ধৃত ও আলোচিত হইতেছে । তিনি লিখিয়াছেন,

“চতস্রো ব্রাহ্মণস্য তিস্রো রাজ্যস্য দ্বৈ বৈশ্যশ্চেতি পৈঠীনসি-  
বচনস্য তাৎপর্য্যাবদ্যোতনার্থং দায়ভাগকৃত্য জাত্যবচ্ছেদেনেত্যা-  
জম্ চতুর্জাত্যবচ্ছিন্নতয়া বিবাহং ব্যবস্থাপয়তা চ তেন ঐকৈক-  
বর্ণায়্যাপি পঞ্চাদিসংখ্যা ন বিকল্পেতি দ্যোতিতং তচ্চ ইচ্ছায়া  
নিরঙ্কুশভেনৈব প্রাপ্তকুবচনজাতেন বিবাহবহুপ্রতিপাদনেন  
চ সূচ্য কুমিত্যুৎপশ্যামঃ ” (২০) ।

“ব্রাহ্মণের চারি, ক্ষত্রিয়ের তিন, বৈশ্যের দুই,” এই পৈঠীনসি-  
বচনের তাৎপর্য্য ব্যক্ত করিবার নিমিত্ত, দায়ভাগকার “জাত্যব-  
চ্ছেদেন ” এই কথা বলিয়াছেন । চারি জাতিতে বিবাহ করিতে  
পারে, এই ব্যবস্থা করিয়া, প্রত্যেক বর্ণেও পাঁচ প্রভৃতি জীববিবাহ  
দৃশ্য নয়, ইহা ব্যক্ত করিয়াছেন । ইচ্ছার নিয়ামক না থাকাতে  
এবং পূর্বেকৃত বচন সমূহ দ্বারা বহু বিবাহ প্রতিপন্ন হওয়াতে,

আমার বিবেচনায় দায়ভাগকার অতি সুন্দর তাৎপর্যব্যাখ্যা করিয়াছেন ।

এস্থলে বক্তব্য এই যে, প্রত্যেক বর্ণে পাঁচ, ছয়, সাত, আট, নয়, দশ, এগার, বার, তের প্রভৃতি স্ত্রী বিবাহ দৃশ্য নয়, দায়ভাগকার পৈঠীনসিবচনের একরূপ তাৎপর্যব্যাখ্যা করেন নাই । তিনি সর্ব-শাস্ত্রবেত্তা তর্কবাচস্পতি মহাশয়ের মত অসংসাহসিক পুরুষ ছিলেন না ; সুতরাং, নিতান্ত নির্বিবেক হইয়া, যথেষ্ট ব্যাখ্যা দ্বারা শাস্ত্রের গ্রীবাভঙ্গে প্ররুত হইবেন কেন । নিরপরাধ দায়ভাগকারের উপর অকারণে একরূপ দোষারোপ করা অনুচিত । তিনি যে এ বিষয়ে কোনও অংশে দোষী নহেন, তৎপ্রদর্শনার্থ তদীয় লিখন উদ্ধৃত হইতেছে ।

“চতস্রো ব্রাহ্মণস্তানুপূর্ব্যেণ, তিস্রো রাজন্যস্য দ্বৈ-  
বৈশ্যস্য একা শূদ্রস্য । জাত্যবচ্ছেদেন চতুরাদি-  
সংখ্যা সম্বধ্যতে । ”

• (পৈঠীনসি কহিয়াছেন,) “অনুলোমক্রমে ব্রাহ্মণের চারি, ক্ষত্রিয়ের তিন, বৈশ্যের দুই, শূদ্রের এক জাতি হইতে পারে । ” এই চারি প্রভৃতি সংখ্যার “জাত্যবচ্ছেদেন” অর্থাৎ জাতির সহিত সম্বন্ধ ।

অর্থাৎ, পৈঠীনসিবচনে যে চারি, তিন, দুই, এক এই শব্দচতুষ্টয় আছে, তদ্বারা চারি জাতি, তিন জাতি, দুই জাতি, এক জাতি এই বোধ করিতে হইবেক ; অর্থাৎ ব্রাহ্মণ চারি জাতিতে, ক্ষত্রিয় তিন জাতিতে, বৈশ্য দুই জাতিতে, শূদ্র এক জাতিতে বিবাহ করিতে পারে ; নতুবা, ব্রাহ্মণ চারি স্ত্রী বিবাহ, ক্ষত্রিয় তিন স্ত্রী বিবাহ, বৈশ্য দুই স্ত্রী বিবাহ, শূদ্র এক স্ত্রী বিবাহ করিবেক, একরূপ তাৎপর্য নহে । দায়-ভাগকারের লিখন দ্বারা ইহার অতিরিক্ত কিছুই প্রতিপন্ন হয় না । অতএব, তদীয় এই লিখন দেখিয়া, প্রত্যেক বর্ণেও পাঁচ প্রভৃতি বিবাহ দৃশ্য নয়, দায়ভাগকার এই অতিপ্রায় ব্যক্ত করিয়াছেন, এই ব্যাখ্যা দ্বারা ধর্মশাস্ত্রবিষয়ে পাণ্ডিত্যের পরা কাষ্ঠা প্রদর্শিত হইয়াছে ।

কলভঃ, বহুদর্শনবিরহিত ব্যক্তির শাস্ত্রের মীমাংসায় প্রবৃত্ত হওয়া বিধাতার বিড়ম্বনা । নারদসংহিতায় দৃষ্টি থাকিলে, সর্বশাস্ত্রবেত্তা তর্কবাচস্পতি মহাশয় ঈদৃশ অসঙ্গত তাৎপর্যব্যাখ্যায় প্রবৃত্ত হইতেন, এরূপ বোধ হয় না । যথা,

ব্রাহ্মণকল্লিয়বিশাং শূদ্রাণাঞ্চ পরিগ্রহে ।

সজাতিঃ শ্রেয়সী ভার্য্যা সজাতিশ্চ পতিঃ স্ত্রিয়াঃ ॥

ব্রাহ্মণস্থানুলোম্যেন স্ত্রিয়োহন্যাস্তিঅ এব তু ।

শূদ্রায়াঃ প্রাতিলোম্যেন তথান্যে পতয়স্ত্রয়ঃ ॥

দে ভার্য্যে কল্লিয়স্যান্যে বৈশ্যশ্চৈকা প্রকীর্তিতা ।

বৈশ্যায়া দ্বৌ পতী জ্যেস্তাবেকোহন্যঃ কল্লিয়াপতিঃ(২১) ॥

ব্রাহ্মণ, কল্লিয়, বৈশ্য, শূদ্র এই চারি বর্ণের বিবাহে, পুরুষের পক্ষে সজাতীয়া ভার্য্যা ও স্ত্রীলোকের পক্ষে সজাতীয় পতি মুখ্য কল্প । অনুলোমক্রমে ব্রাহ্মণের অন্য তিন স্ত্রী হইতে পারে । প্রতিলোমক্রমে শূদ্রার অন্য তিন পতি হইতে পারে । কল্লিয়ার অন্য দুই ভার্য্যা, বৈশ্যের অন্য এক ভার্য্যা হইতে পারে । বৈশ্যার অন্য দুই পতি, কল্লিয়ার অন্য এক পতি হইতে পারে ।

দেখ, নারদ সর্বর্ণ ও অসর্বর্ণ লইয়া পুরুষপক্ষে যেকোন ব্রাহ্মণের চারি স্ত্রী, কল্লিয়ার তিন স্ত্রী, বৈশ্যের দুই স্ত্রী, শূদ্রের এক স্ত্রী নির্দেশ করিয়াছেন ; সেইরূপ, স্ত্রীপক্ষেও সর্বর্ণ ও অসর্বর্ণ লইয়া, শূদ্রার চারি পতি, বৈশ্যার তিন পতি, কল্লিয়ার দুই পতি, ব্রাহ্মণীর এক পতি নির্দেশ করিয়াছেন । দায়ভাগকার পৈঠীনসিবচননির্দিষ্ট চারি, তিন, দুই, এক স্ত্রী বিবাহ স্থলে যেমন চারি জাতিতে, তিন জাতিতে, দুই জাতিতে, এক জাতিতে বিবাহ করিতে পারে, এই ব্যাখ্যা করিয়াছেন ; নারদবচননির্দিষ্ট চারি, তিন, দুই, এক স্ত্রী ও পতি বিবাহ স্থলেও নিঃসন্দেহ সেইরূপ ব্যাখ্যা করিতে হইবেক ; অর্থাৎ, ব্রাহ্মণ

চারি জাতিতে, ক্ষত্রিয় তিন জাতিতে, বৈশ্য দুই জাতিতে, শূদ্র এক জাতিতে বিবাহ করিতে পারে ; আর, শূদ্রার চারি জাতিতে, বৈশ্যার তিন জাতিতে, ক্ষত্রিয়ার দুই জাতিতে, ব্রাহ্মণীর এক জাতিতে বিবাহ হইতে পারে । নারদবচনস্থিত চারি তিন প্রভৃতি সংখ্যাবাচক শব্দচতুষ্টয় জাতিপর বলিয়া ব্যাখ্যা করা নিতান্ত আবশ্যিক ; নতুবা, শূদ্রা প্রভৃতির চারি, তিন, দুই, এক জাতিতে বিবাহ হইতে পারে, এরূপ অর্থ প্রতিপন্ন না হইয়া, শূদ্রা প্রভৃতির চারি, তিন, দুই, এক পতি বিবাহরূপ অর্থ প্রতিপন্ন হইবেক ; অর্থাৎ, শূদ্রার চারি পতির সহিত, বৈশ্যার তিন পতির সহিত, ক্ষত্রিয়ার দুই পতির সহিত, ব্রাহ্মণীর এক পতির সহিত বিবাহ হইতে পারিবেক । কিন্তু, সেরূপ অর্থ যে শাস্ত্রানুমত ও ন্যায়ানুগত নহে, ইহা বলা বাহুল্যমাত্র । যাহা হউক, দায়ভাগকার পৈঠীনসিবচনস্থিত চারি, তিন প্রভৃতি সংখ্যা-বাচক শব্দচতুষ্টয় জাতিপর বলিয়া ব্যাখ্যা করাতে, তর্কবাচস্পতি মহাশয় যদৃচ্ছাক্রমে প্রত্যেক বর্ণেও পাঁচ প্রভৃতি স্ত্রী বিবাহ করা দূষ্য নয়, এই তাৎপর্য্যব্যাখ্যা করিয়াছেন । এক্ষণে, সর্বাংশে সমান স্থল বলিয়া, নারদবচনস্থিত চারি তিন প্রভৃতি সংখ্যাবাচক শব্দচতুষ্টয়ও জাতিপর বলিয়া অগত্যা ব্যাখ্যা করিতে হইতেছে ; সুতরাং, সর্বাংশে সমান স্থল বলিয়া, সর্বশাস্ত্রবেত্তা তর্কবাচস্পতি মহাশয়, স্ত্রীলোকের পক্ষে যদৃচ্ছাক্রমে প্রত্যেক বর্ণে পাঁচ প্রভৃতি পতি বিবাহ করা দূষ্য নয়, এই তাৎপর্য্যব্যাখ্যা করিবেন, তাহার সন্দেহ নাই । তাঁহার ব্যবস্থা অনুসারে, অতঃপর স্ত্রীলোকে প্রত্যেক বর্ণে যদৃচ্ছাক্রমে যত ইচ্ছা বিবাহ করিতে পারিবেক । বেদব্যাস কেবল দ্রৌপদীকে পাঁচটিমাত্র পতি বিবাহের অনুমতি দিয়াছিলেন । তর্কবাচস্পতি মহাশয় বেদব্যাস অপেক্ষা ক্ষমতাপন্ন । তিনি একবারে সর্বসাধারণ স্ত্রীলোককে প্রত্যেক বর্ণে যদৃচ্ছাক্রমে যত ইচ্ছা পতি বিবাহ করিবার অনুমতি দিতেছেন । অতএব, তর্কবাচস্পতিমহাশয়সদৃশ ধর্ম্মশাস্ত্র-

ব্যবস্থাপক ভূমণ্ডলে নাই, এরূপ নির্দেশ করিলে, বোধ করি, অত্যাঙ্কি-  
দোষে দূষিত হইতে হয় না ।

যাহা হউক, এস্থলে নির্দেশ করা আবশ্যিক, দায়ভাগলিখনের  
উল্লিখিত তাৎপর্য্যব্যাখ্যা তর্কবাচস্পতি মহাশয়ের নিজবুদ্ধিপ্রভাবে  
উদ্ভাবিত হয় নাই ; তাঁহার পূর্বে শ্রীকৃষ্ণ তর্কালঙ্কার, অচ্যুতানন্দ  
চক্রবর্তী ও কৃষ্ণকান্ত বিদ্যাবাগীশ ঐ তাৎপর্য্যব্যাখ্যা করিয়া  
গিয়াছেন । যথা,

#### শ্রীকৃষ্ণ তর্কালঙ্কার

“জাত্যবচ্ছেদেনেতি জাত্যা ইত্যর্থঃ তেন ব্রাহ্মণস্য পঞ্চ-  
ব্রাহ্মণীবিবাহো ন বিকল্প ইতি ভাবঃ, (২২) । ”

“জাত্যবচ্ছেদেন” অর্থাৎ জাতির সহিত, এই কথা বলাতে, ব্রাহ্মণের  
পাঁচ ছয় ব্রাহ্মণীবিবাহ দুষ্য নয়, এই অভিপ্রায় ব্যক্ত হইতেছে ।

#### অচ্যুতানন্দ চক্রবর্তী

“জাত্যবচ্ছেদেনেতি তেন ব্রাহ্মণাদেঃ পঞ্চ ষড়্ বা সজাতীয়া  
ন বিকল্পা ইত্যশয়ঃ (২২) । ”

“জাত্যবচ্ছেদেন”, এই কথা বলাতে, ব্রাহ্মণাদি বর্ণের পাঁচ  
ছয় সর্বণী বিবাহ দুষ্য নয়, এই অভিপ্রায় ব্যক্ত হইতেছে ।

#### কৃষ্ণকান্ত বিদ্যাবাগীশ

“জাত্যবচ্ছেদেনেতি তেন ব্রাহ্মণস্য পঞ্চষব্রাহ্মণীবিবাহো  
হপি ন বিকল্প ইতি স্মৃতিতম্ (২২) । ”

“জাত্যবচ্ছেদেন” এই কথা বলাতে, ব্রাহ্মণের পাঁচ ছয় ব্রাহ্মণী  
বিবাহও দুষ্য নয়, এই অভিপ্রায় ব্যক্ত হইতেছে ।

তর্কবাচস্পতি মহাশয়, এই তিন টীকাকারের তাৎপর্য্যব্যাখ্যা নিরীক্ষণ  
করিয়া, তদীয় নামোল্লেখে বৈমুখ্য অবলম্বন পূর্বক, নিজবুদ্ধিপ্রভাবে  
উদ্ভাবিত অভূতপূর্ব ব্যাখ্যার ন্যায় পরিচয় দিয়াছেন । বস্তুতঃ, তদীয়

ব্যাখ্যা শ্রীকৃষ্ণ, অচ্যুতানন্দ ও কৃষ্ণকান্তের ব্যাখ্যার প্রতিবিম্বমাত্র । তন্মধ্যে বিশেষ এই, তাঁহারা তিন জনে স্ব স্ব বর্ণে পাঁচ ছয় বিবাহ দৃশ্য নয়, এই মীমাংসা করিয়াছেন ; তর্কবাচস্পতি মহাশয়ের বুদ্ধি তাঁহাদের সকলের অপেক্ষা অধিক তীক্ষ্ণ ; এজন্য তিনি, প্রত্যেক বর্ণে পাঁচ প্রভৃতি বিবাহ দৃশ্য নয়, এই সিদ্ধান্ত করিয়াছেন । তর্কবাচস্পতি মহাশয় শ্রীকৃষ্ণ, অচ্যুতানন্দ ও কৃষ্ণকান্তের ব্যাখ্যার অনুসরণ করিয়াছেন ; কিন্তু, তাঁহাদের ব্যাখ্যা অনুমৃত হইল বলিয়া উল্লেখ বা অঙ্গীকার করেন নাই । কেহ কেহ তদীয় এই ব্যবহারকে অন্যায়াচরণের উদাহরণস্থলে উল্লিখিত করিতে পারেন ; কিন্তু, তাঁহার এই ব্যবহার নিতান্ত অভিনব ও বিস্ময়কর নহে ; পরস্ব গ্রহণ করিয়া নিজস্ব বলিয়া পরিচয় দেওয়া তাঁহার অভ্যাস আছে ।

এ স্থলে ইহাও উল্লেখ করা আবশ্যিক, রামভদ্র ন্যায়ালঙ্কার, শ্রীনাথ আচার্য্য চূড়ামণি, স্মার্ত ভট্টাচার্য্য রঘুনন্দন ও মহেশ্বর ভট্টাচার্য্য ও দায়ভাগের টীকা লিখিয়াছেন ; কিন্তু, তাঁহারা উল্লিখিত দায়ভাগ-লিখনের উক্তবিষ তাৎপর্য্যব্যাখ্যা করেন নাই । যাহা হউক, পূর্ব-নির্দিষ্ট নারদবচন দ্বারা ইহা নির্বিবাদে প্রতিপাদিত হইতেছে, শ্রীকৃষ্ণ তর্কালঙ্কার প্রভৃতি টীকাকার মহাশয়েরা, অথবা সর্বশাস্ত্রবেত্তা তর্ক-বাচস্পতি মহোদয়, স্ব স্ব বর্ণে, অথবা প্রত্যেক বর্ণে, যদৃচ্ছাক্রমে যত ইচ্ছা বিবাহ করা দৃশ্য নয়, ইহা দায়ভাগকারের অভিপ্রেত বলিয়া যে তাৎপর্য্যব্যাখ্যা করিয়াছেন, তাহা কোনও যতে সঙ্গত বা সম্ভব হইতে পারে না (২৩) ।

(২৩) অচ্যুতানন্দ চক্রবর্তী, “ব্রাহ্মণের পাঁচ ছয় সর্বর্ণ বিবাহ দৃশ্য নয়”, এই যে তাৎপর্য্যব্যাখ্যা করিয়াছেন, তাহা কেবল অনবধানমূলক বলিতে হইবেক । তদীয় তাৎপর্য্যব্যাখ্যার মর্ম্ম এই, ব্রাহ্মণ যদৃচ্ছাক্রমে যত ইচ্ছা সর্বর্ণ বিবাহ করিতে পারে । কিন্তু, তিনি দায়ভাগধৃত

সবর্ণাণ্যে দ্বিজাতীনাং প্রশস্তা দারকর্ম্মণি ।

কামতন্তু প্রবৃত্তানামিমাঃ স্ত্যঃ ক্রমশোহবরাঃ । ৩ । ১২ ।

তর্কবাচস্পতি মহাশয় যে প্রমাণ অবলম্বন পূর্বক একবারে একাধিক ভাৰ্য্যা বিবাহের ব্যবস্থা করিয়াছেন, তাহা উদ্ধৃত ও আলোচিত হইতেছে ।

“অথ যদি গৃহস্থো ধ্বৈ ভাৰ্য্যে বিদ্বৈত কথং কুৰ্য্যাৎ ।

ইত্যাশঙ্ক্য

যস্মিন্ কালে বিদ্বৈত উভাবগ্নী পরিচরেৎ

ইতু্যপক্রম্য

দ্বয়োভাৰ্য্যৈরস্বারক্ক্যৈর্যজমানঃ

ইতি বিধানপারিজাতধ্বতবোধায়নম্বত্রেণ যুগপত্তাৰ্য্যাৱয়ং তদনু-  
গুণমগ্নিদ্বয়ঞ্চ বিহিতং দ্বয়োঃ পত্ন্যোরস্বারক্ক্যৈরিত্তি বদতা  
চ অগ্নিদ্বয়ে যুগপত্তয়োহৌমাদিসম্বন্ধপ্রতীতেষুগপদ্বিবাহৱয়ং  
স্পষ্টমেব প্রতীয়তে(২৪) ।”

বিজ্ঞাতিদিগের প্রথমবিবাহে সৰ্বণী কন্যা বিহিতা ; কিন্তু যাহারা  
কামবশতঃ বিবাহে প্রবৃত্ত হয়, তাহারা অনুলোমক্রমে অসৰ্বণী  
বিবাহ করিবেন ।

এই মনুবচনের যে ব্যাখ্যা করিয়াছেন, তদ্বারা যদৃচ্ছাহলে অসৰ্বণীবিবাহ-  
মাত্র প্রতিপাদিত হইয়াছে । যথা,

“ইমাঃ বক্ষ্যমাণাঃ টৈশ্যাক্কল্লিয়বিপ্রাণাং শূদ্রাটৈশ্যাক্কল্লিয়াঃ” ।

ব্যক্ষমাণ কন্যারা অর্থাৎ টৈশ্য, কল্লিয় ও ব্রাহ্মণের শূদ্রা, টৈশ্য ও  
ও কল্লিয়া ।

ইহা দ্বারা অচ্যুতানন্দ স্পষ্টাক্ষরে স্বীকার করিয়াছেন, যদৃচ্ছাক্রমে বিবাহে  
প্রবৃত্ত হইলে ব্রাহ্মণ কল্লিয়া, টৈশ্য ও শূদ্রা ; কল্লিয় টৈশ্য ও শূদ্রা ;  
টৈশ্য শূদ্রা বিবাহ করিতে পারে । অতএব, যিনি মনুবচনব্যাখ্যাকালে  
যদৃচ্ছাহলে অসৰ্বণীবিবাহমাত্র ব্যবস্থাপিত করিয়াছেন ; তাঁহার পক্ষে  
“ব্রাহ্মণের পাঁচ ছয় সৰ্বণী বিবাহ দুষ্ট নয়”, একপ ব্যবস্থা করা কত দূর  
সঙ্গত, তাহা সকলে বিবেচনা করিয়া দেখিবেন । ফলতঃ, অচ্যুতানন্দকৃত  
মনুবচনব্যাখ্যা ও দায়ভাগলিখনের তাৎপর্য্যব্যাখ্যা যে পরস্পর নিতান্ত  
বিরুদ্ধ, তাহার সন্দেহ নাই ।

(২৪) বহুবিবাহবাদ, ২১ পৃষ্ঠা ।

“যদি গৃহস্থ দুই ভাৰ্য্যা বিবাহ করে কিরূপ করিবেক,” এই আশঙ্কা করিয়া, “যে কালে বিবাহ করিবেক দুই অগ্নির স্থাপন করিবেক,” এইরূপ আরম্ভ করিয়া, “দুই ভাৰ্য্যার সহিত যজমান,” বিধানপারিজাতধৃত এই বোধায়নশূত্রে যুগপৎ ভাৰ্য্যাৱয় ও তদুপ-যোগী অগ্নিৱয় বিহিত হইয়াছে ; আর “দুই পত্নীর সহিত,” এই কথা বলাতে, অগ্নিৱয়ে যুগপৎ উভয়ের হোমাদিসম্বন্ধ প্রতীতি জন্মিতোছে, স্মতরাং যুগপৎ বিবাহৱয় স্পষ্টই প্রতীয়মান হইতেছে ।

সৰ্বশাস্ত্রবেত্তা তৰ্কবাচস্পতি মহাশয় বোধায়নশূত্ৰের অর্থবোধ ও তাৎপর্যাগ্রহ করিতে পারেন নাই ; এজন্য, যুগপৎ বিবাহৱয় স্পষ্টই প্রতীয়মান হইতেছে, এরূপ অদ্ভুত সিদ্ধান্ত করিয়াছেন । তিনি, সমুদয় বোধায়নশূত্ৰ উদ্ধৃত না করিয়া, শূত্ৰের অন্তর্গত যে কয়টি কথা আপন অভিপ্রায়ের অনুকূল বোধ করিয়াছেন, সেই কয়টি কথামাত্র উদ্ধৃত করিয়াছেন । কিন্তু, যখন ধর্মসংস্থাপনে প্রবৃত্ত হইয়াছেন, তখন এক শূত্ৰের অতি সামান্য অংশত্রয়মাত্র উদ্ধৃত না করিয়া, সমুদয় শূত্ৰ উদ্ধৃত করা উচিত ও আবশ্যক ছিল ; তাহা হইলে, কেবল তদীয় আদেশের ও উপদেশের উপর নির্ভর না করিয়া, আবশ্যক বোধ হইলে, সকলে স্ব স্ব বুদ্ধি চালনা করিয়া, শূত্ৰের অর্থনির্ণয় ও তাৎপর্যাগ্রহ করিতে পারিতেন । এস্থলে দুটি কৌশল অবলম্বিত হইয়াছে ; প্রথম, সমুদয় শূত্ৰ উদ্ধৃত না করিয়া, তদন্তর্গত কতিপয় শব্দমাত্র উদ্ধৃত করা ; দ্বিতীয়, কেহ সমুদয় শূত্ৰ দেখিয়া, শূত্ৰের অর্থবোধ ও তাৎপর্যনির্ণয় করিয়া, প্রকৃত বৃত্তান্ত জানিতে না পারে, এজন্য যে এন্থে এই শূত্ৰ উদ্ধৃত হইয়াছে, তাহার নাম গোপন পূর্বক গ্রন্থাস্তরের নাম নির্দেশ করা । তিনি লিখিয়াছেন,

“ইতি বিধানপারিজাতধৃতবোধায়নশূত্ৰেণ” ।

বিধানপারিজাতধৃত এই বোধায়নশূত্ৰে ।

কিন্তু, বিধানপারিজাতে এই বোধায়নশূত্ৰ উদ্ধৃত দৃষ্ট হইতেছে না ।

যাহা হউক, বোধায়নসূত্রের প্রকৃত অর্থ ও তাৎপর্য্য কি, তাহা প্রদর্শিত হইতেছে ।

যদি কোনও ব্যক্তি, শাস্ত্রোক্তনিমিত্তবশতঃ, পুনরায় বিবাহ করে, তবে সে পূর্ব বিবাহের অগ্নিতে দ্বিতীয় বিবাহের হোম করিবেক, নূতন অগ্নি স্থাপন করিয়া তাহাতে হোম করিতে পারিবেক না । কিন্তু, যদি কোনও কারণবশতঃ, পূর্ব অগ্নিতে হোম করা না ঘটিয়া উঠে, তাহা হইলে, নূতন অগ্নিতে হোম করিয়া, পূর্ব অগ্নির সহিত ঐ অগ্নির মিলন করিয়া দিবেক । এই অগ্নিদ্বয়মেলনের দুই পদ্ধতি ; প্রথম পদ্ধতি অনুসারে, প্রথমতঃ যথাবিধি স্থণ্ডিলে দুই অগ্নির স্থাপন করিয়া, অগ্রে পূর্বপত্নীর সহিত প্রথম বিবাহের অগ্নিতে হোম করিবেক ; পরে সমিধের উপর ঐ অগ্নির ক্ষেপণ করিয়া, দ্বিতীয় বিবাহের অগ্নির সহিত মেলনপূর্বক, দুই পত্নীর সহিত সমবেত হইয়া হোম করিবেক । এই পদ্ধতি শৌনক ও আশ্বলায়নের বিধি অনুযায়িনী । দ্বিতীয় পদ্ধতি অনুসারে, প্রথমতঃ যথাবিধি স্থণ্ডিলে দুই অগ্নির স্থাপন করিয়া, অগ্রে দ্বিতীয় পত্নীর সহিত দ্বিতীয় বিবাহের অগ্নিতে হোম করিবেক ; পরে, সমিধের উপর ঐ অগ্নির ক্ষেপণ করিয়া, প্রথম বিবাহের অগ্নির সহিত মেলনপূর্বক, দুই পত্নীর সহিত সমবেত হইয়া হোম করিবেক । এই পদ্ধতি বোধায়নের বিধি অনুযায়িনী । শৌনক ও আশ্বলায়নের বিধি অনুসারে, অগ্রে পূর্বপত্নীর সহিত প্রথম বিবাহের অগ্নিতে হোম করিতে হয় ; বোধায়নের বিধি অনুসারে, অগ্রে দ্বিতীয় পত্নীর সহিত দ্বিতীয় বিবাহের অগ্নিতে হোম করিতে হয় । দুই পদ্ধতির এই অংশে বিভিন্নতা ও মন্ত্ৰগত বৈলক্ষণ্য আছে । বীরমিত্রোদয়, বিধানপারিজাত, নির্ণয়সিন্ধু এই তিন গ্রন্থে এ বিষয়ের ব্যবস্থা আছে এবং অবলম্বিত ব্যবস্থার প্রমাণভূত শাস্ত্রও উদ্ধৃত হইয়াছে । যথাক্রমে তিন গ্রন্থের লিখন উদ্ধৃত হইতেছে ; তদদর্শনে, সকলে এ বিষয়ের সবিশেষ বৃত্তান্ত জানিতে পারিবেন, এবং তর্ক-

বাচস্পতি মহাশয়ের মীমাংসা সঙ্গত কি না, তাহাও অনায়াসে বিবেচনা করিতে পারিবেন ।

### বীরমিত্রোদয়

“অথাধিবেদনেহগ্নিনিয়মঃ তত্র কাত্যায়নঃ

সদারোহন্যান্ পুনর্দারানুদ্বোতুং কারণান্তরাৎ ।

যদীচ্ছদগ্নিমান্ কর্তুং ক হোমোহস্ম বিধীয়তে ।

স্বাগ্নাবেব ভবেদ্ধোমো লৌকিকে ন কদাচনেতি ॥

স্বাগ্নৌ পূর্বপরিগ্রহীতেহগ্নৌ তদভাবে লৌকিকেহগ্নৌ যদা লৌকিকেহগ্নৌ তদা পূর্বেণাগ্নিনা অস্যাগ্নেঃ সংসর্গঃ কার্যঃ” ।

অতঃপর অধিবেদনের অগ্নিনিয়ম উল্লিখিত হইতেছে । কাত্যায়ন কহিয়াছেন, “যদি সাম্বিক গৃহস্থ, নিমিত্তবশতঃ, পূর্বক্ষীর জীবদ্ধশায় পুনরায় দারপরিগ্রহের ইচ্ছা করে, কোন অগ্নিতে সেই বিবাহের হোম করিবেক । প্রথম বিবাহের অগ্নিতেই ঐ হোম করিতে হইবেক, লৌকিক অর্থাৎ নূতন অগ্নিতে কদাচ করিবেক না” । প্রথম বিবাহের অগ্নির অভাব ঘটিলে, লৌকিক অগ্নিতে করিবেক ; যদি লৌকিক অগ্নিতে করে, তাহা হইলে পূর্ব অগ্নির সহিত ঐ অগ্নির মেলন করিতে হইবেক ।

“অথ কৃত্যধিবেদনস্ম অগ্নিদ্বয়সংসর্গবিধিরভিধীয়তে । শৌনকঃ”

অথাগ্ন্যাগ্নৌ হরোর্যোগং সপত্নীভেদজাতয়োঃ ।

সহাধিকারসিদ্ধ্যর্থমহং বক্ষ্যামি শৌনকঃ ॥

অরোগামুদ্বহেৎ কন্যাং ধর্মলোপভয়াৎ স্বয়ম্ ।

কৃতে তত্র বিবাহে চ ব্রতান্তে তু পরেহহনি ॥

পৃথক্ স্তম্বিলয়োরগ্নৌ সমাধায় যথাবিধি ।

তন্ত্রং কৃত্বাজ্যভাগান্তমবধাণাদিকং ততঃ ।

জুহুয়াৎ পূর্বপত্ন্যাগ্নৌ তয়ান্নারক্ আহুতীঃ ॥

অগ্নিমীলে পুরোহিতং সূক্তেন নবর্চেন তু ।

সমিধেনং সমারোপ্য অয়ন্তে যোনিরিত্যচা ।

প্রত্যবরোহেত্যনয়া কনিষ্ঠাগ্নৌ নিধায় তম্ ।

আজ্যভাগান্ততন্ত্রাদি কৃত্বারভ্য তদাদিতঃ ।

সমন্বারক্ এতাভ্যাং পত্নীভ্যাং জুহুয়াদ্ যতম্ ।

চতুর্গৃহীতমেতাভির্বাগ্নিভিঃ ষড়্ভির্ষথাক্রমম্ ।

অগ্নাবগ্নিশ্চরতীত্যগ্নিনাগ্নিঃ সমিধ্যতে ।

অস্তীদমিতি তিসৃতিঃ পাহি নো অগ্ন একয়া ।

ততঃ স্মিষ্টকৃদারভ্য হোমশেষং সমাপয়েৎ ।

গোযুগং দক্ষিণা দেয়া শ্রোত্রিয়ায়াহিতাগ্নয়ে ॥

পত্ন্যোরেকা যদি যুতা দন্ধা তেনৈব তাং পুনঃ ।

আদধীতান্যয়া সার্কমাধানবিধিনা গৃহীতি ॥

অয়ঞ্চাগ্নিসংসর্গো লৌকিকাগ্নৌ বিবাহহোমপক্ষে পূর্বপত্ন্যাগ্নৌ  
বিবাহহোমপক্ষে তু নায়ং সংসর্গবিধিঃ বিবাহহোমেনৈব  
সংসৃষ্টত্বাৎ ।”

অতঃপর, অধিবেদনকারীর পক্ষে অগ্নিদ্বয়মেলনের যে বিধি  
আছে, তাহা নির্দিষ্ট হইতেছে । শৌনক কহিয়াছেন, “ক্ষীদিগের  
সহাধিকার সিদ্ধির নিমিত্ত, সপত্নীভেদনিমিত্তক গৃহ অগ্নিদ্বয়ের  
মেলনবিধি কহিতেছি । ধর্মলোপভয়ে অরোগা কন্যার পানিগ্রহণ  
করিবেক । বিবাহ সম্পন্ন হইলে, ব্রতান্তে, পর দিবসে, যথাবিধি  
পৃথক্ দুই স্থাণ্ডিলে দুই অগ্নির স্থাপন করিয়া, পৃথক্ অমাধানপ্রভৃতি  
আজ্যভাগপর্যন্ত কর্মসম্পাদনপূর্বক, পূর্বপত্নীর সহিত সমবেত  
হইয়া, “অগ্নিমীলে পুরোহিতম্” ইত্যাদি নব মন্ত্র দ্বারা প্রথম  
বিবাহের অগ্নিতে আহুতি প্রদান করিবেক । পরে “অয়ং তে  
যোনিঃ” এই মন্ত্র দ্বারা সমিধের উপর ঐ অগ্নির ক্ষেপণ করিয়া,  
“প্রত্যবরোহ” এই মন্ত্র দ্বারা কনিষ্ঠাগ্নিতে অর্থাৎ দ্বিতীয় বিবাহের  
অগ্নিতে ক্ষেপণপূর্বক, প্রথম হইতে আজ্যভাগান্ত কর্ম করিয়া, উভয়  
পত্নীর সহিত সমবেত হইয়া, হোম করিবেক, অনন্তর “অগ্নাবগ্নি-  
শ্চরতি”, “অগ্নিনাগ্নিঃ সমিধ্যতে”, এই দুই, “অস্তীদম্” ইত্যাদি  
তিন, “পাহি নো অগ্ন একয়া” এই এক, এই ছয় মন্ত্র দ্বারা

চতুর্গৃহীত ঘূতের আহুতি দিবেক, তৎপরে ষ্টিষ্ঠকৃৎ প্রভৃতি কৰ্ম করিয়া, হোমশেষ সমাপন করিবেক এবং আহিতাগ্নি শ্রোত্রিয়কে গোয়ুগল দক্ষিণা দিবেক । যদি পত্নীদ্বয়ের মধ্যে একের মৃত্যু হয়, সেই অগ্নি দ্বারা তাহার দাহ করিয়া, গৃহস্থ, আধানবিধি অনুসারে, অন্য স্ত্রীর সহিত পুনরায় আধান করিবেক । ” দ্বিতীয়বিবাহহোম লৌকিক অগ্নিতে সম্পাদিত হইলেই, উক্ত-প্রকার অগ্নিমেলনের আবশ্যকতা ; পূর্ব বিবাহের অগ্নিতে সম্পাদিত হইলে, উহার আবশ্যকতা নাই ; কারণ, বিবাহহোম দ্বারাই অগ্নিসংসর্গ নিষ্পন্ন হইয়া যায় ।

### বিধানপারিজাত

“অথ সাগ্নিকশ্চ দ্বিতীয়াং ভার্য্যামুচবতোহগ্নিদ্বয়সংসর্গবিধানম্ ।  
আশ্বলায়নগৃহপারিশিষ্টে

অথানেকভার্য্যশ্চ যদি পূর্বগৃহাগ্ণাবেব অনন্তরবিবাহঃ  
শ্চাৎ তেনৈব সা তশ্চ সহ প্রথময়া ধর্ম্মাগ্নিভাগিনী  
ভবতি । যদি লৌকিকে পরিণয়েৎ তং পৃথক্  
পরিগৃহ পূর্বৈগৈকীকুর্য্যাৎ । তৌ পৃথগুপসমাধায়  
পূর্বম্বিন্ পূর্বয়া পত্ন্যাহারকৌ অগ্নিমীলে পুরো-  
হিতমিতি সূক্তেন প্রত্যচং হত্বা অগ্নে ত্বং ন ইতি  
সূক্তেন উপস্থায় অয়ং তে যোনিঞ্চ ত্রিয় ইতি তং  
সমিধমারোপ্য প্রত্যবরোহ জাতবেদ ইতি দ্বিতীয়ে-  
হবরোহ আজ্যভাগান্তং কৃত্বা উভাত্যামহারকৌ  
জুহুয়াৎ অগ্নিনাগ্নিঃ সমিধ্যতে ত্বং হ্যগ্নে অগ্নিনা  
পাহি নো অগ্ন একয়েতি তিসৃভিঃ অস্তীদমধিমম্বন-  
মিতি চ তিসৃভিরথৈনং পরিচরেৎ । স্মৃতামনেন  
সংস্কৃত্য অন্যয়া পুনরাদধ্যাৎ যথাযোগং বাগ্নিং  
বিভজ্য তদ্বাগেন সংস্কুর্য্যাৎ । বহ্বীনামপ্যেবমগ্নি-  
যোজনং কুর্য্যাৎ । গোমিথুনং দক্ষিণেতি ।

শৌনকোহপি

অথাগ্ন্যাগ্ন্যুহয়োৰ্যোগং সপত্নীভেদজাতয়োঃ ।  
 মহাধিকারসিদ্ধ্যর্থমহং বক্ষ্যামি শৌনকঃ ॥  
 অরোগাযুধহেৎ কন্যাং ধৰ্ম্মলোপভয়াৎ স্বয়ম্ ।  
 কৃতে তত্র বিবাহে চ ব্রতান্তে তু পরেহহনি ।  
 পৃথক্ স্থণ্ডিলয়োরগ্নী সমাধায় যথাবিধি ।  
 তত্রাং কৃত্বাজ্যভাগান্তমব্রাহ্মণানাং ততঃ ।  
 জুহুয়াৎ পূৰ্বপত্ন্যাগ্নৌ তয়ান্নারদ্ধ আহুতীঃ ।  
 অগ্নিমীলে পুরোহিতং স্তুত্বেন নবর্চেন তু ।  
 সমিধেনং সমারোপ্য অয়ং তে যোনিরিত্যচা ।  
 প্রত্যবরোহেত্যনয়া কনিষ্ঠ্যাগ্নৌ নিধায় তম্ ।  
 আজ্যভাগান্ততত্রাদি কৃত্বারভ্য তদাদিতঃ ।  
 সমব্রাহ্মণ এতাভ্যাং পত্নীভ্যাং জুহুয়াৎ স্বতম্ ।  
 চতুর্গৃহীতমেতাভির্গৃহীতিঃ ষড়্ ভিষথাক্রমম্ ।  
 অথাবগ্নিশ্চরতীত্যগ্নিনাগ্নিঃ সমিধ্যতে ।  
 অন্তীদমিতি তিসৃতিঃ পাহি নো অগ্ন একয়া ।  
 ততঃ স্থিষ্টকৃদারভ্য হোমশেষং সমাপয়েৎ ।  
 গোযুগং দক্ষিণা দেয়া শ্রোত্রিয়ায়াহিতাগ্নয়ে ॥  
 পত্ন্যোরেকা যদি যুতা দক্ষা তেনৈব তাং পুনঃ ।  
 আদধীতান্যয়া সার্ক্ণমাধানবিধিনা গৃহীতি ॥”

অতঃপর কৃতদ্বিতীয়বিবাহ সান্নিকের অগ্নিদ্বয়ের সংসর্গবিধান দর্শিত হইতেছে । আশ্বলায়নগৃহ্যপরিশিষ্টে উক্ত হইয়াছে ; “ যদি দ্বিতীয়া ব্যক্তির দ্বিতীয় বিবাহ পূৰ্ব বিবাহের অগ্নিতেই সম্পন্ন হয়, তদ্বারাই সে তাহার পূৰ্বপত্নীর সহিত ধৰ্ম্মকার্যে মহাধিকারিণী হইবেক । যদি লৌকিক অগ্নিতে বিবাহ করে, উহার পৃথক্ পরিগ্রহ করিয়া, পূৰ্ব অগ্নির সহিত মেলন করিবেক । দুই অগ্নির পৃথক্

স্থাপন করিয়া, পূৰ্বপত্নীর সহিত সমবেত হইয়া, “অগ্নিমীলে পুরো-  
হিতম্” এই মন্ত্র দ্বারা পূৰ্ব অগ্নিতে প্রতি মন্ত্রে হোম করিয়া, “অগ্নে  
ত্বং নঃ” এই মন্ত্র দ্বারা উপস্থাপনপূৰ্বক, “অয়ং তে যোনিঞ্চ দ্বিয়,”  
এই মন্ত্র দ্বারা সমিধের উপর ক্ষেপণ করিয়া, “প্রত্যবরোহ জাত-  
বেদঃ” এই মন্ত্র দ্বারা দ্বিতীয় অগ্নিতে ক্ষেপণ পূৰ্বক, আজ্যভাগান্ত  
কৰ্ম করিয়া, উভয় পত্নীর সহিত সমবেত হইয়া হোম করিবেক ;  
অনন্তর “অগ্নিনাগ্নিঃ সমিধ্যতে”, “ত্বং হুগ্নে অগ্নিনা”, “পাহি নো  
অগ্ন একয়া ” এই তিন, এবং “ অস্তীদমধিমহ্নম্ ” ইত্যাদি তিন  
মন্ত্র দ্বারা সেই অগ্নিতে আহুতিদান করিবেক । এই অগ্নি দ্বারা মৃত্যু  
ক্ষীর সংস্কার করিয়া, অন্য ক্ষীর সহিত পুনর্বার অগ্ন্যাধান করি-  
বেক, অথবা যথাসম্ভব অগ্নির বিভাগ করিয়া, এক ভাগ দ্বারা  
সংস্কার করিবেক । বহুক্ষীপক্ষেও এইরূপে অগ্নিমেলন করিবেক ।  
গোযুগল দক্ষিণা দিবেক । ”

শৌনকও কহিয়াছেন, “ ক্ষীদিগের সহাধিকার সিদ্ধির নিমিত্ত,  
মপত্নীভেদনিমিত্তক গৃহ অগ্নিহয়ের মেলন বিধি কহিতেছি । ধর্ম-  
লোপভয়ে অরোগা কন্যার পানিগ্রহণ করিবেক । বিবাহ সম্পন্ন  
হইলে, বতাস্তে, পর দিবসে, যথাবিধি পৃথক দুই স্থতিলে দুই অগ্নির  
স্থাপন করিয়া, পৃথক অগ্ন্যাধান প্রভৃতি আজ্যভাগপর্যন্ত কৰ্ম সম্পা-  
দনপূৰ্বক, পূৰ্বপত্নীর সহিত সমবেত হইয়া, “অগ্নিমীলে পুরোহিতম্”  
ইত্যাদি নব মন্ত্র দ্বারা প্রথম বিবাহের অগ্নিতে আহুতি প্রদান  
করিবেক । পরে “অয়ং তে যোনিঃ” এই মন্ত্র দ্বারা সমিধের উপর  
ঐ অগ্নির ক্ষেপণ করিয়া, “প্রত্যবরোহ” এই মন্ত্র দ্বারা কনিষ্ঠাগ্নিতে  
অর্থাৎ দ্বিতীয় বিবাহের অগ্নিতে ক্ষেপণ পূৰ্বক, প্রথম হইতে  
আজ্যভাগান্ত কৰ্ম করিয়া, উভয় পত্নীর সহিত সমবেত হইয়া,  
হোম করিবেক, অনন্তর “অগ্নাবগ্নিচ্চরতি”, “অগ্নিনাগ্নিঃ সমিধ্যতে”  
এই দুই, “অস্তীদম্” ইত্যাদি তিন, “পাহি নো অগ্ন একয়া” এই  
এক, এই ছয় মন্ত্র দ্বারা চতুর্গৃহীত ঘৃতের আহুতি দিবেক,  
তৎপরে ষিটুকু প্রভৃতি কৰ্ম করিয়া, হোমশেষ সমাপন করিবেক  
এবং আহিতাগ্নি শ্রোত্রিয়কে গোযুগল দক্ষিণা দিবেক । যদি  
পত্নীদ্বয়ের মধ্যে একের মৃত্যু হয়, সেই অগ্নি দ্বারা তাহার দাহ  
করিয়া, গৃহস্থ, আধানবিধি অনুসারে, অন্য ক্ষীর সহিত পুনরায়  
আধান করিবেক । ”

নির্ণয়সিদ্ধি

“দ্বিতীয় বিবাহহোমে অগ্নিমাহ কাত্যায়নঃ

সদারোহন্যান্ পুনর্দারান্নুদ্বোতুং কারণান্তরাৎ ।  
যদীচ্ছেদগ্নিমান্ কর্তুং ক হোমোহস্য বিধীয়তে ।  
স্বাগ্নাবিব ভবেদ্ধোমো লৌকিকে ন কদাচন ॥

ত্রিকাণ্ডমণ্ডনোহপি

আদ্যোয়াং বিদ্যমানায়াং দ্বিতীয়ায়ুদ্বহেদ্যদি ।  
তদা বৈবাহিকং কৰ্ম কুর্যাদাবসথেহগ্নিমান্ ॥

সুদর্শনভাষ্যে তু দ্বিতীয়বিবাহহোমো লৌকিক এব ন পূর্বো-  
পাসন ইত্যুক্তম্ ইদঞ্চাসম্ভবে তত্র চাগ্নিদ্বয়সংসর্গঃ কার্যঃ তদাহ  
শৌনকঃ

অথাগ্ন্যোগৃহ্যোর্থোগং সপত্নীভেদজাতয়োঃ ।  
সহাধিকারসিদ্ধার্থমহং বক্ষ্যামি শৌনকঃ ॥

অরোগায়ুদ্বহেৎ কন্যাং ধর্মলোপভয়াৎ স্বয়ম্ ।

কৃতে তত্র বিবাহে চ ব্রতান্তে তু পরেহহনি ।

পৃথক্ স্থণ্ডিলয়োরগ্নী সমাধায় যথাবিধি ।

তত্রং কৃত্বাজ্যভাগান্তমব্রাধানাদিকং ততঃ ।

জুহুয়াৎ পূর্বপত্ন্যাগ্নৌ তয়ান্নারক্কা আলতীঃ ।

অগ্নিমীলে পুরোহিতং সূক্তেন নবর্চেন তু ।

সমিধেনং সমারোপ্য অয়ং তে যোনিরিত্যচা ।

প্রত্যবরোহেত্যনয়া কনিষ্ঠাগ্নৌ নিধায় তম্ ।

আজ্যভাগান্ততন্ত্রাদি কৃত্বারভ্য তদাদিতঃ ।

সমন্নারক্কা এতাভ্যাং পত্নীভ্যাং জুহুয়াদ্বয়তম্ ।

চতুর্গৃহীতমেতাভির্গাভিঃ ষড়্ভির্যথাক্রমম্ ।

অগ্নাবগ্নিশ্চরতীত্যগ্নিনাগ্নিঃ সমিধ্যতে ।

অস্তীদমিতি তিসৃভিঃ পাহি নো অগ্ন একয়া ।

ততঃ স্নিক্কদারভ্য হোমশেষং সমাপয়েৎ ।

গোযুগং শক্ণিণা দেয়া শ্রোত্রিয়ায়াহিতাথয়ে ॥

পাত্ত্যোরেকা যদি যুতা দন্ধা তেনৈব তাং পুনঃ ।

আদধীতান্যয়া সান্ধ্বমাধানবিধিনা গৃহীতি ॥

বৌধায়নমুত্রে তু

অথ যদি গৃহস্থো দে ভার্য্যে বিন্দেত কথং তত্র  
কুৰ্যাদিতি যস্মিন্ কালে বিন্দেত উভাবগ্নী পরিচরেৎ  
অপরাগ্নিযুপসমাধায় পরিস্তীৰ্য্য আজ্যং বিলাপ্য  
অচি চতুর্গৃহীতং গৃহীত্বা অন্নারক্কায়াং জুহোতি  
নমস্তে ঋষে গদাব্যধারৈ ত্বা স্বধারৈ ত্বা মান ইন্দ্রাতি-  
মতশ্চদৃষ্টা রিক্তাং স এব ব্রহ্মববেদ সূ স্বাহেতি অথ  
অয়ং তে যোনিঋত্বিয় ইতি সমিধি সমারোপয়েৎ  
পূর্বাগ্নিযুপসমাধায় জুহ্বান উদ্ব্যস্বাথ ইতি সমিধি  
সমারোপ্য পরিস্তীৰ্য্য অচি চতুর্গৃহীত্বা দ্বয়োর্ভার্য্যয়ো-  
রন্নারক্কয়োর্ধজমানোহতিযুশতি যো ব্রহ্মা ব্রহ্মণ  
ইত্যেতেন সূক্তেনৈকং চতুর্গৃহীতং জুহোতি আগ্নি-  
যুখাৎ কৃত্বা পক্কাং জুহোতি সম্মিতং সন্ধপেখামিতি  
পুরোব্রুবাক্যামবুচ্য অগ্নে পুরীষ্যে ইতি যাজ্যয়া  
জুহোতি অথাজ্যাহতীরূপজুহোতি পুরীষ্যমন্ত-  
মিত্যন্তাদব্রুবাক্যস্য স্নিক্কং প্রভৃতিসিদ্ধমাধেবু-  
বরদানাৎ অথাগ্নেগ্নিঃ দর্ভস্তম্বে হৃতশেষং  
নিদধাতি ব্রহ্মজজ্ঞানং পিতা বিরাজামিতি দ্বাভ্যাং  
সংসর্গবিধিঃ কার্য্যঃ । ”

যে অগ্নিতে দ্বিতীয় বিবাহের হোম করিতে হয়, কাত্যায়ন তাহার

নির্দেশ করিয়াছেন, “ যদি সাগ্নিক গৃহস্থ, নিমিত্তবশতঃ, পূর্বস্ত্রীর জীবদ্দশায় পুনরায় দারপরিগ্রহের ইচ্ছা করে, কোন অগ্নিতে সেই বিবাহের হোম করিবেক। প্রথম বিবাহের অগ্নিতেই ঐ হোম করিতে হইবেক, লৌকিক অর্থাৎ নূতন অগ্নিতে কদাচ করিবেক না ” । ত্রিকাণ্ডমণ্ডনও কহিয়াছেন, “ যদি সাগ্নিক গৃহস্থ, প্রথম স্ত্রী বিদ্যমান থাকিতে, দ্বিতীয়া স্ত্রী বিবাহ করে, তাহা হইলে আব-সথ অগ্নিতে বিবাহসংক্রান্ত কৰ্ম করিবেক । ” সুদর্শনভাষ্যে নির্দিষ্ট আছে, দ্বিতীয় বিবাহের হোম লৌকিক অগ্নিতেই করিবেক, পূর্ব-বিবাহের অগ্নিতে নহে। অসম্ভব পক্ষে এই ব্যবস্থা। এ পক্ষে অগ্নিদ্বয়ের মেলন করিতে হয় ; শৌনক তাহার বিধি দিয়াছেন, “ স্ত্রীদিগের সহাধিকার সিদ্ধির নিমিত্ত, সপত্নীভেদনিমিত্তক গৃহ অগ্নিদ্বয়ের মেলনবিধি কহিতেছি । ধর্মলোপভয়ে অরোগা কন্যার পানিগ্রহণ করিবেক । বিবাহ সম্পন্ন হইলে, ব্রতান্ত্রে, পর দিবসে, যথাবিধি পৃথক্ দুই স্থাণ্ডিলে দুই অগ্নির স্থাপন করিয়া, পৃথক্ অশ্বা-ধান প্রভৃতি আজ্যভাগ পর্য্যন্ত কৰ্ম সম্পাদন পূর্বক, পূর্বপত্নীর সহিত সমবেত হইয়া, “ অগ্নিনীলে পুরোহিতম্ ” ইত্যাদি নব মন্ত্র দ্বারা প্রথম বিবাহের অগ্নিতে আহুতি প্রদান করিবেক । পরে “ অয়ং তে যোনিঃ ” এই মন্ত্র দ্বারা সমিধের উপর ঐ অগ্নির ক্ষেপণ করিয়া, “ প্রত্যবরোহ ” এই মন্ত্র দ্বারা কনিষ্ঠাগ্নিতে অর্থাৎ দ্বিতীয় বিবাহের অগ্নিতে ক্ষেপণ পূর্বক, প্রথম হইতে আজ্যভাগান্ত কৰ্ম করিয়া, উভয় পত্নীর সহিত সমবেত হইয়া, হোম করিবেক, অনন্তর “ অগ্নাবগ্নিচরতি ”, “ অগ্নিনাগ্নিঃ সমিধ্যতে ”, এই দুই, “ অস্তীদম্ ” ইত্যাদি তিন, “ পাহি নো অগ্ন একয়া ” এই এক, এই ছয় মন্ত্র দ্বারা চতুর্গৃহীত ঘূতের আহুতি দিবেক, তৎপরে শ্বিষ্টকৃৎ প্রভৃতি কৰ্ম করিয়া, হোমশেষ সমাপন করিবেক এবং আহিতাগ্নি শ্রোত্রিয়কে গোযুগল দক্ষিণা দিবেক । যদি পত্নীদ্বয়ের মধ্যে একের মৃত্যু হয়, সেই অগ্নি দ্বারা তাহার দাহ করিয়া, গৃহস্থ, আধানবিধি অনুসারে, অন্য স্ত্রীর সহিত পুনরায় আধান করি-বেক ” ।

কিন্তু বৌধায়নসূত্রে অগ্নিদ্বয়ের মেলনপ্রক্রিয়া প্রকারান্তরে উক্ত হইয়াছে ; যথা “ যদি গৃহস্থ দুই ভার্য্যার পানিগ্রহণ করে, সে স্থলে কিরূপ করিবেক ? যৎকালে বিবাহ করিবেক, উভয় অগ্নির স্থাপন করিবেক ; অপরাগ্নির অর্থাৎ দ্বিতীয় বিবাহের অগ্নির স্থাপন ও পরিস্তরণ করিয়া, ঘূত গলাইয়া, স্রুচে চারি বার ঘূত গ্রহণ করিয়া, “ নমন্তে ঋষে গদাধ্যধাটয় ত্বা স্বধাটয় ত্বা মান ইন্দ্রাভিমতশ্চুদকৈ ।

ৱিষ্টাং স এব ব্রহ্মবৈবস্বতঃ স্বাহা ।” এই মন্ত্র দ্বারা কনিষ্ঠা স্ত্রীর সহিত সমবেত হইয়া, আহুতি দিবেক ; পরে “অয়ং তে যোনিঞ্চ দ্বিযঃ” এই মন্ত্র দ্বারা সমিধের উপর ক্লেপণ করিবেক ; অনন্তর পূর্বাগ্নির অর্থাৎ প্রথম বিবাহের অগ্নির স্থাপন পূর্বক আহুতি দিয়া, “উদুধ্যস্ব অগ্নে” এই মন্ত্র দ্বারা সমিধের উপর ক্লেপণ ও পরিস্তরণ করিয়া, স্রুচে চারি বার ঘৃত লইয়া, উভয় ভার্য্যার সহিত সমবেত হইয়া, যজমান হোম করিবেক ; “যো ব্রহ্মা ব্রহ্মণঃ” এই মন্ত্র দ্বারা এক বার চতুঃস্থীত ঘৃত আহুতি দিবেক ; অনন্তর অগ্নিমুখ প্রভৃতি কর্ম করিয়া, চরুহোম করিবেক ; “সন্মিতং সঙ্কল্পেযাম্” এই অনুবাক্যামন্ত্র উচ্চারণ করিয়া, “অগ্নে পুরীষ্য” এই যাজ্যামন্ত্র দ্বারা হোম করিবেক ; পরে ঘূতের আহুতি দিয়া হোম করিবেক ; “পুরীষ্যমস্তম্” এই অনুবাক্যের শেষভাগ হইতে ৱিষ্টকৃৎ প্রভৃতি ধেনুদক্ষিণা পর্য্যন্ত কর্ম করিবেক, “ব্রহ্মজজ্ঞানং পিতা পিরাজাম্” এই মন্ত্রোচ্চারণ পূর্বক স্রুচের অগ্রভাগ দ্বারা হৃতশেষ অগ্নি গ্রহণ করিয়া দর্ভস্তম্বে স্থাপন করিবেক । এইরূপে অগ্নিহবের সংসর্গ বিধান করিবেক ।

তর্কবাচস্পতি মহাশয়ের উল্লিখিত বোধায়নহৃত্র এবং সর্ক্সাংশে সমানার্থক শৌনকবচন ও আশ্বলায়নহৃত্র সমগ্র প্রদর্শিত হইল । এক্ষণে, শাস্ত্রত্রয়ের অর্থ ও তাৎপর্য্য পর্য্যালোচনা পূর্বক, সকলে বিবেচনা করিয়া দেখুন, বোধায়নহৃত্র দ্বারা যুগপৎ বিবাহদ্বয়বিধান প্রতিপন্ন হইতে পারে কি না । শৌনক ও আশ্বলায়ন যেরূপ কৃত-দ্বিতীয়বিবাহ ব্যক্তির বিবাহসংক্রান্ত অগ্নিহবের মেলনপ্রক্রিয়া নির্দেশ করিয়াছেন ; বোধায়নও তাহাই করিয়াছেন, তাহার অতিরিক্ত কিছুই বলেন নাই । তবে, পূর্বে দর্শিত হইয়াছে, শৌনক ও আশ্বলায়ন, অগ্নে পূর্বপত্নীর সহিত প্রথম বিবাহের অগ্নিতে হোম করিয়া, অগ্নিহবের মেলনপূর্বক, দুই পত্নীর সহিত সমবেত হইয়া, হোম করিবেক, এই বিধি দিয়াছেন ; বোধায়ন, অগ্নে দ্বিতীয় পত্নীর সহিত দ্বিতীয় বিবাহের অগ্নিতে হোম করিয়া, অগ্নিহবের মেলনপূর্বক, দুই পত্নীর সহিত সমবেত হইয়া, হোম করিবেক, এই বিধি প্রদান করিয়াছেন । এতদ্ব্যতিরিক্ত, প্রদর্শিত শাস্ত্রত্রয়ের কোনও অংশে

উদ্দেশ্যগত কোনও বৈলক্ষণ্য নাই । অতএব, বোধায়ন একবারে দুই ভাৰ্য্যা বিবাহের বিধি দিয়াছেন, এরূপ অনুভব করিবার কোনও হেতু লক্ষিত হইতেছে না । তর্কবাচস্পতি মহাশয়, সূত্রের অন্তর্গত যে তিনটি বাক্য অবলম্বন করিয়া, যুগপৎ বিবাহদ্বয় প্রতিপন্ন করিতে প্রয়াস পাইয়াছেন, উহাদের অর্থ ও তাৎপর্য পর্যালোচিত হইতেছে । তাহার অবলম্বিত প্রথম বাক্য এই ;

“যদি গৃহস্থো দ্বৈ ভাৰ্য্যে বিদেত ।”

যদি গৃহস্থ দুই ভাৰ্য্যা বিবাহ করে ।

এ স্থলে সামান্যাকারে দুই ভাৰ্য্যা বিবাহের নির্দেশমাত্র আছে ; একবারে দুই ভাৰ্য্যা বিবাহ কিংবা ক্রমে দুই ভাৰ্য্যা বিবাহ বুঝাইতে পারে, এই বাক্যে এরূপ কোনও নিদর্শন নাই ; সুতরাং, একতর পক্ষ নির্ণয় বিষয়ে আপাততঃ সংশয় উপস্থিত হইতে পারে । কিন্তু সূত্রের মধ্যে পূর্বাগ্নি, অপরাগ্নি এই যে দুই শব্দ আছে, তদ্বারা সে সংশয় নিঃসংশয়িতরূপে অপসারিত হইতেছে । পূর্বাগ্নি শব্দে পূর্ব বিবাহের অগ্নি বুঝাইতেছে ; অপরাগ্নি শব্দে দ্বিতীয় বিবাহের অগ্নি বুঝাইতেছে । যদি একবারে বিবাহদ্বয় বোধায়নের অভিপ্রেত হইত, তাহা হইলে পূর্বাগ্নি ও অপরাগ্নি এই দুই শব্দ সূত্রমধ্যে সন্নিবেশিত থাকিত না । এই দুই শব্দ ব্যবহৃত হওয়াতে, বিবাহের পৌর্ক্যপর্য্যই স্পষ্ট প্রতীয়মান হয়, বিবাহের যোগপদ্য কোনও মতে প্রতিপন্ন হইতে পারে না ।

তর্কবাচস্পতি মহাশয়ের অবলম্বিত দ্বিতীয় বাক্য এই ;

“উভাবগ্নী পরিচরেৎ” ।

দুই অগ্নির স্থাপন করিবেক ।

অগ্নিদ্বয়মেলনপ্রক্রিয়ার আরম্ভে, প্রথমতঃ ঐ অগ্নিদ্বয়ের যে স্থাপন করিতে হয়, এই বাক্য দ্বারা তাহারই বিধি দেওয়া হইয়াছে ; নতুবা দুই বিবাহের উপযোগী দুই অগ্নি বিহিত হইয়াছে, ইহা এই বাক্যের অর্থ

নহে । পূর্বদর্শিত শৌনকবচনে ও আশ্বলায়নসূত্রে দৃষ্টি থাকিলে, সর্বশাস্ত্রবেত্তা তর্কবাচস্পতি মহাশয় কদাচ সেরূপ অর্থ করিতেন না । ঐ দুই শাস্ত্রে, অগ্নিদ্বয়মেলনপ্রক্রিয়ার উপক্রমে, অগ্নিদ্বয়স্থাপনের যে-রূপ ব্যবস্থা আছে ; বোধায়নসূত্রেও, অগ্নিদ্বয়মেলনপ্রক্রিয়ার উপক্রমে, অগ্নিদ্বয়স্থাপনের সেইরূপ ব্যবস্থা প্রদত্ত হইয়াছে । যথা,

শৌনকবচন

“পৃথক্ স্থণ্ডিলয়োরগ্নী সমাধায় যথাবিধি,” ।

যথাবিধি পৃথক্ দুই স্থণ্ডিলে দুই অগ্নির স্থাপন করিয়া ।

আশ্বলায়নসূত্র

“তো পৃথগুপসমাধায়” ।

দুই অগ্নির পৃথক্ স্থাপন করিয়া ।

বোধায়নসূত্র

“উভাবগ্নী পরিচরেৎ” ।

দুই অগ্নির স্থাপন করিবেক ।

সুতরাং, এই বাক্য দ্বারা বিবাহের যোগপদ্য প্রতিপন্ন হইতে পারে, এরূপ কোনও লক্ষণ লক্ষিত হইতেছে না ।

তর্কবাচস্পতি মহাশয়ের অবলম্বিত তৃতীয় বাক্য এই ;

“দ্বয়োভার্য্যয়োরন্বারক্কয়োযজমানোহভিমুশতি” ।

দুই ভার্য্যার সহিত সমবেত হইয়া যজমান হোম করিবেক ।

অগ্নিদ্বয় মেলনের পর, দুই পত্নীর সহিত সমবেত হইয়া, মিলিত অগ্নি-দ্বয়ে যে আহুতি দিতে হয়, এই বাক্যদ্বারা তাহাই উক্ত হইয়াছে । যথা,

শৌনকবচন

“সমিধ্যেনং সমারোপ্য অয়ং তে যোনিরিত্যাচা ।

প্রত্যবরোহেত্যনয়া কনিষ্ঠাগ্নৌ নিধায় তম্ ।

আজ্যভাগান্ততন্ত্রাদি কৃত্বারভ্য তদাদিতঃ ।

সমন্বারক্ণ এতাভ্যাং পত্নীভ্যাং জুহুয়াদ্ব্যতম্ ॥ ”

“ অয়ং তে যোনিঃ ” এই মন্ত্র দ্বারা সমিধের উপর ঐ অগ্নির ক্ষেপণ করিয়া, “ প্রত্যবরোহ ” এই মন্ত্র দ্বারা কনিষ্ঠাগ্নিতে অর্থাৎ দ্বিতীয় বিবাহের অগ্নিতে ক্ষেপণ পূর্বক, প্রথম হইতে আজ্যভাগান্ত কর্ম করিয়া, উভয় পত্নীর সহিত সমবেত হইয়া হোম করিবেক ।

আশ্বলায়নসূত্র

“ অয়ং তে যোনিঋত্বিয় ইতি তং সমিধমারোপ্য  
প্রত্যবরোহ জাতবেদ ইতি দ্বিতীয়েহবরোহ আজ্য  
ভাগান্তং কৃত্বা উতাভ্যামন্বারক্কো জুহুয়াৎ ” ।

“ অয়ং তে যোনিঋত্বিয়ঃ ” এই মন্ত্র দ্বারা সমিধের উপর ঐ অগ্নির ক্ষেপণ করিয়া, “ প্রত্যবরোহ জাতবেদঃ ” এই মন্ত্র দ্বারা দ্বিতীয় অগ্নিতে ক্ষেপণপূর্বক, আজ্যভাগান্ত কর্ম করিয়া, দুই পত্নীর সহিত সমবেত হইয়া হোম করিবেক ।

বৌধায়নসূত্র

“ অয়ং তে যোনিঋত্বিয় ইতি সমিধি সমারোপয়েৎ  
পূর্বাগ্নিযুপসমাধায় জুহ্বান উদ্বুধ্যস্বাগ্ন ইতি সমিধি  
সমারোপ্য পরিস্তীর্য্য ত্রুচি চতুর্গৃহীত্বা দ্বয়ো-  
ভার্য্যয়োরন্বারক্কয়োযজমানোহতিমুশতি ” ।

“ অয়ং তে যোনিঋত্বিয়ঃ ” এই মন্ত্র দ্বারা সমিধের উপর (অপ-  
রাগ্নির ) ক্ষেপণ করিবেক, অনন্তর পূর্বাগ্নির অর্থাৎ প্রথম বিবাহের  
অগ্নির স্থাপন পূর্বক আহুতি দিয়া, “ উদ্বুধ্যস্ব আগ্নে ” এই মন্ত্র দ্বারা  
সমিধের উপর ক্ষেপণ ও পরিস্তরণ করিয়া, ত্রুচে চারি বার হৃত  
লইয়া, দুই পত্নীর সহিত সমবেত হইয়া, যজমান হোম করিবেক ।

ইহা দ্বারাও, বিবাহের যোগপদ্য কোনও মতে প্রতিপন্ন হইতে পারে  
না । সর্বশাস্ত্রবেত্তা তর্কবাচস্পতি মহাশয় ষর্ম্মশাস্ত্রব্যবসায়ী হইলে,  
এ বিষয়ে এতাদৃশী অনভিজ্ঞতা প্রদর্শিত হইত না ।

কিঞ্চ, সম্ভব অসম্ভব বিবেচনা করিবার শক্তি থাকিলে, তর্কবাচ-  
স্পতি মহাশয় বিবাহের যৌগপদ্য প্রতিপাদনে প্রবৃত্ত ও যত্ববান  
হইতেন না । যথাবিধি বিবাহ করিতে হইলে, এক বারে দুই বিবাহ  
কোনও ক্রমে সম্পন্ন হইতে পারে না । বিশেষতঃ, দুই স্থানের দুই  
কন্যার এক সময়ে এক পাত্রের সহিত বিবাহকার্য্য নির্বাহ হওয়া  
অসম্ভব । মনে কর “ইচ্ছার নিয়ামক নাই, অতএব যত ইচ্ছা বিবাহ  
করা উচিত,” এই ব্যবস্থাদাতা তর্কবাচস্পতি মহাশয়ের পুনরায় বিবাহ  
করিতে ইচ্ছা জন্মিল ; তদনুসারে, কাশীপুরের এক কন্যা, ভবানীপুরের  
এক কন্যা এই বিভিন্নস্থানবর্তিনী দুই কন্যার সহিত বিবাহসম্বন্ধ স্থির  
হইল । এক্ষণে, বহুবিবাহপ্রিয় তর্কবাচস্পতি মহাশয়কে জিজ্ঞাসা করি,  
শাস্ত্রোক্ত পদ্ধতি অনুসারে, এক বারে এই দুই কন্যার পাণিগ্রহণ  
সম্পন্ন করিতে পারেন কি না । তর্কবাচস্পতি মহাশয় কি বলেন  
বলিতে পারি না ; কিন্তু তদ্বিন্ন ব্যক্তিমাতেই বলিবেন, একরূপ বিভিন্ন  
স্থানদ্বয়স্থিত কন্যাদ্বয়ের এক বারে এক পাত্রের সহিত বিবাহ কোনও  
যতে সম্ভবিত্তে পারেনা । বস্তুতঃ, বিভিন্ন গ্রামে বা বিভিন্ন ভবনে  
অথবা এক ভবনের বিভিন্ন স্থানে দুই বিবাহের অনুষ্ঠান হইলে, এক  
ব্যক্তি দ্বারা এক সময়ে দুই কন্যার পাণিগ্রহণ কি রূপে সম্পন্ন হইতে  
পারে, তাহা অনুভবপথে আনয়ন করিতে পারা যায় না । আর, যদিই  
এক অনুষ্ঠান দ্বারা দুই ভগিনীর এক পাত্রের সহিত এক সময়ে বিবাহ  
সম্পন্ন হওয়া কথঞ্চিৎ সম্ভব হইতে পারে । কিন্তু, শাস্ত্রকারেরা  
তাদৃশ বিবাহের পথ সম্পূর্ণ বন্ধ করিয়া রাখিয়াছেন ; যথা,

ভ্রাতৃযুগে স্বসৃযুগে ভ্রাতৃস্বসৃযুগে তথা ।

ন কুর্য্যান্নঙ্গলং কিঞ্চিদেকস্মিন্ যত্নপেহহনি(২৫) ॥

(২৫) নির্ণয়সিক্ত ও বিধানপারিজাত দ্বিত গার্গ্যবচন ।

এক মণ্ডপে এক দিবসে দুই ভাতার, কিংবা দুই ভগিনীর, অথবা ভাতা ও ভগিনীর কোনও শুভ কার্য্য করিবেক না ।

এই শাস্ত্র অনুসারে, এক দিনে এক মণ্ডপে দুই ভগিনীর বিবাহ হইতে পারে না ।

নৈকজন্যে তু কন্যে দ্বৈ পুত্রয়োরেকজন্যয়োঃ ।

ন পুত্রীদ্বয়মেকস্মিন্ প্রদদ্যাৎ কদাচন(২৬) ॥

এক ব্যক্তির দুই পুত্রকে দুই কন্যা দান, অথবা এক পাত্রে দুই কন্যা দান, কদাচ করিবেক না ।

এই শাস্ত্র অনুসারে, এক পাত্রে দুই কন্যাদান স্পষ্টাক্ষরে নিষিদ্ধ হইয়াছে ।

পৃথগ্ভাতৃজয়োঃ কার্য্যো বিবাহশ্চেকবাসরে ।

একস্মিন্ মণ্ডপে কার্য্যঃ পৃথগ্বেদিকয়োস্তথা ।

পুষ্পপাটিকয়োঃ কার্য্যং দর্শনং ন শিরস্থয়োঃ ।

ভগিনীভ্যামুভাত্যাঞ্চ যাবৎ সপ্তপদী ভবেৎ (২৭) ॥

দুই বৈমাত্রেয় ভাতা ও দুই বৈয়াত্রেয় ভগিনীর এক দিনে এক মণ্ডপে পৃথক্ পৃথক্ বেদিতে বিবাহ হইতে পারে । বিবাহকালে কন্যাদের মস্তকে যে পুষ্পপাটিকা বন্ধন করে, সপ্তপদীগমনের পূর্বে দুই ভগিনী পরস্পর সেই পুষ্পপাটিকা দর্শন করিবেক না ।

এই শাস্ত্র অনুসারে, দুই বৈমাত্রেয় ভগিনীর এক দিনে এক মণ্ডপে বিবাহ হইতে পারে । কিন্তু, বিবাহাঙ্গ কর্ম্মের অনুষ্ঠান পৃথক্ পৃথক্ বেদিতে ব্যবস্থাপিত হওয়াতে, এবং পূর্বনির্দিষ্ট নারদবচনে এক পাত্রে দুই কন্যাদান নিষিদ্ধ হওয়াতে, বৈমাত্রেয় ভগিনীদ্বয়েরও এক সময়ে এক পাত্রের সহিত বিবাহ সম্পন্ন হওয়া সম্ভব নহে । এইরূপে,

(২৬) নির্ণয়সিদ্ধ ও বিধানপারিজাত ধৃত নারদবচন ।

(২৭) নির্ণয়সিদ্ধধৃত মেধাতিথিবচন ।

এক দিনে, এক মণ্ডপে, এক পাত্রে সহিত, ভগিনীদ্বয়ের বিবাহ নিষিদ্ধ হওয়াতে, বহুবিবাহপ্রিয় তর্কবাচস্পতি মহাশয়ের আশালতা কলবতী হইবার কোনও সম্ভাবনা লক্ষিত হইতেছে না । যাহা হউক, বহুদর্শন নাই, বিবেকশক্তি নাই, প্রকরণজ্ঞান নাই ; সুতরাং, বোধায়নমন্ত্রের প্রকৃত অর্থ ও তাৎপর্য্য কি, সে বোধ নাই ; এ অবস্থায়, “ যদি দুই ভাৰ্য্যা বিবাহ করে, ” “ দুই অগ্নির স্থাপন করিবেক ”, “ দুই ভাৰ্য্যার সহিত সমবেত হইয়া আহুতি দিবেক ”, ইত্যাদি স্থলে দুই এই সংখ্যাবাচক শব্দের প্রয়োগ দর্শনে মুগ্ধ হইয়া, এক ব্যক্তি এক বারে দুই ভাৰ্য্যা বিবাহ করিতে পারে, এরূপ অপসিদ্ধান্ত অবলম্বন করা নিতান্ত আশ্চর্য্যের বিষয় নহে ।

তর্কবাচস্পতি মহাশয়, যদৃচ্ছাপ্রবৃত্ত বহুবিবাহব্যবহারের শাস্ত্রীয়তা প্রতিপাদনে প্রবৃত্ত হইয়া, এক ঋষিবাক্যের বেরূপ অদ্ভুত পাঠ ধরিয়াছেন ও অভূতপূর্ব ব্যাখ্যা করিয়াছেন, তদর্শনে স্পষ্ট প্রতীয়মান হইতেছে, তিনি, স্বীয় অভিপ্রেত সাধনের নিমিত্ত, নিরতিশয় ব্যগ্রচিত্ত হইয়া, একবারে বাহুজ্ঞানশূন্য হইয়াছেন । ঐ পাঠ, ঐ ব্যাখ্যা ও তন্মূলক সিদ্ধান্ত সকল প্রদর্শন করিবার নিমিত্ত, তদীয় লিখন উদ্ধৃত হইতেছে ।

“ইদানীং ক্রমশো বহুবিবাহে কালবিশেষো নিমিত্তবিশেষ-  
শ্চাতিধীয়তে । তত্র মনুনা

জায়ায়ৈ পূর্বমারিণ্যৈ দত্ত্বাগ্নীনস্ত্যকর্ম্মণি ।

পুনর্দারক্রিয়াং কুর্য্যাৎ পুনরাধানমেবচ ॥

ইতি দারমরণরূপ একঃ কালঃ অভিহিতঃ । অত্র বিশেষয়তি  
বিধানপারিজাতপ্লতবোধায়নমন্ত্রম্

ধর্ম্মপ্রজাসম্পাদনে দারে নান্যাং কুর্কীত

অন্যতরাভাবে কার্য্যা প্রাগগ্ন্যাধেয়েতি ।

দারাগামভাবঃ অদারম্ অর্থাভাবেব্যয়ীভাবঃ ততঃ সপ্তম্যা  
বহুলমলুক্ । সম্পন্নং সম্পত্তিঃ ভাবে ভ্রুঃ । ধর্মস্য অগ্নিহোত্রা-  
দিকশ্চ গৃহস্থকর্তব্যশ্চ যাবদ্ধর্মশ্চ প্রজায়াশ্চ সম্পত্তৌ সত্যাং  
দারাভাবে অন্যাত্ৰ স্ত্রিয়ং ন কুর্ষীত নান্যামুদ্রহেদিত্যর্থঃ । কিন্তু  
বনং মোক্ষং বাশ্রয়েৎ

ঋণত্রয়মপাকৃত্য মনো মোক্ষে নিবেশয়েৎ ইতি

মনুনা ঋণত্রয়পাকরণে মোক্ষাধিকারিত্বমুচ্যতে

জায়মানো বৈ পুরুষস্তিষ্ঠিষ্ঠা গৈর্ঋণী ভবতি ব্রহ্মচর্যেণ

ঋষিভ্যঃ যজ্ঞেন দেবেভ্যঃ প্রজয়া পিতৃভ্য ইতি

ঋষ্যাদিভরণশ্চ বেদাধারন্যাগ্নিহোত্রাদিযাগপুত্রোৎপত্তিভি-  
রপাকরণাৎ যাবদগৃহস্থকর্তব্যকরণাচ্চ ন দারান্তরকরণং  
তৎফলশ্চ ধর্মপুত্রাদেঃ কৃতত্বাৎ । কিন্তু যদি ন রাগনিবৃত্তিসুদা  
তৎফলার্থবিবাহকরণং ভদ্যোক্তম্ । ধর্মপ্রজৈতি বিশেষণাচ্চ  
রতিফলবিবাহশ্চ তদা কর্তব্যতেতি গম্যতে অথবা ধর্মপ্রজৈতি  
নাভিদধ্যাৎ তথাচ ঋণত্রয়শোধনে অনুপযোগিতয়া তত্র  
ফলমুদ্दिশ্য ন বিবাহান্তরকরণমিতি সিদ্ধম্ । অথতরাভাবে  
ধর্মপ্রজয়োর্মধ্যে একতরাভাবে ধর্মাভাবে পুত্রাভাবে বা অগ্ন্য  
কার্য্যা প্রাপ্তং অগ্নিরাধেয়ো যয়া তথা কার্য্যেত্যর্থঃ । এবঞ্চ মনুনা  
দ্বিতীয়বিবাহে যদারমরণকালঃ উক্তঃ তস্য অথতরাভাববিষয়-  
কত্বং ন তু জায়ামরণমাত্রৈ এব জায়ান্তরকরণবিষয়কত্বম্ । ততশ্চ  
মনুবচনেন জায়ামরণে জায়ান্তরকরণং যৎ প্রাপ্তং তৎ ধর্মপ্রজা-  
সম্পত্তৌ নিষিধ্যতে “প্রাপ্তং হি প্রতিষিধ্যতে” ইতি শ্রীয়াৎ  
তথাচ মনুবচনশ্চ অবকাশবিশেষদানার্থমেব অথতরাভাবে  
ইত্যাদি প্রতীকং প্রসূতম্ । এতেন ধর্মপ্রজাসম্পাদনে দারে নাত্যাং  
কুর্ষীতেতি প্রতীকমাত্রং ধৃত্বা উত্তরপ্রতীকং নিগূহ্য যৎ ধর্মপ্রজা-  
সম্পন্নযুক্তদারমত্রে দারান্তরকরণনিষেধকতয়া কল্পনং তদতীব  
অযুক্তিকং দারেষু সৎসু দারান্তরকরণং যদি তদ্বতে কচিৎ প্রাপ্তং

শ্রাং তদা তৎ প্রতিবিধেত । প্রাগগ্ন্যধেয়েতি বচনৈচ্চতদ্বি-  
বাহস্য সৰ্গাবিষয়কত্বে স্থিতে কামতঃ প্রবৃত্তবিবাহবিষয়কত্বেন  
ন প্রাপ্তিসম্ভবঃ তন্মতে কামতো বিবাহস্য অসৰ্গামাত্রপৰত্বাৎ ।  
কিঞ্চ ধৰ্ম্মপ্রজ্ঞাসম্পন্ন ইত্যুক্ত্যা তদর্থবিবাহমাত্রবিষয়কত্বাবগমেণ  
রতার্থবিবাহবিষয়কত্বকম্পনমপ্যযুক্তিকং তৎপদবৈয়র্থ্যাপত্তেঃ  
উভয়ফলসিক্তৌ দারমত্রে দারান্তরকরণং নিষিধ্য তদেকতরাভাবে  
ধৰ্ম্মাভাবে পুত্রাভাবে চ দারমত্রে দারান্তরকরণং কথমেকমাত্র-  
বিবাহবাদিমতে সম্ভবতঃ শ্রাং । তন্মতে পুত্রাভাবে দারমত্রে  
দারান্তরকরণস্য বিহিতত্বেইপি অগ্নিহোত্রাদিষাবৎকর্তব্যধৰ্ম্মা-  
ভাবেইপি পুত্রমত্রে চ দারান্তরকরণস্য নিষিদ্ধত্বাৎ । এতেন  
সতি চ অদারে ইতি ছেদেনৈব সৰ্ব্বসামঞ্জস্যে “দারাক্ততলাজানাং  
বহুত্বঞ্চ” ইতি পুংস্ত্বাধিকারীয়ং পাণিনীয়ং লিঙ্গানুশাসনমুল্লজ্য  
দারশব্দস্য একবচনান্ততাস্বীকারঃ অগতিকগতিতয়া হয়এব”(২৮)।

ইদাদীং ক্রমশঃ বহুবিবাহবিষয়ে কালবিশেষ ও নিমিত্তবিশেষ  
উক্ত হইতেছে । সে বিষয়ে মনু “পূৰ্ব্বমুতা স্ত্রীর যথাবিধি অন্ত্যেষ্টি-  
ক্রিয়া নিৰ্বাহ করিয়া, পুনরায় দারপরিগ্রহ ও পুনরায় অগ্ন্যাধান  
করিবেক ।” এইরূপে স্ত্রীবিয়োগরূপ এক কাল নির্দেশ করিয়াছেন ।  
বিধানপারিজাতধৃত বোধায়নসূত্রে এ বিষয়ের বিশেষ ব্যবস্থা  
আছে । যথা, “অগ্নিহোত্রাদি গৃহস্থকর্তব্য সমস্ত ধৰ্ম্ম ও পুত্রলাভ  
সম্পন্ন হইলে, যদি স্ত্রীবিয়োগ ঘটে, তাহা হইলে আর বিবাহ  
করিবেক না” । কিন্তু বানপ্রস্থ অথবা পরিব্রজ্যা আশ্রম আশ্রয়  
করিবেক ; যেহেতু, “ঋণত্রয়ের পরিশোধ করিয়া, মোক্ষে মনো-  
নিবেশ করিবেক”, এইরূপে মনু, ঋণত্রয়ের পরিশোধ হইলে,  
মোক্ষবিষয়ে অধিকার বিধান করিয়াছেন । আর “পুরুষ জন্মগ্রহণ  
করিয়া, তিন ঋণে ঋণী হয়, ব্রহ্মচর্য্য দ্বারা ঋষিগণের নিকট, যজ্ঞ  
দ্বারা দেবগণের নিকট, পুত্র দ্বারা পিতৃগণের নিকট”, এই ত্রিবিধ  
ঋণ বেদাধ্যয়ন, অগ্নিহোত্রাদি যাগ ও পুত্রোৎপত্তি দ্বারা পরিশোধিত  
হওয়াতে, গৃহস্থকর্তব্য সমস্ত সম্পন্ন হইতেছে, সুতরাং আর বিবাহ  
করিবার আবশ্যকতা থাকিতেছে না ; যেহেতু, বিবাহের ফল ধৰ্ম্ম  
পুত্র প্রভৃতি সম্পন্ন হইয়াছে । কিন্তু যদি বিষয়বাসনা নিবৃত্তি না

হয়, তবে তাহার কললাভের নিমিত্ত বিবাহ করিবেক, ইহা ভঙ্গি-  
ক্রমে উক্ত হইয়াছে । ধর্ম ও প্রজা এই বিশেষণবশতঃ, রতিকামনা-  
মূলক বিবাহ সে সময়ে করিতে পারে, ইহা প্রতীয়মান হইতেছে,  
নতুবা ধর্ম ও প্রজা এ কথা বলিতে নাই । ঋণত্রয় শোধনের নিমিত্ত  
উপযোগিতা না থাকিতে, সে কলের উদ্দেশে আর বিবাহ করিবেক  
না, ইহা সিদ্ধ হইতেছে । “অন্যতরের অভাবে অর্থাৎ ধর্ম ও  
পুত্রের মধ্যে একের অভাব ঘটিলে, অন্য স্ত্রী বিবাহ করিয়া তাহার  
সহিত অগ্ন্যাধান করিবেক” । অতএব মনু দ্বিতীয় বিবাহের স্ত্রী-  
বিয়োগরূপ যে কাল নির্দেশ করিয়াছেন, ধর্ম ও পুত্রের মধ্যে একের  
অভাবহলেই তাহা অভিপ্রেত ; নতুবা স্ত্রীবিয়োগ হইলেই পুনরায়  
বিবাহ করিবেক, একপ তাৎপর্য্য নহে । মনুবচন দ্বারা স্ত্রীবিয়োগ  
হইলে পুনরায় বিবাহ করিবার যে অধিকার হইয়াছিল, “যাহার  
প্রাপ্তি থাকে তাহার নিষেধ হয়”, এই ন্যায় অনুসারে, ধর্ম ও  
পুত্র সম্পন্ন হইলে, সেই অধিকারের নিষেধ হইতেছে । মনুবচনের  
অবকাশবিশেষদানের নিমিত্ত, বৌধায়নবচনের উত্তরার্দ্ধ আরম্ভ  
হইয়াছে । অতএব পূর্ব্বার্দ্ধমাত্র ধরিয়া, উত্তরার্দ্ধের গোপন করিয়া,  
“যে স্ত্রীর সহযোগে ধর্মকর্ম্য ও পুত্রলাভ সম্পন্ন হয়, তৎসঙ্গে  
অন্য স্ত্রী বিবাহ করিবেক না”, এইরূপে তাদৃশ স্ত্রী সঙ্গে যে দারান্তর  
পরিগ্রহ নিষেধ কল্পনা তাহা অতীব যুক্তিবিরুদ্ধ ; যদি তাঁহার মতে  
দারসঙ্গে দারান্তর পরিগ্রহের প্রাপ্তিসম্ভাবনা থাকিত, তাহা হইলে  
তাহার নিষেধ হইতে পারিত । পূর্ব্ববৎ অগ্ন্যাধান করিবেক এই কথা  
বলাতে, এ বচন সর্বগীবিবাহবিষয়ক হইতেছে ; সুতরাং উহা  
কামার্থ বিবাহবিষয়ক হইতে পারে না ; কারণ, তাঁহার মতে কামার্থ  
বিবাহ কেবল অসর্বগীবিষয়ক । কিন্তু, ধর্মপ্রজাসম্পন্নে এই কথা  
বলাতে, এই নিষেধ ধর্মার্থ ও পুত্রার্থ বিবাহবিষয়ক বলিয়া বোধ  
হইতেছে ; সুতরাং কামার্থবিষয়ক বলিয়া কল্পনা করাও যুক্তিবিরুদ্ধ ;  
কারণ, ঐ দুই পদের বৈপর্য্য ঘটে ; উভয় কলের সিদ্ধ হইলে,  
দারসঙ্গে দারান্তর পরিগ্রহ নিষেধ করিয়া, উভয়ের মধ্যে একের  
অভাব ঘটিলে, ধর্মের অভাবে অথবা পুত্রের অভাবে, দারসঙ্গে  
দারান্তর পরিগ্রহ একবিবাহবাদীর মতে ত্রিরূপে সম্ভব হইতে  
পারে । তাঁহার মতে পুত্রের অভাবে দারসঙ্গে দারান্তর পরিগ্রহ  
বিহিত হইলেও, অগ্নিহোত্রাদি সমস্ত কর্তব্য ধর্মের অভাবেও,  
পুত্রসঙ্গে দারান্তর পরিগ্রহ নিষিদ্ধ হইয়াছে । অতএব, “অদারে”  
এইরূপ পদচ্ছেদ দ্বারাই সর্বসামঞ্জস্য হইতেছে ; এমন স্থলে  
“দারাকৃতলাজানাং বহুত্বক” পুংলিঙ্গাধিকারে পাণিনিবৃত্ত এই

লিঙ্গানুশাসন লঙ্ঘন করিয়া, দারশাকের একবচনান্তত। স্বীকার একবারেই হয় ; কারণ, গত্যন্তর না থাকিলেই তাহা স্বীকার করিতে হয় ।

তর্কবাচস্পতি মহাশয়, কঠকম্পনা দ্বারা আপস্তম্বসূত্রের যে অভিনব অর্থান্তর প্রতিপন্ন করিবার নিমিত্ত প্রয়াস পাইয়াছেন, তাহা সঙ্গত কি না, এবং সেই অর্থ অবলম্বন করিয়া, যে সকল ব্যবস্থা প্রদান করিয়াছেন, তাহাও শাস্ত্রানুমত ও ন্যায্যানুগত কি না, তাহার আলোচনা করা আবশ্যিক । প্রথমতঃ সূত্রের প্রকৃত অর্থ প্রদর্শিত হইতেছে ।

ধর্মপ্রজাম্পন্নো দারে নান্যাং কুর্সীত । ২।৫।১১।১২।

অন্যতরাভাবে কার্য্য প্রাগ্‌গ্যাধেয়াৎ । ২।৫।১১।১৩। (২১)

“ধর্মপ্রজাম্পন্নো দারে” ধর্মযুক্ত ও প্রজাযুক্ত দারসঙ্গে, অর্থাৎ যাহার সহযোগে ধর্মকার্য্য নির্বাহ ও পুত্রলাভ হয়, তাদৃশ স্ত্রী বিদ্যমান থাকিতে, “ন অন্যং কুর্সীত” অন্য স্ত্রী করিবেক না, অর্থাৎ আর বিবাহ করিবেক না ; “অন্যতরাভাবে” অন্যতরের অভাবে অর্থাৎ উভয়ের মধ্যে একের অসম্ভাব ঘটিলে, অর্থাৎ ধর্ম-কার্য্যনির্বাহ অথবা পুত্রলাভ না হইলে, “কার্য্য প্রাক্‌ অগ্যাধেয়াৎ” অগ্যাধানের পূর্বে করিবেক, অর্থাৎ অগ্যাধানের পূর্বে অন্য স্ত্রী বিবাহ করিবেক । অর্থাৎ যে স্ত্রীর সহযোগে ধর্মকার্য্য ও পুত্রলাভ সম্পন্ন হয়, তৎসঙ্গে অন্য স্ত্রী বিবাহ করিবেক না । ধর্মকার্য্য অথবা পুত্রলাভ সম্পন্ন না হইলে, অগ্যাধানের পূর্বে পুনরায় বিবাহ করিবেক ।

এই অর্থ আমার কপোলকম্পিত অথবা লোকবিনোদনার্থে বুদ্ধি-বলে উদ্ভাবিত অভিনব অর্থ নহে । যে সকল শব্দে এই দুই সূত্র

(২১) আপস্তম্বীয় ধর্মসূত্র । তর্কবাচস্পতি মহাশয়, স্বভাবসিদ্ধ অনবধান-বশতঃ, এই দুই সূত্রকে বিধানপারিজাতধৃত বৌধায়নসূত্র বলিয়া নির্দেশ করিয়াছেন । কিন্তু বিধানপারিজাতে এই দুই সূত্র আপস্তম্বসূত্র বলিয়া উদ্ধৃত হইয়াছে । বস্তুতঃ, এই দুই সূত্র আপস্তম্বের, বৌধায়নের নহে ।

সঙ্কলিত হইয়াছে, কষ্টকল্পনা ব্যতিরেকে তদ্বারা অন্য অর্থের প্রতীতি হইতে পারে না। এজন্য, যে যে পূর্বতন গ্রন্থকর্তারা স্ব স্ব গ্রন্থে ঐ দুই সূত্র উদ্ধৃত করিয়াছেন, তাঁহারা সকলেই ঐ অর্থ অবলম্বন করিয়া গিয়াছেন। যথা,

“এতন্নিমিত্তাভাবে নাধিবেত্তব্যেত্যাহ আপস্তম্বঃ  
ধর্মপ্রজাসম্পন্নে দারে নান্যাং কুর্কীত ।

অন্যতরাভাবে কার্য্যা প্রাগগ্ন্যাধেয়াদিত্তি ।

অস্যার্থঃ যদি প্রথমোক্তা স্ত্রী ধর্মেণ শ্রৌতস্মার্তাগ্নিসাধ্যেন প্রজয়া পুত্রপৌত্রাদিনা চ সম্পন্না তদা নান্যাং বিবাহেৎ অন্ত-  
তরাভাবে অগ্ন্যাধানাং প্রাক্ বোঢ়ব্যেতি (৩০) ” ।

আপস্তম্ব কহিয়াছেন, এই সকল নিমিত্ত না ঘটিলে, অগ্নি-  
বেদন করিতে পারিবেক না। যথা,

ধর্মপ্রজাসম্পন্নে দারে নান্যাং কুর্কীত ।

অন্যতরাভাবে কার্য্যা প্রাগগ্ন্যাধেয়াং ।

ইহার অর্থ এই, যদি প্রথম বিবাহিতা স্ত্রী ঋতিবিহিত ও স্মৃতিবিহিত অগ্নিসাধ্য ধর্মকার্য্য নির্বাহের উপযোগিনী ও পুত্রপৌত্রাদি-  
সন্তানশালিনী হয়, তাহা হইলে অন্য স্ত্রী বিবাহ করিবেক না। অন্যতরের অভাবে অর্থাৎ ধর্মকার্য্য অথবা পুত্রলাভ সম্পন্ন না হইলে, অগ্ন্যাধানের পূর্বে বিবাহ করিবেক ।

“তদ্বিষয়মাহ আপস্তম্বঃ

ধর্মপ্রজাসম্পন্নে দারে নান্যাং কুর্কীত ।

অন্যতরাভাবে কার্য্যা প্রাগগ্ন্যাধেয়াদিত্তি ।

অস্যার্থঃ যদি প্রাগুক্তা স্ত্রী ধর্মেণ প্রজয়া চ সম্পন্না তদা নান্যাং  
বিবাহেৎ অন্ততরাভাবে অগ্ন্যাধানাং প্রাক্ বোঢ়ব্যেতি (৩১) । ”

এ বিষয়ে আপস্তম্ব কহিয়াছেন,

ধর্মপ্রজাসম্পন্নে দারে নান্যাং কুর্কীত ।

অন্যতরাভাবে কার্য্য প্রাগম্যাধেয়াৎ ।

ইহার অর্থ এই, যদি প্রথম বিবাহিতা স্ত্রী ধর্মসম্পন্না ও পুত্রসম্পন্না হয়, তাহা হইলে অত্র স্ত্রী বিবাহ করিবেক না । অত্র-  
তরের অভাবে অর্থাৎ ধর্মকর্ম্য অথবা পুত্রলাভ সম্পন্ন না  
হইলে, অগ্ন্যাধানের পূর্বে বিবাহ করিবেক ।

কুল্লুকভট্ট,

বক্ষ্যাম্যেহধিবেদ্যাদে দশমে তু মৃতপ্রজা ।

একাদশে স্ত্রীজননী সদ্যস্তুপ্রিয়বাদিনী ॥ ৯ । ৮১ ।

স্ত্রী বক্ষ্যা হইলে অষ্টম বর্ষে, মৃতপুত্রা হইলে দশম বর্ষে, কন্যা-  
মাত্রপ্রসবিনী হইলে একাদশ বর্ষে, অপ্রিয়বাদিনী হইলে কালাতি-  
পাত ব্যতিরেকে, অধিবেদন করিবেক ।

এই মনুবচনের ব্যাখ্যাস্থলে আপস্তম্বমূত্র উদ্ধৃত করিয়াছেন । যদিও  
তিনি, মিত্রমিশ্র ও অনন্তভট্টের ন্যায়, সূত্রের ব্যাখ্যা করেন নাই ;  
কিন্তু যেরূপে উদ্ধৃত করিয়াছেন, তদ্বারা ততুল্য অর্থ প্রতিপন্ন  
হইতেছে । যথা,

“অপ্রিয়বাদিনী তু সন্ত এব যন্তপুত্রা ভবতি পুত্রবত্যাস্তু তস্যাং  
ধর্মপ্রজাসম্পন্নে দারে নান্যাং কুর্কীত অন্যতরাপারে  
তু কুর্কীত ।

ইত্যাপস্তম্বনিবেধাৎ অধিবেদনং ন কার্য্যম্” ।

অপ্রিয়বাদিনী হইলে, কালাতিপাত ব্যতিরেকেই, যদি সে  
পুত্রহীনা না হয় ; সে পুত্রবতী হইলে, অধিবেদন করিবেক না,  
কারণ আপস্তম্ব,

ধর্মপ্রজাসম্পন্নে দারে নান্যাং কুর্কীত অন্যতরাপারে  
তু কুর্কীত ।

ধর্মসম্পন্ন ও পুত্রসম্পন্ন স্ত্রী সঙ্গে অন্য স্ত্রী বিবাহ করিবেক না, কিন্তু ধর্ম অথবা পুত্রের ব্যাঘাত ঘটিলে করিবেক । এই রূপ নিষেধ করিয়া গিয়াছেন ।

দেখ, মিত্রমিশ্র, অনন্তভট্ট ও কুল্লুকভট্ট, ধর্মসম্পন্ন ও পুত্রসম্পন্ন স্ত্রী বিদ্যমান থাকিলে আর বিবাহ করিতে পারিবেক না, আপস্তম্ব-হৃত্তের এই অর্থ অবলম্বন করিয়া গিয়াছেন ; তর্কবাচস্পতি মহাশয়ের ন্যায়, “অদারে” এই পাঠ, এবং “স্ত্রীবিয়োগ ঘটিলে” এই অর্থ অবলম্বন করেন নাই । এই দুই আপস্তম্বহৃত্তের তাৎপর্য এই, গৃহস্থ ব্যক্তি শাস্ত্রের বিধি অনুসারে এক স্ত্রীর পাণিগ্রহণ করিয়াছে ; যদি ঐ স্ত্রী দ্বারা ধর্মকার্য্য নির্বাহ ও পুত্রলাভ হয়, তাহা হইলে সে ব্যক্তি তাহার জীবদ্দশায় পুনরায় বিবাহ করিতে পারিবেক না । কিন্তু, যদি ঐ স্ত্রীর এরূপ কোনও দোষ ঘটে, যে তাহার সহিত ধর্মকার্য্য করা বিধেয় নহে ; কিংবা ঐ স্ত্রী বন্ধ্যা, যুতপুত্র বা কন্যামাত্রপ্রসবিনী হয়, অর্থাৎ তাহা দ্বারা বংশরক্ষা ও পিণ্ডসংস্থানের উপায় না হয় ; তাহা হইলে, তাহার জীবদ্দশায় পুনরায় দারপরিগ্রহ আবশ্যিক । যনু ও ষাঙ্কবল্ক্য, বন্ধ্যাত্ব প্রভৃতি নিমিত্ত নির্দেশ করিয়া, পূর্বপরিণীতা স্ত্রীর জীবদ্দশায় পুনরায় বিবাহ করিবার যেরূপ বিধি দিয়াছেন, আপস্তম্বও ধর্মকার্য্য ও পুত্রলাভের ব্যাঘাতরূপ নিমিত্ত নির্দেশ করিয়া, তদনুরূপ বিধি প্রদান করিয়াছেন ; অধিকন্তু, ধর্মকার্য্যের উপযোগিনী ও পুত্রবতী স্ত্রী বিদ্যমান থাকিলে, পুনরায় দারপরিগ্রহ করিতে পারিবেক না, এরূপ স্পষ্ট নিষেধ প্রদর্শন করিয়াছেন । সুতরাং, আপস্তম্বের ঐ নিষেধ দ্বারা, তাদৃশ স্ত্রীর জীবদ্দশায়, যদৃচ্ছাক্রমে বিবাহ করিবার অধিকার থাকিতেছে না । ধর্মসংস্থাপনপ্রবৃত্ত তর্কবাচস্পতি মহাশয় দেখিলেন, আপস্তম্বহৃত্তের যে সহজ অর্থ চিরপ্রচলিত আছে, তদ্বারা তাঁহার অভিযত যদৃচ্ছাপ্রবৃত্ত বহুবিবাহরূপ পরম ধর্মের ব্যাঘাত ঘটে । অতএব, কোনও রূপে অর্থাস্তুর কল্পনা করিয়া, ধর্মরক্ষা ও

দেশের অমঙ্গল নিবারণ করা আবশ্যিক । এই প্রতিজ্ঞাক্রমে হইয়া, ধর্মভীরু, দেশহিতৈষী, তর্কবাচস্পতি মহাশয়, অদ্ভুত বুদ্ধিশক্তিপ্রভাবে, আপস্তম্বসূত্রের অদ্ভুত পাঠান্তর ও অর্থান্তর কল্পনা করিয়াছেন । তিনি

ধর্মপ্রজাম্পন্নে দারে নান্যাং কুর্ষীত ।

এই সূত্রের অন্তর্গত “দারে” এই পদের পূর্বে লুপ্ত অকারের কল্পনা করিয়াছেন ; তদনুসারে,

ধর্মপ্রজাম্পন্নে হদারে নান্যাং কুর্ষীত ।

এইরূপ পাঠ হয় । এই পাঠের অনুযায়ী অর্থ এই, “ধর্মকার্যনির্বাহ ও পুত্রলাভ হইলে, যদি অদার অর্থাৎ স্ত্রীবিয়োগ ঘটে, তবে অন্য স্ত্রী বিবাহ করিবেক না” । এইরূপ পাঠান্তর ও অর্থান্তর কল্পনা করিয়া, তর্কবাচস্পতি মহাশয় যে ইচ্ছাভের চেষ্টা করিয়াছেন, তাহা তদ্বারা সিদ্ধ বা প্রতিষিদ্ধ হইতেছে, তাহা অনুধাবন করিয়া দেখেন নাই । আপস্তম্বসূত্রের চিরপ্রচলিত পাঠ ও অর্থ অনুসারে, প্রথমবিবাহিতা স্ত্রীর দ্বারা ধর্মকার্যনির্বাহ ও পুত্রলাভ হইলে, তাহার জীবদশায় পুনরায় বিবাহ করিবার অধিকার নাই । তর্কবাচস্পতি মহাশয় যে পাঠান্তর ও অর্থান্তর কল্পনা করিয়াছেন, তদনুসারে, ধর্মকার্যনির্বাহ ও পুত্রলাভ হইলে যদি স্ত্রীবিয়োগ ঘটে, তাহা হইলে আর বিবাহ করিবার অধিকার থাকে না । এক্ষণে, সকলে বিবেচনা করিয়া দেখুন, চিরপ্রচলিত পাঠ ও অর্থ দ্বারা যে নিষেধ প্রতিপন্ন হইয়া থাকে, আর তর্কবাচস্পতি মহাশয়ের কল্পিত পাঠ ও অর্থ দ্বারা যে নূতন নিষেধ প্রতিপন্ন হইতেছে, এ উভয়ের মধ্যে কোন নিষেধ গুরুতর হইতেছে । পূর্ব নিষেধ দ্বারা, পুত্রবতী ও ধর্মকার্যোপযোগিনী স্ত্রীর জীবদশায়, পুনরায় বিবাহ করিবার অধিকার রহিত হইতেছে ; তাঁহার উদ্ভাবিত নূতন নিষেধ দ্বারা, পুত্রবতী ও ধর্মকার্যোপযোগিনী স্ত্রীর মৃত্যু হইলে, পুনরায় বিবাহ করিবার অধিকার রহিত হইতেছে ।

যে অবস্থায়, স্ত্রীর মৃত্যু হইলে, পুনরায় বিবাহ করিবার অধিকার থাকিতেছে না, সে অবস্থায়, স্ত্রী বিদ্যমান থাকিলে, যদৃচ্ছাক্রমে পুনরায় বিবাহ করিবার অধিকার থাকা কত দূর শাস্ত্রানুযত বা ন্যায়ানুগত হওয়া সম্ভব, তাহা সকলে অনায়াসে বিবেচনা করিতে পারেন। অতএব, আপস্তম্বের ঐবাতঙ্গ করিয়া, তর্কবাচস্পতি মহাশয়ের কি ইটাপত্তি হইতেছে, বুঝিতে পারা যায় না। তিনি এই আশঙ্কা করিয়াছিলেন, পুত্রবতী ও ধর্মকার্যোপযোগিনী স্ত্রীর জীবদশায় পুনরায় বিবাহ করিবার সাক্ষাৎ নিষেধ বিদ্যমান থাকিলে, তাদৃশ স্ত্রী সত্ত্বে যদৃচ্ছাক্রমে যত ইচ্ছা বিবাহ করিবার পথ থাকে না। সেই পথ প্রবল ও পরিষ্কৃত করিবার আশয়ে, আপস্তম্বসূত্রের অদ্ভুত অর্থ উদ্ভাবিত করিয়াছেন। কিন্তু উদ্ভাবিত অর্থ দ্বারা ঐ পথ, পরিষ্কৃত না হইয়া, বরং আধিক্যের বৃদ্ধি হইয়া উঠিতেছে; তাহা অনুধাবন করিতে পারেন নাই।

অবলম্বিত অর্থ সমর্থন করিবার নিমিত্ত, তর্কবাচস্পতি মহাশয় যে যুক্তি প্রদর্শন করিয়াছেন, তাহা এই,

“পুরুষ জন্ম গ্রহণ করিয়া তিন ঋণে ঋণী হয়, ব্রহ্মচর্য দ্বারা ঋষিগণের নিকট, যজ্ঞ দ্বারা দেবগণের নিকট, পুত্র দ্বারা পিতৃগণের নিকট।” এই ত্রিবিধ ঋণ বেদাধ্যয়ন, অগ্নিহোত্রাদি যাগ ও পুত্রোৎপত্তি দ্বারা পরিশোধিত হওয়াতে, গৃহস্থকর্তব্য সমস্ত সম্পন্ন হইতেছে, সূতরাং আর বিবাহ করিবার আবশ্যকতা থাকিতেছে না।”

এই যুক্তি, পুত্রলাভ ও ধর্মকার্যনির্বাহ হইলে, স্ত্রীবিয়োগস্থলে যেরূপ খাটে; স্ত্রীবিদ্যমানস্থলেও অবিকল সেইরূপ খাটিবেক, তাহার কোনও সংশয় নাই। উভয়ত্র ঋণপরিশোধন রূপ হেতু তুল্যরূপে বর্তিতেছে; সূতরাং, আর বিবাহ করিবার আবশ্যকতা না থাকাও উভয় স্থলেই তুল্য রূপে বর্তিতেছে। অতএব, এই যুক্তি দ্বারা,

ধর্মসম্পন্ন ও পুত্রসম্পন্ন স্ত্রী বিদ্যমান থাকিলে, আর বিবাহ করিতে পারিবেক না, এই চিরপ্রচলিত অর্থের বিলক্ষণ সমর্থনই হইতেছে ।

এইরূপ পাঠান্তর ও অর্থান্তর কম্পনা করিয়া, তর্কবাচস্পতি মহাশয়, যে অভূতপূর্ব ব্যবস্থা প্রচার করিয়াছেন, তাহা উল্লিখিত ও আলোচিত হইতেছে ।

‘বিধানপারিজাতধৃত বোধারনম্ভ্রে এ বিষয়ের বিশেষ ব্যবস্থা আছে। যথা, “অগ্নিহোত্রাদি গৃহস্থকর্তব্য সমস্ত ধর্ম ও পুত্রলাভ সম্পন্ন হইলে, যদি স্ত্রীবিয়োগ ঘটে, তাহা হইলে আর বিবাহ করিবেক না” । কিন্তু বানপ্রস্থ অথবা পরিত্রজ্যা আশ্রম আশ্রয় করিবেক ; যেহেতু, “ঋণত্রয়ের পরিশোধ করিয়া মোক্ষে মনোনিবেশ করিবেক”, এইরূপে মনু, ঋণত্রয়ের পরি-শোধ হইলে, মোক্ষ বিষয়ে অধিকার বিধান করিয়াছেন” ।

ধর্ম ও পুত্রলাভ সম্পন্ন হইলে, যদি স্ত্রীবিয়োগ ঘটে, তাহা হইলে আর বিবাহ না করিয়া, বানপ্রস্থ অথবা পরিত্রজ্যা অবলম্বন করিবেক, তর্কবাচস্পতি মহাশয়ের এই ব্যবস্থা কোনও অংশে শাস্ত্রানুসারিণী নহে । আশ্রম বিষয়ে দ্বিবিধ ব্যবস্থা স্থিরীকৃত আছে (৩২) । প্রথম ব্যবস্থা অনুসারে, যথাক্রমে চারি আশ্রমের অনুষ্ঠান আবশ্যিক ; অর্থাৎ, জীবনের প্রথম ভাগে ব্রহ্মচর্য্য, দ্বিতীয় ভাগে গার্হস্থ্য, তৃতীয় ভাগে বানপ্রস্থ, চতুর্থ ভাগে পরিত্রজ্যা, অবলম্বন করিবেক । দ্বিতীয় ব্যবস্থা অনুসারে, যাহার বৈরাগ্য জন্মিবেক, সে ব্রহ্মচর্য্য সমাপনের পর, যে অবস্থায় থাকুক, পরিত্রজ্যা অবলম্বন করিবেক । এক ব্যক্তি গৃহস্থাশ্রমে প্রবেশ ও দারপরিগ্রহ করিয়াছে ; পুত্রোৎপাদনের পূর্বেই তাহার বৈরাগ্য জন্মিল ; তখন তাহাকে, পুত্রোৎপাদনের অনুরোধে, আর সংসারশ্রমে থাকিতে হইবেক না ; যে

দিন বৈরাগ্য জন্মিবেক, সেই দিনেই, সে ব্যক্তি পরিব্রজ্যা আশ্রয় করিবেক । বৈরাগ্যপক্ষে, ঋণপরিশোধের অনুরোধে তাহাকে এক দিনও গৃহস্থাশ্রমে থাকিতে হইবেক না ; আর, বৈরাগ্য না জন্মিলে, যে আশ্রমের যে কাল নিয়মিত আছে, তাবৎ কাল সেই সেই আশ্রম অবলম্বন করিয়া থাকিতে হইবেক । সুতরাং, অবিরক্ত ব্যক্তিকে জীবনের দ্বিতীয় ভাগ, অর্থাৎ পঞ্চাশ বৎসর বয়স পর্য্যন্ত, গৃহস্থাশ্রমে থাকিতে হইবেক ; নতুবা, কিছু কাল ধর্মকার্য্য করিলে ও পুত্রলাভ হইলে পর, স্ত্রীবিয়োগ ঘটিলেই তাহাকে গৃহস্থাশ্রম পরিত্যাগ করিতে হইবেক, শাস্ত্রের এরূপ অর্থ ও তাৎপর্য্য নহে । কলকথা এই, পরিব্রজ্যা অবলম্বনের দুই নিয়ম ; প্রথম নিয়ম অনুসারে, যথাক্রমে ব্রহ্মচর্য্য, গৃহস্থাশ্রম, বানপ্রস্থ এই তিন আশ্রম নির্বাহ করিয়া, জীবনের চতুর্থ ভাগে উহার অবলম্বন ; আর দ্বিতীয় নিয়ম অনুসারে, যে আশ্রমে যে অবস্থায় থাকুক, বৈরাগ্য জন্মিলে তদগ্রে উহার অবলম্বন । বৈরাগ্য না জন্মিলে, পঞ্চাশ বৎসরের পূর্বে, গৃহস্থাশ্রম পরিত্যাগের বিধি ও ব্যবস্থা নাই ; সুতরাং, পুত্রলাভ ও ধর্মকার্য্য নির্বাহ হইলেও, স্ত্রীবিয়োগ ঘটিলে, গৃহস্থাশ্রমে থাকিতে ও পুনরায় দারপরিগ্রহ করিতে হইবেক ; কেবল স্ত্রীবিয়োগ ঘটয়াছে বলিয়া, সে অবস্থায়, বিনা বৈরাগ্যে, গৃহস্থাশ্রম পরিত্যাগ করিলে, অথবা গৃহস্থাশ্রমে থাকিয়া দারপরিগ্রহে বিমুখ হইলে, প্রত্যবায়গ্রস্ত হইতে হইবেক । তন্মধ্যে বিশেষ এই, আটচল্লিশ বৎসর বয়স হইলে, যদি স্ত্রীবিয়োগ ঘটে, সে স্থলে আর দারপরিগ্রহ করিবার আবশ্যকতা নাই । [যথা,

চত্বারিংশদ্বৎসরাণাং সাক্ষানাক্ষ পরে যদি ।

স্ত্রিয়া বিযুক্ত্যতে কশ্চিৎ স তু রণ্ডাশ্রমী মতঃ (৩৩) ॥

আটচল্লিশ বৎসরের পর যদি কোনও ব্যক্তির স্ত্রীবিয়োগ ঘটে, তাহাকে রণাশ্রমী বলে ।

রণাশ্রমী অর্থাৎ স্ত্রীবিবাহিত আশ্রমী (৩৪) । গৃহস্থাশ্রমের স্বম্পন্নকাল অবশিষ্ট থাকে ; সেই স্বম্পন্নকালের জন্য আর তাহার দারপরিগ্রহের আবশ্যকতা নাই ; অর্থাৎ সে অবস্থায় দারপরিগ্রহ না করিলে, তাহাকে আশ্রমভ্রংশনিবন্ধন প্রত্যবায়গ্রস্ত হইতে হইবেক না । আর,

ঋণানি ত্রীণ্যপাকৃত্য মনো মোক্ষে নিবেশয়েৎ ।

ঋণত্রয়ের পরিশোধ করিয়া মোক্ষে মনোনিবেশ করিবেক ।

এই বচন দ্বারা মনু, গৃহস্থাশ্রমে অবস্থানকালে পুত্রলাভের পর স্ত্রীবিয়োগ ঘটিলে, মোক্ষ পথ অবলম্বন করিবার বিধি দিয়াছেন, তর্কবাচস্পতি মহাশয়ের এই নির্দেশ মনুসংহিতায় সর্বিশেষ দৃষ্টি না থাকার পরিচায়কমাত্র ; কারণ, মনু নিঃসংশয়িতরূপে যথাক্রমে আশ্রমচতুষ্টয়ের বিধি প্রদান করিয়াছেন । যথা,

চতুর্থমাযুষো ভাগযুষিত্বাদ্যং গুরো দ্বিজঃ ।

দ্বিতীয়মাযুষো ভাগং কৃতদারো গৃহে বসেৎ ॥ ৪ । ১ ।

দ্বিজ, জীবনের প্রথম চতুর্থভাগ গুরুকূলে বাস করিয়া, দারপরিগ্রহপূর্বক, জীবনের দ্বিতীয় চতুর্থভাগ গৃহস্থাশ্রমে অবস্থিতি করিবেক ।

এবং গৃহস্থাশ্রমে স্থিত্বা বিধিবৎ স্নাতকো দ্বিজঃ ।

বনে বসেতু নিয়তো যথাবদ্বিজিতেন্দ্রিয়ঃ ॥ ৬ । ১ ।

স্নাতক দ্বিজ, এই রূপে বিধিপূর্বক গৃহস্থাশ্রমে অবস্থিতি করিয়া, সংযত ও জিতেন্দ্রিয় হইয়া, যথাবিধানে বনে বাস করিবেক ।

বনেষু তু বিহ্যতৈবেং তৃতীয়ং ভাগমাযুষঃ ।

চতুর্থমাযুষো ভাগং ত্যক্ত্বা সঙ্গান্ পরিত্রজেৎ ॥ ৬ । ৩৩ ।

(৩৪) রণমৃতপত্নীক, আশ্রমিন্ আশ্রমস্থিত ।

এই রূপে জীবনের তৃতীয় ভাগ বনে অতিবাহিত করিয়া, সর্বসম্বৎসর পরিত্যাগপূর্বক, জীবনের চতুর্থ ভাগে পরিব্রজ্যা আশ্রম অবলম্বন করিবেন ।

যিনি, এই রূপ সময় বিভাগ করিয়া, যথাক্রমে আশ্রমচতুষ্টয় অবলম্বনের ঈদৃশ স্পষ্ট বিধি প্রদান করিয়াছেন ; তিনি, গৃহস্থাশ্রম সম্পাদন কালে পুল্লাভের পর স্ত্রীবিয়োগ ঘটিলে, আর দারপরিগ্রহ না করিয়া, এককালে চতুর্থ আশ্রম অবলম্বনের বিধি দিবেন, এরূপ মীমাংসা নিতান্ত অপসিদ্ধান্ত । তবে, “ঋণত্রয়ের পরিশোধ করিয়া মোক্ষে মনোনিবেশ করিবেন”, এ বিধির তাৎপর্য এই যে, ঋণত্রয়ের পরিশোধ না করিয়া মোক্ষপথ অবলম্বন করা সম্পূর্ণ অবৈধ ; উক্ত বচনের উত্তরার্দ্ধ দ্বারা ইহাই স্পষ্ট প্রতিপন্ন হইতেছে । যথা,

অনপাকৃত্য মোক্ষন্তু সেবমানো ব্রজত্যধঃ ।

ঋণপরিশোধ না করিয়া, মোক্ষপথ অবলম্বন করিলে অধোগতি প্রাপ্ত হয় ।

উল্লিখিত প্রকারে দারপরিগ্রহের নিবেদন ও মোক্ষপথ অবলম্বনের ব্যবস্থা স্থির করিয়া, তর্কবাচস্পতি মহাশয় কহিতেছেন,

“কিন্তু যদি বিষয়বাসনা নিরুত্তি না হয়, তবে তাহার ফল-লাভের নিমিত্ত বিবাহ করিবেন, ইহা ভঙ্গিক্রমে উক্ত হইয়াছে।”

এ স্থলে তিনি স্পষ্টবাক্যে স্বীকার করিতেছেন, পুল্লাভ ও ধর্মকার্য-নির্বাহের পর স্ত্রীবিয়োগ ঘটিলে, যদি ঐ সময়ে বৈরাগ্য না জন্মিয়া থাকে, তাহা হইলে, মোক্ষপথ অবলম্বন না করিয়া, পুনরায় বিবাহ করিবেন । এক্ষণে, সকলে বিবেচনা করিয়া দেখুন, কটকম্পনা দ্বারা আপস্তম্বশূত্রের পাঠান্তর ও অর্থান্তর কম্পনা করিয়া, তর্কবাচস্পতি মহাশয় কি অধিক লাভ করিলেন । চিরপ্রচলিত ব্যবস্থা অনুসারে, গৃহস্থাশ্রমসম্পাদন কালে স্ত্রীবিয়োগ ঘটিলে, বৈরাগ্য স্থলে মোক্ষপথ অবলম্বন, বৈরাগ্যের অভাবস্থলে পুনরায় দারপরিগ্রহ, বিহিত আছে ;

তিনি, অদ্ভুত বুদ্ধিশক্তিপ্রভাবে, যে অভিনব ব্যবস্থার উদ্ভাবন করিয়াছেন, তদ্বারাও তাহাই বিহিত হইতেছে ।

তিনি তৎপরে কহিতেছেন,

“ধর্ম ও পুত্র এই বিশেষণবশতঃ রতিকামনামূলক বিবাহ সে সময়ে করিতে পারে, ইহা প্রতীয়মান হইতেছে ।”

তদীয় এই ব্যবস্থা যার পর নাই কৌতুককর । পুত্রলাভ ও ধর্মকার্য-নির্বাহ হইলে যদি স্ত্রীবিয়োগ ঘটে, তবে “বানপ্রস্থ অথবা পরিব্রজ্যা আশ্রম আশ্রয় করিবেক”, এই ব্যবস্থা করিয়া, “রতিকামনামূলক বিবাহ সে সময়ে করিতে পারে”, এই ব্যবস্থান্তর প্রদান করিতেছেন । তদনুসারে, আপস্তম্ব সূত্র দ্বারা ইহাই প্রতিপন্ন হইতে পারে, পুত্রলাভ ও ধর্মকার্যনির্বাহের পর স্ত্রীবিয়োগ ঘটিলে, ধর্মার্থে ও পুত্রার্থে বিবাহ না করিয়া, বানপ্রস্থ অথবা পরিব্রজ্যা আশ্রম অবলম্বন করিবেক, কিন্তু রতিকামনামূলক বিবাহ সে সময়ে করিতে পারিবেক । সুতরাং, তর্কবাচস্পতি মহাশয়ের উদ্ভাবিত অদ্ভুত ব্যাখ্যা ও অদ্ভুত ব্যবস্থা অনুসারে, অতঃপর রতিকামনামূলক বিবাহ করিয়া, সেই স্ত্রীর সমভিব্যাহারে, মোক্ষপথ অবলম্বন করিতে হইবেক । সেবাদাসী সঙ্গে লইয়া, মোক্ষপথ অবলম্বন করা নিতান্ত মন্দ বোধ হয় না ; তাহাতে ঐহিক ও পারত্রিক উভয় রক্ষা হইবেক ।

“অতএব মনু দ্বিতীয় বিবাহের স্ত্রীবিয়োগরূপ যে কাল নির্দেশ করিয়াছেন, ধর্ম ও পুত্রের মধ্যে একের অভাব স্থলেই তাহা অভিপ্রেত, নতুবা স্ত্রীবিয়োগ হইলেই পুনরায় বিবাহ করিবেক, এরূপ তাৎপর্য্য নহে” ।

তর্কবাচস্পতি মহাশয়ের এই তাৎপর্য্যব্যাখ্যা শাস্ত্রানুসারিণী নহে । বৈরাগ্য না জন্মিলে, আটচল্লিশ বৎসর বয়সের পূর্বে স্ত্রীবিয়োগ হইলে, পুনরায় বিবাহ করিতে হইবেক, ধর্ম ও পুত্র উভয়ের সম্ভাবও

তাহার প্রতিবন্ধক হইতে পারিবেক না । “যদি বিষয়বাসনা নিবৃত্তি না হয়, তবে তাহার ফললাভের নিমিত্ত বিবাহ করিবেক,” এই ব্যবস্থা করিয়া, তর্কবাচস্পতি মহাশয় স্বয়ং তাহা স্বীকার করিয়া লইয়াছেন । আর, যদি বৈরাগ্য জন্ম, ধর্ম ও পুত্রের মধ্যে একের অসম্ভাবের কথা দূরে থাকুক, উভয়ের অসম্ভাব স্থলেও, আর বিবাহ না করিয়া মোক্ষপথ অবলম্বন করিবেক । স্ত্রীবিয়োগের ত কথাই নাই, স্ত্রী বিদ্যমান থাকিলেও, সে অবস্থায় মোক্ষপথ অবলম্বন করিবেক ।

“অতএব, পূর্বার্দ্ধ মাত্র ধরিয়া উত্তরার্দ্ধের গোপন করিয়া, “যে স্ত্রীর সহযোগে ধর্মকার্য ও পুত্রলাভ সম্পন্ন হয়, তৎসত্ত্বে অগ্ন্য স্ত্রী বিবাহ করিবেক না,” এইরূপে তাদৃশ স্ত্রীসত্ত্বে যে দারান্তর পরিগ্রহ নিষেধ সম্পন্ন তাহা অতীব যুক্তিবিরুদ্ধ ; যদি তাহার মতে দারসত্ত্বে দারান্তর পরিগ্রহের প্রাপ্তি সম্ভাবনা থাকিত, তাহা হইলে তাহার নিষেধ হইতে পারিত” ।

এ স্থলে বক্তব্য এই যে, আমি আপস্তম্বসূত্রের পূর্বার্দ্ধমাত্র ধরিয়া, উত্তরার্দ্ধ গোপন করিয়া, কপোলকম্পিত অর্থ প্রচার দ্বারা লোককে প্রতারণা করি নাই । আপস্তম্বীয় ধর্মসূত্রে দৃষ্টি নাই, এজন্য, তর্কবাচস্পতি মহাশয়, দুই সূত্রকে এক সূত্র জ্ঞান করিয়া, পূর্বার্দ্ধ ও উত্তরার্দ্ধ শব্দ ব্যবহার করিয়াছেন ।

ধর্মপ্রজাসম্পন্নে দারে নান্যাং কুর্কীত ।২।৫।১১।১২।

ইহা দ্বিতীয় প্রশ্নের, পঞ্চম পটলের, একাদশ খণ্ডের দ্বাদশ সূত্র ।

আর,

অন্যতরাভাবে কার্য্যা প্রাগগ্ন্যাধেয়াৎ ।২।৫।১১।১৩।

ইহা দ্বিতীয় প্রশ্নের, পঞ্চম পটলের, একাদশ খণ্ডের ত্রয়োদশ সূত্র ।  
দ্বাদশ সূত্রের অর্থ এই,

যে স্ত্রীর সহযোগে ধর্মকার্য ও পুত্রলাভ সম্পন্ন হয়, তৎসত্ত্বে অন্য স্ত্রী বিবাহ করিবেক না ।

ত্রয়োদশ শূত্রের অর্থ এই,

ধর্মকার্য অথবা পুত্রলাভ সম্পন্ন না হইলে, অগ্ন্যাধানের পূর্বে পুনরায় বিবাহ করিবেক ।

দ্বাদশ শূত্র অনুসারে, ধর্মকার্য ও পুত্রলাভ সম্পন্ন হইলে, স্ত্রীসত্ত্বে দারান্তুরপরিগ্রহ নিষিদ্ধ হইয়াছে ; ত্রয়োদশ শূত্র অনুসারে, ধর্মকার্য-নির্বাহ ও পুত্রলাভ এ উভয়ের অথবা উভয়ের মধ্যে একের অভাব ঘটিলে, স্ত্রীসত্ত্বে দারান্তুরপরিগ্রহ বিহিত হইয়াছে । এই দুই শূত্র পরস্পর বিরুদ্ধ অর্থের প্রতিপাদক নহে ; বরং পরশূত্র পূর্বশূত্রের পোষক হইতেছে । এমন স্থলে, উত্তরার্দ্ধ অর্থাৎ পরশূত্র গোপন করিবার কোনও অভিসন্ধি বা আবশ্যকতা লক্ষিত হইতে পারে না । পুত্রলাভ ও ধর্মকার্যনির্বাহ হইলে, স্ত্রীসত্ত্বে পুনরায় বিবাহ করিবার অধিকার নাই, এতন্মাত্র নির্দেশ করা আবশ্যক হইয়াছিল, এজন্ত দ্বিতীয় কোড়পত্রে পূর্বশূত্রমাত্র উদ্ধৃত হইয়াছিল ; নিম্নরোজন বলিয়া পরশূত্র উদ্ধৃত হয় নাই । নতুবা, ভয়প্রযুক্ত, অথবা দুর্ভতিসন্ধিপ্ৰণোদিত হইয়া, পরশূত্র গোপনপূর্বক পূর্বশূত্রমাত্র উদ্ধৃত করিয়া, স্বেচ্ছানুসারে অর্থান্তর কল্পনা করিয়াছি, এরূপ নির্দেশ করা নিরবচ্ছিন্ন অনভিজ্ঞতা প্রদর্শনমাত্র । আর, “এইরূপে তাদৃশ স্ত্রীসত্ত্বে যে দারান্তুর পরিগ্রহ নিষেধ কল্পনা, তাহা অতীব যুক্তিবিরুদ্ধ ।” এ স্থলে বক্তব্য এই যে, তাদৃশ স্ত্রীসত্ত্বে দারান্তুর পরিগ্রহ নিষেধ আমার কপোলকল্পিত নহে । সর্বপ্রথম মহর্ষি আপস্তম্ব ঐ নিষেধ কল্পনা করিয়াছেন ; তৎপরে, মিত্রমিশ্র, অনন্তভট্ট ও কুল্লুকভট্ট, আপস্তম্বের ঐ নিষেধকল্পনা অবলম্বনপূর্বক ব্যবস্থা করিয়া গিয়াছেন । আমি নূতন কোনও কল্পনা করি নাই । আর, “যদি তাঁহার মতে দারসত্ত্বে দারান্তুর পরিগ্রহের প্রাপ্তি সম্ভাবনা

থাকিত, তাহা হইলে তাহার নিষেধ হইতে পারিত।” এ স্থলে বক্তব্য এই যে, আমার মতে দারসত্ত্বে দারান্তুর পরিগ্রহের প্রাপ্তি সম্ভাবনা নাই। তর্কবাচস্পতি মহাশয়ের এই নির্দেশ সম্পূর্ণ কপোল-কম্পিত। আমার মতে, অর্থাৎ আমি শাস্ত্রের যেরূপ অর্থবোধ ও তাৎপর্যগ্রহ করিতে পারিয়াছি তদনুসারে, দুই প্রকারে দারসত্ত্বে দারান্তুর পরিগ্রহের প্রাপ্তি সম্ভাবনা আছে ; প্রথম, স্ত্রীর বক্ষ্যাত্ত্ব প্রভৃতি শাস্ত্রোক্ত নিমিত্ত নিবন্ধন দারান্তুর পরিগ্রহ ; দ্বিতীয়, রতিকামনামূলক রাগপ্রাপ্ত দারান্তুর পরিগ্রহ। স্ত্রীর বক্ষ্যাত্ত্ব প্রভৃতি নিমিত্ত ঘটিলে, শাস্ত্রের বিধি অনুসারে, দারসত্ত্বে দারান্তুর পরিগ্রহ আবশ্যিক ; আর, উৎকট রতিকামনার বশবর্তী হইয়া, কামুক পুরুষ দারসত্ত্বে দারান্তুর পরিগ্রহ করিতে পারে। আপস্তম্ব পূর্বোল্লিখিত দ্বাদশ সূত্র দ্বারা, পুল্লাভ ও ধর্মকার্যনির্বাহ হইলে, দারসত্ত্বে দারান্তুর পরিগ্রহ নিষেধ করিয়াছেন ; আর, এরোদশ সূত্র দ্বারা ; পুল্লাভ অথবা ধর্মকার্য নির্বাহের ব্যাঘাত ঘটিলে, দারসত্ত্বে দারান্তুর পরিগ্রহের বিধি দিয়াছেন। তদনুসারে, ইহাই স্পষ্ট প্রতীয়মান হইতেছে, পুল্লার্থে ও ধর্মার্থে ভিন্ন অন্য কোনও কারণে, দারসত্ত্বে দারান্তুর পরিগ্রহে অধিকার নাই। মনু প্রভৃতি, যদৃচ্ছা-স্থলে, পূর্বপরিণীতা সর্বগা স্ত্রীর জীবদ্দশায়, রাগপ্রাপ্ত অসবর্ণা-বিবাহের অনুমোদন করিয়াছেন ; তাদৃশ বিবাহ আপস্তম্বের অভিযত বোধ হইতেছে না ; এজন্য, তদীয় ধর্মসূত্রে রতিকামনামূলক অসবর্ণা-বিবাহ, অসবর্ণগর্ভসম্ভূত পুত্রের অংশনির্ণয় প্রভৃতির কোনও উল্লেখ দেখিতে পাওয়া যায় না।

“তাঁহার মতে পুত্রের অভাবে দারসত্ত্বে দারান্তুর পরিগ্রহ বিহিত হইলেও, অগ্নিহোত্রাদি সমস্ত কর্তব্য ধর্মের অভাবেও, পুত্রসত্ত্বে দারান্তুর পরিগ্রহ নিষিদ্ধ হইয়াছে”।

এস্থলে বক্তব্য এই যে, পূর্বপরিণীতা স্ত্রীর সহযোগে অগ্নি-

হোত্ৰাদি গৃহস্থকর্তব্য ধর্মকার্য্য নির্বাহ না হইলেও, পুত্রসন্তে দারাস্তুর পরিগ্রহ নিষিদ্ধ, অর্থাৎ পূর্বপরিণীতা স্ত্রী দ্বারা ধর্মকার্য্য নির্বাহের ব্যাঘাত ঘটিলেও, কেবল পুত্রলাভ হইয়াছে বলিয়া, ধর্মকার্য্যের অনুরোধে আর দারপরিগ্রহ করিতে পারিবেক না ; আমি কোনও স্থলে এরূপ কথা লিখি নাই । তর্কবাচস্পতি মহাশয়, কি মূল অবলম্বন করিয়া, অনায়াসে এরূপ অসঙ্গত নির্দেশ করিলেন, বুঝিতে পারা যায় না । এ বিষয়ে পূর্বে যাহা লিখিয়াছি, তাহা উদ্ধৃত হইতেছে ;—

“পুত্রলাভ ও ধর্মকার্য্যসাধন গৃহস্থাশ্রমের উদ্দেশ্য, দারপরিগ্রহ ব্যতিরেকে এ উভয়ই সম্পন্ন হয় না ; এই নিমিত্ত, প্রথম বিধিতে দারপরিগ্রহ গৃহস্থাশ্রমপ্রবেশের দ্বারস্বরূপ ও গৃহস্থাশ্রমসমাধানের অপরিহার্য্য উপায়স্বরূপ নির্দিষ্ট হইয়াছে । গৃহস্থাশ্রমসম্পাদন কালে, স্ত্রীবিয়োগ ঘটিলে যদি পুনরায় বিবাহ না করে, তবে সেই দারবিরহিত ব্যক্তি আশ্রমভ্রংশনিবন্ধন পাতকগ্রস্ত হয় ; এজন্য, ঐ অবস্থায় গৃহস্থ ব্যক্তির পক্ষে পুনরায় দারপরিগ্রহের অবশ্যকর্তব্যতাবোধনার্থে, শাস্ত্রকারেরা দ্বিতীয় বিধি প্রদান করিয়াছেন । স্ত্রীর বন্ধাত্ব, চিররোগিত্ব প্রভৃতি দোষ ঘটিলে, পুত্রলাভ ও ধর্মকার্য্যসাধনের ব্যাঘাত ঘটে ; এজন্য, শাস্ত্রকারেরা তাদৃশস্থলে স্ত্রীসন্তে পুনরায় বিবাহ করিবার তৃতীয় বিধি দিয়াছেন” (৩৫) ।

এই লিখন দ্বারা, ধর্মকার্য্যনির্বাহের ব্যাঘাত ঘটিলেও, পুত্রসন্তে দারাস্তুরপরিগ্রহ করিতে পারিবেক না, এরূপ নিষেধ প্রতিপন্ন হয় কি না, তাহা সকলে বিবেচনা করিয়া দেখিবেন ।

“অতএব “অদারে,” এইরূপ ছেদ দ্বারাই সর্বসামঞ্জস্য হইতেছে ; এমন স্থলে “দারাক্ততলাজ্ঞানং বহুত্বঞ্চ” পুংলিঙ্গাধিকারে পাণিনিরূপিত এই লিঙ্গানুশাসন লঙ্ঘন করিয়া, দারশব্দের এক-

বচনান্তাস্বীকার একবারেই হয় ; কারণ, গত্যন্তর না থাকিলেই তাহা স্বীকার করিতে হয়” ।

তর্কবাচস্পতি মহাশয়, সর্বসামঞ্জস্য সম্পাদনমানসে, “অদারে” এইরূপ পাঠান্তর কল্পনা করিয়াছেন । কিন্তু, তাঁহার কল্পিত পাঠান্তর দ্বারা কিরূপ সর্বসামঞ্জস্য সম্পন্ন হইতেছে, তাহা ইতিপূর্বে সবিস্তর দর্শিত হইল ; এক্ষণে, অবলম্বিত পাঠান্তরের যথার্থতা সমর্থন করিবার নিমিত্ত, তিনি ব্যাকরণবিরোধরূপ যে প্রমাণ প্রদর্শন করিয়াছেন, তাহার বলাবল বিবেচিত হইতেছে । তাঁহার উল্লিখিত

দারাক্তলাজানাং বহুব্ধ্বঃ । ৭২ । (৩৬)

দার, অক্ষত ও লাজশব্দ পুংলিঙ্গ ও বহুবচনান্ত হয় ।

এই শূত্র অনুসারে দারশব্দ বহুবচনে প্রযুক্ত হওয়া আবশ্যিক ; কিন্তু আপস্তম্বশূত্রের চিরপ্রচলিত ও সর্বসম্মত পাঠ অনুসারে, “দারে” এই স্থলে দারশব্দ সপ্তমীর একবচনে প্রযুক্ত হইয়াছে । তর্কবাচস্পতি মহাশয় দারশব্দের একবচনান্তপ্রয়োগ, পাণিনিবিরুদ্ধ বলিয়া, একবারেই অগ্রাহ্য করিয়াছেন । পাণিনি দারশব্দের বহুবচনে প্রয়োগ নিয়মবদ্ধ করিয়াছেন বটে ; কিন্তু আপস্তম্ব স্বীয় ধর্ম্মশূত্রে সে নিয়ম অবলম্বন করিয়া চলেন নাই । বোধ হয়, পাণিনির সহিত তাঁহার বিরোধ ছিল ; এজন্য, তদীয় ধর্ম্মশূত্রে দারশব্দ, সকল স্থলেই, কেবল একবচনেই প্রযুক্ত দৃষ্ট হইতেছে । যথা,

১ । মাতরমাচার্যাদারক্ষেতোকে । ১ । ৪ । ১৪ । ২৪ ।

২ । স্তেয়ং কৃত্বা সুরাং পীত্বা গুরুদারঞ্চ গত্বা । ১ । ৯ । ২৫ । ১০ ।

৩ । সদা নিশায়াং দারং প্রত্যলঙ্ঘুর্ষীত । ১ । ১১ । ৩২ । ৬ ।

৪ । ঋতৌ চ সন্নিপাতো দারেণানু ব্রতম্ । ২ । ১ । ১ । ১৭ ।

৫ । অন্তরালেহপি দার এব । ২ । ১ । ১ । ১৮ ।

৬ । দারে প্রজায়াঞ্চ উপস্পর্শনভাষা বিস্রুতপূর্বাঃ

পরিবর্জ্যেৎ । ২ । ২ । ৫ । ১০ ।

৭ । বিদ্যাং সমাপ্য দারং কৃত্বা অগ্নীনাধায় কর্ম্মণ্যারভতে

সোমাবরাদ্ধ্যানি যানি ক্রয়ন্তে । ২ । ৯ । ২২ । ৭ ।

৮ । অবুদ্ধিপূর্ব্বমলঙ্কতো যুবা পরদারমন্মুপ্রবিশন্ কুমারীং

বা বাচা বাধ্যঃ । ২ । ১০ । ২৬ । ১৮ ।

৯ । দারং চাম্ম কর্শয়েৎ । ২ । ১০ । ২৭ । ১০ ।

আমাদের মানবচক্ষুতে এই সকল সূত্রে “দারঃ” “দারম্” “দারেণ” “দারে” এই রূপে দারশব্দ প্রথমা, দ্বিতীয়া, তৃতীয়া ও সপ্তমীর একবচনে প্রযুক্ত দৃষ্ট হইতেছে । তর্কবাচস্পতি মহাশয়ের দিব্য চক্ষুতে কিরূপ লক্ষিত হয়, বলিতে পারা যায় না ।

ধর্ম্মপ্রজাসম্পন্নে দারে নান্যাং কুর্ষীত । ২ । ৫ । ১১ । ১২ ।

এ স্থলে দারশব্দ সপ্তমীর একবচনে প্রযুক্ত আছে । কিন্তু, তর্কবাচস্পতি মহাশয়, পাণিনিরূত নিয়মের অলঙ্ঘনীয়তা স্থির করিয়া, আপস্তম্বীয় ধর্ম্মসূত্রে দারশব্দের একবচনান্তপ্রয়োগরূপ যে দোষ ঘটিয়াছে, উহার পরিহারবাসনায়, “দারে” এই পদের পূর্বে এক লুপ্ত অকারের কম্পনা করিয়াছেন । এফণে, পূর্ব্বনির্দিষ্ট নয় সূত্রে যে দারশব্দের একবচনান্তপ্রয়োগ আছে, উল্লিখিত প্রকারে, দয়া করিয়া, তিনি তাহার সমাধান করিয়া না দিলে, নিরবলম্ব আপস্তম্ব অব্যাহতি লাভ করিতে পারিতেছেন না । আপাততঃ যে রূপ লক্ষিত হইতেছে, তাহাতে সকল স্থলে লুপ্ত অকার কম্পনার পথ আছে, এরূপ বোধ হয় না । অতএব, প্রসিদ্ধ বৈয়াকরণ ও প্রসিদ্ধ সর্কশাস্ত্রবেত্তা তর্কবাচস্পতি মহাশয়, অদ্ভুত বুদ্ধিশক্তিপ্রভাবে, কি অদ্ভুত প্রণালী অবলম্বন করিয়া,

পাণিনি ও আপস্তম্বের বিরোধ ভঞ্জন করেন, তাহা দেখিবার জন্য অত্যন্ত কৌতূহল উপস্থিত হইতেছে। তর্কবাচস্পতি মহাশয় কি এত সৌজন্যপ্রকাশ করিবেন, যে দয়া করিয়া এ বিষয়ে আমাদের কৌতূহলনিবৃত্তি করিয়া দিবেন।

সচরাচর সকলে অবগত আছেন, ঋষিরা লিঙ্গ, বিভক্তি, বচন প্রভৃতি বিষয়ে সম্পূর্ণ স্বতন্ত্রেচ্ছ ছিলেন; তাঁহারা সে বিষয়ে অত্যাধিক নিয়মের অনুবর্তী হইয়া চলেন নাই। এজন্য, পাণিনি-প্রভৃতিপ্রণীত প্রচলিত ব্যাকরণ অনুসারে যে সকল প্রয়োগ অপপ্রয়োগ বলিয়া পরিগণিত হয়; ঋষিপ্রণীত গ্রন্থে সেই সকল প্রয়োগ আর্থ বলিয়া পরিগৃহীত হইয়া থাকে; অর্থাৎ, ঐ সকল প্রয়োগ যখন ঋষির মুখ বা লেখনী হইতে নির্গত হইয়াছে, তখন তাহা অপপ্রয়োগ নহে। পাণিনি ও আপস্তম্ব উভয়েই ঋষি। পাণিনির মতে, দারশদ বহুবচনে প্রযুক্ত হওয়া আবশ্যিক; আপস্তম্বের মতে, দারশদ এক বচনে প্রযুক্ত হওয়া দোষাবহ নহে। কল-কথা এই, ঋষিরা সকলেই সমান ও স্বস্বপ্রধান ছিলেন। কোনও ঋষিকে অপর ঋষির প্রতিষ্ঠিত নিয়মের অনুবর্তী হইয়া চলিতে হইত না। সুতরাং, আপস্তম্বকৃত প্রয়োগ, পাণিনিবিরুদ্ধ হইলেও, হেয় বা অশ্রদ্ধেয় হইতে পারে না। যিনি যে বিষয়ের ব্যবসায়ী, সে বিষয়ে স্বভাবতঃ তাঁহার অধিক পক্ষপাত থাকে। তর্কবাচস্পতি মহাশয় বহুকালের ব্যাকরণব্যবসায়ী; সুতরাং, অন্যান্য শাস্ত্র অপেক্ষা ব্যাকরণে তাঁহার অধিক পক্ষপাত থাকিলে, তাঁহাকে দোষ দিতে পারা যায় না। অতএব, ব্যাকরণের নিয়মরক্ষার পক্ষপাতী হইয়া, ধর্মশাস্ত্রের গ্রীবাভঙ্গ প্রযুক্ত হওয়া তাঁহার পক্ষে তাদৃশ দোষের বা আশ্চর্যের বিষয় নহে।

যদৃচ্ছাপ্রযুক্ত বহুবিবাহকাণ্ডের শাস্ত্রীয়তা প্রতিপাদন প্রয়াসে, তর্কবাচস্পতি মহাশয় যে সকল প্রমাণ প্রদর্শন করিয়াছেন, উহাদের

প্রকৃত অর্থ ও তাৎপর্য আলোচিত হইল। তদনুসারে, ইহা নিঃসংশয়ে প্রতিপন্ন হইতেছে, তাঁহার অভিমত যদৃচ্ছাপ্রবৃত্ত বহু-বিবাহরূপ পরম ধর্ম শাস্ত্রানুমোদিত ব্যবহার নহে। শাস্ত্রানুযায়িনী বিবাহবিষয়িণী ব্যবস্থা এই ;

- ১। গৃহস্থ ব্যক্তি গৃহস্থাশ্রমের উদ্দেশ্য সাধনার্থে সর্বণবিবাহ করিবেক।
- ২। প্রথমপরিণীতা স্ত্রীর বন্ধ্যাত্ত প্রভৃতি দোষ ঘটিলে, তাহার জীবদ্দশায় পুনরায় সর্বণবিবাহ করিবেক।
- ৩। আটচল্লিশ বৎসর বয়সের পূর্বে স্ত্রীবিয়োগ হইলে, পুনরায় সর্বণবিবাহ করিবেক।
- ৪। সর্বণ কন্যার অপ্রাপ্তি ঘটিলে, অসর্বণবিবাহ করিবেক।
- ৫। কামবশতঃ পুনরায় বিবাহ করিতে ইচ্ছা হইলে, পূর্ব-পরিণীতা সর্বণ স্ত্রীর সম্মতিগ্রহণপূর্বক অসর্বণবিবাহ করিবেক।

শাস্ত্রে এতদ্ব্যতিরিক্ত স্থলে বিবাহের বিধি ও ব্যবস্থা নাই। এই পঞ্চ-বিধ ব্যতিরিক্ত বিবাহ সর্বতোভাবে শাস্ত্রনিষিদ্ধ। তর্কবাচস্পতি মহাশয়, স্বপ্রদর্শিত ঋতিবাক্য ও স্মৃতিবাক্যের যে সকল কপোল-কম্পিত ব্যাখ্যা করিয়াছেন, তদ্বারা যদৃচ্ছাপ্রবৃত্ত বহুবিবাহব্যবহারের শাস্ত্রীয়তা প্রতিপন্ন হওয়া কোনও মতে সম্ভাবিত নহে। কিন্তু, তিনি স্বীয় অভিপ্রেত সাধনে সম্পূর্ণ রূতকার্য্য হইয়াছেন, ইহা স্থির করিয়া, অবলম্বিত মীমাংসার পোষকতা করিবার অভিপ্রায়ে লিখিয়াছেন,

“শিষ্টাচারোহপি ঋতিস্মৃত্যোর্বর্ণিতবিষয়ত্বমুদ্বোলয়তি। তথা চ তে হি শিষ্টা। দর্শিতবিষয়কত্বমেব ঋতিস্মৃত্যোরবধারণ্য যুগপ-  
বহুভার্য্যাবেদনে প্রবৃত্তা ইতি পুরাণাদৌ উপলভ্যতে (৩৭)।”

(৩৭) বহুবিবাহবাদ, ২৩ পৃষ্ঠা।

যদুচ্ছ্রাক্রমে যত ইচ্ছা বিবাহ করা শ্রুতি ও স্মৃতির অনুমোদিত, ইহা শিষ্টাচার দ্বারাও সমর্থিত হইতেছে । পূর্বকালীন শিষ্টেরা, শ্রুতি ও স্মৃতির উক্তপ্রকার তাৎপর্য অবধারণ করিয়া, একবারে বহু-ভার্য্যাবিবাহে প্রবৃত্ত হইয়াছিলেন, ইহা পুরাণাদিতে দৃষ্ট হইতেছে ।

যদি যদুচ্ছ্রাপ্রবৃত্ত বহুবিবাহ শ্রুতি ও স্মৃতির অনুমোদিত হইত, তাহা হইলে শিষ্টাচার দ্বারা তাহার সমর্থনপ্রয়াস সফল হইতে পারিত । কিন্তু পূর্বে সর্বিস্তর দর্শিত হইয়াছে, তাদৃশ বিবাহকাণ্ড শাস্ত্রানু-মোদিত ব্যবহার নহে ; সুতরাং, শিষ্টাচার দ্বারা তাহার সমর্থন-প্রয়াস সম্পূর্ণ নিষ্ফল হইতেছে ; কারণ, শাস্ত্রবিরুদ্ধ শিষ্টাচার প্রমাণ বলিয়া পরিগৃহীত নহে । মনু কহিয়াছেন,

আচারঃ পরমো ধর্মঃ শ্রুত্যাঙ্কঃ স্মার্ত্ত এব চ । ১। ১০৯ ।

বেদবিহিত ও স্মৃতিবিহিত আচারই পরম ধর্ম ।

শাস্ত্রকারদিগের অভিপ্রায় এই, যে আচার শ্রুতি ও স্মৃতির বিধি অনুযায়ী, তাহাই পরম ধর্ম ; লোকে তাদৃশ আচারেরই অনুসরণ করিবেক ; তদ্ব্যতিরিক্ত অর্থাৎ শ্রুতিবিরুদ্ধ বা স্মৃতিবিরুদ্ধ আচার আদরণীয় ও অনুসরণীয় নহে । ঐদৃশ আচারের অনুসরণ করিলে প্রত্যবায়গ্রস্ত হইতে হয় । অনেকে, শাস্ত্রীয় বিধিনিষেধ প্রতিপালনে অসমর্থ হইয়া, অবৈধ আচরণে দূষিত হইয়া থাকেন । এ কালে যেক্রপ দেখিতে পাওয়া যায়, পূর্বকালেও সেইরূপ ছিল ; অর্থাৎ পূর্বকালেও অনেকে, শাস্ত্রীয় বিধিনিষেধ প্রতিপালনে অসমর্থ হইয়া, অবৈধ আচরণে দূষিত হইতেন । তবে, পূর্বকালীন লোকেরা তেজীয়ান ছিলেন, এজন্য অবৈধ আচরণ নিমিত্ত প্রত্যবায়গ্রস্ত হইতেন না । তাঁহারা অধিকতর শাস্ত্রজ্ঞ ও ধর্মপরায়ণ ছিলেন ; সুতরাং, তাঁহাদের আচার সর্ব্বাংশে নির্দোষ, তাহার অনুসরণে দোষস্পর্শ হইতে পারে না ; এক্রপ ভাবিয়া, অর্থাৎ পূর্বকালীন লোকের আচারমাত্রই সদাচার এই বিবেচনা করিয়া, তদনুসারে চলা উচিত নহে ।

গোতম কহিয়াছেন,

দৃষ্টো ধর্মব্যতিক্রমঃ সাহসঞ্চ মহতাম্ । ১ । ১ ।

মহৎ লোকদিগের ধর্মলঙ্ঘন ও অবৈধ আচরণ দেখিতে পাওয়া যায় ।

আপস্তম্ব কহিয়াছেন,

দৃষ্টো ধর্মব্যতিক্রমঃ সাহসঞ্চ মহতাম্ । ২।৩।১৩।৮।

তেষাং তেজোবিশেষেণ প্রত্যবায়ো ন বিদ্যতে ২।৩।১৩।৯।

তদন্বীক্ষ্য প্রযুক্তানঃ সীদত্যবরঃ । ২ । ৩ । ১৩ । ১০ ।

মহৎ লোকদিগের ধর্মলঙ্ঘন ও অবৈধ আচরণ দেখিতে পাওয়া যায় । তাঁহারা তেজীয়ান্, তাহাতে তাঁহাদের প্রত্যবায় নাই । সাধারণ লোকে, তদ্বীক্ষ্যে তদনুবর্তী হইয়া চলিলে, এককালে উৎসন্ন হয় ।

বোধায়ন কহিয়াছেন,

অনুরতন্তু যদেবৈমু নিভির্যদনুষ্ঠিতম্ ।

নানুষ্ঠেয়ং মনুষ্যৈস্তদুক্তং কৰ্ম্ম সমাচরেৎ (৩৮) ॥

দেবগণ ও মুনিগণ যে সকল কৰ্ম্ম করিয়াছেন, মনুষ্যের পক্ষে তাহা করা কর্তব্য নহে ; তাহারা শাস্ত্রোক্ত কৰ্ম্মই করিবেন ।

শুকদেব কহিয়াছেন,

ধর্মব্যতিক্রমো দৃষ্ট ঈশ্বরানাঞ্চ সাহসম্ ।

তেজীয়সাং ন দোষায় বহুঃ সর্বভুজো যথা ॥ ৩০ ॥

নৈতৎ সমাচরেজ্জাতু মনসাপি হৃনীশ্বরঃ ।

বিনশ্যত্যাচরন্ মোঢ়্যাদ্যথা রুদ্রোহন্ধিজং বিষম্ ॥ ৩১ ॥

ঈশ্বরানাং বচঃ সত্যং তথৈবাচরিতং কচিৎ ।

তেষাং যৎ স্ববচোযুক্তং বুদ্ধিমাংস্তদাচরেৎ ॥ ৩২ ॥ (৩৯)

(৩৮) পরাশরভাষ্য পূত ।

(৩৯) ভাগবত, ১০ স্কন্ধ, ৩৩ অধ্যায় ।

প্রভাবশালী ব্যক্তিদিগের ধর্মলঙ্ঘন ও অট্টেধ আচরণ দেখিতে পাওয়া যায় । সর্বভোজী অগ্নির ন্যায়, তেজীয়ানদিগের তাহাতে দোষস্পর্শ হয় না ॥ ৩০ ॥ সামান্য ব্যক্তি কদাচ মনেও তাদৃশ কর্মের অনুষ্ঠান করিবেক না ; স্মৃতা বশতঃ অনুষ্ঠান করিলে বিনাশপ্রাপ্ত হয় । শিব সমুজ্জোৎপন্ন বিষ পান করিয়াছিলেন ; সামান্য লোক বিষ পান করিলে বিনাশ অবধারিত ॥ ৩১ ॥ প্রভাবশালী ব্যক্তিদিগের উপদেশ মাননীয়, কোনও কোনও স্থলে তাঁহাদের আচারও মাননীয় । তাঁহাদের যে সমস্ত আচার তাঁহাদের উপদেশবাক্যের অনুযায়ী, বুদ্ধিমান ব্যক্তি সেই সকল আচারের অনুসরণ করিবেক ।

এই সকল শাস্ত্র দ্বারা স্পষ্ট প্রতিপন্ন হইতেছে, পূর্বকালীন মহৎ ব্যক্তিদের আচার মাত্রই সদাচার নহে । তাঁহাদের যে সকল আচার শাস্ত্রীয় বিধি নিষেধের অনুযায়ী, তাহাই সদাচার ; আর তাঁহাদের যে সকল আচার শাস্ত্রীয় বিধি নিষেধের বিপরীত, তাহা সদাচারশব্দ-বাচ্য নহে । পূর্বে প্রতিপাদিত হইয়াছে, বিবাহবিষয়ে যথেষ্টাচার শাস্ত্রীয় বিধি নিষেধের বিপরীত ব্যবহার ; সুতরাং, পূর্বকালীন লোকদিগের তাদৃশ যথেষ্টাচার সদাচার বলিয়া পরিগৃহীত করা ও তদনুসারে চলা কদাচ উচিত নহে ।

তর্কবাচস্পতি মহাশয়, স্বীয় যীমাংসার সমর্থনমানসে, যুক্তি-প্রদর্শন করিতেছেন,

“যদি কশ্যপাদয়ঃ স্বয়ং স্মৃতিপ্রণেতারাঃ বহুভার্য্যাবেদনমশাস্ত্রীয়মিতি জানীয়ুঃ কথং তত্র প্রবর্তেরন্ । অতন্তেষামাচারদর্শনেনৈব উপদর্শিতপ্রকার এব শাস্ত্রার্থঃ নাথথেষ্যবধার্য্যতে” (৪০) ।

যদি নিজে ধর্মশাস্ত্রপ্রবর্তক কশ্যপপ্রভৃতি বহুভার্য্যাবিবাহ অশাস্ত্রীয় বোধ করিতেন, তাহা হইলে, কেন তাহাতে প্রবৃত্ত হইতেন । অতএব, তাঁহাদের আচার দর্শনেই অবধারিত হইতেছে, আমি যেরূপ ব্যাখ্যা করিয়াছি, তাহাই যথার্থ শাস্ত্রার্থ ।

ইহার তাৎপর্য্য এই, যাঁহারা লোকহিতার্থে ধর্মশাস্ত্রের সৃষ্টি করিয়াছেন,

তঁাহারা কখনও অশাস্ত্রীয় কর্মে প্রবৃত্ত হইতে পারেন না । সুতরাং, তঁাহাদের আচার অবশ্যই সদাচার । যখন শাস্ত্রকর্তা কশ্যপ প্রভৃতির বহুবিবাহের নিদর্শন পাওয়া যাইতেছে, তখন বহুভার্য্যা-বিবাহ সম্পূর্ণ শাস্ত্রসম্মত ; শাস্ত্রবিরুদ্ধ হইলে, তঁাহারা তাহাতে প্রবৃত্ত হইতেন না । এ বিষয়ে বক্তব্য এই যে, তর্কবাচস্পতি মহাশয়ের এই মীমাংসা কোনও অংশে ন্যায়ানুসারিণী নহে । ইতি-পূর্বে দর্শিত হইয়াছে, আপস্তম্ব বোধায়ন প্রভৃতি ধর্মশাস্ত্রপ্রবর্তক ঋষিরা স্পষ্ট বাক্যে কহিয়াছেন, দেবগণ, ঋষিগণ বা অন্যান্য মহৎ ব্যক্তিগণ, সকল সময়ে ও সকল বিষয়ে, শাস্ত্রীয় বিধি নিষেধ প্রতিপালন করিয়া চলিতেন না ; সুতরাং, তঁাহাদের আচার যাত্রই সদাচার বলিয়া পরিগৃহীত ও অনুমৃত হওয়া উচিত নহে ; তঁাহাদের যে সকল আচার শাস্ত্রানুমোদিত, তাহাই সদাচার বলিয়া পরিগৃহীত হওয়া উচিত । অতএব, যখন বহুভার্য্যাবিবাহ শাস্ত্রানুমোদিত ব্যবহার বলিয়া প্রতিপন্ন হইতেছে না, তখন দেবগণ, ঋষিগণ প্রভৃতির বহুবিবাহব্যবহারদর্শনে, তাদৃশ ব্যবহারকে শাস্ত্রসম্মত বলিয়া মীমাংসা করা কোনও অংশে সঙ্গত হইতে পারে না । এজন্যই মাধবাচার্য্য কহিয়াছেন,

“ননু শিষ্টাচারপ্রামাণ্যে স্বদুহিতৃবিবাহোহপি প্রসজ্যেত  
প্রজাপতেরাচরণাং তথাচ শ্রুতিঃ প্রজাপতির্বৈ স্বাং দুহিতরমভ্য-  
ধ্যায়দিতি নৈবং ন দেবচরিতং চরেদিতি ন্যায়ঃ অতএব বোধায়নঃ  
অনুরক্তস্তু যদেবৈশ্বনিভির্যদনুষ্ঠিতম্ । নানুষ্ঠেয়ং মনুষ্যৈস্তদুক্তং  
কর্ম সমাচরেদিতি” (৪১) ।

শিষ্টাচারের প্রামাণ্য স্বীকার করিলে, নিজকন্যাবিবাহও দোষাবহ হইতে পারে না ; কারণ, ব্রহ্ম তাহা করিয়াছিলেন । বেদে নির্দিষ্ট আছে,

## প্রজাপতিবৈ স্বাং দুহিতরমভ্যধ্যায়ং (৪২) ।

ব্রহ্মা নিজ কন্যার পাণিগ্রহণ করিয়াছিলেন ।

এরূপ বলিও না ; কারণ, দেবচরিতের অনুকরণ করা ন্যায়ানুগত নহে । এজন্যই, বৌধায়ন কহিয়াছেন, “দেবগণ ও মুনিগণ যে সকল কৰ্ম্ম করিয়াছেন, মনুষ্যের পক্ষে তাহা করা কর্তব্য নহে ; তাহারা শাস্ত্রোক্ত কৰ্ম্মই করিবেন” ।

ধর্মশাস্ত্রপ্রবর্তক ঋষিদিগের মধ্যে অনেকেরই অবৈধ আচরণ দেখিতে পাওয়া যায় । তাঁহারা ধর্মশাস্ত্রপ্রবর্তক, এই হেতুতে তদীয় অবৈধ আচরণ শিক্ষাচার বলিয়া পরিগৃহীত হইতে পারে না । বৃহস্পতি ও পরাশর উভয়েই ধর্মশাস্ত্রপ্রবর্তক ; বৃহস্পতি কামার্ত্ত হইয়া গর্ভবতী ভ্রাতৃত্য্যা সন্তোগ, আর পরাশর কামার্ত্ত হইয়া অবিবাহিতা দাশকন্যা সন্তোগ, করেন । ধর্মশাস্ত্রপ্রবর্তক বলিয়া, ইহাদের এই অবৈধ আচরণ শিক্ষাচারস্থলে পরিগৃহীত হওয়া উচিত নহে । ধর্মশাস্ত্রপ্রবর্তক হইলে, অবৈধ আচরণে প্রবৃত্ত হইতে পারেন না, এ কথা নিতান্ত হয় ও অশ্রদ্ধেয় । অতএব, ধর্মশাস্ত্রপ্রবর্তক কশ্যপ প্রভৃতি বহুভার্য্যা-বিবাহে প্রবৃত্ত হইয়াছিলেন ; কশ্যপ প্রভৃতির তাদৃশ আচারদর্শনে বহুভার্য্যাবিবাহপক্ষই যথার্থ শাস্ত্রার্থ বলিয়া অবধারিত হইতেছে, তর্কবাচস্পতি মহাশয়ের এই মীমাংসা শাস্ত্রানুযায়িনী ও ন্যায়ানুসারিণী হইতে পারে কি না, তাহা সকলে বিবেচনা করিয়া দেখিবেন । ফলকথা এই, শিক্ষাচারবিশেষকে প্রমাণস্থলে পরিগৃহীত করা আবশ্যক হইলে, ঐ শিক্ষাচার শাস্ত্রীয় বিধি নিবেদনের অনুযায়ী কি না, তাহার সবিশেষ অনুধাবন করিয়া দেখা কর্তব্য ; নতুবা ইদানীন্তন লোকের যথেষ্ট ব্যবহারকে শাস্ত্রমূলক আচার বলিয়া প্রতিপন্ন করিবার অভিপ্রায়ে, পূর্বকালীন লোকের যথেষ্ট ব্যবহারকে অবিগীত শিক্ষাচার স্থলে প্রতিষ্ঠিত করিয়া, তাহার দোহাই দিয়া, তদনুসারে শাস্ত্রের তাৎপর্য্য ব্যাখ্যা করা পণ্ডিতপদবাচ্য ব্যক্তির কদাচ উচিত নহে ।

তর্কবাচস্পতি মহাশয়, যদৃচ্ছাপ্রবৃত্ত বহুবিবাহকাণ্ডের শাস্ত্রীয়তা প্রতিপাদন করিবার নিমিত্ত, যে সমস্ত শাস্ত্র ও যুক্তি প্রদর্শন করিয়াছিলেন ; তৎসমুদয় একপ্রকার আলোচিত হইল। তদ্বিষয়ে আর অধিক আলোচনার প্রয়োজন নাই। কেহ কেহ, এক সামান্য কথা উপলক্ষে, তাঁহার উপর দোষারোপ করিয়া থাকেন, তদ্বিষয়ে কিছু বলা আবশ্যিক ; এজন্য, আবশ্যকীয় নির্দেশ করিয়া, তর্কবাচস্পতিপ্রকরণের উপসংহার করিতেছি। তিনি গ্রন্থারম্ভে প্রতিজ্ঞা করিয়াছেন,

ধর্ম্যতত্ত্বং বুভুৎসুনাং বোধনায়ৈব মৎকৃতিঃ ।

তেনৈব কৃতকৃত্যোহস্মি ন জিগীবাতি লেশতঃ ॥

যাঁহারা ধর্মের তত্ত্বজ্ঞান লাভে অভিলাষী, তাঁহাদের বোধ জন্মাইবার নিমিত্তই আমার যত্ন ; তাহা হইলেই আমি কৃতার্থ হই ; জিগীষার লেশমাত্র নাই।

অনেকে কহিয়া থাকেন, “জিগীষার লেশমাত্র নাই,” তর্কবাচস্পতি মহাশয়ের এই নির্দেশ কোনও মতে ত্রাযানুগত নহে। তিনি, বাস্তবিক জিগীষার বশবর্তী হইয়া, এই গ্রন্থের রচনা ও প্রচার করিয়াছেন ; এমন স্থলে, জিগীষা নাই বলিয়া পরিচয় দেওয়া উচিত কর্ম্য হয় নাই। এ বিষয়ে আমার বক্তব্য এই যে, যাঁহারা এরূপ বিবেচনা করেন, কোনও কালে তর্কবাচস্পতি মহাশয়ের সহিত তাঁহাদের আলাপ বা সহবাস ঘটিয়াছে, এরূপ বোধ হয় না। তিনি, জিগীষার বশবর্তী হইয়া, গ্রন্থ প্রচার করিয়াছেন, এরূপ নির্দেশ করা নিরবচ্ছিন্ন অস্বাভাবিকতা প্রদর্শনমাত্র। জিগীষা তমোগুণের কার্য্য। যে সকল ব্যক্তি একবার স্বপ্নকালমাত্র তর্কবাচস্পতি মহাশয়ের সংস্রবে আসিয়াছেন, তাঁহারা মুক্তকণ্ঠে স্বীকার করিয়া থাকেন, তাঁহার শরীরে তমোগুণের সংস্পর্শমাত্র নাই। যাঁহারা অনভিজ্ঞতা-বশতঃ, তদীয় বিশুদ্ধ চরিতে ঈদৃশ অসম্ভাবনীয় দোষারোপ করিয়া থাকেন, তাঁহাদের প্রবোধনার্থে, বহুবিবাহবাদ গ্রন্থের কিকিৎ অংশ

উদ্ধৃত হইতেছে ; তদ্ব্যতীত তাঁহাদের ভ্রমবিমোচন হইবেক, তাহার সংশয় নাই ।

“ইত্যেবং পরিসংখ্যাপরত্বরূপাভিনবার্থকম্পনয়া স্বাভীষ্ট-  
সিদ্ধয়ে অসবর্ণাতিরিক্তবিবাহনিষেধপরত্বং যৎ ব্যবস্থাপিতং  
তন্নিমূলং নিযুক্তিকং স্বকপোলকম্পিতং প্রাচীনসন্দর্ভাসম্মতং  
পরিসংখ্যাসরণ্যানুসৃতং বহুবিরোধপ্রস্তুতং প্রমাণপরতন্ত্রৈস্তান্ত্রি-  
কৈরশ্রদ্ধেয়মেব । তস্মা নিবারণার্থং যদ্যপি প্রয়াস এবানুচিতঃ  
তথাপি পণ্ডিতমন্তস্য স্বাভীষ্টসিদ্ধয়ে তত্রাগ্রহবতঃ পরিসংখ্যা-  
রূপার্থকম্পনরূপাবলেপবতশ্চ তস্মাবলেপখণ্ডেনৈব তদ্বাক্যে  
বিশ্বাসবতঃ সংস্কৃতপরিচয়শৃংখলাং তদুদ্ভাবিতপদবাণা বহুল-  
দোষপ্রস্তুতাবোধনায়ৈব প্রযত্নঃ কৃতঃ” (৪৩) ।

এই রূপে পরিসংখ্যাপরত্বরূপ অভিনব অর্থের কম্পনা দ্বারা, স্বীয় অভীষ্টসিদ্ধির নিমিত্ত, অসবর্ণ ব্যতিরিক্ত বিবাহ করিতে পারি-  
বেক না, এই যে ব্যবস্থা প্রচার করিয়াছেন, তাহা নিমূল, যুক্তি-  
বিরুদ্ধ, স্বকপোলকম্পিত, প্রাচীন গ্রন্থের অসম্মত, পরিসংখ্যাপদ্ধ-  
তির বিপরীত, বহুবিরোধপূর্ণ ; অতএব প্রমাণপরতন্ত্র তান্ত্রিকদিগের  
একবারেই অশ্রদ্ধেয় । তাহার খণ্ডনার্থে যদিও প্রয়াস পাওয়াই  
অনুচিত ; তথাপি, পণ্ডিতাভিমানী স্বীয় অভীষ্টসিদ্ধির নিমিত্ত সে  
বিষয়ে আগ্রহ প্রকাশ করিয়াছেন, এবং পরিসংখ্যারূপ অর্থ কম্পনা  
করিয়া গর্জিত হইয়াছেন ; তাঁহার গর্জ খণ্ডন পূর্বক, যে সকল  
সংস্কৃতানভিজ্ঞ ব্যক্তি তাঁহার বাক্যে বিশ্বাস করিয়া থাকেন, তাঁহার  
উদ্ভাবিত পদবী বহুদোষপূর্ণ, তাঁহাদের এই বোধ জন্মাইবার  
নিমিত্তই যত্ন করিলাম ।

“ইত্থমসৌ তস্মা শেমুখীপ্রাতিভাসঃ তদ্বাক্যে বিশ্বাসভাজঃ  
সংস্কৃতভাষাপরিচয়শৃংখলান্ জনান্ ভ্রমরূপি অমৃতকচক্রে নিপা-  
তিতঃ ভৃগুমুখোবোগদণ্ডেন ভ্রাম্যমাণঃ ন কচিদ্দিশান্তিমাসাদরিষ্যতি  
উপযাস্তি চ দুর্গমে অতিগভীরে শাস্ত্রজলাশয়ে অমৃতকীবষ্টেন  
সাতিশরয়শালিসলিলাবর্তেন পরিবর্ত্যমানোলূপবৎ বংভ্রম্য-

মাণ্ডাবম্, নাপ্র্যতি চ তলং কুলং বা, আপৎশ্রুতে চান্মৎপ্রদর্শিতয়া প্রমাণানুসারিণ্যা যুক্ত্যা বাত্যা যূর্ণ্যমানধূলিচক্রমিব নিরালম্বপথম্ । অতঃ কুলকলনায় উপদেশকান্তরকর্ণধারাবলম্বনেন সদ্যুক্তিতরনিসরসরগীয়া অবলম্ব্যতাং বা বিশ্রান্ত্য অবলম্বান্তরম্ । অথ যুক্ত্যানাদরেণ স্বেচ্ছয়া তথা প্রতিভাসশ্চেৎ স্বেচ্ছাচারিণামেব সমাদরায় প্রভবন্নপি ন প্রমাণপদবীমবলম্বতে” (৪৪) ।

এই ত তাঁর বুদ্ধিপ্রকাশ । যে সকল সংস্কৃতভাষাপরিচয়শূন্য লোক তদীয় বাক্যে বিশ্বাস করিয়া থাকেন, তাঁহাদিগকে ঘূর্ণিত করিয়াছেন বটে ; কিন্তু নিজে আমার তর্করূপ চক্রে নিপতিত ও প্রশ্নরূপ দণ্ড দ্বারা ঘূর্ণ্যমান হইয়া, কোনও স্থানে বিশ্বাস লাভ করিতে পারিবেন না ; তখন যেমন সাতিশয় বেগশালী সলিলাবর্ত্তে পতিত হইয়া, ঘূর্ণিত হইতে থাকে ; সেইরূপ আমার তর্কবলে দুর্গম অতিগভীর শাস্ত্ররূপ জলাশয়ে অনবরত ঘূর্ণিত হইতে থাকিবেন ; তল অথবা কুল পাইবেন না ; বাত্যাবশে ঘূর্ণ্যমান ধূলিমণ্ডলের ন্যায়, আমার প্রদর্শিত প্রমাণানুসারিণী যুক্তি দ্বারা আকাশমার্গে উড্ডীয়মান হইবেন । অতএব, কুল পাইবার নিমিত্ত, অন্য উপদেশকরূপ কর্ণধার অবলম্বন করিয়া, সদ্যুক্তিরূপ তরণির অনুসরণ করিতে, অথবা বিশ্বাসের নিমিত্ত অন্য অবলম্বন আশ্রয় করিতে হইবেক । আর, যদি যুক্তিমার্গ অগ্রাহ্য করিয়া, স্বেচ্ছাবশতঃ তাদৃশ বুদ্ধি প্রকাশ করিয়া থাকেন, তাহা হইলে স্বেচ্ছাচারীদিগের নিকটেই আদরণীয় হইবেক, প্রমাণ বলিয়া পরিগণিত হইতে পারিবেক না ।

তর্কবাচস্পতি মহাশয়ের গ্রন্থ হইতে দুটি স্থল উদ্ধৃত হইল । এই দুই অথবা এতদনুরূপ অন্য অন্য স্থল দেখিয়া যাঁহারা মনে করিবেন, তর্কবাচস্পতি মহাশয়ের গর্ব্ব, বা ঔদ্ধত্য, বা জিগীষা আছে, তাঁহাদের ইহকালও নাই, পরকালও নাই ।

## ন্যায়রত্নপ্রকরণ

বরিসালনিবাসী শ্রীযুত রাজকুমার ন্যায়রত্ন, যদৃচ্ছাপ্রবৃত্ত বহু-বিবাহকাণ্ডের শাস্ত্রীয়তাপক্ষ রক্ষা করিবার নিমিত্ত, যে পুস্তক প্রচার করিয়াছেন, উহার নাম “প্রেরিত তেঁতুল”। যে অতিপ্রায়ে স্বীয় পুস্তকের ঈদৃশ রসপূর্ণ নাম রাখিয়াছেন, তাহা বিজ্ঞাপনে ব্যক্ত করিয়াছেন। বিজ্ঞাপনের ঐ অংশ উদ্ধৃত হইতেছে ;

“যাঁহারা সাগরের রসাস্বাদন করিয়া বিকৃতভাব অবলম্বন করিয়াছেন, তাঁহাদিগকে প্রকৃততাবস্থ করিবার নিমিত্ত এই তেঁতুল প্রেরিত হইল বলিয়া “প্রেরিত তেঁতুল” নামে গ্রন্থের নাম নির্দিষ্ট হইল”।

স্বপ্রচারিত বিচারপুস্তকের এইরূপ নামকরণান্তর, কিঞ্চিৎ কাল রসিকতা করিয়া, ন্যায়রত্ন মহাশয় জীমূতবাহনকৃত দায়ভাগের ও দায়ভাগের টীকাকারদিগের লিখনমাত্র অবলম্বনপূর্বক, যদৃচ্ছাপ্রবৃত্ত বহুবিবাহব্যবহারের শাস্ত্রীয়তা সংস্থাপনে প্রবৃত্ত হইয়াছেন। যথা,

“এক পুরুষের অনেক নারীর পাণিগ্রহণ করা উচিত কি না, এই বিষয় লইয়া নানাপ্রকার বিবাদ চলিতেছে। কতকগুলি ব্যক্তি বলিতেছে উচিত, আর কতকগুলি বলিতেছে উচিত না। আমরা এপর্যন্ত কোন বিষয় লিপিবদ্ধ করি নাই সম্প্রতি উল্লিখিত বিষয়ের বিবরণযুক্ত একখানি পুস্তক প্রাপ্ত হইয়া জানিলাম বহুবিবাহ অনুচিত, ইহারই পোষকতার জন্ত নানাবিধ ভাবযুক্ত মূলনিত বঙ্গভাষাতে অনেকগুলি রচনা করা হইয়াছে

সে সব রচনার আলোচনাতে সকলেই সন্তোষ লাভ করিবেন সন্দেহ নাই, কিন্তু তাঁহারা সংস্কৃতশাস্ত্রব্যবসারী এবং মনু প্রভৃতি সংহিতার রসাম্বাদন করিয়াছেন এবং জীমূতবাহনকৃত দায়ভাগের নবম অধ্যায় টীকার সহিত অধ্যয়ন করিয়াছেন । তাঁহারা বলিতেছেন, এমন যে উত্তমরচনারূপ দুষ্কসমূহ তাহাকে “কামতন্তু প্রবৃত্তানামিমাঃ স্যুঃ ক্রমশো বরাঃ শূদ্রেব ভার্য্যা শূদ্রস্য” ইত্যাদি বচনের নূতন অর্থরূপ গোমূত্রদ্বারা একবারে অগ্রাহ্য করিয়াছে, না হইবেই বা কেন “যার কর্ম তাকে সাজে অশ্রের যেন লাঠি বাজে” এই কারণই নিম্নভাগে, জীমূত বাহনকৃত দায়ভাগের নবম অধ্যায়ের টীকার সহিত কতিপয় পংক্তি উদ্ধৃত করা গেল” (১) ।

দায়ভাগলিখন দ্বারা যদৃচ্ছাপ্রবৃত্ত বহুবিবাহব্যবহারের সমর্থন হওয়া কোনও মতে সম্ভব নহে, ইহা তর্কবাচস্পতিপ্রকরণের তৃতীয় পরিচ্ছেদে নির্দিষ্টবাদে প্রতিপাদিত হইয়াছে (২) ; এ স্থলে আর তাহার নূতন আলোচনা নিষ্প্রয়োজন । শ্রীযুত রাজকুমার ঞ্চায়রত্ন কখনও ধর্ম্মশাস্ত্রের অনুশীলন করেন নাই, এজন্যই এত আড়ম্বর করিয়া দায়ভাগের দোহাই দিয়াছেন । তিনি যে দায়ভাগের দোহাই দিতেছেন, সেই দায়ভাগেরই প্রকৃতপ্রস্তাবে অনুশীলন করিয়াছেন, এরূপ বোধ হয় না ; কারণ, দায়ভাগে দৃষ্টি থাকিলে,

কামতন্তু প্রবৃত্তানামিমাঃ স্যুঃ ক্রমশো বরাঃ ।

মনুবচনের এরূপ পাঠ ধরিতেন না । তিনি, একমাত্র দায়ভাগ অবলম্বন করিয়া, প্রস্তাবিত বিষয়ের মীমাংসায় প্রবৃত্ত হইয়াছেন, অথচ দায়ভাগকার মনুবচনের বিরূপ পাঠ ধরিয়াছেন, তাহা অনুধাবন করিয়া দেখেন নাই । ঞ্চায়রত্ন মহাশয়, আলম্ব্য পরিত্যাগপূর্ব্বক,

(১) প্রেরিত তেঁতুল, ১২ পৃষ্ঠা ।

(২) এই পুস্তকের ১১৪ পৃষ্ঠার ১২ পংক্তি হইতে ১১৯ পৃষ্ঠা পর্য্যন্ত দেখ ।

দায়ভাগ উদ্ঘাটন করিলে দেখিতে পাইবেন, মনুবচনের “ক্রমশো বরাঃ” এই স্থলে “বরাঃ” এই কয়টি অক্ষরের পূর্বে একটি লুপ্ত অকারের চিহ্ন আছে। বাহা ইউক, মনুবচনের প্রকৃত পাঠ ও প্রকৃত অর্থ কি, তাহা তিনি, তর্কবাচস্পতিপ্রকরণের প্রথম পরিচ্ছেদের আরম্ভভাগে দৃষ্টিপাত করিলে, অবগত হইতে পারিবেন।

শ্রীমদ্রঘু মহাশয় যেক্রমে অসবর্ণবিবাহবিধির পরিসংখ্যাত্ত্ব খণ্ডনে প্রবৃত্ত ইহয়াছেন, তাহা উদ্ধৃত হইতেছে।

“এই স্থলে পরিসংখ্যা করিয়া যে, কি প্রকারে সবর্ণার কামতঃ বিবাহ নিষেধ এবং অসবর্ণার কর্তব্যতা প্রতিপাদন করিয়াছেন তাহা অশ্বদাদির বুদ্ধিগম্য নহে। আমরা “তাশ্চ স্বা চাণ্ড-জ্ঞানঃ” ইহা দ্বারা এইমাত্র বুঝিতে পারি যে, সেই অর্থাৎ ক্ষত্রিয়া, বৈশ্যা, শূদ্রা স্বা অর্থাৎ ব্রাহ্মণী ইহারাই কামতঃ বিবাহিতা হইবে। এই স্থলে ব্রাহ্মণী পরিত্যাগ করা কোন্ শাস্ত্রীয় পরিসংখ্যা তাহা সংখ্যাশূন্য বুদ্ধিতে বুঝিতে পারেন। পঞ্চনখ ভোজন করিবে এই স্থলে পরিসংখ্যা দ্বারা ইহাই প্রতিপন্ন হইয়াছে যে, পঞ্চনখের ইতর রাগপ্রাপ্ত কুকুরাদি ভক্ষণ করিবে না ইহাতে পঞ্চনখের মধ্যে কাহারও নিষেধ বুঝায় না। সেইরূপ প্রকৃত স্থলেও ব্রাহ্মণী, ক্ষত্রিয়া, বৈশ্যা, শূদ্রা ইহা ভিন্নের কামতঃ বিবাহ করিতে পারিবে না, ইহাই বোধ করিয়া এইক্ষণে পরিসংখ্যালেখক মহাশয়ের উচিত যে, ঐ বিষয়ে বিশেষ রূপে প্রকাশ করুন তবেই আমরা নিঃসন্দেহ হইতে পারি এবং জিজ্ঞাসুদিগের নিকটে তাহার অভিপ্রায়ও বলিতে পারি” (৩)।

এ বিষয়ে বক্তব্য এই যে,

সবর্ণাগ্রে দ্বিজাতীনাং প্রশস্তা দারকর্মণি ।

কামতস্ত প্রবর্তানামিমাঃ স্যুঃ ক্রমশোহবরাঃ ॥ ৩। ১২।

(৩) প্রেরিত তেঁতুল, ১৬ পৃষ্ঠা।

শূদ্রেব ভার্য্যা শূদ্রেস্তু সা চ স্বা চ বিশঃ স্মৃতে ।

তে চ স্বা চৈব রাজ্ঞঃ স্যুস্তাশ্চ স্বা চাশ্রজম্মনঃ ॥৩।১৩।

এই দুই মনুবচনের অর্থ ও তাৎপর্য্য কি, পরিসংখ্যা কাহাকে বলে, এবং মনুবচন পরিসংখ্যাবিধির প্রকৃত স্থল কি না, এই তিন বিষয় তর্ক-বাচস্পতিপ্রকরণের প্রথম পরিচ্ছেদে সবিস্তর আলোচিত হইয়াছে । পরিসংখ্যাবিধি দ্বারা কি প্রকারে রাগপ্রাপ্তস্থলে সর্বণার বিবাহ-নিষেধ ও অসর্বণার বিবাহবিধান প্রতিপন্ন হয়, ঐ প্রকরণে দৃষ্টিপাত করিলে, অনায়াসে অবগত হইতে পারিবেন (৪) । জায়রত্ন মহাশয় লিখিয়াছেন, “এই স্থলে পরিসংখ্যা করিয়া যে কি প্রকারে সর্বণার কামতঃ বিবাহ নিষেধ এবং অসর্বণার কর্তব্যতা প্রতিপাদন করিয়া-ছেন তাহা অস্মদাদির বুদ্ধিগম্য নহে” । এ বিষয়ে বক্তব্য এই যে, তিনি পরিসংখ্যাবিধির বেরূপ তাৎপর্য্য ব্যাখ্যা করিয়াছেন, তদ্বারা স্পষ্ট প্রতীয়মান হইতেছে, পরিসংখ্যা কাহাকে বলে, তাহার সে বোধ নাই ; সুতরাং, যদৃচ্ছাস্থলে পরিসংখ্যা দ্বারা কি প্রকারে সর্বণা-বিবাহের নিষেধ ও অসর্বণাবিবাহের কর্তব্যতা প্রতিপন্ন হয়, তাহা বুদ্ধিগম্য হওয়া সম্ভব নহে । সেই তাৎপর্য্যব্যাখ্যা এই ; “পঞ্চনখ ভোজন করিবে এই স্থলে পরিসংখ্যা দ্বারা ইহাই প্রতিপন্ন হইয়াছে যে, পঞ্চনখের ইতর রাগপ্রাপ্ত কুকুরাদি ভক্ষণ করিবে না ইহাতে পঞ্চনখির মধ্যে কাহারও নিষেধ বুঝার না ” । শাস্ত্রের মীমাংসায় প্রবৃত্ত হইয়া, পরিসংখ্যাবিধিবিষয়ে ঈদৃশ অনভিজ্ঞতাপ্রদর্শন অত্যন্ত আশ্চর্য্যের বিষয় । পরিসংখ্যাবিধির লক্ষণ এই,

স্ববিষয়াদন্যত্র প্রবৃতিবিরোধী বিধিঃ পরিসংখ্যাবিধিঃ (৫) ।

যে বিধি দ্বারা বিহিত বিষয়ের অতিরিক্তস্থলে নিষেধ সিদ্ধ হয়, তাহাকে পরিসংখ্যাবিধি বলে ।

(৪) এই পুস্তকের ২৫ পৃষ্ঠা হইতে ৪১ পৃষ্ঠা পর্য্যন্ত দেখ । (৫) বিধিস্বরূপ ।

উদাহরণ এই,

পঞ্চ পঞ্চনখা ভক্ষ্যাঃ ।

পাঁচটি পঞ্চনখ ভক্ষণীয় ।

লোকে যদৃচ্ছাক্রমে যাবতীয় পঞ্চনখ জন্তু ভক্ষণ করিতে পারিত । কিন্তু, “পাঁচটি পঞ্চনখ ভক্ষণীয়”, এই বিধি দ্বারা বিহিত শশ প্রভৃতি পঞ্চ ব্যতিরিক্ত কুকুরাদি যাবতীয় পঞ্চনখ জন্তুর ভক্ষণ নিষেধ সিদ্ধ হইতেছে । শশ, কচ্ছপ, কুকুর, বিড়াল, বানর প্রভৃতি বহুবিধ পঞ্চনখ জন্তু আছে ; তন্মধ্যে,

ভক্ষ্যাঃ পঞ্চনখাঃ সেধাগোধাকচ্ছপশল্লকাঃ ।

শশশ্চ ॥ ১ । ১৭৩ । (৬)

সেধা, গোধা, কচ্ছপ, শল্লক, শশ এই পাঁচ পঞ্চনখ ভক্ষণীয় ।

এই শাস্ত্র দ্বারা শশ প্রভৃতি পঞ্চ পঞ্চনখ ভক্ষণীয় বলিয়া বিহিত হইতেছে, এবং এই পঞ্চ ব্যতিরিক্ত কুকুর বিড়াল বানর প্রভৃতি যাবতীয় পঞ্চনখ জন্তু অভক্ষ্যপক্ষে নিষ্কিপ্ত হইতেছে । অতএব, “পঞ্চনখ ভোজন করিবে এই স্থলে পরিসংখ্যা দ্বারা ইহাই প্রতিপন্ন হইয়াছে যে, পঞ্চনখের ইতর রাগপ্রাপ্ত কুকুরাদি ভক্ষণ করিবে না ইহাতে পঞ্চনখের মধ্যে কাহারও নিষেধ বুঝায় না” ; অায়রত্ন মহাশয়ের এই সিদ্ধান্ত কিরূপে সংলগ্ন হইতে পারে, বুঝিতে পারা যায় না । “পঞ্চনখের ইতর রাগপ্রাপ্ত কুকুরাদি ভক্ষণ করিবে না”, এই লিখন দ্বারা ইহাই প্রতিপন্ন হয়, কুকুরপ্রভৃতি জন্তু পঞ্চনখমধ্যে গণ্য নহে ; আর, “ইহাতে পঞ্চনখের মধ্যে কাহারও নিষেধ বুঝায় না” ; এই লিখন দ্বারা ইহাই প্রতিপন্ন হয়, পঞ্চনখজন্তুমাত্রই ভক্ষণীয়, পঞ্চনখজন্তুমধ্যে একটিও নিষিদ্ধ নয় । ইহা দ্বারা স্পষ্ট প্রতীয়মান

হইতেছে, পঞ্চনখ জন্তু কাহাকে বলে, এবং পঞ্চনখভক্ষণবিষয়ক বিধির আকার কিরূপ, এবং ঐ বিধির অর্থ ও তাৎপর্য্য কি, শ্রায়রত্ন মহাশয়ের সে বোধ নাই। আর, “এক্ষণে পরিসংখ্যালেখক মহাশয়ের উচিত যে, ঐ বিষয়ে বিশেষরূপে প্রকাশ করুন, তবেই আমরা নিঃসন্দেহ হইতে পারি” ; এ স্থলে বক্তব্য এই যে, তর্কবাচস্পতি-প্রকরণের প্রথম পরিচ্ছেদে পরিসংখ্যাবিধির বিষয় সবিস্তর আলোচিত হইয়াছে। শ্রায়রত্ন মহাশয়, অনুগ্রহপূর্ব্বক ও অভিনিবেশ সহকারে ঐ স্থল অবলোকন করিবেন, তাহা হইলেই, বোধ করি, নিঃসন্দেহ হইতে পারিবেন।

শ্রায়রত্ন মহাশয় লিখিয়াছেন,

“আমাদের ঐ পরিসংখ্যার বিষয়ে বিশেষরূপে জানিতে ইচ্ছার কারণ এই কোন প্রসিদ্ধ পণ্ডিত স্মার্ত্তের মধ্যে শিরোমণি বহুদর্শী প্রাচীন মহাত্মাও ঐ পরিসংখ্যা দর্শন করিয়া “যথার্থ ব্যাখ্যা হইয়াছে এটা বড়ই উত্তম অর্থ হইয়াছে” এইরূপ বার বার মুক্তকণ্ঠে কহিয়াছেন। তিনিই বা কি বুঝিয়া ঐদৃশ প্রশংসা করিলেন” ? (৭)।

এ স্থলে বক্তব্য এই যে, পরিসংখ্যাবিধির স্বরূপ পরিজ্ঞানের নিমিত্ত যথার্থ ইচ্ছু হইলে, এত আড়ম্বরপূর্ব্বক পুস্তকপ্রচারে প্রবৃত্ত না হইয়া, “প্রসিদ্ধ পণ্ডিত, স্মার্ত্তের মধ্যে শিরোমণি, বহুদর্শী, প্রাচীন মহাত্মার” নিকটে উপদেশ গ্রহণ করিলেই, শ্রায়রত্ন মহাশয় নিঃসন্দেহ হইতে পারিতেন। তাঁহার উল্লিখিত প্রসিদ্ধ পণ্ডিত সামান্য ব্যক্তি নহেন। ইনি কলিকাতাস্থ রাজকীয় সংস্কৃতবিদ্যালয়ে, ত্রিশ বৎসর, ধর্ম্মশাস্ত্রের অধ্যাপনাকার্য্য সম্পাদনপূর্ব্বক রাজদ্বারে অতি মহতী প্রতিষ্ঠা লাভ করিয়াছেন এবং দীর্ঘকাল অবাধে ধর্ম্ম-

শাস্ত্রের ব্যবসায় করিয়া, অদ্বিতীয় স্মার্ত বলিয়া সর্বত্র পরিগণিত হইয়াছেন । ন্যায়রত্ন মহাশয় ইঁহার নিকট অপরিচিত নহেন । বিশেষতঃ, যৎকালে বহুবিবাহবিচারবিষয়ক গ্রন্থ রচনা করিয়াছেন, সে সময়ে সংস্কৃত বিদ্যালয়ে ঐ প্রসিদ্ধ পণ্ডিতের সহিত প্রতিদিন তাঁহার সাক্ষাৎ হইত । তদ্বিনির্গত অভিপ্রেত হইলে, তিনি সন্দেহ-ভঞ্নের ঈদৃশ সহজ উপায় পরিত্যাগ করিয়া পুস্তক প্রচারে প্রবৃত্ত হইতেন না । তদীয় লিখনভঙ্গী দ্বারা স্পষ্ট প্রতীয়মান হইতেছে, তাঁহার মতে, মহামহোপাধ্যায় শ্রীযুত ভরতচন্দ্র শিরোমণি পরিসংখ্যা-বিধির অর্থবোধ ও তাৎপর্য্যগ্রহ করিতে পারেন নাই ; এজন্যই তিনি, “যথার্থ ব্যাখ্যা হইয়াছে এটা বড়ই উত্তম অর্থ হইয়াছে”, আমার অবলম্বিত ব্যাখ্যার এরূপ প্রশংসা করিয়াছেন । “তিনিই বা কি বুঝিয়া ঈদৃশ প্রশংসা করিলেন ? ” তদ্বিন্য এই প্রশ্ন দ্বারা তাহাই সুস্পষ্ট প্রতিপন্ন হইতেছে । যাহা হউক, ন্যায়রত্ন মহাশয় নিজে পরিসংখ্যাবিধির যেরূপ অর্থবোধ ও তাৎপর্য্যগ্রহ করিয়াছেন, তাহা ইতিপূর্বে সবিশেষ দর্শিত হইয়াছে । ঈদৃশ ব্যক্তি সর্বমান্য শিরোমণি মহাশয়কে অনভিজ্ঞ ভাবিয়া শ্লেষোক্তি করিবেন, আশ্চর্য্যের বিষয় নহে ।

“প্রেরিত তেঁতুল” পুস্তকে এতদ্ভিন্ন এরূপ আর কোনও কথা লক্ষিত হইতেছে না, যে তাহার উল্লেখ বা আলোচনা করা আবশ্যিক ; এজন্য, এই স্থলেই ন্যায়রত্নপ্রকরণের উপসংহার করিতে হইল ।

## স্মৃতিরত্ন প্রকরণ

শ্রীযুত ফেল্পালস্মৃতিরত্ন মহাশয় যে পুস্তক প্রচার করিয়াছেন, উহার নাম “বহুবিবাহবিষয়ক বিচার”। যদৃচ্ছাপ্রবৃত্ত বহুবিবাহকাণ্ড শাস্ত্রবহির্ভূত ব্যবহার বলিয়া, আমি যে ব্যবস্থা প্রচার করিয়াছিলাম, স্মৃতিরত্ন মহাশয়ের পুস্তকে তদ্বিষয়ে কতিপয় আপত্তি উত্থাপিত হইয়াছে। ঐ সকল আপত্তি যথাক্রমে উল্লিখিত ও আলোচিত হইতেছে। তদীয় প্রথম আপত্তি এই,—

“এই সকল লিখন দেখিয়া সন্দেহ ও আপত্তি উপস্থিত হইতেছে, একমাত্র সর্বগণবিবাহকে নিত্য বিবাহ ও ভার্য্যার বন্ধ্যাত্বাদি কারণবশতঃ বহুসর্বগণবিবাহকে নৈমিত্তিক বিবাহ বলিয়াছেন। আর যদৃচ্ছাক্রমে অসর্বগণবিবাহকে কাম্য বিবাহ বলিয়াছেন। ইহা দ্বারা স্পষ্ট বোধ হইতেছে যে, উক্ত নিত্য নৈমিত্তিক সর্বগণবিবাহ হইতে কাম্য অসর্বগণবিবাহ সম্পূর্ণরূপে পৃথক্” (১)।

“উক্তস্থলে আবার বলিয়াছেন সর্বগণবিবাহই ব্রাহ্মণ, ক্ষত্রিয়, বৈশ্য এই তিন বর্ণের পক্ষে প্রশস্ত কাম্য এবং বলিয়াছেন আপন অপেক্ষা নিকৃষ্ট বর্ণে বিবাহ করিতে পারে। ইহাতে বোধ হইতেছে সর্বগণবিবাহ প্রশস্ত, অসর্বগণবিবাহ অপ্রশস্ত। কিন্তু সর্বগণবিবাহ নিত্য ও নৈমিত্তিক, অসর্বগণবিবাহ কাম্য, ইহা বলিলে ঐ দুই বিবাহ প্রশস্ত ও অপ্রশস্ত বলিয়া মীমাংসা করিতে পারা যায় না। উভয় বিবাহকে নিত্য বা নৈমি-

তিকেই বলুন, অথবা উভয় বিবাহকে কাম্যই বলুন । নতুবা প্রশস্ত অপ্রশস্ত বলিয়া মীমাংসা কোন মতেই হইতে পারে না” (২) ।

“কোন কোন স্থলে প্রশস্ত অপ্রশস্ত রূপে মীমাংসিত হইয়াছে ; যেমন প্রায় অধিকাংশ দেবপূজাতেই একটি বিধি আছে ; রাত্রীতরত্র পূজয়েৎ, রাত্রির ইতর কালে অর্থাৎ দিবসে পূজা করিবে, আবার সেই স্থলেই আর একটি বিধি আছে ; পূর্বাঙ্কে পূজয়েৎ দিবসের তিন ভাগের প্রথম ভাগের নাম পূর্বাঙ্ক, দ্বিতীয়ভাগের নাম মধ্যাহ্ন, তৃতীয় ভাগের নাম অপরাঙ্ক । ঐ পূর্বাঙ্কে পূজা করিবে, দিবসের অপর দুইভাগে অর্থাৎ মধ্যাহ্নে ও অপরাঙ্কে পূজা করিলে যে ফল হয় ; পূর্বাঙ্কে করিলে, সেই ফলই উৎকৃষ্ট হয় । অতএব মধ্যাহ্নে বা অপরাঙ্কে, পূজা অপ্রশস্ত ; পূর্বাঙ্কে পূজা প্রশস্ত, ইহাকেই প্রশস্ত অপ্রশস্ত বলা যায় । ভিন্ন ভিন্ন কর্মের প্রথম কল্প অনুকল্প বা প্রশস্ত অপ্রশস্ত বলিয়া, কোন মীমাংসকের মীমাংসা দেখা যায় না” (৩) ।

স্মৃতিরত্ন মহাশয়ের উত্থাপিত এই আপত্তির উদ্দেশ্য এই, পূর্বতন ঐহিকর্তারা কর্মবিশেষকে অবস্থাভেদে প্রশস্তশব্দে, অবস্থাভেদে অপ্রশস্তশব্দে নির্দেশ করিয়াছেন । যেমন তাঁহার উল্লিখিত উদাহরণে, দেবপূজারূপ কর্ম পূর্বাঙ্কে অনুষ্ঠিত হইলে প্রশস্তশব্দে, মধ্যাহ্নে বা অপরাঙ্কে অনুষ্ঠিত হইলে অপ্রশস্তশব্দে নির্দিষ্ট হইয়া থাকে । এ স্থলে দেবপূজারূপ এক কর্মই পূর্বাঙ্কে ও তদিতর সময়ে অর্থাৎ মধ্যাহ্নে অথবা অপরাঙ্কে অনুষ্ঠানরূপ অবস্থাভেদবশতঃ প্রশস্ত ও অপ্রশস্তশব্দে নির্দিষ্ট হইতেছে । কিন্তু ভিন্ন ভিন্ন কর্ম প্রশস্ত ও অপ্রশস্ত শব্দে নির্দিষ্ট হওয়া অদৃষ্টচর ও অশ্রুতপূর্ব । অতএব, সর্বণ-বিবাহ প্রশস্তকল্প আর অসর্বণবিবাহ অপ্রশস্তকল্প, আমি এই যে

(২) বহুবিবাহবিষয়ক বিচার, ৬ পৃষ্ঠা ।

(৩) বহুবিবাহবিষয়ক বিচার, ৮ পৃষ্ঠা ।

নির্দেশ করিয়াছি, স্মৃতিরত্ন মহাশয়ের মতে তাহা অসঙ্গত ; কারণ, সর্বণবিবাহ নিত্য ও নৈমিত্তিক বলিয়া, এবং অসর্বণবিবাহ কাম্য বলিয়া, ব্যবস্থাপিত হইয়াছে ; নিত্য, নৈমিত্তিক, কাম্য এই ত্রিবিধ বিবাহ এক কৰ্ম বলিয়া পরিগণিত হইতে পারে না ।

এ বিষয়ে বক্তব্য এই যে, স্মৃতিরত্ন মহাশয়, সবিশেষ প্রণিধান-পূৰ্বক এই আপত্তির উত্থাপন করিয়াছেন, এরূপ বোধ হয় না । তাঁহার উদাহৃত দেবপূজারূপ কৰ্ম যদি পূৰ্বাহ্নে অনুষ্ঠিত হইলে প্রশস্ত, আর তদিতর কালে অর্থাৎ মধ্যাহ্নে বা অপরাহ্নে অনুষ্ঠিত হইলে অপ্রশস্ত, শব্দে নির্দিষ্ট হইতে পারে, তাহা হইলে বিবাহরূপ কৰ্ম সর্বণার সহিত অনুষ্ঠিত হইলে প্রশস্ত, আর অসর্বণার সহিত অনুষ্ঠিত হইলে অপ্রশস্ত, শব্দে নির্দিষ্ট হইবার কোনও বাধা ঘটিতে পারে না । যেমন, এক দেবপূজারূপ কৰ্ম অনুষ্ঠানকালের বৈলক্ষণ্য অনুসারে প্রশস্ত ও অপ্রশস্ত বলিয়া উল্লিখিত হইয়া থাকে ; সেইরূপ এক বিবাহরূপ কৰ্ম পরিণয়মান কন্যার জাতিগতবৈলক্ষণ্য অনুসারে প্রশস্ত ও অপ্রশস্ত শব্দে নির্দিষ্ট না হইবার কোনও কারণ লক্ষিত হইতেছে না । দেবপূজা দ্বিবিধ প্রশস্ত ও অপ্রশস্ত ; পূৰ্বাহ্নে অনুষ্ঠিত দেবপূজা প্রশস্ত ; মধ্যাহ্নে বা অপরাহ্নে অনুষ্ঠিত দেবপূজা অপ্রশস্ত । বিবাহ দ্বিবিধ প্রশস্ত ও অপ্রশস্ত ; সর্বণার সহিত অনুষ্ঠিত বিবাহ প্রশস্ত ; অসর্বণার সহিত অনুষ্ঠিত বিবাহ অপ্রশস্ত । এই দুই স্থলে কোনও বৈলক্ষণ্য লক্ষিত হইতেছে না । যদি নিত্য, নৈমিত্তিক, কাম্য এই সংজ্ঞাভেদপ্রযুক্ত, এক বিবাহকে ভিন্ন ভিন্ন কৰ্ম বলিয়া নির্দেশ করিতে হয়, তাহা হইলে পৌৰুষাঙ্গিক, মাধ্যাঙ্গিক, আপরাঙ্গিক এই সংজ্ঞাভেদপ্রযুক্ত, এক দেবপূজা ভিন্ন ভিন্ন কৰ্ম বলিয়া পরিগণিত না হইবেক কেন । এক ব্যক্তি পূৰ্বাহ্নে দেবপূজা করিয়াছে, স্মৃতিরত্ন মহাশয় ঐ পূৰ্বাহ্নরূপ দেবপূজাকে প্রশস্ত শব্দে নির্দিষ্ট করিবেন, তাহার সংশয় নাই ; অন্য এক ব্যক্তি অপরাহ্নে

দেবপূজা করিয়াছে, স্মৃতিরত্ন মহাশয় এই অপরাঙ্কৃত দেবপূজাকে অপ্রশস্ত শব্দে নির্দিষ্ট করিবেন, তাহার সংশয় নাই । প্রকৃত রূপে বিবেচনা করিতে গেলে, দুই পৃথক সময়ে দুই পৃথক ব্যক্তির কৃত দুই পৃথক দেবপূজা, এক কর্ম বলিয়া পরিগণিত না হইয়া, ভিন্ন ভিন্ন কর্ম বলিয়া পরিগণিত হওয়াই উচিত বোধ হয় ।

কিঞ্চ,

ব্রাহ্মো দৈবস্তথৈবার্ষঃ প্রাজাপত্যস্তথাস্মুরঃ ।

গাঙ্কর্বো রাক্ষসশ্চৈব পৈশাচশ্চাক্ষমোহধমঃ ॥ ৩। ২১ ।

ব্রাহ্ম, দৈব, আর্ষ, প্রাজাপত্য, আস্মুর, গাঙ্কর্ব, রাক্ষস, ও সকলের অধম পৈশাচ অক্ষম ।

এই অষ্টবিধ বিবাহ (৪) গণনা করিয়া, মনু,

( ৪ ) অষ্টবিধ বিবাহের মনুক্ত লক্ষণ সকল এই ;—

আচ্ছাদ্য চার্চয়িত্বা চ শ্রুতশীলবতে স্বয়ম্ ।

আহুয় দানং কন্যায়া ব্রাহ্মো ধর্মঃ প্রকীর্তিতঃ ॥ ৩। ২৭ ।

স্বয়ং আহ্বান, অর্চনা ও বস্ত্রালঙ্কারপ্রদান পূর্বক, অধীতবেদ ও আচারপুত পাত্রে যে কন্যাদান, তাহাকে ব্রাহ্ম বিবাহ বলে ।

যজ্ঞে তু বিততে সম্যগুদ্ভিজে কর্ম্য কুর্বতে ।

অলঙ্কৃত্য স্মৃতাদানং দৈবং ধর্মং প্রচক্ষতে ॥ ৩। ২৮ ।

আরক যজ্ঞে ব্রতী হইয়া ঋত্বিকের কর্ম করিতেছে, ঐদৃশ পাত্রে বস্ত্রালঙ্কারে ভূষিতা করিয়া যে কন্যাদান, তাহাকে দৈব বিবাহ বলে ।

একং গোমিথুনং দ্বৈ বা বরাদাদার ধর্মতঃ ।

কন্যাপ্রদানং বিধিবদার্ষো ধর্মঃ স উচ্যতে ॥ ৩। ২৯ ।

ধর্মার্থে বরের নিকট হইতে এক বা দুই গোয়ুগল গ্রহণ করিয়া, বিধিপূর্বক যে কন্যাদান, তাহাকে আর্ষ বিবাহ বলে ।

সহোভৌ চরতাং ধর্মমিতি বাচানুভাষ্য চ ।

কন্যাপ্রদানমভ্যর্চ্য প্রাজাপত্যো বিধিঃ স্মৃতঃ ॥ ৩। ৩০ ।

উভয়ে একসঙ্গে ধর্মানুষ্ঠান কর, বাক্যদ্বারা এই নিয়ম করিয়া, অর্চনাপূর্বক যে কন্যাদান, তাহাকে প্রাজাপত্য বিবাহ বলে ।

চতুরো ব্রাহ্মণস্যাদান্ প্রশস্তান্ কবরো বিদুঃ ।

রাক্ষসং ক্ষত্রিয়স্যৈকমাসুরং বৈশ্যশূদ্রয়োঃ ॥ ৩। ২৪।

বিবাহধর্মজ্ঞেরা ব্যবস্থা করিয়াছেন, প্রথমনির্দিষ্ট চারি বিবাহ ব্রাহ্মণের পক্ষে প্রশস্ত ; ক্ষত্রিয়ের পক্ষে একমাত্র রাক্ষস ; বৈশ্য ও শূদ্রের পক্ষে আসুর ।

ব্রাহ্মণের পক্ষে ব্রাহ্ম, দৈব, আর্ষ, প্রাজাপত্য, এই চতুর্বিধ বিবাহ প্রশস্ত বলিয়া ব্যবস্থা করিয়াছেন ; সূতরাং, আসুর, গান্ধর্ব, রাক্ষস, পৈশাচ অবশিষ্ট এই চতুর্বিধ বিবাহ ব্রাহ্মণের পক্ষে অপ্রশস্ত হইতেছে । যদি ব্রাহ্মণের পক্ষে ব্রাহ্ম প্রভৃতি চতুর্বিধ বিবাহ প্রশস্ত, ও আসুর প্রভৃতি চতুর্বিধ বিবাহ অপ্রশস্ত, বলিয়া নির্দিষ্ট হইতে পারে ;

জ্ঞাতিভ্যো দ্রবিশং দত্ত্বা কন্যারৈ চৈব শক্তিতঃ ।

কন্যাপ্রদানং স্বাচ্ছন্দ্যাদাসুরো ধর্ম উচ্যতে ॥ ৩। ৩১।

স্বৈচ্ছানুসারে কন্যার পিতৃপক্ষকে এবং কন্যাকে যথাশক্তি ধন দিয়া যে কন্যাগ্রহণ, তাহাকে আসুর বিবাহ বলে ।

ইচ্ছয়াশ্রোত্ৰসংযোগঃ কন্যায়াশ্চ বরশ্চ চ ।

গান্ধর্বঃ স তু বিজ্ঞেয়ো মৈথুনঃ কামসম্ভবঃ ॥ ৩। ৩২।

পরস্পর ইচ্ছা ও অনুরাগ বশতঃ বর ও কন্যা উভয়ের যে মিলন তাহাকে গান্ধর্ব বিবাহ বলে ।

ইহা ছিত্বা চ ভিত্বা চ ক্রোশন্তীং কদন্তীং গৃহাৎ ।

প্রমহ কন্যা হরণং রাক্ষসো বিধিকচ্যতে ॥ ৩। ৩৩।

কন্যাপক্ষীয়দিগের প্রাণবধ, অঙ্গচ্ছেদ, ও প্রাচীরভঙ্গ কুরিয়া, পিতৃগৃহ হইতে, বলপূর্বক, বিলাপকারিণী রোদনপরায়ণা কন্যার যে হরণ, তাহাকে রাক্ষস বিবাহ বলে ।

সুপ্তাং মত্তাং প্রমত্তাং বা রহো বত্রোপগচ্ছতি ।

স পাপিপঠো বিবাহানাং পৈশাচশ্চাফমোহধমঃ ॥ ৩। ৩৪।

নির্জন প্রদেশে সুপ্তা, মত্তা বা অসাবধানা কন্যাকে যে সম্ভোগ করা, তাহাকে পৈশাচ বিবাহ বলে । এই বিবাহ নিরতিশয় পাপকর ও সর্ববিবাহের অধম ।

তাহা হইলে, দ্বিজাতির পক্ষে নিত্য ও নৈমিত্তিক বিবাহ প্রশস্ত, আর কাম্য বিবাহ অপ্রশস্ত, বলিয়া নির্দিষ্ট হইবার কোনও বাধা নাই । আর, যদি নিত্য, নৈমিত্তিক, কাম্য এই ত্রিবিধ বিবাহ ভিন্ন ভিন্ন কর্ম বলিয়া পরিগণিত হয়, এবং তজ্জন্তু নিত্য ও নৈমিত্তিক বিবাহ প্রশস্ত কল্প, কাম্য বিবাহ অপ্রশস্ত কল্প বলিয়া উল্লিখিত হইতে না পারে; তাহা হইলে, ব্রাহ্ম, দৈব, আর্ষ, প্রাজাপত্য, আসুর, গান্ধর্ব, রাক্ষস, পৈশাচ, এই অষ্টবিধ বিবাহও ভিন্ন ভিন্ন কর্ম বলিয়া পরিগণিত হইবেক ; এবং তাহা হইলেই, ব্রাহ্ম প্রভৃতি চতুর্বিধ বিবাহ প্রশস্ত কল্প, আসুর প্রভৃতি চতুর্বিধ বিবাহ অপ্রশস্ত কল্প, এই মানবীয় ব্যবস্থা, স্মৃতিরত্ন মহাশয়ের মীমাংসা অনুসারে, নিতান্ত অসঙ্গত হইয়া উঠে । অতএব, স্মৃতিরত্ন মহাশয়কে অগত্যা স্বীকার করিতে হইতেছে, হয় নিত্য, নৈমিত্তিক, কাম্য এই সংজ্ঞাভেদ-বশতঃ বিবাহ ভিন্ন ভিন্ন কর্ম বলিয়া পরিগণিত হইবেক না ; নয় অবস্থাবৈলক্ষণ্যবশতঃ, নিত্য, নৈমিত্তিক, কাম্য এই সংজ্ঞাভেদে ভিন্ন ভিন্ন কর্ম বলিয়া পরিগণিত হইলেও, নিত্য ও নৈমিত্তিক বিবাহ প্রশস্ত কল্প, আর কাম্য বিবাহ অপ্রশস্ত কল্প, বলিয়া উল্লিখিত হইতে পারিবেক ।

স্মৃতিরত্ন মহাশয়ের সম্ভাব্যার্থে এ বিষয়ে এক প্রামাণিক গ্রন্থ-কারের লিখন উদ্ধৃত হইতেছে ;

“অনুলোমক্রমেণ দ্বিজাतीनां सर्वपाणिग्रहणसमनन्तरं  
ক্ষত্রিয়াदিকন्यापरिणयो বিহিতঃ, তত্র চ সৰ্বপাণিগ্রহণো মুখ্যঃ  
ইতরস্তনুকল্পঃ (৫) ।

“দ্বিজাতিদিগের সৰ্বপাণিগ্রহণের পর অনুলোম ক্রমে ক্ষত্রি-  
য়াদি কন্যাপরিণয় বিহিত হইয়াছে ; তন্মধ্যে সৰ্বপাণিগ্রহণো মুখ্য কল্প,  
অন্যসৰ্বপাণিগ্রহণো অনুকল্প ।

এ স্থলে বিশেষরূপে সর্বর্ণবিবাহকে প্রশস্ত কল্প, অসর্বর্ণবিবাহকে অপ্রশস্ত কল্প, বলিয়া স্পষ্ট বাক্যে নির্দেশ করিয়াছেন । অতএব,

“ সর্বর্ণবিবাহ ব্রাহ্মণ, ক্ষত্রিয়, বৈশ্য এই তিন বর্ণের পক্ষে প্রশস্ত কল্প । কিন্তু, যদি কোনও উৎকৃষ্ট বর্ণ, যথাবিধি সর্বর্ণ-বিবাহ করিয়া, যদৃচ্ছাক্রমে পুনরায় বিবাহ করিতে অভিলাষী হয়, তবে সে আপন অপেক্ষা নিকৃষ্ট বর্ণে বিবাহ করিতে পারে ” (৬) ।

এই লিখন উপলক্ষ করিয়া, স্মৃতিরত্ন মহাশয়, সর্বর্ণবিবাহ প্রশস্ত কল্প, অসর্বর্ণবিবাহ অপ্রশস্ত কল্প, এই ব্যবস্থার উপর যে দোষা-রোপ করিয়াছেন, তাহা সম্যক্ সঙ্গত বোধ হইতেছে না ।

স্মৃতিরত্ন মহাশয়ের উত্থাপিত দ্বিতীয় আপত্তি এই ;—

“ চারি ইত্যাদি জাতীয় সংখ্যা বলাতে ব্রাহ্মণের পাঁচ ছয়টি ব্রাহ্মণী বিবাহ শাস্ত্রবিরুদ্ধ নহে, এইটী দায়ভাগকর্তার অভি-প্রেত অর্থ ” (৭) ।

এ বিষয়ে বক্তব্য এই যে, দায়ভাগলিখন অথবা দায়ভাগের টীকাকার-দিগের লিখন দ্বারা যদৃচ্ছাপ্ররূপ বহুবিবাহব্যবহারের সমর্থন সম্ভব ও সঙ্গত কি না, তাহা তর্কবাচস্পতিপ্রকরণের তৃতীয় পরিচ্ছেদে প্রদর্শিত হইয়াছে ; এ স্থলে আর তাহার আলোচনার প্রয়োজন নাই (৮) ।

স্মৃতিরত্ন মহাশয়ের তৃতীয় আপত্তি এই ;—

২। “ আর ঐ অসর্বর্ণবিবাহবিধিকে পরিসংখ্যাবিধি, পরিসংখ্যা বিধির নিয়ম এই যে স্থল ধরিয়া বিধি দেওয়া যায় তদ্ব্যতিরিক্ত স্থলে নিষেধ সিদ্ধ বলিয়াছেন ; সুতরাং যদৃচ্ছাক্রমে অসর্বর্ণ

(৬) বহুবিবাহবিচার, প্রথম পুস্তক, ৬ পৃষ্ঠা ।

(৭) বহুবিবাহবিষয়ক বিচার, ১৪ পৃষ্ঠা ।

(৮) এই পুস্তকের ১১৪ পৃষ্ঠার ১২ পংক্তি হইতে ১১৯ পৃষ্ঠাপর্য্যন্ত দেখ ।

বিবাহকে ধরিয়া বিধি দেওয়াতে, তদ্ব্যতিরিক্ত সৰ্গাবিবাহের নিষেধ সিদ্ধ হয়, এরূপ বিধির নিয়ম কুত্রাপি দেখা যায় না”(৯) ।

এ বিষয়ে বক্তব্য এই যে, পরিসংখ্যাবিধির স্বরূপ প্রভৃতি বিষয়ের সৰ্বিশেষ পর্যালোচনা না করিয়াই, স্মৃতিরত্ন মহাশয় এই আপত্তি উত্থাপন করিয়াছেন । তর্কবাচস্পতিপ্রকরণের প্রথম পরিচ্ছেদে এই বিষয় সৰ্বিশেষ আলোচিত হইয়াছে । তাহাতে দৃষ্টিপাত করিলে, যদৃচ্ছামূলে পরিসংখ্যা দ্বারা সৰ্গাবিবাহের নিষেধ সিদ্ধ হয় কি না, তাহা তিনি অবগত হইতে পারিবেন (১০) ।

“বহুবিবাহবিষয়ক বিচার” পুস্তকে আলোচনাযোগ্য আর কোনও কথা লক্ষিত হইতেছে না ; এজন্য এই স্থলেই স্মৃতিরত্নপ্রকরণের উপসংহার করিতে হইল ।

(৯) বহুবিবাহবিষয়ক বিচার, ১৫ পৃষ্ঠা ।

(১০) এই পুস্তকের ২৫ পৃষ্ঠা হইতে ৪১ পৃষ্ঠা দেখ ।

## সামগ্রমিপ্রকরণ

যদৃচ্ছাপ্রবৃত্ত বহুবিবাহকাণ্ড শাস্ত্রানুমোদিত ব্যবহার, ইহা প্রতিপন্ন করিবার নিমিত্ত, ক্রীষুত সত্যব্রত সামগ্রমী যে পুস্তক প্রচার করিয়াছেন, উহার নাম “বহুবিবাহবিচারসমালোচনা”। আমি প্রথম পুস্তকে বহুবিবাহ রহিত হওয়ার উচিত্যপক্ষে যে সকল কথা লিখিয়াছিলাম, তৎসমুদয়ের খণ্ডন করাই এ পুস্তকের উদ্দেশ্য। সামগ্রমী মহাশয়, এই উদ্দেশ্যসাধনে কত দূর কৃতকার্য হইয়াছেন, তাহার আলোচনা করা আবশ্যিক। প্রথমতঃ, তিনি বহুবিবাহের শাস্ত্রীয়তা সংস্থাপনার্থে, অসবর্ণবিবাহবিধায়ক মনুবচনের যে অদ্ভুত ব্যাখ্যা করিয়াছেন, তাহা উদ্ধৃত ও আলোচিত হইতেছে।

“বিজ্ঞানাগর মহাশয় প্রথম আপত্তি খণ্ডনে প্রবৃত্ত হইয়া বহুবিবাহ শাস্ত্রনিষিদ্ধ প্রতিপন্ন করিতে চেষ্টা পাইয়াছেন, কিন্তু তাহা বোধ হয় তাদৃশ মহৎ ব্যক্তির উক্তি না হইলে বিচার্য্যই হইত না।

(মনু) “সবর্ণাণ্যে দ্বিজাতীনাং প্রশস্তা দারকর্ষণি।

কামতস্ত প্রবৃত্তানামিমাঃ স্যুঃ ক্রমশোবরাঃ” ॥৩। ১২॥

কামত অসবর্ণবিবাহে প্রবৃত্ত ব্রাহ্মণ, ক্ষত্রিয়, বৈশ্যজাতির বিবাহকার্য্যে প্রথমতঃ সবর্ণা প্রশস্ত। এবং যথাক্রমে (অনুলোম) পাণিগ্রহণই প্রশংসনীয়” (১)।

মনুবচনের এই ব্যাখ্যা কিরূপে প্রতিপন্ন বা সংলগ্ন হইতে পারে, বুঝিতে পারা যায় না। অন্ততঃ, যে সকল শব্দে এই বচন সঙ্কলিত

হইয়াছে, তদ্বারা তাহা প্রতিপন্ন হওয়া কোনও মতে সম্ভব নহে । আমার অবলম্বিত অর্থের অপ্রামাণ্য প্রতিপন্ন করিবার নিমিত্ত, সাতিশয় ব্যাখ্যিত হইয়া, সামগ্রামী মহাশয় সম্ভব অসম্ভব বিবেচনা বিষয়ে নিতান্ত বহির্মুখ হইয়াছেন ; এজন্য, মনুবচনের চিরপ্রচলিত অর্থে উপেক্ষা প্রদর্শন করিয়া, কষ্টকল্পনাদ্বারা অর্থান্তর প্রতিপন্ন করিবার নিমিত্ত প্রয়াস পাইয়াছেন । তাঁহার অবলম্বিত পাঠের ও অর্থের সহিত বৈলক্ষণ্যপ্রদর্শনার্থে, প্রথমতঃ বচনের প্রকৃত পাঠ ও প্রকৃত অর্থ প্রদর্শিত হইতেছে ।

### পূর্বার্দ্ধ

সবর্ণাগ্রে দ্বিজাতীনাং প্রশস্তা দারকর্মণি ।

দ্বিজাতিদিগের প্রথম বিবাহে সবর্ণা কন্যা বিহিতা ।

### উত্তরার্দ্ধ

কামতস্তু প্রবৃত্তানামিমাঃ সূ্যঃ ক্রমশো হবরাঃ ॥

কিন্তু যাহারা কামবশতঃ বিবাহে প্রবৃত্ত হয়, তাহারা অনুলোম-ক্রমে অসবর্ণা বিবাহ করিবেক ।

এই পাঠ ও এই অর্থ মাধবাচার্য্য, মিত্রমিশ্র, বিশ্বেশ্বরভট্ট প্রভৃতি পূর্বতন প্রসিদ্ধ পণ্ডিতেরা অবলম্বন করিয়া গিয়াছেন । সামগ্রামী মহাশয় যে অভিনব ব্যাখ্যা করিয়াছেন, তাহা বচনদ্বারাও প্রতিপন্ন হয় না, এবং সম্যক্ সংলগ্নও হয় না । তাঁহার অবলম্বিত অর্থ বচন দ্বারা প্রতিপন্ন হয় কি না, তৎপ্রদর্শনার্থ বচনস্থিত প্রত্যেক পদের অর্থ ও সমুদিত অর্থ প্রদর্শিত হইতেছে ।

সবর্ণাগ্রে            দ্বিজাতীনাং            প্রশস্তা            দারকর্মণি ।

সবর্ণা অগ্রে        দ্বিজাতীনাং        প্রশস্তা        দারকর্মণি ।

সবর্ণা প্রথমে        দ্বিজাতিদিগের        বিহিতা        বিবাহে

দ্বিজাতিদিগের প্রথম বিবাহে সবর্ণা বিহিতা ।

কামতস্তু প্রবৃত্তানামিমাঃ স্যুঃ ক্রমশোঃ অবরাঃ ॥

কামতঃ তু প্রবৃত্তানাম্ ইমাঃ স্যুঃ ক্রমশঃ অবরাঃ ॥

কামবশতঃ কিন্তু প্রবৃত্তিদিগের এই সকল হইবেক ক্রমশঃ অবরা ॥

কিন্তু কামবশতঃ বিবাহপ্রবৃত্তিদিগের অনুলোমক্রমে এই সকল  
( অর্থাৎ পরবচনোক্ত ) অবরা ( অর্থাৎ অসবর্ণা কন্যারা ) ভার্য্যা  
হইবেক ।

এক্ষণে, সকলে বিবেচনা করিয়া দেখুন, “কামত অসবর্ণাবিবাহে প্রবৃত্ত  
ব্রাহ্মণ, ক্ষত্রিয়, বৈশ্যজাতির বিবাহকার্য্যে প্রথমতঃ সবর্ণা প্রশস্ত ।  
এবং যথাক্রমে অনুলোমপাণিগ্রহণই প্রশংসনীয়” ; সামশ্রমী  
মহাশয়ের এই অর্থ বচন দ্বারা প্রতিপন্ন হইতে পারে কি না । উপরি-  
ভাগে যেরূপ দর্শিত হইল, তদনুসারে, বচনের পূর্ব্বার্দ্ধ দ্বারা প্রথম  
বিবাহে সবর্ণার বিহিতত্ব, ও উত্তরার্দ্ধ দ্বারা কামবশতঃ বিবাহ-  
প্রবৃত্ত ব্যক্তিবর্গের পক্ষে অসবর্ণাবিবাহের কর্তব্যত্ব, বোধিত হইয়াছে ;  
সুতরাং, পূর্ব্বার্দ্ধ ও উত্তরার্দ্ধ পরস্পরবিভিন্ন অর্থের প্রতিপাদক,  
সর্ব্বতোভাবে পরস্পরনিরপেক্ষ, বিভিন্ন বাক্যদ্বয় বলিয়া স্পষ্ট  
প্রতীয়মান হইতেছে । কিন্তু সামশ্রমী মহাশয় পূর্ব্বার্দ্ধ সমুদয় ও  
উত্তরার্দ্ধের অর্দ্ধাংশ, অর্থাৎ বচনের প্রথম তিন চরণ, লইয়া এক  
বাক্য, আর উত্তরার্দ্ধের দ্বিতীয় অর্দ্ধ, অর্থাৎ বচনের চতুর্থ চরণমাত্র,  
লইয়া এক বাক্য কল্পনা করিয়াছেন ; যথা,

সবর্ণাগ্রে দ্বিজাतीनां प्रशस्तं दारकर्म्मणि ।

কামতস্তু প্রবৃত্তানাম্ ॥

কামত অসবর্ণাবিবাহে প্রবৃত্ত ব্রাহ্মণ, ক্ষত্রিয়, বৈশ্যজাতির  
বিবাহকার্য্যে প্রথমতঃ সবর্ণা প্রশস্ত ।

ইমাঃ স্যুঃ ক্রমশোঃ অবরাঃ ।

এবং যথাক্রমে অনুলোমপাণিগ্রহণই প্রশংসনীয় ।

এ বিষয়ে বক্তব্য এই যে, “কামতস্তু প্রবৃত্তানাম্,” “কামবশতঃ কিন্তু

প্রবৃত্তিদিগের,” এই স্থলে “কিন্তু” এই অর্থের বাচক যে “তু” শব্দ আছে, সামগ্রামী মহাশয়ের ব্যাখ্যায় তাহা এক বারে পরিত্যক্ত হইয়াছে। সর্বসম্মত চিরপ্রচলিত অর্থে ঐ “তু” শব্দের সম্পূর্ণ আবশ্যিকতা, সুতরাং সম্পূর্ণ সার্থকতা আছে। সামগ্রামী মহাশয়ের ব্যাখ্যায় ঐ “তু” শব্দের অণুমাত্র আবশ্যিকতা লক্ষিত হইতেছে না ; এজন্য, উহা একবারে পরিত্যক্ত হইয়াছে ; সুতরাং, উহার সম্পূর্ণ বৈয়র্থ্য ঘটিতেছে। আর, প্রবৃত্ত এই শব্দের “অসবর্ণাবিবাহে প্রবৃত্ত” এই অর্থ লিখিত হইয়াছে। প্রকরণবশতঃ, প্রবৃত্ত শব্দের “বিবাহপ্রবৃত্ত” এ অর্থ প্রতিপন্ন হইতে পারে ; কিন্তু “অসবর্ণাবিবাহে প্রবৃত্ত”, এই অসবর্ণাশব্দ বলপূর্ব্বক সন্নিবেশিত হইয়াছে। আর, “ইমাঃ সূত্ৰঃ ক্রমশোঃ অবরাঃ” “এই সকল হইবেক ক্রমশঃ অবরাঃ” এই অংশ দ্বারা “এবং যথাক্রমে অনুলোমপাণিগ্রহণই প্রশংসনীয়”, এ অর্থ কিরূপে প্রতিপন্ন করিলেন, তিনিই তাহা বলিতে পারেন। প্রথমতঃ, “এবং যথাক্রমে” এ স্থলে “এবং” “এই অর্থের বোধক কোনও শব্দ মূলে লক্ষিত হইতেছে না। মূলে তাদৃশ শব্দ নাই, এবং চিরপ্রচলিত অর্থেও তাদৃশ শব্দের আবশ্যিকতা নাই। কিন্তু, সামগ্রামী মহাশয়ের ব্যাখ্যায় “এবংশব্দ” প্রবেশিত না হইলে, পূর্ব্বাপর সংলগ্ন হয় না ; এজন্য, মূলে না থাকিলেও, ব্যাখ্যাকালে কল্পনাবলে তাদৃশ শব্দের আহরণ করিতে হইয়াছে। আর, “ক্রমশঃ” এই পদের “অনুলোমক্রমে” এই অর্থ প্রকরণবশতঃ লক্ষ হয় ; এজন্য, এই অর্থই পূর্ব্বাপর প্রচলিত আছে। সচরাচর “ক্রমশঃ” এই পদের “যথাক্রমে” এই অর্থ হইয়া থাকে। সামগ্রামী মহাশয়, এস্থলে ঐ অর্থ অবলম্বন করিয়াছেন। কিন্তু, যখন “ক্রমশঃ” এই পদের “যথাক্রমে” এই অর্থ অবলম্বিত হইল, তখন “অনুলোমপাণিগ্রহণই” এ স্থলে বচনস্থিত কোন শব্দ আশ্রয় করিয়া, অনুলোমশব্দ প্রযুক্ত হইয়াছে, তাহা দেখাইয়া দেওয়া আবশ্যক ছিল। যদিও “ক্রমশঃ” এই পদের

স্থলবিশেষে “যথাক্রমে,” স্থলবিশেষে “অনুলোমক্রমে,” ইত্যাদি অর্থ প্রতিপন্ন হইয়া থাকে ; কিন্তু এক স্থলে এক “ক্রমশঃ” এই পদ দ্বারা দুই অর্থ কোনও ক্রমে প্রতিপন্ন হইতে পারে না । আর, “অনুলোম-পাণিগ্রহণই প্রশংসনীয়,” এ স্থলে “প্রশংসনীয়” এই অর্থ বচনের অন্তর্গত কোনও শব্দ দ্বারা প্রতিপন্ন হইতে পারে না । বোধ হইতেছে “ক্রমশো হবরাঃ” এই স্থলে “অবরাঃ” এই পাঠ বচনের প্রকৃত পাঠ, তাহা তিনি অবগত নহেন ; এজন্ত, “অবরাঃ” এই স্থলে “বরাঃ” এই পাঠ স্থির করিয়া, ভ্রান্তিকূপে পতিত হইয়া, “প্রশংসনীয়” এই অর্থ লিখিয়াছেন । মনুবচনের প্রকৃত পাঠ ও প্রকৃত অর্থ কি, তাহা তর্কবাচস্পতিপ্রকরণের প্রথম পরিচ্ছেদে সবিস্তর আলোচিত হইয়াছে, সামগ্রী মহাশয়, কিঞ্চিৎ শ্রমস্বীকারপূর্বক, ঐ স্থলে (২) দৃষ্টিযোজনা করিলে, সবিশেষ অবগত হইতে পারিবেন । এক্ষণে, মনুবচনের দ্বিবিধ অর্থ উপস্থিত ; প্রথম চিরপ্রচলিত, দ্বিতীয় সামগ্রীকল্পিত । যে রূপ দর্শিত হইল, তদনুসারে চিরপ্রচলিত অর্থে বচনস্থিত প্রত্যেক পদের সম্পূর্ণ সার্থকতা থাকিতেছে ; সামগ্রীকল্পিত অর্থে বচনে অধিকপদতা, হ্রাসপদতা, কষ্টকল্পনা প্রভৃতি উৎকট দোষ ঘটিতেছে । এমন স্থলে, কোন অর্থ প্রকৃত অর্থ বলিয়া অবলম্বিত হওয়া উচিত, তাহা সকলে বিবেচনা করিয়া দেখিবেন । কল কথা এই, তাঁহার অবলম্বিত অর্থ বচনের অন্তর্গত পদসমূহ দ্বারা প্রতিপন্ন হওয়া কোনও মতে সম্ভব নহে ।

এক্ষণে, ঐ অর্থ সংলগ্ন হইতে পারে কি না, তাহা আলোচিত হইতেছে । তিনি লিখিয়াছেন, “কামত অসবর্ণবিবাহে প্রবৃত্ত ব্রাহ্মণ, ক্ষত্রিয়, বৈশ্যজাতির বিবাহকার্য্যে প্রথমতঃ সর্বণা প্রশস্ত” । গৃহস্থ ব্যক্তিকে গৃহস্থাশ্রম সম্পাদনার্থে প্রথমে সর্বণবিবাহ করিতে হয়, ইহা সর্বশাস্ত্রসম্মত ও সর্ববাদিসম্মত । তবে সর্বণ কণ্ঠ্য

অপ্রাপ্তি ঘটিলে, অসবর্ণবিবাহের বিধি ও ব্যবস্থা আছে ; সুতরাং, সবর্ণ কন্যার প্রাপ্তি সম্ভবিলে, গৃহস্থব্যক্তিকে গৃহস্থধর্মনির্বাহার্থে সর্বপ্রথম সবর্ণবিবাহই করিতে হয় । তদনুসারে, এক ব্যক্তি গৃহস্থ-ধর্মনির্বাহার্থে প্রথমে যথাবিধি সবর্ণবিবাহ করিয়াছে । তৎপরে, কামবশতঃ ঐ ব্যক্তির অসবর্ণবিবাহে ইচ্ছা হইল । এক্ষণে, সামশ্রমী মহাশয়ের ব্যাখ্যা অনুসারে, অসবর্ণবিবাহ করিবার পূর্বে, সে ব্যক্তিকে অগ্রে আর একটি সবর্ণবিবাহ করিতে হইবেক । তর্ক-বাচস্পতিপ্রকরণে নির্বিবাদে প্রতিপাদিত হইয়াছে, ধর্মার্থে সবর্ণ-বিবাহ ও কামার্থে অসবর্ণবিবাহ শাস্ত্রকারদিগের অনুমোদিত কার্য্য ; তদনুসারে, অগ্রে সবর্ণবিবাহ অবশ্য কর্তব্য ; সবর্ণবিবাহ করিয়া, কামবশতঃ পুনরায় বিবাহ করিতে ইচ্ছা হইলে, অসবর্ণবিবাহ করিবেক, কদাচ সবর্ণবিবাহ করিতে পারিবেক না ; সুতরাং, যদৃচ্ছা স্থলে সবর্ণবিবাহ একবারে নিবিদ্ধ হইয়াছে । এমন স্থলে, কামবশতঃ অসবর্ণবিবাহে ইচ্ছা হইলে, দ্বিজাতিদিগকে অগ্রে আর একটি সবর্ণবিবাহ করিতে হইবেক, এ কথা নিতান্ত হয় ও অশ্রদ্ধের । আর, যদি তদীয় ব্যাখ্যার এরূপ তাৎপর্য্য হয়, দ্বিজাতিদিগের পক্ষে প্রথমে সবর্ণবিবাহই কর্তব্য ; তৎপরে কামবশতঃ বিবাহ করিতে ইচ্ছা হইলে, অসবর্ণবিবাহই কর্তব্য ; তাহা হইলে, তদর্থে এতাদৃশ বক্র পথ আশ্রয় করিবার কোনও প্রয়োজন ছিল না ; কারণ, চির-প্রচলিত সহজ অর্থ দ্বারাই তাহা সম্যক্ সম্পন্ন হইতেছে । বোধ হয়, সামশ্রমী মহাশয় কখনও ধর্মশাস্ত্রের অধ্যয়ন ও অনুশীলন করেন নাই ; তাহা করিলে, কেবল বুদ্ধিবল অবলম্বন পূর্ব্বক, অকারণে মনুবচনের দৃষ্ট অসঙ্গত ও অসম্ভব অর্থান্তর কল্পনায় প্রবৃত্ত হইতেন না ।

সামশ্রমী মহাশয়, বচনের এইরূপ অর্থ কল্পনা করিয়া, ঐ অর্থের বলে যে তাৎপর্য্য ব্যাখ্যা করিয়াছেন, তাহা এই ;—

“বিজ্ঞাসাগর মহাশয় এই বিধিটিকে পরিসংখ্যা করিয়া

নিষেধ বিধির কল্পনা করিয়াছেন, কিন্তু কি আশ্চর্য্য ! এই বিধিটি কি নিয়ামক হইতে পারে না ? ইহা দ্বারা কি অগ্রে সর্বণাবিবাহই কর্তব্য ও অনুলোমবিবাহই কর্তব্য এই দুইটি নিয়ম বিধিবদ্ধ হইতেছে না ? অসর্বণাবিবাহ করিতে ইচ্ছা হইলে প্রথমে সর্বণাবিবাহ করিতেই হইবে এবং পরে যথাযথ হীনবর্ণা বিবাহ করিবে এইটি কি ঐ বিধির প্রকৃত ভাব নহে ? (৩) । ”

এ স্থলে বক্তব্য এই যে, তর্কবাচস্পতিপ্রকরণের প্রথম পরিচ্ছেদে প্রতিপাদিত হইয়াছে, মনুবচনোক্ত বিবাহবিধিকে অপূর্ববিধিই বল, নিয়মবিধিই বল, পরিসংখ্যাবিধিই বল, আমার পক্ষে তিনই সমান ; তবে পরিসংখ্যার প্রকৃত স্থল বলিয়া বোধ হওয়াতেই, পরিসংখ্যাপক্ষ অবলম্বিত হইয়াছিল(৪) । অতএব, যদি সামশ্রমী মহাশয়ের পরিসংখ্যায় নিতান্ত অকুচি থাকে ; এবং এই বিবাহবিধিকে নিয়মবিধি বলিয়া স্বীকার করিলে, তাঁহার সন্তোষ জন্মে, তাহা হইলে আমি তাহাতেই সম্মত হইতেছি ; আর, নিয়মবিধি স্বীকার করিয়া তিনি প্রথমে যে ব্যবস্থা করিয়াছেন, তাহাও অঙ্গীকার করিয়া লইতেছি । তাঁহার ব্যবস্থা এই ; “ইহা দ্বারা কি অগ্রে সর্বণাবিবাহ কর্তব্য ও অনুলোমবিবাহই কর্তব্য এই দুইটি নিয়ম বিধিবদ্ধ হইতেছে না ?” । পূর্বে দর্শিত হইয়াছে, মনুবচনের পূর্বোক্ত দ্বারা “অগ্রে সর্বণাবিবাহ কর্তব্য” এই অর্থই প্রতিপন্ন হয় ; আর, “অনুলোমবিবাহই কর্তব্য” অর্থাৎ কামবশতঃ বিবাহ করিতে ইচ্ছা হইলে, অনুলোমক্রমে অসর্বণাবিবাহ কর্তব্য ; মনুবচনের উত্তরোক্ত দ্বারা এই অর্থই প্রতিপন্ন হয় । অতএব, যদি সামশ্রমী মহাশয়ের ঐ মীমাংসার এইরূপ তাৎপর্য্য হয়, তাহা হইলে তদীয় ঐ মীমাংসায় কোনও আপত্তি নাই ; কারণ, নিয়মবিধি অবলম্বিত হইলে,

সর্বণাগ্রে দ্বিজাতীনাং প্রশস্তা দারকর্ম্মণি ।

(৩) বহুবিবাহবিচারসমালোচনা ২ পৃষ্ঠা ।

(৪) এই পুস্তকের ৩৯ পৃষ্ঠার ১৮ পঁক্তি হইতে ৪১ পৃষ্ঠা পর্য্যন্ত দেখ ।

দ্বিজাতিদিগের প্রথম বিবাহে সর্বর্ণ কন্যা বিহিতা ।

এই পূর্বোক্ত দ্বারা

দ্বিজাতির প্রথম বিবাহে সর্বর্ণ কন্যারই পাণিগ্রহণ করিবেক ।

এই অর্থ প্রতিপন্ন হইবেক । আর,

কামতত্ত্ব প্রবৃত্তানামিমাঃ স্যুঃ ক্রমশো হবরাঃ ।

কিন্তু কামবশতঃ বিবাহপ্রবৃত্ত দ্বিজাতির অনুলোমক্রমে অসর্বর্ণ বিবাহ করিবেক ।

এই উত্তরোক্ত দ্বারা,

কামবশতঃ বিবাহপ্রবৃত্ত দ্বিজাতির অনুলোমক্রমে অসর্বর্ণ কন্যারই পাণিগ্রহণ করিবেক ।

এই অর্থ প্রতিপন্ন হইবেক । কিন্তু, “অসর্বর্ণবিবাহ করিতে ইচ্ছা হইলে প্রথমে সর্বর্ণবিবাহ করিতেই হইবে এবং পরে যথাযথ হীনবর্ণবিবাহ করিবে এইটি কি ঐ বিধির প্রকৃত ভাব নহে ? ” এই ভাবব্যাক্য্য কোনও অংশে সঙ্গত হইতে পারে না ; কারণ, ইতিপূর্বে যে রূপ দর্শিত হইয়াছে, তদনুসারে মনুবচন দ্বারা তাদৃশ অর্থ প্রতিপন্ন হওয়া সম্ভব নহে ।

সামগ্রামী মহাশয়ের দ্বিতীয় আপত্তি এই ;—

“একাদশ পৃষ্ঠায়

“সর্বাসামেকপত্নীনামেকা চেৎ পুত্রিণী ভবেৎ ।

সর্বাস্তান্তেন পুত্রেণ প্রাহ পুত্রবতীর্মনুঃ । ৯ । ১৮৩ । ”

মনু কহিয়াছেন, সপত্নীদের মধ্যে যদি কেহ পুত্রবতী হয়, সেই সপত্নীপুত্র দ্বারা তাঁরা সকলেই পুত্রবতী গণ্য হইবেক ।

এই বচনের বিষয়ে লিখিত হইয়াছে ‘দ্বিতীয় বচনে যে বহু-বিবাহের উল্লেখ আছে, তাহা কেবল পূর্ব পূর্ব স্ত্রীর বন্ধ্যাত্তিনিবন্ধন ঘটয়াছিল, তাহা স্পষ্ট প্রতীয়মান হইতেছে ; কারণ, ঐ বচনে পুত্রহীন সপত্নীদিগের বিষয়ে ব্যবস্থা প্রদত্ত হইয়াছে ।’

এস্থলে আমরা বলি— ‘এক চেৎ পুত্রিণী ভবেৎ’ যদি একজন পুত্রিণী হয়, এই অনির্দিষ্ট বাক্যানুসারেই পুত্রিণী স্ত্রী সত্ত্বেও বিবাহ প্রতিপন্ন হইতেছে, অন্যথা শেষ পত্নীই পুত্রিণী সৃষ্টিরই রহিয়াছে— এ স্থলে ‘যদি কেহ পুত্রিণী’ এই নির্দেশহীন বাক্য কেন প্রযুক্ত হইবে ?” (৫) ।

যদি কেহ পুত্রবতী হয়, এই অনিশ্চিত নির্দেশ দর্শনে, সামগ্র্যমী মহাশয়, পুত্রবতী স্ত্রী সত্ত্বেও বিবাহ প্রতিপন্ন হইতেছে, এই সিদ্ধান্ত করিয়াছেন। তাঁহার অভিপ্রায় এই, যদি এই বচনোল্লিখিত বহু বিবাহ পূর্ব পূর্ব স্ত্রীর বন্ধ্যাত্ব নিবন্ধন হইত, তাহা হইলে, যদি কোনও স্ত্রী পুত্রবতী হয়, এরূপ অনিশ্চিত নির্দেশ না থাকিয়া, যদি কনিষ্ঠা স্ত্রী পুত্রবতী হয়, এরূপ নিশ্চয়াত্মক নির্দেশ থাকিত ; কারণ, পূর্ব পূর্ব স্ত্রী বন্ধ্য বালিয়া অবধারিত হওয়াতেই, কনিষ্ঠা স্ত্রী বিবাহিতা হইয়াছিল ; এমন স্থলে, কনিষ্ঠারই পুত্র হইবার সম্ভাবনা ; এবং তন্নিমিত্ত, যদি কনিষ্ঠা পত্নী পুত্রবতী হয়, এরূপ নির্দেশ থাকাই সম্ভব ; যখন তাহা না থাকিয়া, যদি কোনও পত্নী পুত্রবতী হয়, এরূপ অনিশ্চিত নির্দেশ আছে, তখন জ্যেষ্ঠা প্রভৃতিরও পুত্রবতী হওয়া সম্ভব, এবং তাহা হইলেই পুত্রবতী স্ত্রী সত্ত্বে বিবাহ প্রতিপন্ন হইল ; অর্থাৎ জ্যেষ্ঠা বা অন্য কোনও পূর্ববিবাহিতা স্ত্রী পুত্রবতী হইলে পর, কনিষ্ঠা প্রভৃতি স্ত্রী বিবাহিতা হইয়াছে ; সুতরাং, যদৃচ্ছাক্রমে যত ইচ্ছা বিবাহ মনুবচন দ্বারা সমর্থিত হইতেছে ।

এ বিষয় বক্তব্য এই যে, যদি এক ব্যক্তির বহু স্ত্রীর মধ্যে কেহ পুত্রবতী হয়, সেই পুত্রদ্বারা সকলেই পুত্রবতী গণ্য হইবেক, ইহা বলিলে পুত্রবতী স্ত্রী সত্ত্বে বিবাহ কিরূপে প্রতিপন্ন হয়, বলিতে পারা যায় না । এক ব্যক্তির কতকগুলি স্ত্রী আছে ; তন্মধ্যে যদি কাহারও পুত্র জন্মে, সেই পুত্র দ্বারা তাহার সকলেই পুত্রবতী

গণ্য হইবেক ; এ কথা বলিলে, সে ব্যক্তির বর্তমান সকল স্ত্রীই পুত্রহীনা, ইহাই প্রতিপন্ন হয় । বস্তুতঃ, পুত্রহীন স্ত্রীসমূহের বিষয়েই এই ব্যবস্থা প্রদত্ত হইয়াছে । অতএব, “পুত্রবতী স্ত্রী সন্তেও বিবাহ প্রতিপন্ন হইতেছে”, সাময়িকী মহাশয়ের এই সিদ্ধান্ত বচনের অর্থ দ্বারা সমর্থিত হইতেছে না । “সপত্নীদের মধ্যে যদি কেহ পুত্রবতী হয়,” এ স্থলে “যদি হয়” এরূপ সংশয়াত্মক নির্দেশ না থাকিয়া, “সপত্নীদের মধ্যে এক জন পুত্রবতী”, যদি এরূপ নিশ্চয়াত্মক নির্দেশ থাকিত, তাহা হইলেও বরং পুত্রবতী স্ত্রী সন্তে বিবাহ করিয়াছে, এরূপ অনুমান কথঞ্চিৎ সম্ভব হইতে পারিত । আর, যদি কোনও ব্যক্তি পূর্ব পূর্ব স্ত্রীর বন্ধ্যাত্ম আশঙ্কা করিয়া ক্রমে ক্রমে বহু বিবাহ করিয়া থাকে, সে স্থলে “শেষপত্নীই পুত্রিণী সুস্থিরই রহিয়াছে,” কেন, বুঝিতে পারা যায় না। সাময়িকী মহাশয় সিদ্ধান্ত করিয়া রাখিয়াছেন, যখন পূর্ব পূর্ব স্ত্রীকে বন্ধ্যাস্থির করিয়া পুনরায় বিবাহ করিয়াছে, তখন কনিষ্ঠা স্ত্রীরই সন্তান হওয়া সম্ভব, পূর্ব পূর্ব স্ত্রীদিগের আর সন্তান হইবার সম্ভাবনা কি । কিন্তু ইহা অদৃষ্টের ও অশ্রুতপূর্ব নহে যে, পূর্বস্ত্রীকে বন্ধ্যাস্থির করিয়া পুত্রার্থে পুনরায় বিবাহ করিলে পর, কোনও কোনও স্থলে পূর্বস্ত্রীর সন্তান হইয়াছে ; কোনও কোনও স্থলে উভয় স্ত্রীর সন্তান হইয়াছে ; কোনও কোনও স্থলে উভয়েই গর্ভধারণে অসমর্থ হইয়াছে । অতএব “শেষপত্নীই পুত্রিণী সুস্থিরই রহিয়াছে,” এই সিদ্ধান্ত নিতান্ত অনভিজ্ঞতামূলক, তাহার সংশয় নাই ।

সাময়িকী মহাশয়ের তৃতীয় আপত্তি এই ;—

পূর্বোক্ত প্রকারে শাস্ত্ররূপপ্রমাণ প্রদর্শন করিয়া, পূর্বকালীন রাজাদিগের যদৃচ্ছাকৃত বহুবিবাহ দৃষ্টান্ত দর্শাইয়া, তিনি যদৃচ্ছাপ্রবৃত্ত বহুবিবাহব্যবহারের সমর্থনের নিমিত্ত লিখিয়াছেন,

“যদি তাঁহাদের আচরণ অনুকার্য্যই না হইবে, তবে

যদ্যদাচরতি শ্রেষ্ঠশুভদেবেতরো জনঃ” ।

ইত্যাদি অর্জুনের প্রতি ভগবদুপদেশই বা কি আশয়ে ব্যক্ত হইয়াছিল ? ইহাও আমাদের সুগম নহে ” (৬) ।

কৃষ্ণ অর্জুনকে কহিয়াছিলেন, প্রধান লোকে যে সকল কর্ম করে, সামান্য লোকে সেই সকল কর্ম করিয়া থাকে ; অর্থাৎ প্রধান লোকের অনুষ্ঠানকে দৃষ্টান্তস্বরূপে প্রতিষ্ঠিত করিয়া, সামান্য লোকে তদনুসারে চলে । পূর্বকালীন দ্রব্যশুভ প্রভৃতি রাজারা প্রধান ব্যক্তি ; তাঁহারা যদৃচ্ছাক্রমে বহু বিবাহ করিয়াছিলেন ; যদি তাঁহাদের আচরণদর্শনে তদনুসারে চলা কর্তব্য না হয়, তাহা হইলে, ভগবান্ বাসুদেব কি আশয়ে অর্জুনকে ওরূপ উপদেশ দিলেন, সামগ্রী মহাশয় সহজে তাহা হৃদয়ঙ্গম করিতে পারেন নাই । এ বিষয়ে বক্তব্য এই যে, সামগ্রী মহাশয় ভগবদ্বাক্যের অর্থ-বোধ ও তাৎপর্য্যগ্রহ করিতে পারেন নাই, এজন্যই “অর্জুনের প্রতি ভগবদুপদেশই বা কি আশয়ে ব্যক্ত হইয়াছিল ?”, তাহা তাঁহার পক্ষে “সুগম” হয় নাই । এই ভগবদুক্তি উপদেশবাক্য নহে ; উহা পূর্বগত উপদেশবাক্যের সমর্থনার্থ লোকব্যবহার কীর্তনমাত্র । যথা,

তস্মাদসক্তঃ সততং কার্য্যং কর্ম্ম সমাচর ।

অসক্তো হ্যচরন্ কর্ম্ম পরমাপ্নোতি পুরুষঃ । ৩।১৯।(৭)

অতএব, আসক্তিশূন্য হইয়া, সতত কর্তব্য কর্ম্ম কর । আসক্তি-শূন্য হইয়া কর্ম্ম করিলে, পুরুষ মোক্ষপদ পায় ।

এইটি অর্জুনের প্রতি ভগবানের উদদেশবাক্য । এইরূপে কর্তব্য কর্ম্ম করণের উপদেশ দিয়া, তাহার ফলকীর্তন ও প্রয়োজনপ্রদর্শন করিতেছেন,

কর্মণৈব হি সংসিদ্ধিমাশ্রিতা জনকাদয়ঃ ।

লোকসংগ্রহমেবাপি সম্পশ্যন্ কুর্ন্তুমহ্মি ॥৩২০॥ (৮)

জনক প্রভৃতি কর্ম দ্বারাই মোক্ষপদ পাইয়াছিলেন । লোকের উপদেশার্থেও তোমার কর্ম করা উচিত ।

অর্থাৎ জনক প্রভৃতি, আসক্তিশূন্য হইয়া কর্তব্য কর্ম করিয়া, মোক্ষপদ লাভ করিয়াছিলেন ; তুমিও তদনুরূপ কর, তদনুরূপ ফল পাইবে । আর, তুমি কর্তব্য কর্ম করিলে, উত্তরকালীন লোকেরা, তোমার দৃষ্টান্তের অনুবর্তী হইয়া, কর্তব্য কর্মের অনুষ্ঠানে রত হইবে, সে অনুরোধেও তোমার কর্তব্য কর্ম করা উচিত । আমি কর্তব্য কর্ম করিলে, লোকে আমার দৃষ্টান্তের অনুবর্তী হইয়া চলিবেক কেন, এই আশঙ্কার নিবারণার্থে কহিতেছেন,

যদ্যদাচরতি শ্রেষ্ঠস্তত্তদেবেতরো জনঃ ।

স যৎ প্রমাণং কুরুতে লোকস্তদনুবর্ততে ॥৩২১॥ (৮)

প্রধান লোকে যে যে কর্ম করেন, সামান্য লোকে সেই সেই কর্ম করিয়া থাকে ; তিনি যাহা প্রমাণ বলিয়া অবলম্বন করেন, লোকে তাহার অনুবর্তী হইয়া চলে ।

অর্থাৎ, সামান্য লোকে স্বয়ং কর্তব্যাকর্তব্য নির্ণয়ে সমর্থ নহে ; প্রধান লোকে যে সকল কর্ম করিয়া থাকেন, বিহিতই হউক, নিষিদ্ধই হউক, তত্তৎ কর্মকে দৃষ্টান্তরূপে গ্রহণ করিয়া উহাদের অনুষ্ঠান করিয়া থাকে । অতএব, তাদৃশ লোকদিগের শিক্ষার্থেও তোমার পক্ষে কর্তব্য কর্মের অনুষ্ঠানে রত হওয়া আবশ্যিক । ঊনবিংশ শ্লোকে, আসক্তিশূন্য হইয়া কর্তব্য কর্ম কর, ভগবান্ অর্জুনকে এই যে উপদেশ দিয়াছিলেন, একবিংশ শ্লোক দ্বারা, লোক-শিক্ষারূপ প্রয়োজন দর্শাইয়া, সেই উপদেশের সমর্থন করিয়াছেন ।

এই শ্লোক স্বতন্ত্র উপদেশবাক্য নহে । লোকে সচরাচর ধেরূপ করিয়া থাকে, তাহাই এই শ্লোক দ্বারা প্রদর্শিত হইয়াছে । এই তাৎপর্যব্যাখ্যা আমার কপোলকল্পিত নহে । সামগ্রিকী মহাশয়ের সম্ভাষণার্থে আনন্দগিরিকৃত ব্যাখ্যা উদ্ধৃত হইতেছে ;—

“প্রত্যাধ্যয়নসম্পন্নত্বেনাভিমতো জনো যৎ যৎ  
বিহিতং প্রতিষিদ্ধং বা কৰ্ম্মানুতিষ্ঠতি তত্তদেব  
প্রাকৃতো জনোহনুবর্ততে” ।

যাহাকে বেদজ্ঞ ও মীমাংসাদি শাস্ত্রজ্ঞ জ্ঞান করে, তাদৃশ ব্যক্তি, বিহিতই হউক, নিষিদ্ধই হউক, যে যে কৰ্ম্ম করেন, সামান্য লোকে তদ্রূপে সেই সেই কৰ্ম্ম করিয়া থাকে ।

সামান্য লোকে সকল বিষয়ে প্রধান লোকের আচার দেখিয়া তদনুসারে চলিয়া থাকে ; তাঁহাদের আচার শাস্ত্রীয় বিধি নিষেধের অনুযায়ী কি না, তাহা অনুধাবন করিয়া দেখে না ; ইহাই ঐ শ্লোকে উল্লিখিত হইয়াছে ; নতুবা প্রধান লোকে যাহা করিবে, সৰ্বসাধারণ লোকের তাহাই করা উচিত, এরূপ উপদেশ দেওয়া উহার উদ্দেশ্য নহে । সৰ্ববিষয়ে প্রধান লোকের দৃষ্টান্তের অনুবর্তী হওয়া সৰ্বসাধারণ লোকের পক্ষে শ্রেয়স্কর নহে ; অতএব, কত দূর পর্যন্ত তাদৃশ দৃষ্টান্তের অনুসরণ করিয়া চলা উচিত, শাস্ত্রকারেরা সে বিষয়ে সতর্ক করিয়া দিয়াছেন ।

আপস্তম্ব কহিয়াছেন,

দৃষ্টো ধৰ্ম্মব্যতিক্রমঃ সাহসঞ্চ মহতাম্ । ২।৬।১৩।৮।

তেষাং তেজোবিশেষেণ প্রত্যবায়ো ন বিদ্যতে । ২।৬।১৩।৯

তদন্বীক্ষ্য প্রযুক্তানঃ সৌদত্যবরঃ । ২ । ৬ । ১৩ । ১০ ॥

প্রধান লোকদিগের ধৰ্ম্মলঙ্ঘন ও অবৈধ আচরণ দেখিতে পাওয়া যায় । ৮। তাঁহারা তেজীয়ান, তাহাতে তাঁহাদের প্রত্যবায় নাই । ৯। সাধারণ লোকে, তদ্বর্শনে তদনুবর্তী হইয়া চলিলে, এক কালে উৎসন্ন হয় । ১০ ।

শুকদেব কহিয়াছেন,

ধর্মব্যতিক্রমো দৃষ্ট ঈশ্বরানাঞ্চ সাহসম্ ।

তেজীয়সাং ন দোষায় বহ্নেঃ সর্বভুজো যথা ॥ ৩৩। ৩০ ॥

নৈতৎ সমাচরেজ্জাতু মনসাপি হনীশ্বরঃ ।

বিনশ্যত্যাচরন্ মোঢ্যা দ্যথা ক্রুদ্ধোহন্ধিজং বিষম্ ॥ ৩৩। ৩১ ॥

ঈশ্বরানাং বচঃ সত্যং তথৈবাচরিতং কচিৎ ।

তেষাং যৎ স্ববচোযুক্তং বুদ্ধিমাংস্তদাচরেৎ ॥ ৩৩। ৩২ ॥ (৯)

প্রধান লোকদিগের ধর্মলঙ্ঘন ও অবৈধ আচরণ দেখিতে পাওয়া যায়। সর্বভোজী বহ্নির ন্যায়, তেজীয়ান্ দিগের তাহাতে দোষস্পর্শ হয় না। ৩০। সামান্য লোকে কদাচ মনেও তাদৃশ কর্মের অনুষ্ঠান করিবেক না; সূচতাবশতঃ অনুষ্ঠান করিলে বিনাশ প্রাপ্ত হয়। শিব সমুদ্রোৎপন্ন বিষপান করিয়াছেন; সামান্য লোক বিষপান করিলে বিনাশ অবধারিত। ৩১। প্রধান লোকদিগের উপদেশ মাননীয়, কোনও কোনও স্থলে তাঁহাদের আচারও মাননীয়। তাঁহাদের যে সমস্ত আচার তাঁহাদের উপদেশ বাক্যের অনুযায়ী, বুদ্ধিমান্ ব্যক্তি সেই সকল আচারের অনুসরণ করিবেক। ৩২।

এই দুই শাস্ত্রে স্পষ্ট দৃষ্ট হইতেছে, প্রধান লোকে অবৈধ আচরণে দূষিত হইয়া থাকেন; এজন্য তাঁহাদের আচার মাত্রই সর্বসাধারণ লোকের পক্ষে সদাচার বলিয়া গণনীয় ও অনুকরণীয় নহে; তাঁহারা যে সকল উপদেশ দেন, এবং তাঁহাদের যে সকল আচার তদীয় উপদেশের অবিকল্প, তাহারই অনুসরণ করা উচিত। এজন্য বোধায়ন, একবারে প্রধান লোকের আচরণের অনুকরণ নিষেধ করিয়া, শাস্ত্র-বিহিত কর্মের অনুষ্ঠানেরই বিধি দিয়াছেন। যথা,

অনুরতন্তু যদেবৈর্মুনিভির্ষদনুষ্ঠিতম্ ।

নানুষ্ঠেয়ং মনুষ্যৈস্তদুক্তং কর্ম সমাচরেৎ (১০) ॥

(৯) ভাগবত, দশম স্কন্ধ।

(১০) পরাশরভাষ্যভূত।

দেবগণ ও মুনিগণ যে সকল কৰ্ম করিয়াছেন, মনুষ্যের পক্ষে তাহা করা কৰ্ত্তব্য নহে ; তাহারা শাস্ত্রোক্ত কৰ্মই করিবেক ।

এবং এজন্যই যাজ্ঞবল্ক্য কেবল ঋতি ও স্মৃতির বিধি অনুযায়ী আচারই অনুকরণীয় বলিয়া বিধি প্রদান করিয়াছেন । যথা,

ঋতিস্মৃত্যুদিতং সম্যগ্‌নিত্যমাচারমাচরেৎ । ১।১৫৪।

যে আচার ঋতি ও স্মৃতির বিধি অনুযায়ী, সতত তাহারই সম্যক্ অনুষ্ঠান করিবেক ।

এই সকল ও এতদনুরূপ অন্যান্য শাস্ত্র দেখিলে, উল্লিখিত ভগবদ্বাক্যের অর্থ ও তাৎপর্য্য কি, তাহা, বোধ করি, সামশ্রমী মহাশয়ের “সুগম” হইতে পারে । ভগবদ্বাক্যের অর্থ ও তাৎপর্য্য এই, সাধারণ লোকে প্রধান লোকের দৃষ্টান্তের অনুবর্তী হইয়া সচরাচর চলিয়া থাকে ; তুমি প্রধান, তুমি কৰ্ত্তব্য কৰ্মের অনুষ্ঠান করিলে, সাধারণ লোকে তোমার দৃষ্টান্তের অনুবর্তী হইয়া কৰ্ত্তব্য কৰ্ম করিবেক । অতএব, এই লোকশিক্ষার্থেও তোমার কৰ্ত্তব্য কৰ্ম করা আবশ্যিক, তদ্বিষয়ে বৈমুখ্য অবলম্বন উচিত নহে । নতুবা, প্রধান লোকে যাহা করিবেক, সাধারণ লোকের পক্ষে তাহাই কৰ্ত্তব্য বলিয়া উপদিষ্ট হইয়াছে, ভগবদ্বাক্যের এরূপ অর্থ ও এরূপ তাৎপর্য্য নহে ; সেরূপ হইলে, শাস্ত্রকারেরা প্রদর্শিত প্রকারে প্রধান লোকদিগের ধৰ্ম্মলঙ্ঘন ও অবৈধ আচরণ কীর্ত্তনপূৰ্ব্বক, তদীয় আচরণের অনুকরণ বিষয়ে সৰ্ব্বসাধারণ লোককে সাবধান করিয়া দিতেন না । অতএব, দু্যম্ভু প্রভৃতি প্রধান লোক ; তাহারা শকুন্তলা প্রভৃতির অলৌকিক রূপলাবণ্যদর্শনে মুগ্ধ হইয়া, যদৃচ্ছাক্রমে বহু বিবাহ করিয়াছিলেন ; আমরা সামান্য লোক ; দু্যম্ভু প্রভৃতি প্রধান লোকের দৃষ্টান্তের অনুবর্তী হইয়া যদৃচ্ছাক্রমে বহু বিবাহ করা আমাদের পক্ষে দোষাবহ নহে ; সামশ্রমী মহাশয়ের এই সিদ্ধান্ত শাস্ত্রসিদ্ধ বলিয়া কদাচ পরিগৃহীত হইতে পারে না ।

সামগ্রামী মহাশয়ের চতুর্থ আপত্তি এই ;—

“বহুবিবাহের বিধি অন্বেষণীয় নহে । যখন ইহা আর্য্যাবর্তের প্রায় সকল প্রদেশেই প্রচলিত আছে, শাস্ত্রত নিষিদ্ধ বলিয়া প্রতিপন্ন হইতেছে না, তখন ইহাকে শাস্ত্রসম্মত বলিয়া স্থির-করণার্থ বিশেষশাস্ত্রানুসন্ধানে বা ধীসহকৃত কালব্যয়ে প্রবৃত্ত হওয়া, নিতান্ত নিষ্প্রয়োজন ; তাহার নিষেধ নাই অথচ ব্যবহার আছে, তাহার বিধি অন্বেষণের কোন আবশ্যক নাই । তথাপি বহুবিবাহবিষয়কবিচার এইটি স্তম্ভমাত্র যে একটি শ্রোত প্রমাণ ইচ্ছাৎ স্বগত হইয়াছিল, তাহার উল্লেখ না করিয়া ক্ষান্ত থাকিতে পারি না” (১১) ।

“বহুবিবাহের বিধি অন্বেষণীয় নহে,” কারণ, অন্বেষণে প্রবৃত্ত হইলে কৃতকার্য্য হইবার সম্ভাবনা নাই । “যখন ইহা আর্য্যাবর্তের প্রায় সকল প্রদেশেই প্রচলিত আছে, শাস্ত্রত নিষিদ্ধ বলিয়া প্রতিপন্ন হইতেছে না, তখন ইহাকে শাস্ত্রসম্মত বলিয়া স্থির করণার্থ বিশেষ শাস্ত্রানু-সন্ধানে বা ধীসহকৃত কালব্যয়ে প্রবৃত্ত হওয়া নিতান্ত নিষ্প্রয়োজন ” । বহুবিবাহ “আর্য্যাবর্তের প্রায় সকল প্রদেশেই প্রচলিত আছে”, সামগ্রামী মহাশয়ের এই নির্দেশ অসঙ্গত নহে ; কিন্তু “শাস্ত্রত নিষিদ্ধ বলিয়া প্রতিপন্ন হইতেছে না”, তিনি একপ নির্দেশ করিতে কত দূর সমর্থ, বলিতে পারা যায় না । যিনি ধর্ম্মশাস্ত্রের প্রকৃত প্রস্তাবে অধ্যয়ন, ও সবিশেষ যত্নসহকারে অনুশীলন করিয়াছেন, তাদৃশ ব্যক্তি যথোচিত পরিশ্রম ও বুদ্ধিচালনা পূর্ব্বক, কিছু কাল অনন্যমনা ও অনন্যকর্ম্মা হইয়া অনুসন্ধান করিলে, এতাদৃশ নির্দেশে সমর্থ হইতে পারেন । সামগ্রামী মহাশয় রীতিমত ধর্ম্মশাস্ত্রের অধ্যয়ন ও অনুশীলন করিয়াছেন, অথবা বহুবিবাহ শাস্ত্রসিদ্ধ কি না এতদ্বিষয়ে যথোপযুক্ত অনুসন্ধান করিয়া দেখিয়াছেন, তাহার কোনও নিদর্শন

পাওয়া যাইতেছে না । শাস্ত্রের মধ্যে তিনি তৈত্তিরীয়সংহিতার এক কণ্ডিকা ও মনুসংহিতার চারি বচনের আলোচনা করিয়াছেন ; দুর্ভাগ্যক্রমে, উহাদেরও প্রকৃতরূপ অর্থবোধ ও তাৎপর্যগ্রহ করিতে পারেন নাই ; তৎপরে, দক্ষ প্রজাপতির এক পাত্রে বহুকন্যাদান ও রাজা দ্রুপদেবের ষড়্চ্ছাকৃত বহুবিবাহরূপ প্রমাণপ্রদর্শনার্থে মহাভারতের আদিপর্ব হইতে কতিপয় শ্লোক উদ্ধৃত করিয়াছেন । অতএব, যিনি যত বড় পণ্ডিত বা পণ্ডিতাভিমानी হউন, তাঁহার, এতন্মাত্র শাস্ত্র অবলম্বনপূর্বক, বহুবিবাহ “শাস্ত্রত নিষিদ্ধ বলিয়া প্রতিপন্ন হইতেছে না”, এরূপ নির্দেশ করিবার অধিকার নাই । আর, ষড়্চ্ছাপ্রবৃত্ত বহুবিবাহ “শাস্ত্রসম্মত বলিয়া স্থিরকরণার্থ বিশেষ শাস্ত্রানুসন্ধানে বা ধীমহকৃত কালব্যয়ে প্রবৃত্ত হওয়া নিতান্ত নিপ্পয়োজন” ; এ স্থলে বক্তব্য এই যে, আমার বিবেচনাতেও তাহা নিতান্ত নিপ্পয়োজন ; কারণ, ষড়্চ্ছাপ্রবৃত্ত বহুবিবাহ শাস্ত্রসম্মত বলিয়া স্থিরীকরণার্থ শাস্ত্রানুসন্ধানে প্রবৃত্ত হইয়া, সমস্ত বুদ্ধিব্যয় ও সমস্ত জীবনক্ষয় করিলেও, তদ্বিষয়ে কৃতকার্য্য হইবার সম্ভাবনা নাই । বাহা হউক, এক্ষণে তাঁহার অবলম্বিত বেদবাক্য উল্লিখিত হইতেছে ।

যদেকস্মিন্ যুগে দ্বৈ রশনে পরিব্যয়তি

তস্মাদেকো দ্বৈ জায়ে বিন্দতে ।

যন্নৈকাং রশনাং দ্বয়োৰূপয়োঃ পরিব্যয়তি

তস্মান্নৈকা দ্বৌ পতী বিন্দতে (১২) ॥

যেমন এক যুগে দুই রজ্জু বেঁটন করা যায়, সেইরূপ, এক পুরুষ দুই স্ত্রী বিবাহ করিতে পারে । যেমন এক রজ্জু দুই যুগে বেঁটন করা যায় না, সেইরূপ এক স্ত্রী দুই পুরুষ বিবাহ করিতে পারে না ।

এই বেদবাক্য দ্বারা ইহাই প্রতিপন্ন হইতেছে, আবশ্যক হইলে পুরুষ, পূর্বপরিণীতা স্ত্রীর জীবদ্দশায়, পুনরায় দারপরিগ্রহ করিতে

(১২) তৈত্তিরীয়সংহিতা, ৬ কাণ্ড, ৬ প্রপাঠক, পঞ্চম অনুবাক, ৩ কণ্ডিকা ।

পারে ; স্ত্রীলোক, পতি বিদ্যমান থাকিলে, আর বিবাহ করিতে পারে না ; নতুবা, যদুচ্ছাপ্রবৃত্ত বহুবিবাহকাণ্ডের শাস্ত্রীয়তা প্রতিপন্ন হওয়া সম্ভব নহে । কিন্তু সামগ্রামী মহাশয় লিখিয়াছেন,

“এ স্থলে যে দৃষ্টান্তে জায়াস্বয়ং লাভ করিতে পারা যায়, ঐ দৃষ্টান্তে সমর্থ হইলে শত শত জায়াও লাভ করা যায় ; সুতরাং ঐ দ্বিত্ব সংখ্যা বহুত্বের উপলক্ষণমাত্র” (১৩) ।

এই মীমাংসাবাক্যের অর্থগ্রহ সহজ ব্যাপার নহে । বাহা হউক, বেদ দ্বারা যদুচ্ছাপ্রবৃত্ত বহুবিবাহকাণ্ডের সমর্থন হওয়া সম্ভব কি না, তাহা তর্কবাচস্পতিপ্রকরণে সবিস্তর আলোচিত হইয়াছে (১৪) ; এ স্থলে আর তাহার আলোচনা করা নিষ্পয়োজন । উল্লিখিত বেদবাক্য অবলম্বনপূর্বক, যে ব্যবস্থা স্থিরীকৃত হইয়াছে, তৎসমর্থনार्থ, সামগ্রামী মহাশয় মহাভারতের কতিপয় শ্লোক উদ্ধৃত করিয়াছেন । তাহার লিখন এই ;—

“এই স্থলে মহাভারতের আদিপর্বাস্তর্গত বৈবাহিক পর্বের কতিপয় শ্লোক উদ্ধৃত করিতেছি এতদ্ব্যক্টে বহুবিবাহপ্রথা কত দূর সুপ্রচলিত ও শাস্ত্রসম্মত কি শাস্ত্রবিরুদ্ধ ? তাহা স্পষ্টই প্রতিপন্ন হইবে ।

যুধিষ্ঠির উবাচ ।

“সর্বেষাং মহিষী রাজন্ ! দ্রৌপদী নো ভবিষ্যতি ।

“এবং প্রবাহতং পূর্বং মম যাত্রা বিশাম্পতে ! ॥১৬।৯।২২॥

“অহঙ্গাপ্যনিবিষ্টো বৈ ভীমসেনশ্চ পাণ্ডবঃ (১৫) ।

(১৩) বহুবিবাহবিচারসমালোচনা, ১৬ পৃষ্ঠা ।

(১৪) এই পুস্তকের ১০০ পৃষ্ঠা হইতে ১০৮ পৃষ্ঠা পর্য্যন্ত দেখ ।

(১৫) “অহঙ্গাপ্যনিবিষ্টো বৈ ভীমসেনশ্চ পাণ্ডবঃ ” ।

সামগ্রামী মহাশয় এই শ্লোকটির নিম্নলিখিত অর্থ লিখিয়াছেন ;

“আমিও ইহাতে নিবিষ্ট নহি, পাণ্ডুপুত্র ভীমসেনও নিবিষ্ট নহেন” ।

হয়, তাহা হইলে ঐ সর্বপরিণয়, যথাসম্ভব, শাস্ত্রোক্ত নিষিদ্ধ বশতঃ ঘটয়াছিল, তাহার সন্দেহ নাই। পূর্বপরিণীতা সর্বপরিণয় জীবদ্দশায়, শাস্ত্রোক্ত নিষিদ্ধ ব্যতিরেকে, বদ্ব্যক্রেমে সর্বপরিণয়ই শাস্ত্রানুসারে নিষিদ্ধ কর্য। তর্কবাচস্পতিপ্রকরণের তৃতীয় পরিচ্ছেদে এই বিষয় সবিশেষ আলোচিত হইয়াছে (২২); এ স্থলে আর আলোচনার প্রয়োজন নাই।

পরিশেষে, সাবশ্রমী মহাশয় স্বরূপ বিচারের

“ বহুবিবাহ শাস্ত্রনিষিদ্ধ নহে ! নহে ! নহে ! ”

এই সারসংগ্রহ প্রচার করিয়াছেন। এ বিষয়ে বক্তব্য এই যে, তিনি নানা শাস্ত্রে অদ্বিতীয় পণ্ডিত হইতে পারেন ; কিন্তু, বহুবিবাহবিচার-সমালোচনায় যত দূর পরিচয় পাওয়া গিয়াছে, তাহাতে এরূপ দৃঢ় বাক্যে এরূপ উদ্ধত নির্দেশ করিতে পারেন, ধর্মশাস্ত্রে তাঁহার তাদৃশ অধিকার নাই।

---

(২২) এই পুস্তকের ১৩ পৃষ্ঠা হইতে ১০০ পৃষ্ঠা পর্যন্ত দেখ।

## কবিরত্ন প্রকরণ

মুরশিদাবাদনিবাসী শ্রীযুত গঙ্গাধর রায় কবিরাজ কবিরত্ন  
বহুবিবাহবিষয়ে যে পুস্তক প্রচার করিয়াছেন, তাহার নাম “বহুবিবাহ-  
রাহিত্যারাহিত্যনির্ণয়”। বহুদূর প্রবৃত্ত বহুবিবাহকাণ্ড শাস্ত্রবহির্ভূত  
ব্যবহার বলিয়া, আমি যে ব্যবস্থা প্রচার করিয়াছিলাম, তদর্শনে  
নিতান্ত্র অসহিষ্ণু হইয়া, কবিরত্ন মহাশয় তাদৃশ বিবাহব্যবহারের  
শাস্ত্রীয়তা সংস্থাপনে প্রবৃত্ত হইয়াছেন। যিনি যে বিষয়ের ব্যবসায়ী  
নহেন, সে বিষয়ে হস্তক্ষেপ করিলে, তাঁহার সেরূপ কৃতকার্য হওয়া  
সম্ভব, তাহা অনায়াসে অনুমান করিতে পারা যায়। কবিরত্ন মহাশয়  
ধর্মশাস্ত্রব্যবসায়ী নহেন; সুতরাং, ধর্মশাস্ত্রের মীমাংসায় বদ্ধপরিকর  
হইয়া, তিনি কিরূপ কৃতকার্য হইয়াছেন; তাহা অনুমান করা দুর্বল  
ব্যাপার নহে। অনেকেই মনে করেন, ধর্মশাস্ত্র অতি সরল শাস্ত্র;  
বিশিষ্টরূপ অনুশীলন না করিলেও, ধর্মশাস্ত্রের মীমাংসা করা কঠিন  
কর্ম নহে। এই সংস্কারের বশবর্তী হইয়া, তাঁহারা, উপলক্ষ উপস্থিত  
হইলেই, ধর্মশাস্ত্রের বিচারে ও মীমাংসায় প্রবৃত্ত হইয়া থাকেন।  
কিন্তু, সেরূপ সংস্কার নিরবচ্ছিন্ন আশ্রিত্য। ধর্মশাস্ত্র বহুবিস্তৃত  
ও অতি দুর্বল শাস্ত্র। যাহারা অবিশ্রামে ব্যবসায় করিয়া জীবনকাল  
অতিবাহিত করিয়াছেন, তাঁহারাও ধর্মশাস্ত্র বিষয়ে পারদর্শী নহেন,  
এরূপ নির্দেশ করিলে, বোধ করি, অসঙ্গত বলা হয় না। এমন স্থলে,  
কেবল বিদ্যাবলে ও বুদ্ধিকৌশলে, ধর্মশাস্ত্রবিচারে প্রবৃত্ত হইয়া,  
সম্যক কৃতকার্য হওয়া কোনও মতে সম্ভাবিত নহে। শ্রীযুত তারানাথ  
তর্কবাচস্পতি ও শ্রীযুত গঙ্গাধর কবিরত্ন এ বিষয়ের উৎকৃষ্ট দৃষ্টান্ত

শূল । উভয়েই প্রাচীন, উভয়েই বহুদর্শী, উভয়েই বিদ্যাবিশারদ বলিয়া বিখ্যাত ; উভয়েই যদৃচ্ছাপ্রবৃত্ত বহুবিবাহব্যবহারের শাস্ত্রীয়তা সংস্থাপনে প্রবৃত্ত হইয়াছেন ; কিন্তু, আক্ষেপের বিষয় এই, উভয়েই ধর্মশাস্ত্রব্যবসায়ী নহেন ; এজন্য, উভয়েই ধর্মশাস্ত্রবিষয়ে অনভিজ্ঞতার পরা কাষ্ঠা প্রদর্শন করিয়াছেন । যাহা হউক, যদৃচ্ছাপ্রবৃত্ত বহুবিবাহ-কাণ্ড শাস্ত্রবহির্ভূত ব্যবহার, এই ব্যবস্থা বিষয়ে কবিরত্ন মহাশয় যে সকল আপত্তি উত্থাপন করিয়াছেন, তাহা ক্রমে আলোচিত হইতেছে ।

কবিরত্ন মহাশয়ের প্রথম আপত্তি এই ;—

“মহাদিবচন নিদর্শন করিয়া বহুবিবাহ রহিত করা লিখিয়াছেন ; তাহাতে যদিপি শাস্ত্রাবলম্বন করিতে হয়, তবে শাস্ত্রের যথার্থ ব্যাখ্যা করিয়া ব্যবস্থা দিতে হয় । শাস্ত্রার্থ গোপন করিয়া ভ্রান্তিতেই বা অন্যথা ব্যাখ্যা করিয়া ব্যবস্থা দেওয়া উচিত নহে, পাপ হয় । মহাদিবচন যে নিদর্শন দেখাইয়াছেন, তাহার ব্যাখ্যা যথার্থ বোধ হইতেছে না ।

যনুবচন যথা,

গুরুণামুমতঃ স্নাত্বা সমাবর্ত্তো যথাবিধি ।

উদ্বাহেত দ্বিজো ভার্য্যাং সর্বণাং লক্ষণান্বিতাম্ ॥

এই বচনে ব্রাহ্মচর্য্যানন্তর ব্রাহ্মণাদি দ্বিজ গুরু অনুমতিক্রমে অবতুথ স্নান করিয়া বিধিক্রমে সমাবর্ত্তন করিয়া সুলক্ষণা সর্বণ কন্যা বিবাহ করিবে । সর্বণাং লক্ষণান্বিতা এই দুই শব্দ প্রশস্তাভিপ্রায়, নতুবা হীনলক্ষণা কন্যার বিবাহ সম্ভব হয় না । তাহাই পরে বলিয়াছেন এবং পরবচনে প্রশস্তাশব্দ সার্থক হয় না ।

তদ্বচনং যথা

সর্বণাং দ্বিজাতীনাং প্রশস্তা দারকর্ম্মণি ।

কামতন্তু প্রবর্ত্তানামিমাঃ স্যুঃ ক্রমশোবরাঃ ॥

শূদ্রেব ভাৰ্য্যা শূদ্রেস্ত সা চ স্বা চ বিশঃ স্মৃতে ।

তে চ স্বাচৈব রাজ্ঞশ্চ তাশ্চ স্বাচাণৈজন্মনঃ ॥

এই বচনদ্বয়ের ব্যাখ্যা করিয়াছেন, দ্বিজাতির পক্ষে অণ্ডে সৰ্বণবিবাহই বিহিত বিবাহই এই অবধারণ ব্যাখ্যায় অসৰ্বণ-বিবাহ অণ্ডে বিধি নহে । যদি এই অর্থ হয়, তবে প্রশস্তা শব্দো-পাদানের প্রয়োজন কি । সৰ্বণেব দ্বিজাতীনাং অণ্ডে স্মারককৰ্ম্মণি, এই পাঠে তদর্থ সিদ্ধি হয় । অতএব ও অর্থ যথার্থ নহে । যথার্থ ব্যাখ্যা এই, দ্বিজাতীনাং দারকৰ্ম্মণি সৰ্বণা স্ত্রী প্রশস্তা স্মাৎ অসৰ্বণা তু অণ্ডে দারকৰ্ম্মণি অপ্ৰশস্তা ন তু প্রতিষিদ্ধা দ্বিজা-তীনাং সৰ্বণাসৰ্বণবিবাহস্ত সামান্যতো বিধেৰ্বক্ষ্যমাণত্বাৎ । ব্রাহ্মণ ক্ষত্রিয়বৈশ্যের ব্রহ্মচর্যাশ্রমানস্তর গার্হস্থ্যশ্রমকরণে প্রথমতঃ সৰ্বণা কন্যা বিবাহে প্রশস্তা, অসৰ্বণা কন্যা অপ্ৰশস্তা কিন্তু নিষিদ্ধা নহে ; যে হেতু সৰ্বণাসৰ্বণে সামান্যতো বিবাহবিধান আছে ; প্রশস্তা-পদগ্রহণে এই অর্থ ও তাৎপৰ্য্য জানাইয়াছেন (১) ।

ধৰ্ম্মশাস্ত্রব্যবসায়ী হইলে, কবিরত্ন মহাশয়, এবং বিধি অসঙ্গত আশ্ফালন পূৰ্ব্বক, ঈদৃশ অদৃষ্টচর ও অশ্রুতপূৰ্ব্ব ব্যবস্থা প্রচার করিতেন, এরূপ বোধ হয় না । ধৰ্ম্মশাস্ত্রে দৃষ্টি নাই, বহুদর্শন নাই ; স্মৃতরাং, মনুবচনের অর্থবোধ ও তাৎপৰ্য্যগ্রহ করিতে পারেন নাই ; এজন্যই তিনি, আমার অবলম্বিত চিরপ্রচলিত যথার্থ ব্যাখ্যাকে অযথার্থ ব্যাখ্যা বলিয়া, অবলীলাক্রমে নির্দেশ করিয়াছেন ।

সৰ্বণাণ্ডে দ্বিজাতীনাং প্রশস্তা দারকৰ্ম্মণি ।

দ্বিজাতিদিগের প্রথম বিবাহে সৰ্বণা কন্যা প্রশস্তা ।

এই মনুবচনে প্রশস্তাপদ প্রযুক্ত আছে । প্রশস্তশব্দ অনেক স্থলে “উৎকৃষ্ট” এই অর্থে ব্যবহৃত হইয়া থাকে ; এই অর্থকেই ঐ শব্দের একমাত্র অর্থ স্থির করিয়া, কবিরত্ন মহাশয় ব্যবস্থা করিয়াছেন, যখন

দ্বিজাতিদিগের প্রথম বিবাহে সর্বণা কন্যা প্রশস্তা বলিয়া নির্দেশ আছে, তখন অসর্বণা কন্যা অপ্রশস্তা, নিষিদ্ধা নহে । কিন্তু, এই ব্যবস্থা মনুবচনের অর্থ দ্বারাও সমর্থিত নহে, এবং অন্যান্য ঋষিবাক্যেরও সম্পূর্ণ বিরুদ্ধ । মনুবচনের অর্থ এই, “ দ্বিজাতিদিগের প্রথম বিবাহে সর্বণা কন্যা প্রশস্তা অর্থাৎ বিহিতা ” । সর্বণা কন্যার বিধান দ্বারা অসর্বণা কন্যার নিষেধ অর্থবশতঃ সিদ্ধ হইতেছে । প্রশস্তশব্দের এই অর্থ অসিদ্ধ বা অপ্রসিদ্ধ নহে ;

অসপিণ্ডা চ যা মাতুরসগোত্রা চ যা পিতৃঃ ।

সা প্রশস্তা দ্বিজাতিনাং দারকর্ম্মণি মৈথুনে ॥ ৩।৫।

যে কন্যা মাতা ও পিতার অসপিণ্ডা ও অসগোত্রা, তাদৃশী কন্যা দ্বিজাতিদিগের বিবাহে প্রশস্তা ।

এই মনুবচনে অসপিণ্ডা ও অসগোত্রা কন্যা বিবাহে প্রশস্তা বলিয়া নির্দেশ আছে । এ স্থলে, প্রশস্তাপদের অর্থ বিহিতা ; অর্থাৎ অসপিণ্ডা ও অসগোত্রা কন্যা বিবাহে বিহিতা । এই বিধান দ্বারা সপিণ্ডা ও সগোত্রা কন্যার বিবাহনিষেধ অর্থবশতঃ সিদ্ধ হইয়া থাকে । কিন্তু কবিরত্ন মহাশয়ের মতানুসারে, এই ব্যবস্থা হইতে পারে, যখন অসপিণ্ডা ও অসগোত্রা কন্যা বিবাহে প্রশস্তা বলিয়া নির্দেশ আছে, তখন সপিণ্ডা ও সগোত্রা কন্যা বিবাহে অপ্রশস্তা, নিষিদ্ধা নহে ; অর্থাৎ সপিণ্ডা ও সগোত্রা কন্যা বিবাহে দোষ নাই । এরূপ ব্যবস্থা যে কোনও ক্রমে শ্রদ্ধের নহে, ইহা বলা বাহুল্যমাত্র ।

কিঞ্চ, প্রথম বিবাহে অসর্বণানিষেধ কেবল অর্থবশতঃ সিদ্ধ নহে ; শাস্ত্রে তাদৃশ বিবাহের প্রত্যক্ষ নিষেধও লক্ষিত হইতেছে । যথা,

ক্ষত্রবিট্শূদ্রকন্যাস্তু ন বিবাহা দ্বিজাতিভিঃ ।

বিবাহা ব্রাহ্মণী পশ্চাদ্বিবাহাঃ কচিদেব তু (২) ॥

দ্বিতীয়া কস্ত্রিয় বৈশ্য শূদ্রকন্যা বিবাহ করিবেক না ; তাহার ব্রাহ্মণী অর্থাৎ সর্বণা বিবাহ করিবেক ; পশ্চাৎ, অর্থাৎ অগ্রে সর্বণা বিবাহ করিয়া, স্থলবিশেষে কস্ত্রিয়াদি কন্যা বিবাহ করিতে পারিবেক ।

দেখ, এ স্থলে অগ্রে সর্বণাবিবাহবিধি ও অসর্বণাবিবাহনিষেধ স্পষ্টা-  
করে প্রতিপাদিত হইয়াছে । আর,

অলাভে কন্যায়াঃ স্নাতকব্রতং চরেৎ অপিবা কস্ত্রি-  
য়ায়াং পুত্রমুৎপাদয়েৎ বৈশ্যায়াং বা শূদ্রায়াঞ্চে-  
ত্যেকে (৩) ।

সজাতীয়া কন্যার অপ্রাপ্তি ঘটিলে, স্নাতকব্রতের অনুষ্ঠান অথবা  
কস্ত্রিয়া বা বৈশ্যকন্যা বিবাহ করিবেক । কেহ কেহ শূদ্রকন্যাবিবা-  
হেরও অনুমতি দিয়া থাকেন ।

এই শাস্ত্রে সজাতীয়া কন্যার অপ্রাপ্তিস্থলে কস্ত্রিয়াদিকন্যাবিবাহ  
বিহিত হওয়াতে, সজাতীয়া কন্যার প্রাপ্তি সম্ভবিলে প্রথমে অসর্বণা-  
বিবাহনিষেধ নিঃসংশয়ে প্রতিপন্ন হইতেছে । এজন্যই নন্দপণ্ডিত,

অথ ব্রাহ্মণস্য বর্ণানুক্রমেণ চতস্রো ভার্ঘ্যা ভবন্তি । ২৪।১।

বর্ণানুক্রমে ব্রাহ্মণের চারি ভার্ঘ্যা হইয়া থাকে ।

এই বিষ্ণুবচনের ব্যাখ্যাস্থলে লিখিয়াছেন,

“তেন ব্রাহ্মণস্য ব্রাহ্মণীবিবাহঃ প্রথমং ততঃ কস্ত্রি-  
য়াদিবিবাহঃ অন্যথা রাজন্যাপুৰীয়াদিনিমিত্তপ্রায়-  
শ্চিত্তপ্রসঙ্গঃ” (৪) ।

অতএব, ব্রাহ্মণের ব্রাহ্মণীবিবাহ প্রথম কর্তব্য ; তৎপরে কস্ত্রিয়াদি  
কন্যাবিবাহ ; নতুবা, রাজন্যাপুৰীপ্রভৃতিনিমিত্ত প্রায়শ্চিত্ত ঘটে ।

(৩) পরাশরভাষ্য ও বীরমিহোদয়ধৃত টীপসমিবচন ।

(৪) কেশববৈজয়ন্তী ।

রাজন্যাপূর্বাশ্রয়িত্ব নিমিত্ত প্রারম্ভিত এই,

ব্রাহ্মণো রাজন্যাপূর্বা দ্বাদশরাত্রং চরিত্বা নির্বিশেষে  
তাক্ষৈবোপগচ্ছেৎ বৈশ্যাপূর্বা তপ্তকৃচ্ছুং শূদ্রাপূর্বা  
কৃচ্ছাতিকৃচ্ছুম্ (৫) ।

যে ব্রাহ্মণ রাজন্যাপূর্বা অর্থাৎ প্রথমে ক্ষত্রিয়কন্যা বিবাহ করে,  
সে দ্বাদশরাত্ররূপ প্রারম্ভিত করিয়া, সর্বণীর পাণিগ্রহণপূর্বক,  
তাহারই সহিত সহবাস করিবেক ; বৈশ্যাপূর্বা হইলে অর্থাৎ প্রথমে  
বৈশ্যকন্যা বিবাহ করিলে তপ্তকৃচ্ছু, শূদ্রাপূর্বা হইলে অর্থাৎ  
প্রথমে শূদ্রকন্যা বিবাহ করিলে কৃচ্ছাতিকৃচ্ছু প্রারম্ভিত করিবেক ।

দেখ, প্রথমে অসবর্ণা বিবাহ করিলে, শাস্ত্রকারেরা, প্রারম্ভিত করিয়া  
পুনর্বার সর্বণাবিবাহ ও সর্বণারই সহিত সহবাস করিবার স্পষ্ট বিধি  
দিয়াছেন । অতএব, প্রথমে অসবর্ণাবিবাহ অপ্রশস্ত, নিষিদ্ধ নহে ;  
কবিরত্ন মহাশয়ের এই ব্যবস্থা কোনও অংশে শাস্ত্রানুমত বা ত্রায়ানু-  
গত বলিয়া পরিগৃহীত হইতে পারে না ।

দ্বিজাতিদিগের পক্ষে প্রথমে অসবর্ণাবিবাহ অপ্রশস্ত, নিষিদ্ধ  
নহে ; এই ব্যবস্থা প্রদান করিয়া, দৃষ্টান্ত দ্বারা উহার সমর্থন করিবার  
নিমিত্ত, কবিরত্ন মহাশয় কহিতেছেন,

“উদাহরণও আছে । অগস্ত্য মুনি জনকদুহিতা লোপামুদ্রাকে  
প্রথমেই বিবাহ করেন ; ঋষাশ্রদ্ধ মুনি দশরথের ঔরস কন্যা  
প্রথমেই বিবাহ করেন । যদি অবিধি হইত তবে বেদবহির্ভূত কর্ম  
মহর্ষিরা করিতেন না । এবং জৈগীষব্য ঋষি হিমালয়ের একপর্ণা  
নামে কন্যা প্রথমেই বিবাহ করেন । দেবল ঋষি দ্বিপর্ণা নামে  
কন্যাকে বিবাহ করেন । হিমালয় পর্বত ব্রাহ্মণ নহে । অতএব  
অসবর্ণা প্রথম বিবাহে প্রশস্তা নহে নিষিদ্ধাও নহে । ক্ষত্রিয়-

(৫) প্রারম্ভিতবিবেকধৃত শাতাভপবচন ।

জাতিও প্রথমে অসবর্ণবিবাহ করিয়াছেন । যযাতি রাজা শুক্রেয় কন্যা দেবজানীকে বিবাহ করেন ” (৬) ।

এ বিষয়ে বক্তব্য এই যে, যখন শাস্ত্রে স্পষ্ট ও প্রত্যক্ষ নিষেধ দৃষ্ট হইতেছে, তখন কোনও কোনও মহর্ষি প্রথমে অসবর্ণ বিবাহ করিয়াছিলেন, অতএব তাদৃশ বিবাহ নিষিদ্ধ নহে, এরূপ অনুমানসিদ্ধ ব্যবস্থা গ্রাহ্য হইতে পারে না । সে যাহা হউক, কবিরত্ন মহাশয়ের উল্লিখিত একটি উদাহরণ দেখিয়া, আমি চমৎকৃত হইয়াছি । সেই উদাহরণ এই ; “ যযাতি রাজা শুক্রেয় কন্যা দেবজানীকে বিবাহ করেন ” । যযাতি রাজা ক্ষত্রিয়, শুক্রাচার্য্য ব্রাহ্মণ ; যযাতি ক্ষত্রিয় হইয়া ব্রাহ্মণকন্যা বিবাহ করিয়াছিলেন । কি আশ্চর্য্য ! কবিরত্ন মহাশয়ের মতে এ বিবাহও নিষিদ্ধ ও অবৈধ নহে । ইহা, বোধ করি, এ দেশের সর্বসাধারণ লোকে অবগত আছেন, বিবাহ দ্বিবিধ অনুলোম বিবাহ ও প্রতিলোম বিবাহ । উৎকৃষ্ট বর্ণ নিকৃষ্ট বর্ণের কন্যা বিবাহ করিলে ঐ বিবাহকে অনুলোম বিবাহ, আর, নিকৃষ্ট বর্ণ উৎকৃষ্ট বর্ণের কন্যা বিবাহ করিলে ঐ বিবাহকে প্রতিলোম বিবাহ বলে । স্থল-বিশেষে অনুলোম বিবাহ শাস্ত্রবিহিত ; সকল স্থলেই প্রতিলোম বিবাহ সর্বতোভাবে শাস্ত্রনিষিদ্ধ ।

১ । নারদ কহিয়াছেন,

আনুলোম্যেন বর্ণানাং যজ্জন্ম স বিধিঃ স্মৃতঃ ।

প্রাতিলোম্যেন যজ্জন্ম স জ্ঞেয়ো বর্ণসঙ্করঃ (৭) ॥

ব্রাহ্মণাদিবর্ণের অনুলোমক্রমে যে জন্ম, তাহাই বিধি বলিয়া পরিগণিত ; প্রতিলোমক্রমে যে জন্ম তাহাকে বর্ণসঙ্কর বলে ।

২ । ব্যাস কহিয়াছেন,

(৬) বহুবিবাহরাহিত্যরাহিত্যনির্ণয়, ১০ পৃষ্ঠা ।

(৭) নারদসংহিতা, দ্বাদশ বিবাদপদ ।

অধমাদৃতমায়ান্তু জাতঃ শূদ্রাধমঃ স্মৃতঃ (৮) ।

নিকৃষ্ট বর্ণ হইতে উৎকৃষ্টবর্ণীর গর্ভজাত সন্তান শূদ্র অপেক্ষাও অধম ।

৩ । বিষ্ণু কহিয়াছেন,

সমানবর্ণাসু পুত্রাঃ সমানবর্ণা ভবন্তি । ১৬ । ১ ।

অনুলোমাসু মাতৃবর্ণাঃ । ১৬ । ২ ।

প্রতিলোমাসু আৰ্য্যবিগর্হিতাঃ । ১৬ । ৩ । (৯)

সবর্ণগর্ভজাত পুত্রেরা সবর্ণ অর্থাৎ পিতৃজাতি প্রাপ্ত হয় । ১ । অনুলোমবিধানে অসবর্ণগর্ভজাত পুত্রেরা মাতৃবর্ণ অর্থাৎ মাতৃজাতি প্রাপ্ত হয় । ২ । প্রতিলোমবিধানে অসবর্ণগর্ভজাত পুত্রেরা আৰ্য্যবিগর্হিত অর্থাৎ ভদ্র সমাজে হয় হয় ।

৪ । গৌতম কহিয়াছেন,

প্রতিলোমাস্তু ধর্মহীনাঃ (১০) ।

প্রতিলোমজেরা ধর্মহীন, অর্থাৎ ক্রতিবিহিত ও স্মৃতিবিহিত ধর্মে অনধিকারী ।

৫ । দেবল কহিয়াছেন,

তেষাং সবর্ণজাঃ শ্রেষ্ঠান্তেভ্যোহনুগনুলোমজাঃ ।

অন্তুরালা বহির্বর্ণাঃ প্রথিতাঃ প্রতিলোমজাঃ (১১) ॥

নানাবিধ পুত্রের মধ্যে সবর্ণজেরা শ্রেষ্ঠ ; অনুলোমজেরা সবর্ণজ অপেক্ষা নিকৃষ্ট, তাহার। অন্তুরাল অর্থাৎ পিতৃবর্ণ ও মাতৃবর্ণের মধ্যবর্তী ; আর প্রতিলোমজেরা বহির্বর্ণ অর্থাৎ বর্ণধর্মবহিষ্কৃত বলিয়া পরিগণিত ।

(৮) ব্যাসসংহিতা, প্রথম অধ্যায় ।

(৯) বিষ্ণুসংহিতা ।

(১০) গৌতমসংহিতা, চতুর্থ অধ্যায় ।

(১১) পরাশরভাষ্য দ্বিতীয় অধ্যায়ধৃত ।

৪ । মাধবাচার্য্য কহিয়াছেন,

প্রতিলোমজাস্তু বর্ণবাহুত্বাৎ পতিতা অধমাঃ (১২) ।

প্রতিলোমজেরা বর্ণধর্ম্মবহিষ্কৃত, অতএব পতিত ও অধম ।

৭ । জীমূতবাহন কহিয়াছেন,

প্রতিলোমপরিণয়নং সর্ব্বথৈব ন কার্য্যম্ (১৩) ।

প্রতিলোমবিবাহ কদাচ পরিবেক না ।

দেখ, নারদপ্রভৃতি প্রতিলোম বিবাহকে স্পষ্টাক্ষরে অবৈধ বলিয়া নির্দেশ করিয়াছেন । কবিরত্ন মহাশয়ের উদাহৃত যযাতিদেবজানীবিবাহ প্রতিলোম বিবাহ হইতেছে । প্রতিলোম বিবাহ যে সর্ব্বতোভাবে শাস্ত্রবিগর্হিত ও ধর্ম্মবহির্ভূত কর্ম্ম, কবিরত্ন মহাশয়ের সে বোধ নাই ; এজন্য তিনি, “ ক্ষত্রিয়জাতিও প্রথম অসবর্ণা বিবাহ করিয়াছেন ”, এই ব্যবস্থা নির্দেশ করিয়া, তাহার প্রামাণ্যার্থে যযাতিদেবজানী-বিবাহ উদাহরণস্থলে বিদ্যুস্ত করিয়াছেন ।

কবিরত্ন মহাশয়, ঋষিদিগের প্রাথমিক অসবর্ণা বিবাহের কতিপয় উদাহরণ প্রদর্শন করিয়া, লিখিয়াছেন, “ যদি অবিধি হইত তবে বেদবহির্ভূত কর্ম্ম মহর্ষিরা করিতেন না ” । ইহার তাৎপর্য্য এই, মহর্ষিরা শাস্ত্রপারদর্শী ও পরম ধার্ম্মিক ছিলেন ; সুতরাং, তাঁহারা অবৈধ আচরণে প্রবৃত্ত হইবেন, ইহা সম্ভব নহে । যখন, তাঁহারা প্রথমে অসবর্ণা বিবাহ করিয়াছেন, তখন তাহা কোনও ক্রমে অবৈধ নহে । এ বিষয়ে ব্যক্তব্য এই যে, মহর্ষিরা বা অন্যান্য মহৎ ব্যক্তির অবিধ কর্ম্ম করিতে পারিতেন না, অথবা করেন নাই, ইহা নিরবচ্ছিন্ন অবোধ ও অনভিজ্ঞের কথা । যখন ধর্ম্মশাস্ত্রে প্রথমে অসবর্ণা বিবাহ

(১২) পরাশরভাষ্য, দ্বিতীয় অধ্যায় ।

(১৩) দায়ভাগ ।

সম্পূর্ণ নিষিদ্ধ দৃষ্ট হইতেছে, এবং যখন প্রতিলোম বিবাহ সর্বতো-  
ভাবে শাস্ত্রবহির্ভূত ও ধর্মবিগর্হিত ব্যবহার বলিয়া পরিগণিত  
হইয়াছে, তখন কোনও কোনও ঋষি প্রথমে অসবর্ণা বিবাহ, অথবা  
কোনও রাজা প্রতিলোম বিবাহ করিয়াছিলেন, অতএব তাহা অবৈধ  
নহে, বাঁহার ধর্মশাস্ত্রে সামান্যরূপ দৃষ্টি ও অধিকার আছে, তাদৃশ  
ব্যক্তিও কদাচ ঈদৃশ অসঙ্গত নির্দেশ করিতে পারেন না।

বোধায়ন কহিয়াছেন,

অনুরতন্তু যদেবৈষু নিভির্ঘদনুষ্ঠিতম্ ।

নানুষ্ঠেয়ং মনুষ্যৈস্তদুক্তং কর্ম সমাচরেৎ (১৪) ॥

দেবগণ ও মুনিগণ যে সকল কর্ম করিয়াছেন, মনুষ্যের পক্ষে  
তাহা করা কর্তব্য নহে ; তাহারা শাস্ত্রোক্ত কর্মই করিবেক ।

ইহা দ্বারা স্পষ্ট প্রতিপন্ন হইতেছে, দেবতারা ও মুনিরা একরূপ অনেক  
কর্ম করিয়াছেন, যে তাহা মনুষ্যের পক্ষে কোনও যতে কর্তব্য নহে ;  
এজন্য মনুষ্যের পক্ষে শাস্ত্রোক্ত কর্মের অনুষ্ঠানই ব্যবস্থাপিত হইয়াছে ।

আপস্তম্ব কহিয়াছেন,

দৃষ্টো ধর্মব্যতিক্রমঃ সাহসঞ্চ মহতাম্ । ২।৬।১৩।৮।

তেষাং তেজোবিশেষেণ প্রত্যবায়ো ন বিদ্যতে । ২।৬।১৩।৯।

তদন্বীক্ষ্য প্রযুক্তানঃ সীদত্যবরঃ । ২।৬।১৩।১০।

মহৎ লোকদিগের ধর্মলঙ্ঘন ও অবৈধ আচরণ দেখিতে পাওয়া  
যায় । তাঁহারা তেজীয়ান্, তাঁহাদের প্রত্যবায় নাই ।  
সাধারণ লোকে, তদ্বর্গনে তদনুবর্তী হইয়া চলিলে, এককালে উৎ-  
সন্ন হয় ।

ইহা দ্বারা স্পষ্ট প্রতিপন্ন হইতেছে, পূর্বকালীন মহৎ লোকে অবৈধ  
আচরণে দূষিত হইতেন । তবে তাঁহারা তেজীয়ান্ ছিলেন, এজন্য

অবৈধাচরণনিবন্ধন প্রত্যবায়গ্রস্ত হইতেন না । এক্ষণে, সকলে বিবেচনা করিয়া দেখুন, “যদি অবিধি হইত তবে বেদবাহিত্ত্ব কৰ্ম্ম মহর্ষিরা করিতেন না”, কবিরত্ন মহাশয়ের এই সিদ্ধান্ত সঙ্গত হইতে পারে কি না । যদি মহর্ষিরা অবৈধ কৰ্ম্মের অনুষ্ঠান না করিতেন, তবে “মুনিগণ যে সকল কৰ্ম্ম করিয়াছেন, মনুষ্যের পক্ষে তাহা করা কর্তব্য নহে”, বোধায়ন নিজে মহর্ষি হইয়া এরূপ নিবেদন করিলেন কেন ; আর, মহর্ষি আপস্তম্বই বা মহৎ লোকের অবৈধ আচরণ নির্দেশপূর্বক, “তদর্শনে তদনুবর্তী হইয়া চলিলে, এককালে উৎসন্ন হয়”, এরূপ দোষকীৰ্ত্তন করিলেন কেন ।

কবিরত্ন মহাশয়ের দ্বিতীয় আপত্তি এই ;—

“তর্হি কিং সৰ্ব্বা অসবর্ণা অগ্রে দারকৰ্ম্মণি তুলাং দ্বিজাतीনাম-  
প্রশস্তা ইত্যত আহ

কামতন্তু প্রবৃত্তানামিমাঃ স্যুঃ ক্রমশোবরাঃ । .

দ্বিজাতির সকল অসবর্ণ প্রথম বিবাহে তুল্য অপ্রশস্তা নহে কিন্তু কামতঃ অর্থাৎ ইচ্ছাক্রমে প্রথম বিবাহে প্রবৃত্ত দ্বিজাতির এই ক্রমে শ্রেষ্ঠ । বৈশ্যের শূদ্রা স্ত্রী অপেক্ষা বৈশ্যা স্ত্রী শ্রেষ্ঠা । ক্ষত্রিয়ের শূদ্রা অপেক্ষা বৈশ্যা বৈশ্যা অপেক্ষা ক্ষত্রিয়া শ্রেষ্ঠা । ব্রাহ্মণের শূদ্রা অপেক্ষা বৈশ্যা বৈশ্যা অপেক্ষা ক্ষত্রিয়া ক্ষত্রিয়া অপেক্ষা ব্রাহ্মণী ভার্য্যা শ্রেষ্ঠা । কামতঃ এই শব্দ প্রয়োগ থাকাতে যে কাম্য বিবাহ এমন নহে” (১৫) ।

কবিরত্ন মহাশয় ধর্মশাস্ত্রব্যবসায়ী নহেন ; সুতরাং মনুবচনের প্রকৃত পাঠ ও প্রকৃত অর্থ অবগত নহেন । জীমূতবাহনপ্রণীত দায়ভাগ, মাধবাচার্য্যপ্রণীত পরাশরভাষ্য, মিত্রমিশ্রপ্রণীত বীর-মিত্রোদয়, বিশ্বেশ্বর ভট্টপ্রণীত মদনপারিজাত প্রভৃতি গ্রন্থে দৃষ্টি

থাকিলে, বচনের প্রকৃত পাঠ জানিতে পারিতেন এবং তাহা হইলে, বচনের প্রকৃত অর্থও অবগত হইতে পারিতেন । মনুবচনের যে ব্যাখ্যা লিখিয়াছেন, তাহা তাঁহার সম্পূর্ণ কপোলকম্পিত ; আর, বচনে “কামতঃ এই শব্দের প্রয়োগ থাকাতে যে কাম্য বিবাহ এমন নহে”, এই যে তাৎপর্য্যব্যাখ্যা করিয়াছেন, তাহাও সম্পূর্ণ কপোলকম্পিত । তর্কবাচস্পতিপ্রকরণের প্রথম পরিচ্ছেদে এই বিষয় সবিস্তর আলোচিত হইয়াছে (১৬) ; ঐ অংশে নেত্রসঞ্চারণ করিলে, কবিরত্ন মহাশয় মনুবচনের প্রকৃত পাঠ ও প্রকৃত অর্থ অবগত হইতে পারিবেন ।

কবিরত্ন মহাশয়ের তৃতীয় আপত্তি এই ;—

“স্বমত স্থাপনার্থে অপর এক অশ্রুত কথা লিখিয়াছেন বিবাহ ত্রিবিধ নিত্য নৈমিত্তিক কাম্য । নিত্য বিবাহ কি প্রকার বুঝিতে পারিলাম না ” (১৭) ।

এ বিষয়ে বলব্য এই যে, ধর্মশাস্ত্রে দৃষ্টি ও অধিকার নাই ; এজন্ত, কবিরত্ন মহাশয় নিত্যবিবাহ কি প্রকার তাহা বুঝিতে পারেন নাই ।

“নিত্যকর্ম্মস্থাপনার্থে যাহা লিখিয়াছেন । যথা

নিত্যং সদা যাবদায়ুর্ন কদাচিদতিক্রমেৎ ।

উপেত্যাতিক্রমে দোষশ্রুতের ত্যাগচোদনাৎ ।

ফলাশ্রুতের্বীপ্সয়া চ তন্নিত্যমিতি কীর্তিতম্ ॥ ইতি

সে সকল নিত্যাদিপদ প্রয়োগও বিবাহবিধানবচনে দেখি না (১৮) ।”

ধর্মশাস্ত্রে দৃষ্টি ও অধিকার থাকিলে, কবিরত্ন মহাশয় দেখিতে পাইতেন, তাঁহার উল্লিখিত কারিকায় নিত্যত্বসাধক যে আটটি হেতু

(১৬) এই পুস্তকের ৯ পৃষ্ঠা হইতে ২৫ পৃষ্ঠা পর্য্যন্ত দেখ ।

(১৭) বহুবিবাহরাহি ত্যাহিত্যনির্ণয়, ১৫ পৃষ্ঠা ।

(১৮) বহুবিবাহরাহিত্যাহিত্যনির্ণয়, ১৫ পৃষ্ঠা ।

নিরূপিত হইয়াছে, তন্মধ্যে কলশ্রুতিবিরহরূপ হেতু যাবতীয় বিবাহ-বিধানবচনে জাজ্বল্যমান রহিয়াছে, (১৯) ।

“তবে দোষশ্রুতি প্রযুক্ত নিত্য বলিবেন, তাহাই দোষ-শ্রবণের বচন দর্শিত হইয়াছে, যথা অনাশ্রমী ন তিষ্ঠেতু দিনমেক-মপি দ্বিজ ইত্যাদি কিন্তু সে বচনে দোষশ্রুতি নাই কারণ সে বচনে প্রায়শ্চিত্তীয়তে এই পদপ্রয়োগ আছে তাহার অর্থ প্রায়শ্চিত্তীবাচরতি প্রায়শ্চিত্তবান্ পুরুষের ন্যায় আচরণ করিতেছেন এ অর্থে প্রায়শ্চিত্তাহ দোষ ঋষি বলেন নাই যদি দোষ হইত তবে প্রায়শ্চিত্তং সমাচরেৎ এই বিধি করিয়া লিখিতেন” (২০) ।

অনাশ্রমী ন তিষ্ঠেতু দিনমেকমপি দ্বিজঃ ।

আশ্রমেণ বিনা তিষ্ঠন্ “প্রায়শ্চিত্তীয়তে” হি সঃ ॥

দ্বিজ অর্থাৎ ব্রাহ্মণ, ক্ষত্রিয়, বৈশ্য এই তিন বর্ণ আশ্রমবিহীন হইয়া এক দিনও থাকিবেক না; বিনা আশ্রমে অবস্থিত হইলে পাতকগ্রস্ত হয় ।

এই দক্ষবচনে যে “প্রায়শ্চিত্তীয়তে” এই পদ আছে, তাহার অর্থ “প্রায়শ্চিত্তাহ দোষভাগী হয়,” অর্থাৎ এ রূপ দোষ জন্মে যে তজ্জন্য প্রায়শ্চিত্ত করা আবশ্যিক । অতএব, উপরি দর্শিত বচনব্যাখ্যাতে ঐ পদের অর্থ “পাতকগ্রস্ত হয়” ইহা লিখিত হইয়াছে । বিনা আশ্রমে অবস্থিত হইলে প্রায়শ্চিত্তাহ দোষভাগী হয়, এ কথা বলাতে, আশ্রমের অনবলম্বনে স্পষ্ট দোষশ্রুতি লক্ষিত হইতেছে; সুতরাং আশ্রমাবলম্বন নিত্য কর্ম । কিন্তু, কবিরত্ন মহাশয়ের মতে “প্রায়-শ্চিত্তীয়তে” এই পদ প্রায়শ্চিত্তাহ দোষবোধক নহে; “প্রায়শ্চিত্তী ইব আচরতি, প্রায়শ্চিত্তবান্ পুরুষের ন্যায় আচরণ করিতেছেন,”

(১৯) এই পুস্তকের ৫৫, ৫৬, ৫৭, ৫৮ পৃষ্ঠা দেখ ।

(২০) বহুবিবাহরাহিত্যাহিত্যনির্ণয়, ১৬ পৃষ্ঠা ।

তাঁহার বিবেচনায় ইহাই “প্রায়শ্চিত্তীয়তে” এই পদের অর্থ ; “প্রায়শ্চিত্তার্থ দোষভাগী হয়” এরূপ অর্থ অভিপ্রেত হইলে, মহর্ষি “প্রায়শ্চিত্তং সমাচরেৎ” “প্রায়শ্চিত্ত করিবেক” এরূপ লিখিতেন ।  
 শুনিতে পাই, তর্কবাচস্পতি মহাশয়ের ন্যায়, কবিরত্ন মহাশয়েরও ব্যাকরণ শাস্ত্রে বিলক্ষণ বিদ্যা আছে ; এজন্য, তাঁহার ন্যায়, ইনিও, ব্যাকরণের সহায়তা লইয়া, ধর্মশাস্ত্রের গ্রীবাভঙ্গে প্রবৃত্ত হইয়াছেন ।  
 প্রথমতঃ, প্রায়শ্চিত্তার্থ দোষভাগী পুরুষের ন্যায় আচরণ করে, এ কথা বলিলে দোষশ্রুতি সিদ্ধ হয় না, এরূপ নহে । যে রূপ কর্ম করিলে প্রায়শ্চিত্ত করিতে হয়, যে ব্যক্তি সে রূপ কর্ম করে, তাহাকে প্রায়শ্চিত্তার্থ দোষভাগী বলে ; কোনও ব্যক্তি এরূপ কর্ম করিয়াছে যে তজ্জন্য সে প্রায়শ্চিত্তার্থ দোষভাগীর তুল্য হইয়াছে ; এরূপ নির্দেশ করিলে, সে ব্যক্তির পক্ষে দোষশ্রুতি সিদ্ধ হয় না, বোধ করি, তাহা কবিরত্ন মহাশয় ভিন্ন অন্যের বুদ্ধিপথে আসিতে পারে না । দ্বিতীয়তঃ, প্রচলিত ব্যাকরণের নিয়মানুবর্তী হইয়া, বিবেচনা করিতে গেলে, যদিই “প্রায়শ্চিত্তীয়তে” এই পদ দ্বারা “প্রায়শ্চিত্তার্থ দোষভাগীর তুল্য” এরূপ অর্থই প্রতিপন্ন হয় হউক ; কিন্তু ঋষিরা, সচরাচর, “প্রায়শ্চিত্তার্থ দোষভাগী হয়” এই অর্থেই এই পদের প্রয়োগ করিয়া গিয়াছেন ; যথা,

১ । অকুর্ষন্ বিহিতং কর্ম নিন্দিতঞ্চ সমাচরন্ ।

প্রসজংশ্চেন্দ্রিয়ার্থেষু প্রায়শ্চিত্তীয়তে নরঃ ॥১১।৪৪। (২১)

বিহিত কর্ম ত্যাগ ও নিষিদ্ধ কর্মের অনুষ্ঠান করিলে, এবং ইন্দ্রিয় সেবায় অতিশয় আসক্ত হইলে, মনুষ্য “প্রায়শ্চিত্তীয়তে” ।

এ স্থলে কবিরত্ন মহাশয় কি “প্রায়শ্চিত্তীয়তে” এই পদের “প্রায়শ্চিত্তার্থ দোষভাগী হয়” এরূপ অর্থ বলিবেন না । যে ব্যক্তি বিহিত

কর্ম ত্যাগ করে ও নিষিদ্ধ কর্মের অনুষ্ঠানে রত হয়, সে প্রায়-  
শ্চিত্তাই দোষভাগী অর্থাৎ তজ্জন্য তাহাকে প্রায়শ্চিত্ত করিতে হয়,  
ইহা, বোধ করি, কবিরত্ন মহাশয়কে অগত্যা স্বীকার করিতে হইতেছে ;  
কারণ, বিহিতবর্জন ও নিষিদ্ধসেবন এই দুই কথাতেই যাবতীয় পাপ-  
জনক কর্ম অন্তর্ভূত রহিয়াছে ।

২ । শূদ্রাং শয়নমারোপ্য ব্রাহ্মণো যাত্যধোগতিম্ ।

প্রায়শ্চিত্তীয়তে চাপি বিধিদৃষ্টেন কর্মণা (২২) ॥

ব্রাহ্মণ শূদ্রা বিবাহ করিয়া অধোগতি প্রাপ্ত হয় ; এবং শাস্ত্রোক্ত  
বিধি অনুসারে, “প্রায়শ্চিত্তীয়তে” ।

৩ । যন্তু পত্ন্যা সমং রাগান্নৈথুনং কামতশ্চরেৎ ।

তদ্ব্রতং তস্য লুপ্যেত প্রায়শ্চিত্তীয়তে দ্বিজঃ (২৩) ॥

যে দ্বিজ, বানপ্রস্থ অবস্থায়, রাগ ও কামবশতঃ স্ত্রীসন্তোগ  
করে, তাহার ব্রতলোপ হয়, সে ব্যক্তি “প্রায়শ্চিত্তীয়তে” ।

এই দুই স্থলেও, বোধ করি, কবিরত্ন মহাশয়কে স্বীকার করিতে  
হইতেছে, “প্রায়শ্চিত্তীয়তে” এই পদ “প্রায়শ্চিত্তাই দোষভাগী হয়,”  
এই অর্থে প্রযুক্ত হইয়াছে । বোধ হয়, ইহাতেও কবিরত্ন মহাশয়ের  
পরিতোষ জন্মিবেক না ; এজন্য, তদর্থে স্পষ্টতর প্রমাণান্তর প্রদর্শিত  
হইতেছে ।

অনাশ্রমী সংবৎসরং প্রাজাপত্যং কৃচ্ছ্রং চরিত্বা  
আশ্রমযুগেয়াং দ্বিতীয়েহতিকৃচ্ছ্রং তৃতীয়ে কৃচ্ছ্রাতি-  
কৃচ্ছ্রম্ অত উর্দ্ধং চান্দ্রায়ণম্ (২৪) ।

(২২) মহাভারত, অনুশাসনপর্ক, ৪৭ অধ্যায় ।

(২৩) পরাশরভাষ্যধৃত কুর্মপুরাণ ।

(২৪) মিতাক্ষরা প্রায়শ্চিত্তাধ্যায়ধৃত হারীতবচন ।

যে ব্যক্তি সংবৎসরকাল আশ্রমবিহীন হইয়া থাকে, সে আশ্রমপত্য  
কৃচ্ছ্র প্রায়শ্চিত্ত করিয়া, আশ্রম অবলম্বন করিবেক ; দ্বিতীয় বৎসরে  
অতি কৃচ্ছ্র, তৃতীয় বৎসরে কৃচ্ছ্রাতিকৃচ্ছ্র, তৎপরে চান্দ্রায়ণ করিবেক ।

এই শাস্ত্রে এক বৎসর, দুই বৎসর, তিন বৎসর, অথবা তদপেক্ষা  
অধিক কাল বিনা আশ্রমে অবস্থিত হইলে, পৃথক্ পৃথক্ প্রায়শ্চিত্ত,  
ও প্রায়শ্চিত্তের পর আশ্রমাবলম্বন, অতি স্পষ্টাক্ষরে ব্যবস্থাপিত  
হইয়াছে ; সুতরাং, আশ্রমবিহীন ব্যক্তি প্রায়শ্চিত্তাহঁ দোষভাগী হয়,  
সে বিষয়ে সংশয় বা আপত্তি করিবার আর পথ থাকিতেছে না ।  
অতএব, যদিও কবিরত্ন মহাশয়ের অধীত ব্যাকরণ অনুসারে অন্যবিধ  
অর্থ প্রতিপন্ন হয় ; কিন্তু, হারীত বচনের সহিত একবাক্যতা করিয়া,  
দক্ষবচনস্থিত “প্রায়শ্চিত্তীয়তে” এই পদের “প্রায়শ্চিত্তাহঁ দোষভাগী  
হয়”, এই অর্থই স্বীকার করিতে হইতেছে । বস্তুতঃ, ঐ পদের ঐ  
অর্থই প্রকৃত অর্থ । বৈয়াকরণকেশরী কবিরত্ন মহাশয়ের ধর্মশাস্ত্রে  
দৃষ্টি নাই, বহুদর্শন নাই, তত্ত্বনির্ণয়ে প্রবৃত্তি নাই, কেবল কুতর্ক  
অবলম্বনপূর্বক প্রস্তাবিত বিষয়ে প্রতিবাদ করাই প্রকৃত উদ্দেশ্য ;  
এই সমস্ত কারণে প্রকৃত অর্থও অপ্রকৃত বলিয়া প্রতীয়মান হইয়াছে ।  
যাহা হউক, এক্ষণে সকলে বিবেচনা করিয়া দেখুন, বিনা আশ্রমে  
অবস্থিত হইলে, পাপস্পর্শ হয় কি না, এবং সেই পাপ বিমোচনার্থে  
প্রায়শ্চিত্ত করা আবশ্যিক কি না ; আর, অপকৃপাত হৃদয়ে বিচার  
করিয়া বলুন, “বিনা আশ্রমে অবস্থিত হইলে প্রায়শ্চিত্তীয়তে”  
এ স্থলে “প্রায়শ্চিত্তাহঁ দোষ ঋষি বলেন নাই”, এই তাৎপর্যব্যাখ্যা  
সম্পূর্ণ অনতিজ্ঞতামূলক, কবিরত্ন মহাশয়ের ইহা স্বীকার করা উচিত  
কি না ।

“এই শাস্ত্রার্থপ্রযুক্ত পূর্ব পূর্ব কালে অনেক ব্রাহ্মণ, ক্ষত্রিয়,  
বৈশ্যেরা সমাবর্তন করিয়াও বিবাহ না করিয়া স্নাতক হইয়া  
থাকিতেন তাহার নিদর্শন পরাশর ও ব্যাস ঋষিশব্দের পিতা

বিবাহ করেন নাই এবং ব্যাসপুত্র শূকের চারি পুত্র হরি ক্রক প্রভৃ  
গৌর তাঁহারাও বিবাহ করেন নাই ঐ পর্যন্ত বশিষ্ঠবংশ সমাপ্ত  
এবং যুধিষ্ঠির যুবরাজ হইয়া বহুদিন পরে জতুগৃহদাহে পলায়ন  
করিয়া চতুর্দশ বর্ষ পরে দ্রৌপদীকে বিবাহ করেন এই সকল  
অনাশ্রমে দোষাভাব দেখিতেছি যদি দোষ থাকিত তবে সে  
সকল মহাত্মা ধার্মিক লোকে বিবাহ না করিয়া কালক্ষেপণ করি-  
তেন না” (২৫) ।

আশ্রম অবলম্বন না করিলে দোষ হয় না, দক্ষবচনের এই অর্থ স্থির  
করিয়া, অবলম্বিত অর্থের প্রামাণ্যার্থে, কবিরত্ন মহাশয়, যে সকল  
ঋষি ও রাজা বিবাহ করেন নাই, তন্মধ্যে কতকগুলির নাম কীর্তন  
করিয়াছেন ; এবং কহিয়াছেন, “ এই সকল অনাশ্রমে দোষাভাব  
দেখিতেছি, যদি দোষ থাকিত তবে সে সকল মহাত্মা ধার্মিক লোকে  
বিবাহ না করিয়া কালক্ষেপণ করিতেন না ” । ইতি পূর্বে দর্শিত  
হইয়াছে, কবিরত্ন মহাশয়, দক্ষবচনের ব্যাখ্যা করিয়া, বিনা আশ্রমে  
অবস্থিত হইলে দোষ নাই, এই যে সিদ্ধান্ত করিয়াছেন, তাহা সম্পূর্ণ  
প্রাস্তিযূলক । তৎপূর্বে ইহাও দর্শিত হইয়াছে, পূর্বকালীন মহৎ  
লোকে অবৈধ আচরণে দূষিত হইতেন, তবে তাঁহারা তেজীয়ান্  
ছিলেন, এজন্য অবৈধাচরণনিবন্ধন প্রত্যবায়গ্রস্ত হইতেন না ।  
অতএব, যখন পূর্বদর্শিত শাস্ত্রসমূহ দ্বারা ইহা নির্দিষ্টবাদে প্রতিপাদিত  
হইতেছে যে আশ্রমবিহীন হইয়া থাকা অবৈধ ও পাতকজনক কর্ম ;  
তখন, পূর্বকালীন কোনও কোনও মহৎ লোকের আচার দর্শনে,  
আশ্রমের অনবলম্বনে দোষস্পর্শ হয় না, এরূপ সিদ্ধান্ত করা স্বীয় অন-  
ভিজ্ঞতার পরিচয়প্রদানমাত্র । বোধ হয়, কবিরত্ন মহাশয়, কথকদিগের  
মুখে পৌরাণিক কথা শুনিয়া, যে সংস্কার করিয়া রাখিয়াছেন ; সেই

সংস্কারের বশবর্তী হইয়াই, এই অদ্ভুত সিদ্ধান্ত করিয়াছেন । যে ব্যক্তি নিজে শাস্ত্রজ্ঞ, তাঁহার মুখ হইতে এরূপ অপূর্ব সিদ্ধান্তবাক্য নির্গত হওয়া সম্ভব নহে । কোনও সম্পন্ন ব্যক্তির বাটীতে মহাভারতের কথা হইয়াছিল । কথা সমাপ্ত হইবার কিঞ্চিৎ কাল পরেই, বাটীর কর্ত্তা জানিতে পারিলেন, তাঁহার গৃহিণী ও পুত্রবধূ ব্যতিচারদোষে দূষিতা হইয়াছেন । তিনি, সাতিশয় কুপিত হইয়া, তিরস্কার করিতে আরম্ভ করিলে, গৃহিণী উত্তর দিলেন, আমি কুন্তী ঠাকুরাণীর, পুত্রবধূ উত্তর দিলেন, আমি দ্রৌপদী ঠাকুরাণীর, দৃষ্টান্ত দেখিয়া চলিয়াছি । যদি বহুপুরুষসন্তোগে দোষ থাকিত, তাহা হইলে ঐ দুই পুণ্যশীলা প্রাতঃস্মরণীয়া রাজমহিষী তাহা করিতেন না । তাঁহারা প্রত্যেকে পঞ্চ পুরুষে উপগতা হইয়াছিলেন ; আমরা তাহার অতিরিক্ত করি নাই । বাটীর কর্ত্তা, গৃহিণী ও পুত্রবধূর উত্তরবাক্য শ্রবণ করিয়া, যেমন আপ্যায়িত হইয়াছিলেন ; আমরাও, কবিরত্ন মহাশয়ের পূর্বোক্ত সিদ্ধান্তবাক্য শ্রবণ করিয়া, তদনুরূপ আপ্যায়িত হইয়াছি । শাস্ত্র দেখিয়া, তাহার অর্থগ্রহ ও তাৎপর্যনির্ণয় করিয়া, মীমাংসা করা স্বতন্ত্র ; আর, শাস্ত্রে কোন বিষয়ে কি বিধি ও কি নিষেধ আছে তাহা না জানিয়া, পুরাণের কাহিনী শুনিয়া, তদনুসারে মীমাংসা করা স্বতন্ত্র ।

“তাছাতেও যদি দোষশ্রুতি বলেন তবে সে অনাশ্রমী ন তিষ্ঠেদিত্যাদি বচন সাংখ্যিক দ্বিজের প্রকরণে নিরগ্নি দ্বিজ বিষয় নহে যদি এক্ষণে ঐ বচন নিরগ্নি বিষয় কেহ লিখিয়া থাকেন তিনি ঐ ঋষির মূলসংহিতা না দেখিয়া লিখিয়াছেন” (২৬) ।

যদি কেহ উল্লিখিত দক্ষবচনকে নিরগ্নিদ্বিজবিষয় বলিয়া ব্যবস্থা করিয়া থাকেন, তিনি ঋষির মূলসংহিতা দেখেন নাই ; কবিরত্ন মহাশয় কি সাহসে ঈদৃশ অসঙ্গত নির্দেশ করিলেন, বলিতে পারা যায় না ।

তিনি নিজে মূলসংহিতা দেখিয়া ব্যবস্থা স্থির করিয়াছেন, তাহার কোনও লক্ষণ লক্ষিত হইতেছে না ; কারণ, মূলসংহিতায় এরূপ কিছুই উপলব্ধ হইতেছে না যে, ঐ বচনকে নিরগ্নিদিবজবিষয় বলিয়া ব্যবস্থা করিলে, অ্যানুগত হইতে পারে না। কবিরত্ন মহাশয় কি প্রমাণ অবলম্বন করিয়া এরূপ লিখিয়াছেন, তাহা প্রদর্শন করা উচিত ও আবশ্যিক ছিল। কলকথা এই, দক্ষসংহিতায় আশ্রমবিষয়ে যে ব্যবস্থা আছে, তাহা সর্বসাধারণ দ্বিজাতির পক্ষে ; তাহাতে সাগ্নিক ও নিরগ্নি বলিয়া কোনও বিশেষ দেখিতে পাওয়া যায় না। যখন আশ্রমের অনবলম্বনে দোষক্রটি সিদ্ধ হইতেছে, তখন ঐ বচন উভয় পক্ষেই সমভাবে ব্যবস্থাপিত হওয়া উচিত ও আবশ্যিক। যথা,

১। স্বীকরোতি যদা বেদং চরেদেদব্রতানি চ ।

ব্রহ্মচারী ভবেত্তাবদূর্দ্ধং স্নাতো ভবেদগৃহী ॥

যত দিন বেদাধ্যয়ন ও আনুষঙ্গিক ব্রতচরণ করে, তত দিন ব্রহ্মচারী ; তৎপরে সমাবর্তন করিয়া গৃহস্থ হয় ।

২। দ্বিবিধো ব্রহ্মচারী তু স্মৃতঃ শাস্ত্রে মনীষিভিঃ ।

উপকূর্বাণকস্বাদ্যো দ্বিতীয়ো নৈষ্ঠিকঃ স্মৃতঃ ॥

পণ্ডিতেরা শাস্ত্রে দ্বিবিধ ব্রহ্মচারী নির্দেশ করিয়াছেন, প্রথম উপকূর্বাণ, দ্বিতীয় নৈষ্ঠিক ।

৩। যো গৃহস্থাশ্রমমাস্থায় ব্রহ্মচারী ভবেৎ পুনঃ ।

ন যতিন বনস্থশ্চ সর্বাশ্রমবিবর্জিতঃ ॥

যে ব্যক্তি গৃহস্থাশ্রম অবলম্বন করিয়া পুনরায় ব্রহ্মচারী হয়, যতি অথবা বানপ্রস্থ না হয়, সে সকল আশ্রমে বর্জিত ।

৪। অনাশ্রমী ন তিষ্ঠেতু দিনমেকমপি দ্বিজঃ ।

আশ্রমেণ বিনা তিষ্ঠনু প্রায়শ্চিত্তীয়তে হি সঃ ॥

বিষয় আশ্রমবিহীন হইয়া এক দিনও থাকিবেক না, বিনা আশ্রমে অবস্থিত হইলে, পাতকগ্রস্ত হয় ।

৫ । জপে হোমে তথা দানে স্বাধ্যায়ে চ রতস্ত্ব যঃ ।

নাসৌ তৎফলমাপ্নোতি কুর্বাণোহপ্যাশ্রমচ্যুতঃ ॥

আশ্রমচ্যুত হইয়া জপ, হোম, দান, অথবা বেদাধ্যয়ন করিলে ফলভাগী হয় না ।

৬ । এতেষামানুলোম্যং স্যাৎ প্রাতিলোম্যং ন বিদ্যতে ।

প্রাতিলোম্যেন যো যাতি ন তস্মাৎ পাপকৃতমঃ ॥

এই সকল আশ্রমের অবলম্বন অনুলোমক্রমে বিহিত, প্রাতিলোম-ক্রমে নহে ; যে প্রাতিলোমক্রমে চলে, তাহা অপেক্ষা অধিক পাপাত্মা আর নাই ।

৭ । মেখলাজিনদণ্ডেন ব্রহ্মচারী তু লক্ষ্যতে ।

গৃহস্থো দেবযজ্ঞাদৈর্নখলোয়া বনাশ্রিতঃ ॥

ত্রিদণ্ডেন যতিনৈচ ব লক্ষণানি পৃথক্ পৃথক্ ।

যস্মৈতল্লক্ষণং নাস্তি প্রায়শ্চিত্তী ন চাশ্রমী (২৭) ॥

মেখলা, অজিন ও দণ্ড ব্রহ্মচারীর লক্ষণ ; দেবযজ্ঞ প্রভৃতি গৃহস্থের লক্ষণ ; নখলোমপ্রভৃতি বানপ্রস্থের লক্ষণ ; ত্রিদণ্ড যতির লক্ষণ ; এক এক আশ্রমের এই সকল পৃথক্ পৃথক্ লক্ষণ , যাহার এই লক্ষণ নাই, সে ব্যক্তি প্রায়শ্চিত্তী ও আশ্রমভ্রষ্ট ।

আশ্রমবিষয়ে মহর্ষি দক্ষ যে সকল বিধি ও নিষেধ কীর্তন করিয়াছেন, তৎ সমুদয় প্রদর্শিত হইল । . তিনি তদ্বিষয়ে ইহার অতিরিক্ত কিছুই বলেন নাই । এক্ষণে, সকলে বিবেচনা করিয়া দেখুন, এই কয় বচনে যে ব্যবস্থা আছে, তাহা সর্বসাধারণ দ্বিজাতির পক্ষে সমভাবে বর্ত্তিতে পারে না, মূলসংহিতায় এরূপ কোনও কথা লক্ষিত হইতেছে

কি না ; দক্ষোক্ত আশ্রমব্যবস্থা সাগ্নিক দ্বিজাতির পক্ষে, নিরগ্নি দ্বিজাতির পক্ষে নহে, এই ব্যবস্থা কবিরত্ন মহাশয়ের কপোলকম্পিত কি না ; আর, “ যদি এক্ষণে ঐ বচন নিরগ্নিবিষয় কেহ লিখিয়া থাকেন তিনি ঐ ঋষির মূলসংহিতা না দেখিয়া লিখিয়াছেন ”, তদীয় এতাদৃশ উদ্ধত নির্দেশ নিতান্ত নিমূল অথবা নিতান্ত অনভিজ্ঞতা-মূলক বলিয়া পরিগণিত হওয়া উচিত কি না ।

“সাগ্নিক ব্যক্তির স্ত্রীর যদি পূর্বে মৃত্যু হয় তবে তাহার সেই স্ত্রীকে ঐ অগ্নিহোত্র সহিত সেই অগ্নিতে দাহন করিতে হয় তবে তিনি তখন অগ্নিহোত্র রহিত হইয়া ক্ষণমাত্র থাকিবেন না কারণ নিত্যক্রিয়া লোপ হয় অতএব দ্বিতীয় বিবাহ করিয়া অগ্নিগ্ৰহণ করিবেন এক দিবসও অনাশ্রমী থাকিবেন না এই অভিপ্রায়ে ঐ বচন লিখিয়াছেন । যদি নিরগ্নিবিষয়েও বলেন তবে দিনমেকং ন তিষ্ঠেৎ ইহা সঙ্গত হয় না কারণ নিরগ্নি দ্বিজের দশাহ দ্বাদশাহ পক্ষাশৌচ । অশৌচ মধ্যে দ্বিতীয় বিবাহ কি প্রকারে বিধি হইতে পারে কারণ দিনমেকং ন তিষ্ঠেতু এই বচন নিরগ্নির পক্ষে সঙ্গত হয় না সাগ্নিক পক্ষে উত্তম সাগ্নিক অভিপ্রায়ে এই বচন কারণ অগ্নিবেদ উভয়ান্বিত দ্বিজের সত্বঃশৌচ অতএব দিনমেকং ন তিষ্ঠেতু এই বচন সঙ্গত হয় কারণ সেই বেদাগ্নি যুক্ত ব্যক্তি সেই স্ত্রীকে দাহন করিয়া স্নান করিলে শুদ্ধ হয় পরে বিবাহ করিতে পারে প্রমাণ পরাশর সংহিতার বচন ।

একাহাচ্ছূধ্যতে বিপ্রো যোগ্নিবেদসমন্বিতঃ ।

ব্রাহ্মণ কেবলবেদস্ত দ্বিহীনো দর্শভির্দিনৈঃ” (২৮) ॥

যে দ্বিজ, বৈবাহিক অগ্নি রক্ষা করিয়া, প্রতিদিন তাহাতে যথানিয়মে হোম করে এবং মৃত্যু হইলে সেই অগ্নিতে তাহার দাহ হয়, তাহাকে সাগ্নিক বলে ; আর যে ব্যক্তির তাহা না ঘটে, তাহাকে নিরগ্নি

বলে ; অর্থাৎ যাহার বৈবাহিক অগ্নি রক্ষিত থাকে, সে সাগ্নিক ; আর, যাহার বৈবাহিক অগ্নি রক্ষিত না থাকে, সে নিরগ্নি । বিবাহ-কালে যে অগ্নির স্থাপন করিয়া বিবাহের হোম অর্থাৎ কুশপ্তিকা করে, তাহার নাম বৈবাহিক অগ্নি । সচরাচর, বিবাহের হোম করিবার নিমিত্ত, নূতন অগ্নি স্থাপন করে ; কিন্তু কোনও কোনও পরিবারের রীতি এই, পুত্র জন্মিলে, অরগ্নিমন্ডনপূর্বক অগ্নি উৎপন্ন করিয়া, সেই অগ্নিতে আয়ুষ্য হোম করে, এবং সেই অগ্নি রক্ষা করিয়া তাহাতেই সেই পুত্রের চূড়াকরণ, উপনয়ন, পাণিগ্রহণনিমিত্তক হোমকার্য্য সম্পাদিত হয় । যাহার জন্মকালীন অগ্নিতেই জাতকর্ম্ম অবধি অস্ত্যেষ্ঠিক্রিয়া পর্য্যন্ত নির্বাহ হয়, সেই প্রকৃত সাগ্নিক বলিয়া পরিগণিত । বেদবিহিত অগ্নিহোত্র, দর্শপূর্ণ্যাস প্রভৃতি হোম সাগ্নিকের পক্ষে অনুজ্জ্বল্যনীয় নিত্যকর্ম্ম । সর্বসাধারণের পক্ষে ব্যবস্থা আছে, জনন্যশোচ ও মরণ্যশোচ ঘটিলে, ব্রাহ্মণ দশ দিন, ক্ষত্রিয় দ্বাদশ দিন, বৈশ্য পঞ্চদশ দিন শাস্ত্রোক্ত কর্ম্মের অনুষ্ঠানে অনধিকারী হয় । কিন্তু, সাগ্নিকের পক্ষে সত্য়শোচ, একাহাশোচ প্রভৃতি অশোচসঙ্কোচের বিশেষ ব্যবস্থা আছে ; তদনুসারে কোনও সাগ্নিক স্নান করিয়া সেই দিনেই, কোনও সাগ্নিক দ্বিতীয় দিনে, ইত্যাদি প্রকারে বেদবিহিত অগ্নিহোত্রাদি কতিপয় কার্য্য করিতে পারে ; তন্নিম্ন অথ অথ শাস্ত্রোক্ত কর্ম্মের অনুষ্ঠানে অধিকারী হয় না ; অর্থাৎ অগ্নিহোত্র প্রভৃতি কতিপয় বেদবিহিত কর্ম্মের অনুরোধে, কেবল তত্তৎ কর্ম্মের অনুষ্ঠানকালে শুচি হয়, তত্তৎ কর্ম্ম সমাপ্ত হইলেই পুনরায় সে ব্যক্তি অশুচি হয় ; সুতরাং, শাস্ত্রোক্ত অন্যান্য কর্ম্ম করিতে পারে না । যথা,

১ । প্রত্যাহেন্নাগ্নিসু ক্রিয়াঃ । ৫ । ৮৪ । (২৯)

(২৯) মনুসংহিতা ।

অশৌচকালে অগ্নিক্রিয়ার অর্থাৎ অগ্নিহোত্রাদি হোমকার্যের ব্যাঘাত করিবেক না ।

২ । বৈতানোপাসনাঃ কার্য্যাঃ ক্রিয়াশ্চ শ্রুতিচোদনাৎ  
। ৩ । ১৭ । (৩০)

বেদবিধানবশতঃ অশৌচকালে বৈতান অর্থাৎ অগ্নিহোত্রাদি হোম এবং উপাসন অর্থাৎ সাযংকালে ও প্রাতঃকালে কর্তব্য হোম করিবেক ।

৩ । অগ্নিহোত্রার্থং স্নানোপস্পর্শনাৎ শুচিঃ (৩১) ।

অগ্নিহোত্রের অনুরোধে স্নান ও আচমন করিয়া শুচি হয় ।

৪ । উভয়ত্র দশাহানি সপিণ্ডানামশৌচকম্ ।

স্নানোপস্পর্শনাভ্যাসাদগ্নিহোত্রার্থমহতি (৩২) ॥

উভয়ত্র অর্থাৎ জননে ও মরণে সপিণ্ডদিগের দশাহ অশৌচ ; কিন্তু স্নান ও আচমন করিয়া অগ্নিহোত্রে অধিকারী হয় ।

৫ । স্মার্ত্তকর্ম্মপরিত্যাগো বাহোরন্যত্র স্মৃতকে ।

শ্রোতে কর্ম্মণি তৎকালং স্নাতঃ শুদ্ধিমবাপ্নুয়াৎ (৩৩) ॥

গ্রহণ ব্যতিরিক্ত অশৌচ ঘটিলে, স্মৃতিবিহিত কর্ম্ম পরিত্যাগ করিবেক ; কিন্তু বেদবিহিত কর্ম্মের অনুরোধে স্নান করিয়া তৎকাল-মাত্র শুচি হইবেক ।

৬ । অগ্নিহোত্রাদিহোমার্থং শুদ্ধিস্তাৎকালিকী স্মৃতা ।

পঞ্চযজ্ঞান্ ন কুর্কীত হশুদ্ধঃ পুনরেব সঃ (৩৪) ॥

(৩০) যাজ্ঞবল্ক্যসংহিতা ।

(৩১) মন্বর্থমুক্তাবলীধৃত শঙ্খালিখিতবচন । ৫ । ৮৪ ।

(৩২) শুদ্ধিতত্ত্বধৃত জাবালবচন ।

(৩৩) মিডাক্ষরাপ্রায়শ্চিত্তাধ্যায়ধৃত টৈরায়ণপাদবচন ।

(৩৪) পরাশরভাষ্যধৃত গোভিলবচন ।

অগ্নিহোত্র প্রভৃতি হোমকার্যের অনুরোধে তাৎকালিক শুদ্ধি হয় ; অর্থাৎ অগ্নিহোত্রাদি করিতে যত সময় লাগে, তাৎকাল মাত্র শুচি হয় । কিন্তু পঞ্চ যজ্ঞ করিবেক না ; কারণ, সে ব্যক্তি পুনরায় অশুচি হয় ।

৭ । স্মৃতকে কৰ্ম্মণাং ত্যাগঃ সঙ্ক্যাদীনাং বিধীয়তে ।

হোমঃ শ্রৌতে তু কৰ্ত্তব্যঃ শুক্লান্নেনাপি বা ফলৈঃ (৩৫) ॥

অশৌচকালে সঙ্ক্যাবন্দন প্রভৃতি কৰ্ম্ম পরিত্যাগ করিবেক ; কিন্তু শুক্ল অন্ন অথবা ফল দ্বারা শ্রৌত অগ্নিতে হোম করিবেক ।

৮ । হোমস্তত্র তু কৰ্ত্তব্যঃ শুক্লান্নেন ফলেন বা ।

পঞ্চযজ্ঞবিধানন্তু ন কার্যং মৃত্যুজন্মনোঃ ॥ ৪৪ ॥ (৩৬)

(৩৫) কাভ্যায়নীয় কৰ্ম্মপ্রদীপ, ত্রয়োবিংশ খণ্ড । সঙ্ক্যাবন্দনস্থলে বিশেষ বিধি আছে । যথা,

স্মৃতকে মৃতকে চৈব সঙ্ক্যাকৰ্ম্ম সমাচরেৎ ।

মনসোচ্চারয়ন্ মন্ত্রান্ প্রাণায়ামমৃতে দ্বিজঃ (১) ॥

জননশৌচ ও মরণশৌচ ঘটিলে, দ্বিজ মনে মনে মন্ত্রোচ্চারণ-পূর্বক, প্রাণায়ামব্যতিরেকে, সঙ্ক্যাবন্দন করিবেক ।

এজন্য মাধবাচার্য্য, বাক্য দ্বারা মন্ত্রোচ্চারণ করিয়া সঙ্ক্যাবন্দন করাই নিষিদ্ধ বলিয়া, ব্যবস্থা করিয়াছেন । যথা,

“যতু জীবালেনোক্তম্

সঙ্ক্যাং পঞ্চ মহাযজ্ঞান্ নৈত্যকং স্মৃতিকৰ্ম্ম চ ।

তন্মধ্যে হাপরেদেব অশৌচান্তে তু তৎক্রিয়া ॥

তদ্বাচিকসঙ্ক্যাভিপ্রায়ম্” (২)

“সঙ্ক্যা, পঞ্চ মহাযজ্ঞ, স্মৃতিবিহিত নিত্যকৰ্ম্ম অশৌচকালে পরিত্যাগ করিবেক ; অশৌচান্তের পর তত্তৎ কৰ্ম্ম করিবেক” । জীবাল-কৃত এই নিষেধ, বাক্য দ্বারা মন্ত্রোচ্চারণপূর্বক সঙ্ক্যাবন্দন করিবেক না, এই অভিপ্রায়ে প্রদর্শিত হইয়াছে ।

(৩৬) সংবর্ত্তসংহিতা ।

(১) পরাশরভাষ্য তৃতীয়াধ্যায়মৃত পুলস্ত্যবচন ।

(২) পরাশরভাষ্য, তৃতীয় অধ্যায় ।

মরণাশৌচ ও জননাশৌচ ঘটিলে, শুক্ক অন্ন অথবা ফল দ্বারা হোমকার্য্য করিবেক, কিন্তু পঞ্চ যজ্ঞের অনুষ্ঠান করিবেক না ।

৯। পঞ্চযজ্ঞবিধানন্তু ন কুর্য্যান্মৃতজন্মনোঃ ।

হোমং তত্র প্রকুর্বাঁত শুক্কান্নেন ফলেন বা (৩৭) ॥

মরণাশৌচ ও জননাশৌচ ঘটিলে, পঞ্চযজ্ঞের অনুষ্ঠান করিবেক না ; কিন্তু, শুক্ক অন্ন অথবা ফল দ্বারা হোমকার্য্য করিবেক ।

১০। নিত্যানি নিবর্তেরন্ বৈতানবজ্জম্ (৩৮) ।

অশৌচকালে বৈতান অর্থাৎ বেদবিহিত অগ্নিহোত্র প্রভৃতি ভিন্ন যাবতীয় নিত্য কর্ম্ম রহিত হইবেক ।

এই সকল শাস্ত্র দ্বারা স্পষ্ট প্রতিপন্ন হইতেছে, সাংখ্যিক দ্বিজের পক্ষে যে অশৌচসঙ্কোচের ব্যবস্থা আছে, তাহা কেবল বেদবিহিত অগ্নিহোত্র প্রভৃতি কতিপয় কর্ম্মের জন্য ; সেই সকল কর্ম্ম করিতে যত সময় লাগে, তাবৎকালমাত্র শুচি হয় ; সে সকল সমাপ্ত হইলেই, পুনরায় অশুচি হয় ; দশাহ প্রভৃতি অশৌচের নিয়মিত কাল অতীত না হইলে, এককালে অশৌচ হইতে মুক্ত হয় না ; এজন্য ঐ সময়ে পঞ্চযজ্ঞ, সঙ্ক্যাবন্ধন প্রভৃতি প্রত্যহকর্তব্য নিত্য কর্ম্মের অনুষ্ঠানও নিষিদ্ধ হইয়াছে ; এবং, এই জন্যই, স্মার্ত্ত ভট্টাচার্য্য রঘুনন্দন, অশৌচসঙ্কোচের বিচার করিয়া, ঐরূপ ব্যবস্থাই অবলম্বন করিয়াছেন ।  
যথা,

“তস্মাৎ সগুণানাং তত্তৎকর্ম্মণ্যেবাসৌচসঙ্কোচঃ  
সর্বাসৌচনিবৃত্তিস্তু দশাহাদ্যুর্দ্ধমিতি হারলতামিতা-  
ক্ষরারত্নাকরাহ্যক্তং সাধীয়ঃ (৩৯) ।

(৩৭) অত্রিসংহিতা ।

(৩৮) মিতাক্ষরা প্রায়শ্চিত্তাধ্যায় ও মধ্বর্থমুক্তাবলীধৃত টীপমীনসিবিচন ।

(৩৯) শুদ্ধিতত্ত্ব, সগুণাদ্যশৌচপ্রকরণ ।

অতএব, সগুণ দিগের (৪০) উক্ত কর্মই অশৌচসঙ্কোচ, সর্ব-  
প্রকারে অশৌচনিবৃত্তি দশাহাদির পর ; হারলতা, মিতাকরা, বস্ত্রাকর  
প্রভৃতি গ্রন্থে এই যে ব্যবস্থা অবধারিত হইয়াছে, তাহাই প্রশস্ত ।

এইরূপ স্পষ্ট ও প্রত্যক্ষ শাস্ত্র, এবং এইরূপ চিরপ্রচলিত সর্বসম্মত  
ব্যবস্থা সত্ত্বেও, রায় কবিরাজ কবিরত্ন মহোদয় বিজ্ঞাবলে ও বুদ্ধি-  
কৌশলে ব্যবস্থা করিয়াছেন, সগুণ দ্বিজের সর্ব বিষয়ে সন্তোষোচ ;  
অশৌচ ঘটিলে স্নান করিবারাত্র তিনি, এককালে অশৌচ হইতে মুক্ত  
হইয়া, সর্বপ্রকার শাস্ত্রোক্ত কর্মের অনুষ্ঠানে অধিকারী হয়েন ;  
অন্যান্য কর্মের কথা দূরে থাকুক, ব্যবস্থাপক কবিরাজ মহাশয় বিবাহ  
পর্যন্ত করিবার ব্যবস্থা দিয়াছেন । কিন্তু, যে অবস্থায় শাস্ত্রকারেরা  
সগুণের পক্ষে অবশ্যকর্তব্য সন্ধ্যাবন্ধন, পঞ্চযজ্ঞানুষ্ঠান প্রভৃতি নিত্য  
কর্মের নিষেধ করিয়া গিয়াছেন, সে অবস্থায় বিবাহ করা কত দূর  
সঙ্গত, তাহা সকলে বিবেচনা করিয়া দেখিবেন । কবিরত্ন মহাশয়,  
স্বাবলম্বিত ব্যবস্থার প্রমাণস্বরূপ পরাশরবচন উদ্ধৃত করিয়াছেন ; কিন্তু  
আক্ষেপের বিষয় এই, পরাশরবচনের অর্থবোধ ও তাৎপর্যগ্রহ করিতে  
পারেন নাই । তাঁহার উদ্ধৃত পরাশরবচন এই,

একাহাং শুধ্যতে “বিপ্রো” যোহগ্নিবেদসমম্বিতঃ ।

ত্র্যাহাং কেবলবেদজ্ঞ দ্বিহীনো দশভির্দিনৈঃ (৪১) ॥

যে “বিপ্র” অগ্নিযুক্ত ও বেদযুক্ত, সে এক দিনে শুদ্ধ হয় ; যে কেবল  
বেদযুক্ত সে তিন দিনে শুদ্ধ হয় ; আর, যে দ্বিহীন অর্থাৎ উভয়ে  
বর্জিত, সে দশ দিনে শুদ্ধ হয় ।

(৪০) যাহারা বেদাধ্যয়ন অগ্নিহোত্র প্রভৃতি কর্ম যথানিয়মে করিয়া  
থাকেন, তাঁহাদিগকে সগুণ, আর যাহারা তাহা করেন না, তাঁহাদিগকে  
নিগুণ বলে । সগুণের পক্ষে কর্মবিশেষে অশৌচসঙ্কোচের ব্যবস্থা আছে ;  
নিগুণের পক্ষে তাহা নাই ।

(৪১) পরাশরসংহিতা, তৃতীয় অধ্যায় ।

এই বচন অবলম্বন করিয়া, কবিরত্ন মহাশয় সদ্যঃশৌচ ব্যবস্থা করিয়া-  
ছেন । কিন্তু এই বচনে সপ্তঃশৌচ পক্ষে একাহাশৌচ ও ত্রাহাশৌচের  
ব্যবস্থা দৃষ্ট হইতেছে, সদ্যঃশৌচবিধানের কোনও চিহ্ন লক্ষিত হইতেছে  
না । বোধ করি তিনি, বচনস্থিত একাহ শব্দের অর্থগ্রহ করিতে না  
পারিয়া, সপ্তঃশৌচ ও একাহাশৌচ এ উভয়কে এক পদার্থ স্থির  
করিয়া, সপ্তঃশৌচের ব্যবস্থা দিয়াছেন । কিন্তু, সপ্তঃশৌচ ও একাহা-  
শৌচ এ উভয় সর্বতোভাবে বিভিন্ন পদার্থ । অশৌচ ঘটিলে, যে  
স্থলে স্নান ও আচমন করিলেই শুচি হয়, তথায় সপ্তঃশৌচশব্দ ; আর,  
যে স্থলে এক দিন অর্থাৎ অহোরাত্র অশুচি থাকিয়া, পর দিন স্নান  
ও আচমন করিয়া শুচি হয়, তথায় একাহশব্দ ব্যবহৃত হইয়া থাকে ।  
বচনে একাহশব্দ আছে, সপ্তঃশৌচশব্দ নাই । দক্ষসংহিতায় দৃষ্টি  
থাকিলে, কবিরত্ন মহাশয় ঈদৃশ অদৃষ্টচর, অশ্রুতপূর্ব ব্যবস্থা  
অবলম্বন করিতেন, এরূপ বোধ হয় না । যথা,

সদ্যঃশৌচং তথৈকাহস্ত্যাহশ্চতুরহস্তথা ।

ষড়্ দশদ্বাদশাহঞ্চ পক্ষো মাসস্তথৈব চ ॥

মরণান্তং তথা চান্যং পক্ষান্তে দশ সূতকে ।

উপন্যাসক্রমেণৈব বক্ষ্যাম্যহমশেষতঃ ॥

গ্রন্থার্থতো বিজানাতি বেদমঙ্গৈঃ সমন্বিতম্ ।

সকল্পং সরহস্তঞ্চ ক্রিয়াবাংশ্চেন্ন সূতকম্ ॥

একাহাং শুধ্যতে বিপ্রো যোহগ্নিবেদসমন্বিতঃ ।

হীনে হীনতরে চাপি ত্রাহশ্চতুরহস্তথা ।

তথা হীনতমে চাপি ষড়্হঃ পরিকীৰ্ত্তিতঃ ॥

জাতিবিপ্রো দশাহেন দ্বাদশাহেন ভূমিপঃ ।

বৈশ্যঃ পঞ্চদশাহেন শূদ্রো মাসেন শুধ্যতি ॥

ব্যাদিতস্য কদম্যস্য ঋণগ্রস্তস্য সর্বদা ।  
 ক্রিয়াহীনস্য মূৰ্খস্য স্ত্রীজিতস্য বিশেষতঃ ।  
 ব্যসনাসক্তচিত্তস্য পরাধীনস্য নিত্যশঃ ।  
 স্বাধ্যায়ব্রতবিহীনস্য ভস্মান্তঃ স্মৃতকং ভবেৎ ।  
 নাস্মৃতকং কদাচিৎ স্যাদ্যাবজ্জীবন্তু স্মৃতকম্ ॥  
 এবং গুণবিশেষেণ স্মৃতকং সমুদাহৃতম্ (৪২) ॥

১ সদ্যঃশৌচ, ২ একাহাশৌচ, ৩ ত্র্যহাশৌচ, ৪ চতুরহাশৌচ, ৫ ষড়হাশৌচ, ৬ দশাহাশৌচ, ৭ দ্বাদশাহাশৌচ, ৮ পঞ্চদশাহাশৌচ, ৯ মাসাশৌচ ১০ মরণাস্ত্রাশৌচ অশৌচ বিষয়ে এই দশ পক্ষ ব্যবস্থাপিত আছে। উপন্যাসক্রমে, অর্থাৎ যাহার পর যাহা নির্দিষ্ট হইয়াছে তদনুসারে, তৎসমুদয় প্রদর্শিত হইতেছে। ১—যে ব্যক্তি সৰ্প, সরহসা, সাজ বেদের অভ্যাস ও অর্থগ্রহ করিয়াছে, সে ব্যক্তি যদি ক্রিয়াবান্ হয়, তাহার সদ্যঃশৌচ। ২—যে ব্রাহ্মণ অগ্নিযুক্ত ও বেদযুক্ত হয়, সে একাহা শুদ্ধ হয়। ৩—৪—৫—যাহারা অগ্নি ও বেদে হীন, হীনতর, হীনতম, তাহারা যথাক্রমে তিন দিনে, চারি দিনে, ছয় দিনে শুদ্ধ হয়। ৬—যে ব্যক্তি জাতিবিপ্র অর্থাৎ ব্রাহ্মণকুলে জন্মগ্রহণমাত্র করিয়াছে, কিন্তু যথা নিয়মে কর্তব্য কর্মের অনুষ্ঠান করে না, সে দশাহা শুদ্ধ হয়। ৭—তাদৃশ ক্ষত্রিয় দ্বাদশাহা শুদ্ধ হয়। ৮—তাদৃশ বৈশ্য পঞ্চদশাহা শুদ্ধ হয়। ৯—শুদ্ধ এক মাসে শুদ্ধ হয়। ১০—যে ব্যক্তি চিররোগী, কুপণ, সর্বদা ঋণগ্রস্ত, ক্রিয়াহীন, মূৰ্খ, অশিলয় স্ত্রীবশীভূত, ব্যসন-সক্ত, সতত পরাধীন, বেদাধ্যয়ন বিহীন, তাহার মরণাস্ত্র অশৌচ; সে ব্যক্তি এক দিনের জন্যেও শুচি নয়, সে যাবজ্জীবন অশুচি। গুণের ন্যূনাধিক্য অনুসারে অশৌচের ব্যবস্থা নির্দিষ্ট হইল।

একণে সকলে বিবেচনা করিয়া দেখুন, সত্ৰাশৌচ ও একাহাশৌচ এই দুই এক পদার্থ বলিয়া পরিগণিত হইতে পারে কি না। মহর্ষি দক্ষ অশৌচের দশ পক্ষ গণনা করিয়াছেন; তন্মধ্যে সত্ৰাশৌচ প্রথম পক্ষ, একাহাশৌচ দ্বিতীয় পক্ষ; যে ব্যক্তি সাদ্র বেদে সম্পূর্ণ কৃতবিদ্য

ও ক্রিয়াবান্, তাহার পক্ষে সত্ৰঃশৌচ, আর যে ব্যক্তি অগ্নিযুক্ত ও বেদযুক্ত, তাহার পক্ষে একাহাশৌচ ব্যবস্থাপিত হইয়াছে ।

অতঃপর, কবিরত্ন মহাশয়কে অগত্যা স্বীকার করিতে হইতেছে, সত্ৰঃশৌচ ও একাহাশৌচ এক পদার্থ নহে ; সুতরাং, দক্ষসংহিতার হ্রায়, পরাশরবচনে অগ্নিযুক্ত ও বেদযুক্ত ব্রাহ্মণের পক্ষে যে একাহাশৌচের বিধি আছে, তাহা অবলম্বন করিয়া, “ অগ্নিবেদ উভয়াশ্রিত দ্বিজের সত্ৰঃশৌচ,” এই ব্যবস্থা প্রচার করা নিতান্ত অনভিজ্ঞের কর্ম হইয়াছে । কবিরত্ন মহাশয়, ঐ বচনের সহিত একবাক্যতা করিয়া,

অনাশ্রমী ন তিষ্ঠেতু দিনমেকমপি “দ্বিজঃ” ।

“ দ্বিজ ” আশ্রমবিহীন হইয়া এক দিনও থাকিবেক না ।

এই দক্ষবচনের ব্যাখ্যা করিতে উদ্যত হইয়াছেন । তাঁহার ব্যাখ্যা অনুসারে, পরাশরবচনে সাগ্নিক দ্বিজের পক্ষে সত্ৰঃশৌচ বিহিত হইয়াছে ; আর, দক্ষবচনে বিনা আশ্রমে এক দিনও থাকিতে নিষেধ আছে ; সুতরাং, স্ত্রীবিয়োগ হইলে, তাদৃশ দ্বিজ স্ত্রীর দাহান্তে স্নান ও আচমন করিয়া, শুচি হইয়া, সেই দিনেই বিবাহ করিতে পারে । কিন্তু উপরি ভাগে যেরূপ দর্শিত হইল, তদনুসারে, তাঁহার অবলম্বিত পরাশরবচন একাহাশৌচবিধায়ক, সত্ৰঃশৌচবিধায়ক নহে ; সত্ৰঃশৌচবিধায়ক না হইলে, উভয় বচনের একবাক্যতা কোনও ক্রমে সম্ভবিত্তে পারে না । আর, কবিরত্ন মহাশয়ের ইহাও অনুধাবন করিয়া দেখা আবশ্যক ছিল, দক্ষবচনে দ্বিজশব্দ প্রযুক্ত আছে ; দ্বিজশব্দ ব্রাহ্মণ, ক্ষত্রিয়, বৈশ্য এই তিন বর্ণের বাচক ; সুতরাং, দক্ষবচনে ত্রিবিধ দ্বিজের পক্ষে ব্যবস্থা প্রদত্ত হইয়াছে । কিন্তু, পরাশরবচনে বিপ্রশব্দ প্রযুক্ত আছে ; বিপ্রশব্দ ব্রাহ্মণমাত্রবাচক ; সুতরাং, পরাশরবচনে কেবল ব্রাহ্মণের পক্ষে ব্যবস্থা প্রদত্ত হইয়াছে, ত্রিবিধ দ্বিজের পক্ষে ব্যবস্থা প্রদত্ত হয় নাই ; এজন্যও, এই দুই বচনের এক-

বাক্যতা ঘটিতে পারে না। আর, সাগ্নিক বিশেষের পক্ষে সন্ত্যঃশৌচের ব্যবস্থা আছে, যথার্থ বটে ; কিন্তু সেই সাগ্নিক দ্বিজ, স্ত্রীর দাহান্তে স্নান ও আচমন করিয়া শুচি হইয়া, সেই দিনেই বিবাহ করিতে পারে, কবিরত্ন মহাশয়ের এ ব্যবস্থা অত্যন্ত বিস্ময়কর ; কারণ, অশৌচসঙ্কোচব্যবস্থার উদ্দেশ্য এই যে, শাস্ত্রকারেরা যে সকল কর্মের নাম নির্দেশ করিয়া সন্ত্যঃশৌচের বিধি দিয়াছেন, কেবল তত্তৎ কর্মের জন্যই সে ব্যক্তি তত্তৎকালে শুচি হয়, তত্তৎ কর্ম সমাপ্ত হইলেই পুনরায় অশুচি হয় ; সে সময়ে সঙ্ক্যাবন্ধন পঞ্চযজ্ঞানুষ্ঠান প্রভৃতি নিত্য কর্মেরও বাধ হইয়া থাকে ; এ অবস্থায় দারপরিগ্রহ বিধিসিদ্ধ, ইহা কোনও মতে সম্ভবিত্তে পারে না। ফলকথা এই, কবিরত্ন মহাশয়, ধর্মশাস্ত্র বিষয়ে সম্পূর্ণ অনভিজ্ঞ ; অশৌচসঙ্কোচের উদ্দেশ্য কি, তাহা জানেন না, দক্ষবচন ও পরাশরবচনের অর্থ ও তাৎপর্য্য কি, তাহা জানেন না ; এজন্যই এরূপ অসঙ্গত ও অশ্রুত-পূর্ব ব্যবস্থা প্রচার করিয়াছেন। যাহার যে শাস্ত্রে বোধ ও অধিকার না থাকে, নিতান্ত অর্কাটীন না হইলে, সে ব্যক্তি সাহস করিয়া সে শাস্ত্রের মীমাংসায় হস্তক্ষেপ করে না। কবিরত্ন মহাশয়, প্রাচীন ও বহুদর্শী হইয়া, কি বিবেচনায় অনবীত অননুশীলিত ধর্মশাস্ত্রের মীমাংসায় হস্তক্ষেপ করিলেন, বুঝিতে পারা যায় না। যাহা হউক, কবিরত্ন মহাশয়ের অদ্ভুত ব্যবস্থার উপযুক্ত দৃষ্টান্তস্বরূপ যে একটি সামান্য উপাখ্যান স্মৃতিপথে আকুট হইল, তাহা এ স্থলে উদ্ধৃত না করিয়া, কান্ড হইতে পারিলাম না।

“যার যে শাস্ত্র কিঞ্চিৎগাত্রও অধীত নয় সে শাস্ত্রেতে তাহার উপদেশ গ্রাহ্য করিবে না ইহার কথা। এক রাজার নিকটে বিপ্রাভাষ নামে এক বৈদ্য থাকে সে চিকিৎসাতে উত্তম তাহার পঞ্চত্বপ্রাপ্তি হইলে পর ঐ রাজা রামকুমার নামে তৎপুত্রকে তাহার পিতৃপদে স্থাপিত করিলেন। ঐ ভিষকপুত্র রামকুমার ব্যাকরণ সাহিত্য কিঞ্চিৎ পড়িয়া ব্যুৎপন্ন ছিল

কিন্তু বৈষ্ণবকাহিনী শাস্ত্র কিঞ্চিৎশ্রদ্ধাও পঠিত ছিল না। রাজানুগ্রহেতে স্বপিতৃ-পদাভিষিক্ত হওয়াতে রোগিণী চিকিৎসার্থে তাহার সম্মিথিতে যাওয়া আসা করিতে লাগিল। পরে এক দিবস এক নেত্ররোগী ঐ রামকুমার বৈষ্ণবপুত্রের নিকটে আসিয়া কহিল হে বৈষ্ণবপুত্র আমি অক্ষিপীড়াতে অতিশয় পীড়িত আছি দেখ আমাকে এমন কোন ঔষধ দেও যাহাতে আমার নয়নব্যাদি শীঘ্র উপশম পায়। কথনেত্রের এই বাক্য শ্রবণ করিয়া ঐ চিকিৎসকসম্মত অতিবড় এক পুস্তক আনিয়া খুলিবামাত্র এক বচনার্ক দেখিতে পাইল সে বচনার্ক এই

“ নেত্ররোগে সমুৎপাদে কর্ণে ছিত্বা কটিং দহেৎ ”

ইহার অর্থ নেত্ররোগ হইলে নেত্ররোগির কর্ণদ্বয় ছেদন করিয়া লৌহ তপ্ত করিয়া তাহার কটিতে দাগ দিবে এই বচনার্ক পাইয়া ঐ ভিষকনন্দন নেত্ররোগিকে কহিল হে কথাক্ষ এই প্রতীকারে তোমার ব্যাদির শীঘ্র শান্তি হইবে যেহেতুক এম্ মুকুলিত করামাত্রই এ ব্যাদির ঔষধের প্রমাণ পাওয়া গেল এ বড় সুলক্ষণ। রোগী কহিল সে কি ঔষধ ভিষকসন্তান কহিল তুমি শীঘ্র বাটী গিয়া এই প্রয়োগ কর তীক্ষ্ণ-ধার শাণিত এক ক্ষুর আনিয়া স্বকীয় দুই কর্ণ কাটিয়া সমুপ্ত লৌহেতে দুই পাছাতে দুই দাগ দেও তবে তোমার চক্ষুঃপীড়া আশু শান্ত হইবে ইহা শুনিয়া ঐ লোচনরোগী আর্ন্ততাপ্রযুক্ত কিঞ্চিৎশ্রদ্ধা বিবেচনা না করিয়া তাহাই করিল।

অনন্তর রোগী এক পীড়োপশমনার্থ চেষ্টাতে অধিক পীড়াদ্বয়ে অত্যন্ত ব্যাকুল হইয়া ঐ বৈষ্ণবের নিকটে পুনর্বার গেল ও তাহাকে কহিল হে বৈষ্ণবপুত্র নেত্রের জ্বালা যেমন তেমনি পৌদের জ্বালায় মরি। বৈষ্ণবপুত্র কহিল ভাই কি করিবে রোগ হইলে সহিষ্ণুতা করিতে হয় আমি শাস্ত্রানুসারে তোমাকে ঔষধ দিয়াছি আতুর হইলে কি হবে “ নহি স্মৃথং দুঃখৈর্বিদ্যা লভ্যতে ”। এইরূপে রোগী ও বৈষ্ণবে কথোপকথন হইতেছে ইতিমধ্যে অত্যন্তম এক চিকিৎসক তথা আসিয়া উপস্থিত হইল। ঐ যমসহোদর রামকুমার নামে মুখ্য বৈষ্ণবতনয়ের পল্লবগ্রাহি পাণ্ডিত্যপ্রযুক্ত

সাহসের বিশেষ অবগত হইয়া কহিল ওরে বালীক সর্বনাশ করিয়াছিস্ এ রোগীটাকে খুন করিলি এ বচনার্কি অশ্ব চিকিৎসার মনুষ্যপর নয় । দেশ কাল পাত্র অবস্থা ভেদে চিকিৎসার বিশেষ আছে তোর প্রকরণ জ্ঞান নাই এ শাস্ত্র তোর পড়া নয় কুর্যুৎপত্তিমাত্র বলে অপাঠিত শাস্ত্রের ব্যবস্থা দিস্ যা যা উত্তম ওকর স্থানে বৈদ্যক শাস্ত্রের অধ্যয়ন কর “সঙ্কেত-বিদ্যা ওকবক্তৃগম্যা” ইহা কি তুই কখন শুনিস্ নাই । এইরূপে ঐ চিকিৎসকবৎসকে পবিত্র ভৎসন করিয়া ঐ ক্লিন্নাক্ষ রোগিকে যথাশাস্ত্র ঔষধ প্রদান করিয়া নীরোগ করিল” (৪৩)।

শ্রীযুত রামকুমার কবিরাজের ব্যবস্থা, আর শ্রীযুত গঙ্গাধর কবিরাজের ব্যবস্থা এ উভয়ের অনেক অংশে সৌসাদৃশ্য আছে কি না, সকলে অনুধাবন করিয়া দেখিবেন ।

কবিরত্ন মহাশয়ের চতুর্থ আপত্তি এই,

“নৈষ্ঠিক ব্রহ্মচারীর বিবাহই নাই” (৪৪) ।

কবিরত্ন মহাশয়ের এ আপত্তির উদ্দেশ্য এই, নৈষ্ঠিক ব্রহ্মচারী, বিবাহ না করিয়া, যাবজ্জীবন ব্রহ্মচর্য্য অবলম্বন পূর্ব্বক কাল যাপন করেন । বিবাহ ও গৃহস্থাশ্রম নিত্য হইলে, নিত্য কর্ম্মের ইচ্ছাকৃত পরিত্যাগ জন্ম, তিনি প্রত্যবাগ্নিগ্ৰস্ত হইতেন । অতএব, বিবাহ নিত্য নহে । এ বিষয়ে বক্তব্য এই যে, নৈষ্ঠিক ব্রহ্মচারী দারপরিগ্রহ করেন না, এই হেতুতে বিবাহের বা গৃহস্থাশ্রমের নিত্যত্ব ব্যাঘাত হয় না, ইহা তর্কবাচস্পতিপ্রকরণে আলোচিত হইয়াছে (৪৫) । কবিরত্ন মহাশয়ের সম্ভোষার্থে প্রমাণান্তর উল্লিখিত হইতেছে ।

যস্মৈতানি স্মৃণুগ্ধানি জিহ্বোপস্থোদরং করঃ ।

(৪৩) প্রবোধচন্দ্রিকা, দ্বিতীয় স্তবক, তৃতীয় কুসুম ।

(৪৪) বহুবিবাহরাহিত্যারাহিত্যনির্ণয়, ১৯ পৃষ্ঠা ।

(৪৫) এই পুস্তকের ৩৭, ৩৮, ৬৯ পৃষ্ঠা দেখ ।

সন্ন্যাসসময়ং কৃত্বা ব্রাহ্মণো ব্রহ্মচর্য্যয়া ।

তন্নিম্নেব নয়েৎ কালমাচার্য্যে যাবদায়ুষম্ ।

তদভাবে চ তৎপুত্রে তচ্ছিষ্যে বাথ তৎকুলে ।

ন বিবাহো ন সন্ন্যাসো নৈষ্ঠিকস্ত বিধীয়তে ॥

ইমং যো বিধিমাত্মন্য ত্যজেদেহমতদ্রিতঃ ।

নেহ ভূয়োহপি জায়েত ব্রহ্মচারী দৃঢ়ব্রতঃ (৪৬) ॥ •

যে ব্যক্তির জিহ্বা, উপস্থ, উদর ও কর সুরক্ষিত অর্থাৎ বিষ-  
স্নানুরাগে বিচলিত না হয়, তাদৃশ ব্রাহ্মণ, ব্রহ্মচর্য্য অবলম্বনপূর্ব্বক,  
সর্ব্বভাগী হইয়া, সেই গুরুর নিকটেই যাবজ্জীবন কালযাপন করি-  
বেক ; গুরুর অভাবে গুরুপুত্রের নিকট, তদভাবে তদীয় শিষ্য  
অথবা তৎকুলোৎপন্ন ব্যক্তির নিকট । নৈষ্ঠিক ব্রহ্মচারীর বিবাহ ও  
সন্ন্যাস বিহিত নহে । যে দৃঢ়ব্রত ব্রহ্মচারী, অবহিত ও অনলস হইয়া,  
এই বিধি অবলম্বন পূর্ব্বক দেহত্যাগ করে, তাহার পুনর্জন্ম হয় না ।

এই শাস্ত্রে নৈষ্ঠিক ব্রহ্মচারীর বিবাহ নিষিদ্ধ হইয়াছে । সামান্য-  
শাস্ত্র অনুসারে, ব্রহ্মচর্য্য সমাপনের পর, গুরুর অনুমতি লইয়া,  
গৃহস্থাশ্রমে প্রবেশ ও দারপরিগ্রহ করিতে হয় । বিশেষশাস্ত্র অনু-  
সারে, ইচ্ছা ও ক্ষমতা হইলে, যাবজ্জীবন ব্রহ্মচর্য্য করিতে পারে ।  
যে যাবজ্জীবন ব্রহ্মচর্য্য করে, তাহাকে নৈষ্ঠিক ব্রহ্মচারী বলে । যথা,

যন্তুপনয়নাদেতদা যুতোব্রতমাচরেৎ ।

স নৈষ্ঠিকো ব্রহ্মচারী ব্রহ্মসায়ুজ্যমাপুয়াৎ (৪৭) ॥

যে ব্যক্তি উপনয়নের পর যুত্বকালপর্য্যন্ত এই ব্রতের অর্থাৎ ব্রহ্ম-  
চর্য্যের অনুষ্ঠান করে, সে নৈষ্ঠিক ব্রহ্মচারী, ব্রহ্মসায়ুজ্য প্রাপ্ত হয় ।

ব্রহ্মচর্য্য সমাপনের পর বিবাহের বিধি প্রদত্ত হইয়াছে । নৈষ্ঠিক ব্রহ্ম-  
চারীর ব্রহ্মচর্য্য সমাপ্ত হয় না, সুতরাং বিবাহে অধিকার জন্মে না ।

(৪৬) হারীতসংহিতা, তৃতীয় অধ্যায় ।

(৪৭) ব্যাসসংহিতা, প্রথম অধ্যায় ।

বিবাহ করিলে, ত্রুতভঙ্গ হয়, এ জন্যই নৈষ্ঠিক ত্রুতচারীর পক্ষে বিবাহ নিষিদ্ধ দৃষ্ট হইতেছে । এমন স্থলে, নৈষ্ঠিক ত্রুতচারী বিবাহ করেন না বলিয়া, বিবাহের নিত্যত্ব ব্যাঘাত হইতে পারে না । শাস্ত্র-কারেরা অবিরক্ত ব্যক্তির পক্ষেই গৃহস্থাশ্রমের ও গৃহস্থাশ্রমপ্রবেশ-মূলক বিবাহের নিত্যত্বব্যবস্থা করিয়াছেন । তর্কবাস্পতিপ্রকরণের দ্বিতীয় পরিচ্ছেদ, আদ্যোপান্ত, বিবাহের নিত্যত্ব, নৈমিত্তিকত্ব ও কাম্যত্ব সংস্থাপনে নিয়োজিত হইয়াছে । কবিরত্ন মহাশয়, আলস্য-ত্যাগ করিয়া, ঐ পরিচ্ছেদে দৃষ্টিবিচ্যাস করিলে, বিবাহের নিত্যত্ব সিদ্ধ হয় কি না, তাহার সবিশেষ অবগত হইতে পারিবেন ।

কবিরত্ন মহাশয়ের পঞ্চম আপত্তি এই,

“অসবর্ণাবিবাহ যদি দ্বিজাতিদিগের পূর্বে বিধিই নাই এই ব্যাখ্যা করেন তবে বিস্মৃক্ত বচন সঙ্গত হয় না । বিস্মৃবচন কিঞ্চিৎ লিখিয়াছেন শেষ গোপন করিয়া রাখিয়াছেন ইহা কি উচিত । শাস্ত্রের যথার্থ ব্যাখ্যা করিতে হয় ।

বিস্মৃবচন যথা

সবর্ণানু বহুভার্য্যানু বিদ্যমানানু জ্যেষ্ঠয়া সহ ধর্ম্যং  
কুর্য্যাৎ ।

এই পর্য্যন্ত লিখিয়া শেষ লিখেন নাই । শেষটুক লিখিলেও ব্যাখ্যা সঙ্গত হয় না । উহার শেষ এই ।

মিত্রানু চ কনিষ্ঠয়াপি সবর্ণয়া । সবর্ণাভাবে হনন্ত-  
রনৈবাপদি চ । নত্বেব দ্বিজঃ শূদ্রয়া ।

দ্বিজস্য ভার্য্যা শূদ্রা তু ধর্ম্যার্থে ন ভবেৎ কচিৎ ।

রত্যাংমেব সা তস্য রাগাক্ষস্য প্রকীর্তিতা ইতি ॥

এই বিস্মৃবচনে । মিত্রানু চ কনিষ্ঠয়াপি সবর্ণয়া । এই লিখাতে

ব্রাহ্মণের অগ্রে বিবাহ ক্ষত্রিয় অথবা বৈশ্য। ইহাতে পারে পরে সর্বণা বিবাহ ইহাতে পারে । তাহা ইহানে মিত্রবর্ণ বহুভার্য্যা হয় কিন্তু ক্ষত্রিয়। জ্যেষ্ঠা তবে কি ব্রাহ্মণ ক্ষত্রিয়ার সহিত ধর্ম-চরণ করিবে । এবং ক্ষত্রিয়ের অগ্রে বৈশ্য। পরে ক্ষত্রিয়। তাহার জ্যেষ্ঠা বৈশ্যার সহিত কি ধর্মচরণ করিবে । তাহাতেই কহিয়াছেন মিত্রানু কনিষ্ঠয়াপি সর্বণা— । সর্বণা কনিষ্ঠা স্ত্রীর সহিতেই ধর্মচরণ করিবে” (৪৮) ।

কবিরত্ন মহাশয়ের উল্লিখিত বিষ্ণুবচন যে অভিপ্রায়ে উদ্ধৃত ও ব্যাখ্যাত হইয়াছিল, তৎপ্রদর্শনার্থ প্রথম পুস্তকের কয়দংশ উদ্ধৃত হইতেছে ;—

“কোনও কোনও মুনিবচনে এক ব্যক্তির বহু স্ত্রী বিদ্যমান থাকার নির্দিষ্ট আছে, তদর্শনে কেহ কেহ কহিয়া থাকেন, যখন শাস্ত্রে এক ব্যক্তির যুগপৎ বহু স্ত্রী বিদ্যমান থাকার স্পষ্ট উল্লেখ দৃষ্টিগোচর হইতেছে, তখন যদৃচ্ছাপ্রবৃত্ত বহুবিবাহ শাস্ত্রকারদিগের অনুমোদিত কার্য্য নহে, ইহা কিরূপে পরিগৃহীত হইতে পারে । তাঁহাদের অভিপ্রেত শাস্ত্র সকল এই,—

১ । সর্বণানু বহুভার্য্যানু বিদ্যমানানু জ্যেষ্ঠয়া সহ ধর্ম-কার্য্যং কারয়েৎ ।

সজাতীয়া বহু ভার্য্যা বিদ্যমান থাকিলে, জ্যেষ্ঠার সহিত ধর্ম-কার্য্যের অনুষ্ঠান করিবেক” (৪৯) ।

এইরূপে বহুভার্য্যাপরিগ্রহের প্রমাণভূত কতিপয় বচন প্রদর্শন করিয়া লিখিয়াছিলাম,

“এই সকল বচনে এরূপ কিছুই নির্দিষ্ট নাই যে তদ্বারা শাস্ত্রোক্ত নিমিত্ত ব্যতিরেকে পুরুষের ইচ্ছাধীন বহু বিবাহ প্রতিপন্ন হইতে পারে । প্রথম বচনে (কবিরত্ন মহাশয়ের উল্লিখিত

(৪৮) বহুবিবাহরাহিত্যারাহিত্যনির্ণয়, ২০ পৃষ্ঠা ।

(৪৯) বহুবিবাহবিচার, প্রথম পুস্তক, ১০ পৃষ্ঠা ।

বিষ্ণুবচনে) এক ব্যক্তির বহুভার্য্যা বিদ্যমান থাকার উল্লেখ আছে ; কিন্তু ঐ বহুভার্য্যাবিবাহ অধিবেদনের নির্দিষ্ট নিয়ন্ত্র-নিবন্ধন নহে, তাহার কোনও হেতু লক্ষিত হইতেছে না” (৫০) ।

বিষ্ণু প্রথম বচনে ব্যবস্থা করিয়াছেন, যদি কোনও ব্যক্তির সর্বণা বহু ভার্য্যা থাকে, সে জ্যেষ্ঠা ভার্য্যার সহিত ধর্ম্মকার্য্যের অনুষ্ঠান করিবেক ; অনন্তর, দ্বিতীয় বচনে ব্যবস্থা করিয়াছেন, যদি সর্বণা অসর্বণা বহু ভার্য্যা থাকে, তাহা হইলে, সর্বণা অসর্বণা অপেক্ষা বয়ঃকনিষ্ঠা হইলেও, তাহারই সহিত ধর্ম্মকার্য্য করিবেক । যথা,

মিশ্রামু চ কনিষ্ঠয়াপি সর্বণয়া ।

সর্বণা অসর্বণা বহু ভার্য্যা বিদ্যমান থাকিলে, সর্বণা বয়ঃকনিষ্ঠা হইলেও, তাহারই সহিত ধর্ম্মকার্য্য করিবেক ।

এ স্থলে দৃষ্ট হইতেছে, সর্বণা অপেক্ষা অসর্বণা বয়োজ্যেষ্ঠা ; তদ্বারা ইহা প্রতিপন্ন হইতে পারে, সর্বণার পূর্বে অসর্বণার পাণিগ্রহণ সম্পন্ন হইয়াছে ; সুতরাং, প্রথম বিবাহে অসর্বণা নিষিদ্ধা নহে, ইহা সিদ্ধ হইতেছে । এই স্থির করিয়া, কবিরত্ন মহাশয় লিখিয়াছেন, আমি বিষ্ণুবচনের শেষ অংশ গোপন পূর্বক, পূর্ব অংশের অর্থার্থ ব্যাখ্যা করিয়া, লোককে প্রতারণা করিয়াছি । এ স্থলে ব্যক্তব্য এই যে, সর্বণা অসর্বণা বহু ভার্য্যা সম্বারে সর্বণা স্ত্রী বয়ঃকনিষ্ঠা হওয়া তিন প্রকারে ঘটিতে পারে ; প্রথম, অগ্রে অসর্বণা বিবাহ করিয়া পরে সর্বণাবিবাহ ; দ্বিতীয়, প্রথমে সর্বণাবিবাহ, তৎপরে অসর্বণাবিবাহ, অনন্তর পূর্বপরিণীতা সর্বণার মৃত্যু হইলে, পুনরায় সর্বণাবিবাহ ; তৃতীয়, প্রথমে অতি অল্পবয়স্কা সর্বণাবিবাহ, তৎপরেই অধিকবয়স্কা অসর্বণাবিবাহ ( ৫১ ) । ইতিপূর্বে নির্বিবাদে

(৫০) বহুবিবাহবিচার, প্রথম পুস্তক, ১১ পৃষ্ঠা ।

(৫১) ঐদৃশ বিবাহের উদাহরণ নিতান্ত দুস্প্রাপ্য নহে । ইদানীন্তন কুলীন কায়স্থদিগের মধ্যে একগুণ বিবাহের প্রণালী প্রচলিত

প্রতিপাদিত হইয়াছে, প্রথমে অসবর্ণবিবাহ সৰ্বতোভাবে শাস্ত্র-বহির্ভূত ও ধর্মবিগর্হিত কর্ম । অতএব, যখন প্রথমে অসবর্ণবিবাহ সৰ্বতোভাবে বিধিবিরুদ্ধ কর্ম বলিয়া স্থিরীকৃত আছে, এবং যখন বিষ্ণুবচনে বয়ঃকনিষ্ঠা সবর্ণার উল্লেখ অন্য দুই প্রকারে সম্পূর্ণ সম্ভব হইতেছে, তখন ঐ উল্লেখমাত্র অবলম্বন করিয়া, প্রথমে অসবর্ণ-বিবাহ নিষিদ্ধ নহে, এরূপ সিদ্ধান্ত নিতান্ত অসঙ্গত ও সম্পূর্ণ ভ্রান্তি-মূলক, তাহার সংশয় নাই ।

কবিরত্ন মহাশয় স্বীয় বিচারপুস্তকের শাস্ত্রীয় অংশ সমাপন করিয়া উপসংহার করিতেছেন,

“এই সকল শাস্ত্রদৃষ্টিতে আমার বুদ্ধিসিদ্ধ বহুবিবাহ শাস্ত্র-সিদ্ধ অশাস্ত্রিক নহে । তবে যদি বহুবিবাহ রহিতের বাসনা সিদ্ধ করিতে হয় তবে শাস্ত্রাবলম্বন ত্যাগ করুন । শাস্ত্রের মথার্থ ব্যাখ্যা না করিয়া, মুর্থদিগকে বুঝাইয়া শাস্ত্রসম্মত কর্ম বলিয়া প্রকাশ করার আবশ্যক কি (৫২)” ।

“এই সকল শাস্ত্রদৃষ্টিতে আমার বুদ্ধিসিদ্ধ বহুবিবাহ শাস্ত্রসিদ্ধ অশাস্ত্রিক নহে ” ।—কবিরত্ন মহাশয়, ধর্মশাস্ত্রবিচারে প্রবৃত্ত হইয়া, বুদ্ধির যেরূপ পরিচয় দিয়াছেন, তাহা ইতিপূর্বে সবিস্তর দর্শিত হইয়াছে । অতএব, বহুবিবাহ শাস্ত্রসিদ্ধ অশাস্ত্রিক নহে ইহা, তাঁহার বুদ্ধিসিদ্ধ, তদীয় এই নির্দেশ কত দূর আদরণীয় হওয়া উচিত, তাহা সকলে বিবেচনা করিয়া দেখিবেন ।—“তবে যদি বহুবিবাহ

আছে । কখনও কখনও, কুলকর্ম্মানুরোধে, কুলীন কায়স্থ প্রথমে অতি অল্পবয়স্কা কুলীন কন্যার সহিত পুত্রের বিবাহ দিয়া তৎপরে অধিকবয়স্কা মৌলিককন্যার সহিত বিবাহ দিয়া থাকেন । পূর্ব-কালীন ব্রাহ্মণের পক্ষে প্রথমে অসবর্ণা বিবাহ যেরূপ নিষিদ্ধ ছিল ; ইদানীন্তন কুলীন কায়স্থের পক্ষে প্রথমে মৌলিককন্যা বিবাহ সেইরূপ নিষিদ্ধ ।

(৫২) বহুবিবাহরাহিত্যারাহিত্যনির্ণয়, ২৩ পৃষ্ঠা ।

রহিতের বাসনা সিদ্ধ করিতে হয় তবে শাস্ত্রাবলম্বন ত্যাগ করুন” ।  
 —যিনি কোনও কালে ধর্মশাস্ত্রের অধ্যয়ন ও অনুশীলন করেন নাই ;  
 সুতরাং, ঋষিবাক্যের অর্থবোধে ও তাৎপর্য্যগ্রহে সম্পূর্ণ অসমর্থ ;  
 তাদৃশ ব্যক্তির মুখে ঈদৃশ উপদেশবাক্য শ্রবণ করিলে, শরীর পুল-  
 কিত হয় । অনন্যমনাঃ ও অনন্যকর্মা হইয়া, জীবনের অবশিষ্ট ভাগ  
 ধর্মশাস্ত্রের অনুশীলনে অতিবাহিত করিলেও, তাঁহার ঈদৃশ উপদেশ  
 দিবার অধিকার জন্মিবেক কি না, সন্দেহ স্থল ; এমন স্থলে, অর্থগ্রহ  
 ব্যতিরেকে দুই চারিটি বচন অবলম্বন করিয়া, ধর্মশাস্ত্রে সর্বজ্ঞ হইয়াছি  
 এই ভাবিয়া, “ শাস্ত্রাবলম্বন পরিত্যাগ করুন,” অগ্নানমুখে এতাদৃশ  
 উপদেশ দিতে উদ্বৃত্ত হওয়া সাতিশয় আশ্চর্য্যের ও নিরতিশয় কোতু-  
 কের বিষয় বলিতে হইবেক ।—“ শাস্ত্রের যথার্থ ব্যাখ্যা না করিয়া  
 ব্যাখ্যাস্তর করিয়া যুর্ধদিগকে বুঝাইয়া শাস্ত্রসম্মত কর্ম বলিয়া প্রকাশ  
 করার আবশ্যক কি” ।—যদি এরূপ রাজাজ্ঞা প্রচারিত থাকিত, পূর্বে  
 বঙ্গদেশবাসী, অধুনা মুরশিদাবাদনিবাসী, সর্বশাস্ত্রদর্শী, চিকিৎসা-  
 ব্যবসায়ী, শ্রীযুত গঙ্গাধর রায় কবিরাজ কবিরত্ন মহোদয় যে স্মৃতিবচনের  
 যে অর্থ যথার্থ বা অযথার্থ বলিয়া অভিপ্রায় প্রকাশ করিবেন ; অদ্ভা-  
 বধি, দ্বিকাক্তি না করিয়া, ঐ বচনের ঐ অর্থ যথার্থ বা অযথার্থ  
 বলিয়া ভারতবর্ষবাসী লোকদিগকে শিরোধার্য্য করিতে হইবেক ;  
 তাহা হইলে, আমি যে সকল ব্যাখ্যা লিখিরাছি, সে সমস্ত  
 যথার্থ নহে, তদীয় এই সিদ্ধান্ত নিবিবাদে অঙ্গীকৃত হইতে পারিত ।  
 কিন্তু, সৌভাগ্যক্রমে, সেরূপ রাজাজ্ঞা প্রচারিত নাই ; সুতরাং,  
 অকুতোভয়ে নির্দেশ করিতেছি, আমি, শাস্ত্রের অযথার্থ ব্যাখ্যা  
 লিখিয়া, লোককে প্রতারণা করিবার নিমিত্ত প্রয়াস পাই নাই ।  
 পূর্বে নির্দেশ করিয়াছি এবং এক্ষণেও নির্দেশ করিতেছি, কবিরাজ  
 মহাশয় ধর্মশাস্ত্রে সম্পূর্ণ অনভিজ্ঞ ; চিকিৎসা বিষয়ে কিরূপ বলিতে  
 পারি না, কিন্তু ধর্মশাস্ত্র বিষয়ে তাঁহার কিছুমাত্র নাড়ীজ্ঞান নাই ;

এজন্তই, নিতান্ত নির্বিবেক হইয়া, এরূপ গর্ভিত বাক্যে এরূপ উদ্ধত, এরূপ অসঙ্গত নির্দেশ করিয়াছেন । আর,—“মূর্খদিগকে বুঝাইয়া”, —তদীয় এই লিখন দ্বারা ইহাই প্রতিপন্ন হইতেছে, বিষয়ী লোক যাত্রাই মূর্খ, সেই মূর্খদিগের চক্ষে ধূলিপ্রক্ষেপ করিবার নিমিত্ত, আমি যদৃচ্ছা-প্রবৃত্ত বহুবিবাহকাণ্ড শাস্ত্রবহির্ভূত কর্ম বলিয়া অলীক অশাস্ত্রীয় ব্যবস্থা প্রচার করিয়াছি । কবিরত্ন মহাশয়ের মত কতকগুলি লোক আছেন ; তাঁহারা বিষয়ী লোকদিগকে মূর্খ স্থির করিয়া রাখিয়াছেন ; কারণ, বিষয়ী লোক সংস্কৃত ভাষা জানেন না । তাঁহাদের মতে সংস্কৃতভাষার ব্যাকরণ না পড়িলে, লোক পণ্ডিত বলিয়া গণনীয় হইতে পারে না ; তাদৃশ লোক, অসাধারণ বুদ্ধিমান ও বিদ্যাবিশারদ বলিয়া সর্বত্র প্রতিষ্ঠিত হইলেও, তাঁহাদের নিকট মূর্খ বলিয়া পন্নি-গণিত হইয়া থাকেন । পক্ষান্তরে, যে সকল মহাপুরুষ, সংস্কৃত-ভাষার ব্যাকরণ পাঠ ও অন্যান্য শাস্ত্র স্পর্শ করিয়া, বিদ্যার অভি-মানে জগৎকে তৃণ জ্ঞান করেন, বিষয়ী লোকে তাদৃশ পণ্ডিতাভি-মানী দিগকে মূর্খের চুড়ামণি ও নির্বোধের শিরোমণি বলিয়া ব্যবস্থা স্থির করিয়া রাখিয়াছেন । এ স্থলে, কোন পক্ষ ন্যায়বাদী, তাহার মীমাংসা করিবার প্রয়োজন নাই ।

## উপসংহার

সংস্কৃত ভাষায় ভদ্রাচরণ্যে প্রভৃতি প্রাতিপদী মহাকাব্য  
বিস্তৃত ভাবে বহুবিবাহের আঙ্গীকৃত্যপক্ষ সমর্থন করিবার বিষয়  
বে সমস্ত শাস্ত্র ও বালি প্রমাণ করিয়াছেন, উৎসুক সন্নিহিত  
প্রমাণিত হইল। বদ্ব্যক্রমের বহু ইচ্ছা বিবাহ করা কোনও দেশ  
পরিহারিণীর, অসম্প্রদেয় নহে, ইহা সাহিত্যে দেশের সর্বদাচার  
সাহিত্যে ইত্যদ্য ইত্যদ্য, একই আঙ্গীকৃত্যপক্ষ সেইরূপে বিবাহিত কবি  
বাহুসংস্কৃত প্রমাণ পাইরাছি। কিন্তু, কত দূর কতকাঁচা ইহা  
বিস্তৃত পরিমাণ। তবে, এক কথা স্মরণপূর্বক বলিতে পারা যায়  
যদিও বিবাহে বহুবিবাহ করিয়া বদ্রপ বহু ও বদ্রপ পরিগ্রহ করা উচিত  
নহে, সাধ্যানুসারে সে বিষয়ে ত্রুটি করি নাই। সে সম্বন্ধে  
কৌতূহলাবিত্ত হইয়া, অথবা অসম্প্রদেয় প্রাতিপদ প্রকাশ  
এই স্থানকার পূর্বক, কিস্তি অভিযোজন সহকারে  
আঙ্গীকৃত্যপক্ষ অনলোকন করিবেন, অথবা বহু ও পরিগ্রহ  
ও সকল ইহা আছে, অথবা সর্বাত্মকই বিকল ইহা আছে  
বিবাহ বিহার ও বীজাংগী করিতে পারিবেন। আমি এই  
উপসংহার, পূর্বক বদ্ব্যক্রম প্রবৃত্ত বহুবিবাহ ও আঙ্গীকৃত্য  
বিবাহিত ব্যবহার বলিয়া আশার যে সংস্কার আশ্রিত  
এই অভিযোজন সহকারে, বিবাহসংস্কার আঙ্গীকৃত্যপক্ষ  
সমর্থন করিতে, সেই সংস্কার সর্বতোভাবে উচিত ইহা  
কোনও কিছু কাল এই বিষয়ের আলোচনা করিয়া, আশার এত দূর  
বিস্তৃত বিশ্বাস জন্মিয়াছে যে, বদ্ব্যক্রম প্রবৃত্ত বহুবিবাহ ও আঙ্গীকৃত্য

ব্যবহার, ইহা কেহ প্রতিপন্ন করিতে পারিবেন না, এরূপ নির্দেশ করিতে ভয়, সংশয় বা সন্দেহ উপস্থিত হইতেছে না। ফলতঃ, আমার সামান্য বুদ্ধিতে, যত দূর শাস্ত্রের অর্থবোধ ও তাৎপর্যগ্রহ করিতে পারিয়াছি, তদনুসারে, যদৃচ্ছাপ্রবৃত্ত বহুবিবাহকাণ্ড শাস্ত্রদ্বারা ব্যবহার বলিয়া সমর্থিত হওয়া সম্ভব নহে।

যদৃচ্ছাক্রমে যত ইচ্ছা বিবাহ করা শাস্ত্রকারদিগের অনুমত/নু-মোদিত কার্য্য, ইহা প্রতিপন্ন করিতে উদ্যত হইলে, যে কেবল ঐশাস্ত্র-বিষয়ে স্থায়ী অনভিজ্ঞতার সম্পূর্ণ পরিচয় দেওয়া হয় এরূপ নহে, নিরপরাধ শাস্ত্রকারদিগকেও নিতান্ত নৃশংস ও নিতান্ত নির্বিবেক বলিয়া বিলক্ষণ প্রতিপন্ন করা হয়। যদৃচ্ছাপ্রবৃত্ত বহুবিবাহকাণ্ড যে যার পর নাই লজ্জাকর, ঘৃণাকর ও অনর্থকর ব্যবহার, তাহা প্রমাণ দ্বারা প্রতিপন্ন করিবার প্রয়োজন নাই। আমার বোধে, যে সকল মহাত্মারা, জগতের হিতের নিমিত্ত, শাস্ত্রপ্রণয়ন করিয়াছেন, তাঁহারা তাদৃশ ধর্মবাহিতৃত লোকবিগর্হিত বিষয়ে অনুমতিপ্রদান বা অনুমোদন-প্রদর্শন করিয়া গিয়াছেন, ইহা মনে করিলে মহাপাত-বস্তুতঃ, মানবজাতির হিতাহিত ও কর্তব্যাকর্তব্য নিরূপণ-নিমিত্ত যে শাস্ত্রের সৃষ্টি হইয়াছে, যদৃচ্ছাপ্রবৃত্ত পিশাচব্যবহার সেই শাস্ত্রের বিধি অনুযায়ী কার্য্য, ই-মতে সম্ভব হইতে পারে না। ফলতঃ, যাহারা একবারে হ-বোধশূন্য, সদসদ্বিবেচনাশক্তিবর্জিত এবং সম্ভব অসম্ভব-অসঙ্গত বিবেচনা বিষয়ে বহির্মুখ নহেন, ধর্মশাস্ত্রে অধিকার-এবং তত্ত্বনির্ণয়পক্ষ লক্ষ্য হইলে, তাদৃশ ব্যক্তির, যদৃচ্ছাক্রমে ইচ্ছা বিবাহ করা শাস্ত্রানুমোদিত কার্য্য, ঐদৃশ ব্যবস্থা প্রচারে প্রবৃত্ত হইতে পারেন, এরূপ বোধ হয় না।

শাস্ত্রে দ্বিবিধমাত্র অধিবেদন অনুমত ও অনুমোদিত দৃষ্ট হই-তেছে; প্রথম ধর্মার্থ অধিবেদন, দ্বিতীয় কামার্থ অধিবেদন। পূর্ব-

পরিণীতা পত্নী বন্ধ্যা, ব্যভিচারিণী, সুরাপায়িনী, চিররোগিণী প্রভৃতি স্থির হইলে, শাস্ত্রকারেরা পুরুষের পক্ষে পুনরায় দারপরিগ্রহের অনুমতি দিয়াছেন । সেই অনুমতির অনুবর্তী হইয়া, পুরুষ যে দারপরিগ্রহ করে, উহার নাম ধর্মার্থ অধিবেদন । পুত্রলাভ ও ধর্মকার্যসাধন গৃহস্থাশ্রমের প্রধান উদ্দেশ্য । স্ত্রীর বন্ধ্যাত্ব প্রভৃতি দোষ ঘটিলে, ঐ দুই প্রধান উদ্দেশ্যের সমাধান হয় না । ঐ দুই প্রধান উদ্দেশ্য সমাহিত না হইলে, গৃহস্থ ব্যক্তিকে প্রত্যবারগ্রস্ত হইতে হয় । এজন্য, শাস্ত্রকারেরা তাদৃশ স্থলে অধিবেদনের অনুমতি প্রদান করিয়া গিয়াছেন । আর, পূর্বপরিণীতা পত্নীর সহযোগে রতিকামনা পূর্ণ না হইলে, ধনবান্ কামুক পুরুষের পক্ষে শাস্ত্রকারেরা অসবর্ণাপরিগ্রহের অনুমোদন করিয়াছেন । সেই অনুমোদনের অনুবর্তী হইয়া, কেবল কামোপশমনবাসনায়, কামুক পুরুষ অনুলোমক্রমে বর্ণান্তরে যে দারপরিগ্রহ করে, উহার নাম কামার্থ অধিবেদন । নির্বিষ্ট চিত্তে, শাস্ত্রের তাৎপর্য পর্যালোচনা করিয়া দেখিলে, স্পষ্ট প্রতীয়মান হয়, শাস্ত্রোক্ত নিমিত্ত ঘটনা ব্যতিরেকে সবর্ণা পত্নীকে অপদস্থ বা অপমানিত করা শাস্ত্রকারদিগের অভিমত বা অভিপ্রেত নহে । কামোপশমনের নিমিত্ত নিতান্ত আবশ্যক হইলে, তাঁহারা কামুক পুরুষের পক্ষে অসবর্ণা পরিগ্রহের অনুমোদন করিয়াছেন বটে, কিন্তু, পূর্বপরিণীতা সবর্ণা সহধর্মিণীর সম্ভাব্যসম্পাদন ও সম্মতিলাভ ব্যতিরিক্ত স্থলে তাদৃশ অধিবেদনে অধিকার বিধান করেন নাই ; সুতরাং, কামার্থ অধিবেদনের পথ এক প্রকার কঙ্ক করিয়া রাখিয়াছেন, বলিতে হইবেক ; কারণ, পূর্বপরিণীতা সহধর্মিণী সমুচ্চ চিত্তে স্বামীর দারান্তরপরিগ্রহে সম্মতি দিবেন, ইহা কোনও যুক্তে সম্ভব নহে ; আর, যদিই কোনও অর্থলোভিনী সহধর্মিণী, অর্থলাভে চরিতার্থ হইয়া, তাদৃশ সম্মতি প্রদান করেন, এবং তদনুসারে তাঁহার স্বামী অসবর্ণা বিবাহ করিলে, উত্তর কালে তন্নিবন্ধন

তাঁহার ক্রেশ, অসুখ বা অসুবিধা ঘটে, সে তাঁহার নিজের দোষ । আর, যদি পূর্বপরিণীতা সর্বর্ণা সহধর্মিণীর সম্মতিনিরপেক্ষ হইয়া, অথবা এক বারেই শাস্ত্রীয় বিধি ও শাস্ত্রীয় নিষেধ উল্লঙ্ঘন করিয়া, যথেষ্টচারী ধার্মিক মহাপুরুষেরা স্বেচ্ছাধীন বিবাহ করিতে আরম্ভ করেন, এবং ধর্মশাস্ত্রানভিজ্ঞ সর্বজ্ঞ মহাপুরুষেরা তাদৃশ অবৈধ বিবাহকে বৈধ বলিয়া প্রতিপন্ন করিতে প্রবৃত্ত হইলেন, তৎক্ষণাৎ লোকহিতৈষী নিরীহ শাস্ত্রকারেরা কোনও অংশে অপরাধী হইতে পারেন না । তাঁহারা পূর্বপরিণীতা সর্বর্ণা সহধর্মিণীকে ধর্মপত্নী ও কামোপশমনের নিমিত্ত অনন্তরপরিণীতা অসর্বর্ণা ভার্য্যাকে কামপত্নী শব্দে নির্দেশ করিয়াছেন । শাস্ত্রানুসারে, ধর্মপত্নী গৃহস্থকর্তব্য যাবতীয় লৌকিক বা পারলৌকিক বিষয়ে সহাধিকারিণী ; কামপত্নী কেবল কামোপশমনের উপযোগিনী ; সুতরাং, শাস্ত্রকারেরা কামপত্নীকে উপপত্নীবিশেষ বলিয়া পরিগণিত করিয়াছেন । কলতঃ, অসর্বর্ণা কামপত্নী. কোনও অংশে, সর্বর্ণা ধর্মপত্নীর প্রতিদ্বন্দ্বিনী বলিয়া পরিগণিত হইতে পারে, তাঁহারা তাহার পথ রাখেন নাই । এ স্থলে ইহাও উল্লেখ করা আবশ্যিক, কামুক পুরুষ, কেবল কামোপশমনের নিমিত্ত, দারান্তর পরিগ্রহ করিতে পারে, এ বিষয়ে ধর্মশাস্ত্র-প্রবর্তকদিগের ঐকমত্য নাই । মহর্ষি আপস্তম্ব, অসন্দিগ্ধ বাক্যে, পুত্রবতী ও ধর্মকার্যোপযোগিনী পত্নী সত্ত্বে একবারে দারান্তর পরিগ্রহ নিষেধ করিয়া রাখিয়াছেন । কেবল কামোপশমনের নিমিত্ত, পুরুষ পুনরায় বিবাহ করিতে পারে, তদীয় ধর্মশূত্রে তাহা চিহ্ন দেখিতে পাওয়া যায় না ।

যাহা হউক, যে দ্বিবিধ অধিবেদন উল্লিখিত হইল, স্থলে, শাস্ত্রানুসারে, পূর্বপরিণীতা সর্বর্ণা সহধর্মিণীর পুনরায় দারপরিগ্রহ করিবার অধিকার নাই । যিনি যত ইচ্ছা বিতণ্ডা ককন, যিনি যত ইচ্ছা পাণ্ডিত্যপ্রকাশ ককন, যদৃচ্ছাক্রমে যত ইচ্ছা

বিবাহ করা শাস্ত্রকারদিগের অনুমত বা অনুমোদিত কার্য্য, ইহা কোনও মতে প্রতিপন্ন হইবার নহে । শাস্ত্রের অর্থ না বুঝিয়া, অথবা বিপরীত অর্থ বুঝিয়া, কিংবা অভিপ্রেতসিদ্ধির নিমিত্ত স্বেচ্ছানুরূপ অর্থাত্মর কল্পনা করিয়া, শাস্ত্রের দোহাই দিয়া, যদৃচ্ছাপ্রবৃত্ত বহুবিবাহ-কাণ্ড বৈধ বলিয়া ব্যবস্থা প্রচার করিলে, নিরপরাধ শাস্ত্রকারদিগকে নরকে নিক্ষিপ্ত করা হয় ।

এই স্থলে, সমাজস্থ সর্বসাধারণ লোককে সন্তোষণ করিয়া, কিছু আবেদন করিবার নিতান্ত বাসনা ছিল ; কিন্তু, শারীরিক ও মানসিক উভয়বিধ অসুস্থতার আতিশয্য বশতঃ, যথোপযুক্ত প্রকারে তৎ-সম্পাদন অসাধ্য বিবেচনা করিয়া, সাতিশয় ক্ষুদ্র হৃদয়ে সে বাসনায় বিসর্জন দিয়া, নিতান্ত অনিচ্ছাপূর্বক, বিরত হইতে হইল ।

শ্রীঈশ্বরচন্দ্রশর্মা

কলিকাতা

১লা টেব্র । সংবৎ ১৯২১ ।

## পরিশিষ্ট

১

এই পুস্তকের ৫৫, ৫৬, ৫৭, ৫৮ পৃষ্ঠায় কতকগুলি বিবাহবিষয়ক বিধিবাক্য উদ্ধৃত হইয়াছে। অনবধান বশতঃ তিনটি বিধিবাক্য তথ্য বিনিবেশিত হয় নাই; এজন্য এ স্থলে প্রদর্শিত হইতেছে।

১। লক্ষণ্যো বরো লক্ষণবতীং কন্যাং যবীয়সীমস-

পিণ্ডামসগোত্রজামবিরুদ্ধসম্বন্ধানুপযচ্ছেৎ । ১ । ২২ । (১)

লক্ষণযুক্ত বর লক্ষণবতী, বয়ঃকনিষ্ঠা, অসপিণ্ডা, অসগোত্রা, অবিরুদ্ধসম্বন্ধা কন্যার পাণিগ্রহণ করিবেক।

২। অথ দ্বিজোহভ্যনুজাতঃ সৰ্বণাং স্ত্রিয়মুদ্বহেৎ ।

কূলে মহতি সন্তুতাং লক্ষণৈশ্চ সমন্বিতাম্ ॥

ত্রাক্ষৈণৈব বিবাহেন শীলরূপগুণান্বিতাম্ ॥ ৩৫ ॥ (২)

দ্বিজ, বেদাধ্যায়নানন্তর গুরুর অনুজ্ঞা লাভ করিয়া, ব্রাহ্ম বিধানে সুশীলা, সুলক্ষণা, রূপবতী, গুণবতী, মহাকুলপ্রসূতা সৰ্বণা কন্যার পাণিগ্রহণ করিবেক।

৩। গৃহীতবেদাধ্যয়নঃ শ্রুতশাস্ত্রার্থতত্ত্ববিৎ ।

অসমানার্ষগোত্রাং হি কন্যাং সভাতৃকাং শুভাম্ ।

সর্কীবয়বসম্পূর্ণাং সুরভামুদ্বহেন্নরঃ (৩) ॥

মনুষ্য, যথাবিধি বেদাধ্যয়ন ও অধীত শাস্ত্রের অর্থগ্রহণ করিয়া, অসগোত্রা, অসমানপ্রবরা, ভ্রাতৃমতী, শুভলক্ষণা, সর্কীবসম্পূর্ণা, সচ্চরিত্রা কন্যার পাণিগ্রহণ করিবেক।

(১) আখ্যায়নীয় গৃহ্যপরিশিষ্ট ।

(২) সংবর্তসংহিতা ।

(৩) হারীতসংহিতা ।

২

এই পুস্তকের ২৫ পৃষ্ঠায় নিম্ননির্দিষ্ট বচন,

সবর্ণা যস্য যা ভাৰ্য্যা ধৰ্মপত্নী তু সা স্মৃতা ।

অসবর্ণা চ যা ভাৰ্য্যা কামপত্নী তু সা স্মৃতা ॥

এবং ৬০ পৃষ্ঠায় নিম্ননির্দিষ্ট বচন সকল,

অদারস্য গতির্নাস্তি সৰ্বাস্তস্যাকলাঃ ক্রিয়াঃ ।

সুরাৰ্চনং মহাযজ্ঞং হীনভাৰ্য্যো বিবৰ্জ্যয়েৎ ॥

একচক্ৰো রথো যদ্বদেকপক্ষো যথা খগঃ ।

অভাৰ্য্যোহপি নরস্তদ্বদযোগ্যঃ সৰ্বকৰ্ম্মসু ॥

ভাৰ্য্যাহীনে ক্রিয়া নাস্তি ভাৰ্য্যাহীনে কুতঃ সুখম্ ।

ভাৰ্য্যাহীনে গৃহং কস্য তস্মাদ্ভাৰ্য্যাং সমাশ্রয়েৎ ॥

সৰ্বস্বেনাপি দেবেশি কৰ্ত্তব্যো দারসংগ্রহঃ ॥

মৎস্যসূক্ত মহাতন্ত্রের একত্রিংশ পটল হইতে উদ্ধৃত হইয়াছে । কিন্তু কলিকাতার কতিপয় স্থানে ও কৃষ্ণনগরের রাজবাটিতে যে পুস্তক আছে, তাহাতে প্রথম ৩৪ পটল নাই । তদদর্শনে বোধ হইতেছে, এ প্রদেশে মৎস্যসূক্ত তন্ত্রের যে সকল পুস্তক আছে, সমুদায়ই আদি-খণ্ডিত । যদি কেহ, কোঁতুলপারতন্ত্র হইয়া, মূলপুস্তকে এই সকল বচনের অনুসন্ধান করেন, এতদেশীয় পুস্তকে একত্রিংশ পটলের অসম্ভাব বশতঃ, তিনি তাহা দেখিতে পাইবেন না ; এবং হয় ত মনে করিবেন, এই সকল বচন অমূলক, আমি বচন রচনা করিয়া প্রমাণরূপে প্রদর্শিত করিয়াছি । ষাঁহাদের মনে সেরূপ সন্দেহ উপস্থিত হইবেক, তাঁহারা, স্থানান্তর বা দেশান্তর হইতে পুস্তক সংগ্রহ করিয়া, সন্দেহ ভঞ্জনর চেষ্টা করিবেন, তদ্রূপ প্রত্যাশা করিতে পারা যায় না ; এজন্য, নির্দেশ করিতেছি, অধুনা লোকান্তরবাসী খড়দহনিবাসী

প্রাণরক্ষা বিশ্বাস মহোদয়ের আদেশে প্রাণতোষণী নামে যে গ্রন্থ  
সঙ্কলিত ও প্রচারিত হইয়াছে, অনুসন্ধানকারী মহাশয়েরা, ঐ  
গ্রন্থের ৪৫ পত্রের ১ পৃষ্ঠায় এই সকল বচন প্রমাণরূপে পরিগৃহীত  
হইয়াছে, দেখিতে পাইবেন। এ অঞ্চলে মূলপুস্তকের অসম্ভাব  
স্থলে, উল্লিখিত বচনসমূহের অমূলকত্বশঙ্কাপরিহারের ইহা অপেক্ষা  
বিশিষ্টতর উপায়ান্তর প্রদর্শিত হইতে পারে না। এ স্থলে ইহাও  
উল্লেখ করা আবশ্যিক, প্রাণতোষণীতে যেরূপ পাঠ ধৃত হইয়াছে,  
তাহার সহিত মিলাইয়া দেখিলে, আমার পুস্তকে প্রথম বচনের  
পূর্বার্ধে পাঠের কিছু বৈলক্ষণ্য লক্ষিত হইবেক; কিন্তু, ঐ বৈলক্ষণ্য  
অতি সামান্য, তজ্জন্য অর্থের কোনও বৈলক্ষণ্য ঘটিতে পারে না।  
বিশেষতঃ, বিবেচনা করিয়া দেখিলে, আমার ধৃত পাঠই অধিকতর  
সঙ্গত ও সম্ভব বলিয়া প্রতীয়মান হয়। যথা,

প্রাণতোষণীধৃত পাঠ।

সবর্ণা ব্রাহ্মণী যা তু ধর্মপত্নী চ সা স্মৃতা ।  
অসবর্ণা চ যা ভাৰ্য্যা কামপত্নী তু সা স্মৃতা ॥

আমার ধৃত পাঠ।

সবর্ণা যস্য যা ভাৰ্য্যা ধর্মপত্নী তু সা স্মৃতা ।  
অসবর্ণা চ যা ভাৰ্য্যা কামপত্নী তু সা স্মৃতা ॥

